

庄子集解内
篇补正

刘策成

文硕阁

wenshuoge.com

目录

关于我们	3
逍遙遊第一	5
齊物論第二	26
養生主第三	61
人間世第四	68
德充符第五	97
大宗師第六	114
應帝王第七	144

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

逍遙遊第一

言逍遙乎物外，任天而遊無窮也。補：釋文：「逍音銷。遙亦作搖。遊亦作游。逍遙游者，篇名，義取閒放不拘，怡適自得。」武按：本書讓王篇善卷曰：「逍遙於天地之間，而心意自得。」足明此義。蓋遊之逍遙，喻心意之逍遙自得也。天運篇云：「以遊逍遙之虛。」逍遙，無為也。是欲心意之逍遙自得，重在無為也。而郭象云：「夫大小雖殊，而放於自得之場，則物任其性，事稱其能，各當其分，逍遙一也。豈容勝負於其間哉！」郭氏此說，自樹一義則可，若以之釋本篇，則失其旨矣。本篇之旨在凝神，而神之能凝，在心意之逍遙，欲心意之逍遙，則在無為。人之不能逍遙者，有為也。其所為者，名也，功也，己也。此外則有有用之材也。故篇中揭其綱曰，聖人無名，神人無功，至人無己，大樗無用。夫至於無名、無功、無己、無用，斯無為矣，斯逍遙矣。故篇中要之曰「其神凝」，結之曰「彷徨乎無為其側，逍遙乎寢臥其下」。本篇之大旨，如斯而已矣。莊子恐人之不明也，特借遊之說以明之。遊有大小，特設鵬鷖之喻以明之。鵬鷖自以為遊之至而逍遙矣，然侷促數仞之高，搶攘榆蓬之間，以視鵬之一舉九萬里，其遊固至小而有限也。鵬之遊較大矣，然必積九萬里之厚風，而後乃今揜之以圖南，則其遊猶有所待也。夫遊有限與有待，烏在其能逍遙也？且鵬所適者南冥也，非能遊於無窮也，非能遊於無何有之鄉也，猶之於有限也，又烏在其能逍遙也？此喻之以物也。更證之以人，由效一官以至徵一國之流，其自視其德，亦猶鵬鷖自視其遊之至也。然日斤斤於效、比、合、徵，心之為累亦甚矣，未若宋榮子不隨世之非譽而勸阻也。然尚有內外榮辱之見存，未若列子之乘風，灑落世務，超脫塵垢也。然必待風而後行，猶之鵬翼必待風而後舉，未若乘天地之正，御六氣之辨，以遊無窮而無所待也。而其所以能至此者，其功夫則在無名、無功、無己。能至於無己，則在己之一心，斯真逍遙矣。然桂以可食致伐，漆以可用致割，虎豹之文來射，猿狖之捷來格；人則以材之有用，恒召世之繫累。是能逍遙於心者，未必能逍遙於境也。又必無所可用焉，然後心、境兩適，無所遊而不逍遙矣。無所遊而不逍遙，然後能專精抱一，而神凝矣。斯旨也，文更舉證以明之。許由之辭天子，無名也。藐姑射神人，物莫之傷，無己而神凝也。四子使堯見之而喪其天下，無功也。而終之以大樗之無用。斯之為文，由小以至大，由淺以及深，喻之以物，襯之以人，旁敲側擊，反托正喻，無非說明無為之道而已。郭氏乃謂大小雖殊，逍遙一也，按諸文旨，豈其然乎！

北冥有魚，釋文：「本一作溟，北海也。」正釋文：「北冥，本一作溟，覓經反，北海也。嵇康云：『取其溟溟無涯也。』梁簡文帝云：『宵冥無極，故謂之冥。』東方朔十洲記云：『水黑色，謂之冥海。』」近人朱桂曜云：「王氏誤解釋文，以冥為北海，大非。如其說，是北冥為北北海矣。且下文『南冥』又何解乎？冥即海也。」武按：王氏之誤，在刪去釋文為首「北冥」二字，故「北海也」三字遂專訓冥矣。然朱氏謂冥即海，亦大非。下文「窮髮之北有冥海者」，如朱氏說，是冥海為海海矣。考說文：「冥，幽也。從日、六，一聲。日數十，十六日而月始虧。」一亦夜也。簡文宵冥之訓得之。十洲記云：「水黑色，謂之冥海。」以水言海，以黑言冥，非謂冥即海也，冥僅表色而已。今就「北冥」二字言，北表方，冥表色，

即北方幽黑。其義止此。釋文之釋為北海者，以本文自釋為天池也。故北冥、南冥，謂為南北天池之名則是，謂冥即海則非也。其名為鯢。

釋魚：「鯢，魚子。」方以智云：「鯢本小魚，莊子用為大魚之名。」正鯢，釋文：「徐音昆，李侯溫反，大魚名也。」朱桂曜云：「鯢自有大魚之義，非莊子假借用之。關尹子一字篇：『能運大鯢大鯨。』孔子家語『鯢魚，其大盈車』，即以鯢為大魚。文

選宋玉對楚王問『故鳥

有鳳而魚有鯢』，亦以鯢為大魚。」

鯢之大，不知其幾千里也。化而為鳥，其名為鵬。

補：

鵬，釋文：「徐音朋。說文云朋及鵬，皆古文鳳字也。『朋，鳥象形。鳳飛，群鳥從以萬數，故以鵬為朋黨字。』」

鵬之背，不知其幾千里也；怒而飛，其翼若垂天之雲。是鳥也，海運則將徙於南冥。玉篇：「運，行也。」案：行於海上，故曰「海運」。下云「水擊」，是也。正林希逸云：「海運者，海動也。今海濱俚歌，猶有『六月海動』之語。海動必有大風，其水湧沸，自海底而起，聲聞數里。」武按：藝文類聚八，引莊子佚文云：「海水三歲一周，流波相薄，

故地動。」此為海運確證。南冥者，天池也。

成玄英云：「大海洪川，原夫造化，非人所作，故曰天池。」按：言物之大者，任天而遊。正按語謂「物之大者，任天而游」，意是指鵬之遊能逍遙也，則與文意適相反。文寫鵬之將徙天池也，甚難而有待。待海運，待颿風，而後水擊三千，而後搏上九萬，翼莫夭闕，息須六月。如此種種，乃極寫鵬遊之不逍遙，以反襯神人之逍遙，所謂背面敷粉法也。故按語非是。齊諧者，志怪者也。

司馬彪云：「齊諧，人姓名。」簡文云：「書名。」補：諧，正韻音骸。釋文：「齊諧，戶皆反。」又云：「怪，異也。」周禮：「外史掌四方之志。」鄭注：「志，記也。」武按：言齊諧者，記載怪異之事者也。以作書名為允。俞樾云：「按下文『諧之言曰』，若是書名，不得但稱諧。」然文心雕龍有諧隱篇，是諧即隱也。劉向新序，言齊宣王發隱書而驗之。齊諧，即隱書之類，亦即齊之諧書也。書名諧，何得不可但稱諧乎？

諧之言曰：「鵬之徙於南冥也，水擊

三千里，崔譔云：「將飛舉翼，擊水踉蹌。」

搏扶搖而上者九萬里，

崔云：「附翼徘徊而上。」爾雅：「扶搖謂之颿。」郭注：「暴風從下上。」補：搏，釋文：「徒端反。」郭慶藩曰：「文選江文通雜體詩注引司馬云：『搏，圓也。扶搖，上行風也，圓飛而上行若扶搖也。』說文：『搏，以手圓之也。』」武按：扶搖，即下文羊角風。此風之勢，扶疏搖曳，曲行而上，如羊角也。鵬亦隨風勢圓轉而上飛，所謂搏也。章炳麟謂字當從「搏」，崔說得之。不知搏者拍也，搏亦有拍義，於義較完，不須從「搏」也。去以六月息者也。」

成云：「六月，半歲，至天池而息。」引齊諧一證。

補：「六月」字，伏下「大年」「小年」句。野馬也，

司馬云：「野馬，春月澤中游氣也。」成云：「青春之時，陽氣發動，遙望藪澤，猶如奔馬，故謂之野馬。」正自此句至「則已矣」，就齊諧所言之九萬里，說明其高之形狀。野馬者，乃高九萬里內游動雲氣之形也。呂覽云：「至亂之世，其雲狀有若犬若馬。」又云：「其狀若眾馬以鬥，其名曰滑馬。」前漢書天文志云：「石氏『見槍雲如馬』。」以此證知野馬為言雲氣，猶之呂氏所云之「滑馬」也。下文「絕雲氣」，即指此，故郭訓為遊氣。崔云「天地間氣如野馬馳」，為得其旨。司馬與成僅

就澤氣言，與上之

「九萬里」，下之「天之蒼蒼」，不

相應矣。塵埃也，成云：「揚土曰塵。塵之細者曰埃。」

補：釋文：「埃音哀。」生物之以息相吹也。

成云：「天地之間，生物氣息，更相吹動。」按：漢書揚雄傳注：「息，出入氣也。」言物之微者，亦任天而遊，入此義。見物無大小，皆任天而動。「鵬」下不言，於此點出。正按語非也。郭慶藩云：「既言鵬之飛與息各適其性，又申言野馬塵埃皆生物之以息相吹，蓋喻鵬之純任自然，亦猶野馬、塵埃之累動而升，無成心也。郭氏謂『鵬之所馮以飛者』，疑誤。」武按：此說與王氏按語相類。本文正寫鵬南徙時之情狀，尚未涉及物各適性一層，如忽插入此義，則上下文意不貫。莊子文不如是駁雜也。且以「生物」句總承「野馬」二句，亦欠分曉。至郭象謂「此皆鵬之所馮以飛者」，說原不誤。蓋莊子欲寫鵬搏上九萬里之高，須寫天之高。然天之高不易寫也，特寫輕虛而居上層者，狀如野馬之雲氣也；其下，則浮空之塵埃也；又下，則生物相吹之息也。有此三層，則天之高見矣。鵬升乎三者之上，而馮之以飛，則九萬里之高見矣。此三者，即所以成風者也。先提於此，以為下文風之伏筆。而人自下仰望，所見蒼蒼然者，即此三者之色也。三者原無色，厚則有色，如水原無色，深則有色，色亦蒼蒼然也。色為三者之色，而非天之正色也，故下接以「天之蒼蒼，其正

色耶」之疑問辭也。如此解，則

上下文意一串矣。

天之蒼蒼，

其正色邪！其遠而無所

至極邪！其視下也亦若是，則已矣。

其，謂鵬。是，謂人視天。鳥在九萬里上，率數約略如此，故曰「則已矣」，非謂遂止也。借人視天喻鵬視下，極言搏上之高。且夫水之積也不厚，

補：

自此至「將圖南」，說明必須九萬里高之理由。其中以水喻風，以芥與杯喻鵬，喻中之喻也。

則其負大舟也無力。覆杯水於坳堂之上，支遁云：「謂堂有坳垤形也。」

補：坳，廣韻：「於交反，地不平也。」集韻：「窰下也。」則芥為之舟，李頤云：「芥，小草。」置杯焉則膠，崔云：「著地。」呂水淺而舟大也。風之積也不厚，則其負大翼也無力。故九萬里則風斯在下矣，而後乃今培風；王念孫曰：「培，馮也。周禮馮相氏注：『馮，乘也。』鵬在風上，故言馮。培、馮音近義通。漢書周緤傳，緤封蒯城侯，顏注：呂忱蒯音陪，楚漢春秋作馮城侯。』是培、馮音近之證。」正王念孫之說太于曲。武意「培」當為「搯」之誤，字形相差甚微，易誤也。人問世「自搯擊於世俗」，則搯者擊也。文意謂背負青天，已居於風之上，而後乃今以翼擊風而飛，猶前之水擊三千里，亦以居水之上，以翼擊水而飛也。且「搯」字與上「搏」字相應，搏亦有擊義，特為圓勢耳。如此，則文意前後相顧。背負青天而莫之夭闕者，司馬云：「夭，折也。闕，止也。言無有折止使不行者。」補：釋文云：「一讀以背字屬上句。」武按：此「背」字，承上「鵬之背不知其幾千里也」之「背」字來，其為鵬之背而非風之背明矣，故當屬此句。而後乃今將圖南。謀向南行。借水喻風，唯力厚，故能負而行，明物非以息相吹不能遊也。補：玩兩「而後」字，足見鵬飛之不易而有待，必待至九萬里之高，而後乃培風；必待無夭闕，而後將圖南。以此可知物之大、飛之高且遠如鵬者，其遊實未能逍遙，反襯神人之逍遙；所搏者扶搖，反襯乘天地之正；所適者南冥，反襯遊四海之外；有待，反襯無待。無一不與後文針鋒相對，無一不為後文設喻蓄勢。注中「明物」二句宜刪。蜩與學鳩笑之曰：釋文：「學，本又作鸞。本或作鸞，音預。同馬云：『學鳩，小鳩。』」俞樾云：「文選江淹詩『鸞斯高下飛』，李注引莊子此文說之。又引司馬云：『鸞鳩，小鳥。』是司馬注作鸞，不作鸞。」補：釋文：「蜩音條，司馬云：蟬。」武按：此段言蜩鳩之飛雖無所待，然數仞而止，其遊有限，以喻物之小者亦不能逍遙也。「我決起而飛，李云：「決，疾貌。」補：「決起而飛」，無待也，反映鵬之有待。檜榆枋，支云：「檜，突也」。李云：「猶集也。」榆枋，二木名。枋音方，李云：「檀木。」

時則不至而控於地而已矣，王念孫云：「則猶或也。」司馬云：「控，投也。」正成玄英云：「突榆檀而栖集，時困不到前林，投地息而更起。」俞樾云：「其決起

而飛檜榆枋也，有時能至，有時不能至。至則集於榆枋，不至則投於地。」武按：鳥類無論如何小，斷無不能飛集於樹之理。俞說殊昧物理，成則謂「困不到前林」，本文無此義，亦屬意增，皆由誤解「至」字為至於栖集之所也。實則審上下文義，時者，時辰也。韓詩外傳九言雉云：「常嚼梁粟，不且時而飽。」且，未定之辭，姑且也，將也。言不將至一時或不定至一時而即飽也，與此「時」字義同。時則不至者，言檜集榆枋，一個時辰且不至，即投於地，反映鵬之必以六月息也。兩相對照，文意極為完密。蓋大年，小年與大知、小知，為本篇兩要素，一時與六月，即大年、小年之類也。奚以之九萬里而南為？」借蜩鳩之笑，為惠施寫照。正注傳會。惠施非本篇主人，主人乃無己之姑射神人也。篇末二段，莊子特借己與惠施論辯之言，明無所可用之旨，非寫惠施也。注乃謂為之寫照，殊屬誤解。下倣此。俞樾云：「而字下，當有圖字。上文『而後乃今將圖南』，此即承上文而言也。文選注引此，正作『奚以之九萬里而圖南為』。」武按：俞說非也。蓋上句乃將然之謀，記者之所記也；此句則已然之跡，故二蟲得據而笑之。如加「圖」字，則亦為將然之謀，二蟲又何從知而據之以為笑乎？文選注必涉上句而誤也。九萬里者，高也，非言其遠。適莽蒼者三餐而反，

釋文：「蒼，七蕩反，或如字。崔云：『草野之色。』」三餐，猶言竟日。

補：釋文：「莽，莫浪反。餐，七丹反

。」腹猶果然；

補果，說文：「木實也。」張晏曰：「有核曰果。」按果狀多圓凸。腹飽則隆起，猶如果之狀然。適百里者，宿舂糧；隔宿擣米儲食。

適千里者，三月聚糧。

補郭注：「所適彌遠，則聚糧彌多。」武按：上引三事係插喻，以喻榆枋之檜，不至一時，南冥之去，息以六月，以伏下「大年」「小年」句。之二蟲謂蜩、鳩。

補：之，是也。又何知！借人為二蟲設喻。正注非。此係借二蟲為下「知效一官」等人及宋、列設喻，蓋同一不能逍遙也。文謂蜩、鳩二蟲以一時笑鵬之六月，以數仞笑鵬之九萬

里，此由己小不知彼大，故

下言「小知不及大知」也。小知不及大知，

釋文：「音智，本亦作智。下大知同。」正知，承上「又何知」之知字，應如字讀，音智非。玉篇：「知，識也，覺也。」謂心與境遇而覺識也。智之度，較知為深。禮記「禮用知（音智）者之謀」句，疏云：「智，謂謀計，曉達前事。」荀子正名云：「知有所合謂之智。」白虎通情性節云：「獨見前聞，不惑於事，見微知著也。」合上三說言之，謂就其所知者，加以思索謀計，而能曉達前事，見微知著，於事機有合者，方謂之智。夫莊子之道，一則曰「離形去知」，再則曰「同乎無知，其德不離」，觀此，則知尚應去，何況勞精敝神之智乎？下文「朝菌不知晦朔」二句，即釋小知也。齊物論云「小知閒閒」，亦同此義。又云「閑閑」，及「知止其所不

知，至矣」，

與王倪之四不知，則釋大知

也。以此知音智之不當也。小年不及大年。上語明顯，設喻駢列，以掩其跡。

奚以知其然也。朝菌不知晦朔，

列子湯問篇：「朽壤之上，有菌芝者，生於朝，死於晦。」晦謂夜。釋文：「朔，旦也。」補：奚，何也。然，如此也。釋文：「朝菌，徐其隕反。司馬云：『大芝也。天陰生糞上

，見日則死，一名日及，故不知

月之終始也。』」惠蛄不知春秋，此小年也。

釋文：「惠，本作蟪。司馬云：『惠蛄，寒蟬也，一名蜳蛄，春生夏死，夏生秋死。』」補：釋文：「蛄音姑。廣雅云：『蟪蛄，蜳蛄也。』按即楚辭所云『寒蜩』者也。蜳音提。蛄音勞。蜳音彫。蜳音將。」武按：不知晦朔與春秋，不僅小年，亦小知也，意係雙承。

楚之南有冥靈者，以五百歲為春，五百歲為秋；上古有大椿者，以八千歲為春，八千歲為秋。「楚之南」下，全引列子湯問篇。「楚」，彼作「荊」。補：釋文：「冥，本或作模，同。李頤云：『冥靈，木名也。江南生。以葉生為春，葉落為秋。』椿，丑倫反。」武按：陳碧虛闕誤此下有「此大年也」，言見成玄英本。於法應有，以與上「小年」句為對文也。而彭祖乃今以久特聞，

李云：「彭祖，名鏗，堯臣，封彭城，歷虞、夏至商，年七百歲，故以久壽見聞。

」補：成玄英云：「彭祖養性，能調鼎，進雉羹於堯。」又云：「特，獨也。」釋文：「世本云：『姓錢〔一〕

，名鏗。』錢音翦。」眾人匹之，不亦悲乎！此段從「小年」句演出。補：成云：「世人比匹彭祖，深可悲傷。」武按：菌、蛄與冥、椿，眾人與彭祖，皆小年不及大年。自「朝菌」至此，證實「小知大知，小年大年」二句。「不亦悲乎」句，特就眾人之情說，非莊子重視彭祖之壽而為眾人悲也。觀刻意篇所言可知。其言曰：「此道引之士，養形之人，彭祖〔二〕壽考者之所好也。」繼曰：「不道引而壽，無不忘也，無不有也，澹然無極，而眾美從之。此天地之道，聖人之德也。」蓋本篇之旨，在無為而凝神。如彭祖之道引，非無為也；養形，非凝神也；特以久聞，非澹然無極也。與莊子之道異，非莊子所取也。讀者於此等處如不認清，則於本書必多隔膜。湯之問棘也是已。

湯問篇「殷湯問於夏革」，張湛注：「湯大夫。」棘、革古同聲通用。補：郭慶藩云：「論語『棘子成』，漢書古今人表作『革子成』。詩『匪棘其欲』，禮坊記作『匪革其猶』。漢書『煮棗侯革朱』，史記索隱革音棘，皆其證。」武按：此段辭意，與前文複。所以引之者，以前語近怪，且出齊諧，恐人疑其不典，故引湯、棘問答以實之。且前後詳略各異，足以互明。如前言北冥，謂為北方宵冥之天或宵冥之地皆可，此則以「窮髮」「天池」句明之。前言鯤之大，此則言其廣與修。前言鵬背幾千里，當指其修也，此則以泰山形其高與大。扶搖不知其狀也，此則以羊角形之。野馬等不知其實也。此則以「雲氣」二字釋之。騰躍而上，明槍之勢也；數

仞而下，明檜之高也。「飛之至也」句，則所以笑之意較前益明矣。非此，則前語未了，前意未申，

且不足徵，故複而非複也，夫豈漫爾

引之乎！

窮髮之北，有冥海者，天池也。有魚焉，其廣數千里，未有知其修者，其名為鯢。

有鳥焉，其名為鵬，背若泰山，翼

若垂天之雲，

湯問篇：「終髮北之北，有溟海者，天池也。有魚焉，其廣數千里，其長稱焉，其名爲鯢。有鳥焉，其名爲鵬，翼若垂天之雲，其體稱焉。」按：列子不言鯢化爲鵬。

又此下至「而彼且奚適也」，皆列子所無，而其文若〔三〕相屬爲義。漆園引古，在有意無意之間，所謂「洸洋自恣以適己」者，此類是也。補：釋文：「李云：

『髮，猶毛也。』司馬云：『北極之下，無毛之地也。』按：毛，草也。」成玄英云：「修，長也。」搏扶搖羊角而上者九萬里，司馬云：「風曲上行若羊角。」補

絕雲氣，

補史記天官書注，索隱曰：「絕，度也。」荀子勸學篇注：「絕，過也。」謂鵬度過雲氣，至背負青天，然後搏風而飛也。雲氣，即上文野馬等氣也。此句與下文「乘雲氣」不同，說見下。

負青天，然後圖南，且適南冥也。引湯問再證。斥鴳笑之曰：

司馬云：「斥，小澤。鴳，雀也。斥，本作尺。」古字通。夏侯湛抵疑：「尺鷃不能陵桑榆。」文選七啟注：「鷃雀飛不過一尺，言其劣弱也。」按：雀飛何止一尺？下文明言「數仞」矣。「彼且奚適也？彼，鵬。」

我

騰躍

而上，不

過數仞而下，翱翔

蓬蒿之間，此亦飛之至也。而彼且奚適也？」又借斥鴳之笑，爲惠施寫照。補：正成云：「八尺曰仞。翱翔，猶嬉戲也。」釋文：「躍，曲若反。翱，五刀反。蒿，好刀反。」蓬，唐韻：「薄紅切。」集韻：「蒿，好平聲。」說文：「蒿（去刃切）也。」禮月令注：「蒿亦蓬蒿之屬。」爾雅釋草：「繁之醜，秋爲蒿。」陸佃疏：

「蒿，草之高者。」武按：斥鴳之笑，以小笑大；榮子之笑，以大笑小。前後映射，在有意無意之間。此小大之辯也。點明。補：正辯同辨，集韻：「皮莧切」。

說文：「判也」。廣韻：「別也。」武按：此句爲通篇關鍵。鵬之與蜩、鷲，宋、列之與藐姑射，皆小大之辨也，而莊子所明者在大。蓋道之大者。至人、神人、聖人也。藐姑射，則至人、神人之實證也。故「藐姑射」一段爲本篇之主文，藐姑射

神人則爲本篇之主人。生物之鵬，無生物之冥靈大椿，人之彭祖、宋、列之屬，皆藐姑射之陪襯也；蜩、鷲也，菌、蟪也，藐姑射之反襯也。後段惠、莊之辯論，則

「大」字之餘波，且借以明無用之旨者也。如此讀本篇，則前後脈絡氣勢。皆成一串。郭象於此句，乃謂「或翱翔天池，或畢志榆枋，各稱體而足」。釋其所言，是無分乎大小也，夫豈本篇之旨乎？〔一〕「錢」原作「錢」，據釋文改。

〔二〕「彭祖」原誤「彭變」，據刻意篇原文訂正。

〔三〕「若」原作「皆」，據王氏莊子集解原刻本（以下簡稱王氏原刻）改。

故夫知效一官，行比一鄉，李云：「比，合也」

補：知音智。效，戶教反。

行，下孟反。比，毗至反。德合一君而徵一國者，

郭慶藩云：「而讀為能。能、而，古字通用。官、鄉、君、國相對，知、行、德、能亦相對。」司馬云：「徵，信也。」正此段與「宋榮子」「列子」二段，均為至人無己、神人無功、聖人無名之反襯。此段隱示世人之數數於功與名。若就世情言之，知能效官，行能比鄉，德能合君徵國，自高於常人一等，然就道言之，未免於世之功名數數然也。如是，則足以累心而損道，尚何逍遙之有乎？以視榮子之不數數然者，則非所及矣。注中郭說，未免穿鑿。官，職位也，與鄉、國對，君則國之君也。而，應如字讀。「德」字統君與國言，中以「而」字連屬成句。就狹義言，德合于一君；就廣義言，德見信于一國也。且本篇所重，在道與德，而不在能。又知效一官，即含能義，無庸讀

而為能，添此蛇足也。其自視也亦若此矣。

此，謂斥鴳。方說到人，暗指惠施一輩人。正「暗指」句，傳會，說見上。宣云；

而宋榮子猶然笑之。

司馬、李云：「榮子，宋國人。」崔云：「賢者。」謂猶以為笑。補：韓非子顯學篇：「宋榮子之議，設不鬥爭，取不隨仇，不羞囹圄，見侮不辱。」王先慎曰：「宋榮，即宋鉞。」天下篇：「宋鉞、尹文聞其風而悅之。」釋文：「鉞音形。郭音堅。」武按：又即孟子之宋牼。牼將說罷秦、楚之兵，與榮子設不鬥爭同，故知即一人也。其

所以笑之者，以彼輩效

官比鄉，合君徵國，於世數數然也。

且舉世譽之而不加勸，舉世非之而不加沮，郭象云：「審自得也。」補：成云：「舉，皆也。勸，勵勉也。沮，怨喪也。」釋文：「沮，慈呂反，敗也。」武按：齊語「且有後命」注：「且，猶復也。」此文「且」字，言榮子不僅不效上舉諸人汲汲於世之功名，且復世譽之不勸，世非之不沮，實高於上舉諸人一等。此亦小大之辨也。定乎內外之分，郭云：「內我而外物。」辨乎榮辱之境，

郭云：「榮己而辱人。」正心，內也。譽與非，外也。內心有主，而不為外所動，即所謂「定乎內外之分」也。不以譽為榮而加勸，不以非為辱而加沮，即所謂「辨乎榮辱之境」也。郭注非是。斯已矣。

成云：「榮子智德，止盡於斯。」正注非。言榮子僅定內外，辨榮辱，如斯而止矣

。意注射下句。彼其於世，未數數然也。

言不數數見如此者也。正注欠分曉。釋文：「數數，音朔，下同。司馬云：『猶汲汲也。』」武按：言榮子於世未嘗汲汲也。世之所重者，惟功與名。榮子之於世未數數然者，即不汲汲以求世之功與名也。然如列子，則並功與名之心而無之，又高榮子一等矣。此亦小大之辨也。淮南俶真訓：「是故舉世而譽之不加勸，舉世而非之不加沮，定於死生之境，而通於榮辱之理。（中略）視天下之間，猶飛羽浮芥也。孰肯分分然以物為事

也？」足證本義。分分，猶數數也。雖然，猶有未樹也。

司馬云：「樹，立也。至德未立。」按：言宋榮子不足慕。正按語宜刪。榮子不以世之譽與非而勸沮，較之比鄉、合君、徵國者，能自樹立矣。然定內外，辨榮辱，是尚有物我榮辱之見存，猶未能脫然無累，卓然自樹也。且定內外之分，未能無己也；

辨榮辱之

境，未能無功與名

也。未能無己、無功與名，心亦何能

逍遙乎？夫列子御風而行，

成云：「列禦寇，鄭人，與鄭繻〔一〕公同時。」按：列子黃帝篇：「列子師老商氏，友伯高子，盡二子之道，乘風而歸。」下又云；「隨風東西，猶木葉幹殼，竟不知風乘我邪，我乘風乎？」補：田子方篇：「列禦寇為〔二〕伯昏無人射。」德充符篇：「子產師伯昏無人。」應帝王篇「列子歸，以告壺子」，列子黃帝篇作「壺邱子」。司馬云：「名林，鄭人，列子師。」呂覽下賢篇：「子產往見壺丘子林。」以此知列子與子產同時。而劉向云「列子與鄭繻公同時」，成氏之說當本此。讓王篇言鄭子陽遺列子粟，并見呂覽、列子、淮南等書。考左傳魯襄二年，言子罕當國，子駟（即子陽）為政。時鄭為成公之十四年，去繻公之卒，已三十四年矣。如劉向所說，則其時列子之年在四十上下。今假定為年四十，越五年，為鄭簡公元年，鄭侵蔡，獲蔡司馬。鄭人皆喜，惟子產不順，云云。子國怒之曰：「爾何知？童子言焉，將為戮矣。」以此知子陽遺粟時，子產尚在童年也。簡公十二年，子產始為卿。二十三年，子皮授子產政。定公八年，子產卒，去子駟為政時已四十九年，此時列子年且九十矣。是年為魯昭公二十年，孔子年約五十二。天運篇言孔子行年五十有一，南之沛見老聃。是此時老子尚未出函谷關也。達生篇、呂覽審己篇，均言列子問道於關尹，此事必在關尹函谷問道之後。蓋列子未及老子之門，間接問之於關尹也。此時列子之年且踰百歲矣。其卒於何時，書闕有間，無從稽考。然彼能乘風者，自不可以恒人之壽例之也。泠然善也，

郭云〔三〕：「泠然，輕妙之貌。」補：釋文：「泠音零。」武按：此喻列子超然世外，無功無名，故能泠然善也。然其遊猶有所待，亦僅泠然善而已，尚未能逍遙也。

旬有五日而後反。彼於致福者，未數

數然也。成云：「致，得也。得風仙之福。」按：言得此福者，亦不數數見也。正按語非。郭注：「苟有待焉，則雖御風而行，不能以一時而周也。」又云：「自然

御風行耳，非數數然求之也。」成疏：「旬，十日也。」武按：此喻列子尚不能如至人之無己。蓋福者，一己免乎行，御風泠然而善之福也。列子猶待風而行，是未能捨己之福，即未能無己也，特不汲汲求此福而已。「風」為篇中著意之字。蓋效、比、合、徵，及榮子等輩，塵累濁重，不能乘風也。鵬能乘風矣，然必待扶搖之颿風，而後能絕雲負天；必待九萬里之厚風，而後將圖南。夫颿則非風之正，厚則非泠然之輕妙也。列子能乘輕妙之風矣，然不能無所待也，不能乘天地之正，御六氣之辯也。觀此，知己

上各文，無一不從反面為下文蓄勢。

此雖免乎行，猶有所待者也。雖免步行，猶必待風。

若夫乘天地之正，而御六氣之辯，

司馬云：「六氣，陰、陽、風、雨、晦、明。」郭慶藩云：「辯讀為變，與正對文。辯、變，古字通。」補：郭說是也。管子戒第二十六：「是故聖人齊滋味而時動靜，御正六氣之變。」可證古辯、變通。此二句言乘天地陰陽之正，御陰陽六種之變氣也。正者，未變者也。順之而遊，故曰乘。及變而為六氣，則因勢而動，隨感而應，如御馬之有控、轡、縱、送然，故曰御。此二句在本篇最為精要。下「藐姑射」一節，即設喻證明此義者也。素問陰陽應象大論云：「陰陽者，天地之道也。」天元紀大論云：「陰陽之氣，各有多少，故曰三陰三陽也。」至真要大論云：「帝曰：『善！願聞陰陽之三也何謂？』岐伯曰：『氣有多少異用也。』」王冰注：「太陰為正陰，太陽為正陽；次少者為少陰，次少者為少陽；又次為陽明，又次為厥陰。」據此，則所謂乘天地之正者，乘天地之正陰正陽，即乘太陰太陽也。或問：此僅曰「乘天地之正」，何以知「正」字指陰陽言也？答曰：天地，即表陰陽也。陰陽應象大論云：「積陽為天，積陰為地。」呂覽有始篇注：「天，陽也。地，陰也。」文選東都賦註引范子云：「天者陽也，地者陰也。」蓋陰陽者，天地之道；天地者，陰陽之象。潛移默運者，陰陽也；形象著明者，天地也。一而二，二而一者也。故此即以「天地」二字代陰陽。本書如此活用之例不一。如秋水篇云「牛馬四足是謂天」，以天表自然之義也。天地篇云「無為為之之謂天」，以天表無為之義也。應帝王篇云「示之以天壤」，亦活用者也。故此「乘天地之正」，即乘陰陽之正也。然不直曰「乘陰陽之正」，而必曰「乘天地之正」者何也？答曰：以陰陽有多少也。如陽明、厥陰之類，陰陽少而未盛，不得謂之正也。必陽升於天，陰降於地，然後至於極盛之位，方可謂之正陰正陽，方可以「天地」之字表之。今姑以陽論。易曰「時乘六龍以御天」，謂按時節，次第乘六種之龍以上升。自乾之初九，以至九五，陽方盛而至於天。故九五之爻曰「飛龍在天」，即在天之陽也。此陽，方可謂之正，方可表以天。九五以下。如少陽、陽明等，其陽未盛，未至於天，則不可以天表之也。地之表陰，可以類推。易所謂「御天」，即此之「乘天」也。故不曰「乘陰陽之正」，而曰「乘天地之正」也。天元紀大論又云：「寒、暑、燥、溼、風、火，天之陰陽也。三陰三陽上奉之。」至真要大論又云：「岐伯曰：『厥陰司天，其化以風。少陰司天，其化以熱。太陰司天，其化以溼。少陽司天，其化以火。陽明司天，其化以燥。太陽司天，其化以寒。』」是此所謂「六氣」者，即寒、暑、燥、溼、風、火也。所謂「御六氣之辯」者，即御此三陰三陽所化寒

、暑、燥、溼、風、火之氣也。陰陽無質，化氣則有質，故此謂「乘天地之正」，而不謂「乘天地之正氣」，以正陰正陽尚未變化為氣也。至司馬以陰、陽、風、雨、晦、明訓六氣，係據左傳昭公元年秦醫和之說。素問在和前，和說當本諸素問，皆醫學家之言也。在易則於三陰三陽升降變化之際，分之為六位，演之以六爻。六爻之在乾陽卦內者，就其高下之位，象之以六龍。故易曰：「六位時成，時乘六龍以御天。」疏言：「乾之為德，以依時乘駕六爻之陽氣，以拱御於天體。六龍，即六位之龍也。以所居上下言之，謂之六位也。陽氣升降，謂之六龍也。」疏語最為明晰。下「御飛龍」，即乾卦六龍內第五位之龍，實即升居五位之陽氣也。故此二句之義，本之於易。又本之於老子之言。田子方篇，老子曰：「至陰肅肅，至陽赫赫。肅肅出乎天，赫赫發乎地，兩者交通成和，而物生焉。」所謂「乘天地之正」，即乘此肅肅之至陰，赫赫之至陽也。交通成和者，謂陰陽由交通變化成和氣也。易乾卦亦曰：「乾道變化，各正性命，保合太和。」其義正同。而陰陽之在天地與在人身，一也。惟天地之陰陽交通出於自然，人身之陰陽，欲其交通，則必有道以御之，然後能合以成和，凝以成神。是故變由於交通，交通在於御，故曰「御六氣之辯」也。夫莊子此書，所以明道也。其所謂道，非仁義之謂，乃陰陽之謂也。上已舉素問「陰陽者，天地之道」之語矣。易繫辭曰：「一陰一陽之謂道。」管子正篇曰：「陰陽同度曰道。」本書則陽篇曰：「陰陽者，氣之大者也，道者為之公。」言道為陰陽之公名也。由此知莊子所修之道，即修陰陽及其所化之六氣，以合和凝神之道也。曰乘曰御，即喻修之之工夫也。此理觀慎子所言益明。慎子之言曰：「五日為候，三候為氣，六氣為時，四時為年，而天地備矣。天地相去八萬四千里，沖和之氣在其中，四萬二千里已上為陽位，四萬二千里已下為陰位。冬至之候，陽發於地，一氣上升七千里。至六氣，則上升四萬二千里，而陽至陽位，故其氣溫，為春分之節也。六氣，而陽極陽位，故熱而為夏至之節也。夏至之候，陰出於天，一氣下降七千里。至六氣，則下降四萬二千里，而陰至陰位，故其氣涼，為秋分之節也。六氣，而陰極陰位，故其氣寒，而為冬至之節也。天地之所以能長能久者，以其陽中有陰，下降極而生陽，陰中有陽，上升極而生陰。二者交通。合為太和，相因而為氤，相盪而為醞。以此施生化之功，此變化之所以兆也。」其所謂冬至陽發於地，夏至陰出於天，乃本老子「肅肅出天、赫赫發地」之說也。所謂升降之候，陰陽之位，實易「六位時成」二句最明顯之注腳。惟天地相去，不知其極。慎子謂「相去八萬四千里」，人或以為非是。不知慎子乃言陰陽在天地間循環升降之距離，猶之地文學家言包地球之空氣，厚止二百里，非謂天去地止有此數也。漢鍾離權復本慎子之說，著靈寶畢法一書，取法天地陰陽升降之位與時之理，以攝養一身之陰陽。後世修煉家遂有「運周天」、「駕河車」之說，且區之為六候，分之為三百六十爻。其說近則本之於鍾離，遠則源於易、老及此二句，與養生主篇「緣督以為經」句，非盡妄誕無稽也。故此二句係寓言修道家養氣凝神之理，讀者當與養生主篇「緣督以為經」，人間世篇「無聽之以耳」，「惟道集虛」，「徇耳目內通」，應帝王篇「機發於踵」各句下補、正之語，匯通觀之，方可明其大凡。惟此理精妙，此事幽玄，天地間自有此一種道術，特不足為淺

人道耳。以遊無窮者，彼且惡乎待哉！無所待而遊於無窮，方是逍遙遊一篇綱要。

補：釋文：「惡音烏。」

故曰：至人無己，神人無功，聖人無名。

釋文：「己音紀。」成云：「至言其體，神言其用，聖言其名，其實一也。」正郭慶藩曰：「文選任彥昇到大司馬記室牋注引司馬云：『神人無功，言修自然，不立功也。聖人無名，不立名也。』釋文闕。」武按：齊物論篇云：「王倪曰：『至人神矣。』」是至人、神人一也。故下藐姑射神人，亦至人也。惟聖人則有間。則陽篇云：「客大人也，聖人不足以當之。」秋水篇云：「大人無己。」此言「至人無己」，則至人即大人也，聖人不足以當之矣。列子力命篇云：「橫私天下之身，橫私天下之物，其唯聖人乎！公天下之身，公天下之物，其唯至人乎！」公天下之身，即無己也，此明言聖人不及至人矣。外物篇云：「聖人之所以馘天下，神人未嘗過而問焉。賢人之所以馘世，聖人未嘗過而問焉。」此明言聖人不及神人矣。成氏乃謂「其實一也」，尚欠詳審。自「若夫乘天地之正」至此，為本篇之主，下則逐一舉事證明之。此三句，為本段之主；「至人無己」句，則又三句中之主也。

〔一〕「繻」，原作「繆」，據王氏原刻及成疏改。

〔二〕「為」原誤「與」，據田子方篇改。

〔三〕「云」，原作「注」，據王氏原刻改。

堯讓天下於許由，司馬云：「潁川陽城人。」

補：此段引許由不願居天子之名

，證明聖人無名。曰：「日月出矣，而燭火不息，字林：「燭，炬火也。」補：釋文：「燭，本亦作燠，音爵。郭祖繳反。」又曰：「小火也。」淮南人間訓：「夫燭火在縹

煙之中也，一指所

能息也。」武按：一指能息，其為小火明矣。

其於光也，不亦赤難乎！時雨降矣，而猶浸灌，其於澤也，不亦勞乎！夫子立而天下治，而我猶尸之，成云：「尸，主也。」補：釋文：「浸，子鳩反。灌，古亂反。」正韻：「浸，漬也。」博雅：「灌，溉也。澤音宅，潤澤也。」淮南原道訓：「上天則為雨露，下地則為潤澤。」天地篇：「堯之師曰許由。」故堯謂由為夫子。言若夫子立為天子，天下必致太平。

吾自視缺然，請致天下。」許由曰：「子治天下，天下既已治也。而我猶代子，吾將為名乎？名者，實之賓也。吾將為賓乎？」

正俞樾云：「本作『吾將為實乎』，與上『吾將為名乎』相對成文。『吾將為名乎，名者，實之賓也』，其意已足。『吾將為實乎』，當連下文讀之。實與賓形似，涉上句『實之賓也』而誤。若如今本，則為賓即是為名，兩文複矣。」武按：俞說非也。名既為實之賓，是實重而名輕也。吾將為賓乎，言吾將捨其實之重而為名之輕乎？用「乎」之疑問詞者，乃反言以見意，謂不就輕而為賓也。此句係校量名、

鷦鷯巢於深林，不過一枝；李云：「鷦鷯，小鳥。」郭璞云：「桃雀。」補：釋文：「鷦，子遙反。鷯音遼。」成云：「鷦鷯，巧婦鳥也，一名工雀，一名女匠，亦名桃蟲，好深處而巧為巢也。」偃鼠飲河，不過滿腹。

李頤云：「偃鼠，鼯鼠也。」李楨云：「偃，或作鼯，俗作鼯。」本草陶注：「一名鼯鼠，常穿耕地中行，討掘即得。」說文「鼯」下云：「地行鼠，伯勞所化也。」李說誤。

歸休乎君

！予無所用天下為

。庖人雖不治庖，尸祝不越樽俎而代之矣。」釋文：「傳鬼神言曰祝。」補：釋文：「庖，鮑交反，掌廚人也。祝，之六反。樽，子存反，本亦作尊。俎，側呂反。」武按：淮南泰族訓：「調五味者，庖也。陳簠簋，列樽俎，設籩豆者，祝也。齊明盛服，淵默不言，而神之所依者，尸也。宰祝雖不能，尸不越樽俎而代之。」可謂此處的解。

肩吾問於連叔成云：「並古之懷道者。」

曰：「吾聞言於接輿，

釋文：「皇甫謐云：『接輿躬耕，楚王遣使以黃金百鎰、車二駟聘之，不應。』」

補：成云：「接輿，姓陸，名通，楚人，與孔子同時，而佯狂不仕。」武按：此段引藐姑射神人，證明至人無己。大而無當，釋文：「丁浪反。」按：當，底也。正淮南本經訓：「留於口，則其言當。」齊俗訓：「晉平公出言而不當。」注：「當，合

也。」此

謂接輿之言誇大，

而於情理無所合也，故下言「不近人情」焉。

往而不返。吾驚怖其言，猶河、漢而

無極也；成云：「猶上天河漢，迢遞清高，尋其源流，略無窮極。」

補：釋文：「怖，普布反，廣雅云：『懼也。』」正成說非。「河、漢」句，係往而不返之譬況語，謂其言往而不返，無所歸宿，猶如河、漢之水，滔滔長流，無所止極，非謂上天河漢之清高也。大有逕庭，

宣穎云：「逕，門外路；庭，堂外地。大有，謂相遠之甚。」不近人情焉。」補：上句為此句之譬況語，謂門外之逕，與門內之庭，所處限隔，不接近也。而此句則申說「大而無當」句之義。焉，釋文：「猶然也。」王引之云：「狀事之詞，與然同義。」

連叔曰：「其言謂何哉？」曰：「

藐姑射之山，釋文：「藐音邈，簡文云：『遠也。』姑射，山名，在北海中。」

補：釋文：「射，徐音夜。又食亦反。」正簡文僅取姑射為山名，非也。下文「往見四子藐姑射之山」，而山海經海內北經有列姑射山，列子黃帝篇「姑射山」，一

本作「列姑射」，可證山名當為藐姑射也。又其云「在北海中」，不知何據。山海經東山經有姑射山，所在非北海；在海內北經之山為列姑射，而非姑射。黃帝篇內之姑射山，僅云在海中，不言北也。但此係借山名以寓意，無庸求實其所在。蓋說文解「射」字云：「弓弩發於身而中於遠也。」藐姑射者，謂深遠之旨，姑以下文所言影射之也。深遠之旨何？下「其神凝」之神也。「神凝」二字，為本篇主旨，且為全書主旨，以其為神人之德，修道之果也。觀本段均注射凝神立論，故「神」字實為本段所射之鵠也。有神人居焉，肌膚若冰雪，補：釋文：「肌，居其反。」武按：刻意篇云：「純素之道，惟神是守。守而勿失，與神為一。」又云：「能體純素，謂之真人。」肌膚若冰雪，喻其體純素也。純素，則與神為一，一則凝矣。真人，即神人也。真言其體，神言其用也。又天地篇云：「機心存於胸中，則純白不備，純白不備，則神生不定。」若冰雪，喻純白備也。純白備，則神生定，定則凝矣。故「冰雪」句實為下「神凝」二字寫照。如曰不然，此寫神人。非寫美女，何用敘其肌膚之白乎？淖約若處子。

李云：「淖約，好貌。」釋文：「處子，在室女。」正釋文：「淖，郭昌略反。」武按：淖約，李云「好貌」，非也。荀子宥座篇：「淖約微達。」楊倞注：「淖當為綽。約，弱也。綽約，柔弱也。」說苑作「綽約微達」，訓柔弱是也。在宥篇：「淖約柔乎剛強。」老子曰：「柔弱勝剛強。」又曰：「弱者道之用。」文子道原篇亦曰：「柔弱者道之用。」即淖約所喻之意也。上句冰雪言其體，此句淖約言其用。道之用，即神也。處子，黃帝篇作「處女」。孫子曰：「靜如處女。」老、莊之道貴靜，故以處女喻之。且老子曰「守雌」，曰「牝常以靜勝牡」，皆處女所喻之意也。不食五穀，

補：成云：「五穀者，黍、稷、麻、菽、麥也。」吸風飲露。補：春秋元命包云：「陰陽怒而為風。」慎子云：「陽在外者不得入，則周旋六合而為風。」故上言風為陰陽之變氣也。吸，說文：「內息也。」因風為陰陽之變氣，故吸於內以調之。蔡邕月令云：「露者，陰之液也。」慎子云：「陽感之，則液而為露。」謂陰受感而為露也。吸風合言陰陽，飲露則單言陰，總之喻神人之呼吸陰陽於內也。淮南俶真訓云：「是故聖人呼吸陰陽之氣，而群生莫不顛顛然仰其德以和順。」所謂呼吸陰陽，即此句所喻之意；所謂其德，即下之「神凝」也；所謂群生和順，即下「物不疵癘」也。

乘雲氣，御飛龍，而遊乎四海之外。

「乘雲氣」三句，又見齊物論篇，「御飛龍」作「騎日月」。補：鵬穿越雲氣，馮風而飛，不能乘雲氣也，故曰絕。列子御風而行，亦不能乘雲氣也。能乘雲氣者，厥為神人。此中大有分別。且或乘雲氣，或御飛龍，非若列子之必待風也。乘雲氣，承上「乘天地之正」說；御飛龍，承「御六氣之辯」說。元命包云：「陰陽聚為雲。」慎子云：「陰與陽得，助其蜚騰，則飄颻而為雲。」說文：「龍，能幽能明，能細能巨，能短能長，春分而登天，秋分而潛淵。」賈誼云：「龍變無常，能幽能章。」傅元龍贊云：「誕應陽精，屈伸從時，變化無形。」據此以言，龍，陽精也，變化不測者也，故易乾卦取之，以象陽氣之升降變化焉。「乘雲」句，合言陰陽，「御龍」句則單言陽，總之，喻神人攝調陰陽於外也。惟易乾卦言陽氣在六位

中之變化，故設六龍以喻之。此不言六龍，而言飛龍者，以飛龍應五爻而當五位。其上上九，則陽過亢；其下九四，則陽未盛。準之慎子之說，過亢者，陽極陽位也；未盛者，甫出陰位，方至陽位也。後之修煉家，以言火候之老嫩，皆在所不取也。

惟九

五之飛龍

，純陽正盛，無過

不及，非老非嫩，控御此氣，所以為

神人也。其神凝，三字吃緊。非遊物外者，不能凝於神。補：說文：「凝，俗冰字。」顏氏匡謬正俗：「冰轉音凝。」說文：「凝，冰堅也。」黃氏韻會：「冰，古凝字。𠂔，古冰字。後人以冰代𠂔字，故以凝代𠂔字。」武按：大戴禮曾子天圓篇云：「陽之精氣曰神。」易曰：「陰陽不測之謂神。」故神凝由吸風飲露、乘雲氣、御飛龍而來。蓋此數句，上已釋明其為修道者調攝陰陽之喻也。而其著手處，則在用志不分。達生篇述佝僂丈人之言曰：「吾處身也，若厥株拘；吾執臂也，若槁木之枝。」孔子稱之曰：「用志不分，乃凝於神。」故凝神之要點在用志不分。人間世篇，仲尼語顏回曰「一若志」，老子曰「守靜篤」，曰「抱一」，同此義也。蓋志不分則靜，靜則定，一則凝矣。內神凝，而外則若厥株拘與槁木之枝，與南郭子綦形如槁木同。而子綦自謂「喪我」，喪我者，無己也。故用志不分然後能無己，無己然

後能神凝。此「神

凝」二字，即示藐姑射神人為無己之

至人也。使物不疵癘而年穀熟。

司馬云：「疵，毀也。」癘音癘，惡病。列子黃帝篇：「姑射山，在海中。山上有神人焉，吸風飲露，不食五穀，心如淵泉，形如處女。不施不惠，而物自足，不聚不斂，而已無愆。陰陽常調，日月常明，四時常若，風雨常均，字育常時，年穀常豐。而土無札傷，人無夭惡，物無疵癘。」漆園本此為說。補：釋文：「疵，在斯反，病也。癘音厲，本或作厲。」武按：此與在宥篇「慎守汝身，物將自壯」之義同。自「藐姑射」至此，寓意精深，茲再就本書舉證以明之。刻意篇云：「純粹而不雜，靜一而不變，惔而無為，動而以天行，此養神之道〔一〕也。」肌膚若冰雪，非純粹不雜乎？靜一不變，惔而無為，處子之性行類之。乘雲御龍，及乘天地之正，御六氣之辯，即動而以天行也。神凝者，即由養神之至也。刻意篇又云：「靜而與陰同德，動而與陽同波。」處子，陰也，靜也；飛龍，陽也，動也。此二語之寓意，尤為明顯。彼篇又云：「精神四達並流，無所不極：上際於天，下蟠於地，化育萬物，不可為象。」夫乘雲御龍，遊四海之外，非四達並流，際天蟠地乎？使物不疵癘而年穀熟，即化育萬物，不可為象也。天運篇云：「龍合而成體，散而成章，乘乎雲氣而養乎陰陽。」體者，乾陽之體，即神凝而成體也。散即變也。散而成章者，易說卦曰：「故易六位而成章。」注總言六畫；又細分之，則陰陽之位，間雜而成文章也。故體者，陰陽之正也；散者，六氣之變也。斯體也，靜則謂之和，動則謂之神。文子上仁篇云：「陰陽交接，乃能成和。」交接者，所以凝也。故

凝神者，凝此陰陽之和也，即所謂養乎陰陽也。以本段為本篇主文，且為莊子道要，故特詳為拈出之。吾是以狂而不信也。」

狂，李九況反。按：音讀如誑。言以為誑。正釋文：「狂，求匡反，李云：『癡也。』」武按：廣韻：「巨王切，病也。」心不能審得失之地，則謂之狂。應璩詩云：「積念發狂癡。」李訓癡，是也。淮南精神訓：「大怖生狂。」又原道訓：「薄氣發瘡，驚怖為狂。」故「狂」字應從李訓，方與上「吾驚怖其言」句相關合，讀誑非也。至肩吾之意，以為使物不疵癘而年穀熟，必以天下為事而後能，今藐姑神人，不過一己之神凝耳，並未以天下為事，何能致如斯之效？其狂而不信者在此。連叔一則曰「孰弊弊焉以天下為事」，再則曰「孰肯以物為事」，即針對此點而答也。

連叔曰：「然。瞽者無以與乎文章之觀，聾者無以與乎鐘鼓之聲。豈惟形骸有聾盲哉？夫知亦有之。補：釋文：「瞽音古，盲者無目，如鼓皮也。與音豫。觀，古亂反。」文子符言篇：「豈獨形骸有闇、聾哉？心亦有之。塞也，莫知所通。」此闇、聾之類也。淮南泰族訓亦有此語。是其言也，猶時女也。

司馬云：「猶處女也。」按：時，是也。云是其言也，猶是若處女者也。此人也、此德也云云，極擬議之詞。正女同汝，指肩吾。承上「聾盲」來，言不惟形骸有聾盲，知亦有之，汝聞接輿之言，狂而不信，即是知之聾盲也。「是其言也」句，指「然，瞽者」至「知亦有之」一段之言也。如此解，文句方能承接一氣。若如司馬說，「瞽者」一段便成贅疣。且上以處子況神人，陸注「在室女」，郭注：「不以外傷內。」

若此處單稱女，
出室女亦屬之，則外傷矣，何可以況
神人乎？
之人也，
之德也，將磅礴萬
物以為一。世蘄乎亂，孰弊弊焉以天
下為事！

李云：磅礴，猶旁礴。」李楨云：「亦作旁魄，廣被意也。言其德行廣被萬物，以為一世求治，豈肯有勞天下之跡？老子曰：『我無為而民自化。』亂，治也。」簡文云：「弊弊，經營貌。」案〔二〕：蘄同期。補：釋文：「旁，薄剛反，字又作磅。礴，蒲博反。司馬云：『磅礴，猶混同也。』蘄，求也。弊弊，徐扶計反。」正注引李楨云：「以為一世求治。」是以「一世」連讀，又訓亂為治，均非。奚侗云：「釋文出『世蘄』二字，文選吳都賦注引至『世』字，可見古無有『一世』連讀者，」武按：玩郭注成疏，亦不以「一世」連讀。須知「萬物以為一」，係本書要語，各篇屢見，而原於老子「萬物得一以生」之言。本書如德充符篇云：「物視其所一。」又云：「自其同者視之，萬物皆一也。」天地篇云：「萬物一府。」秋水篇云：「萬物一齊。」在宥篇云：「萬物云云，各復其根。」云云，眾多貌，不一也；復根，則一矣。義均相同。故此處應從「一」字絕句。「亂」字訓治，雖出爾雅、說文，然於此文不合。左宣十二年傳：「人反物為亂。」又宣十五年傳：「

民反德為亂。」其義適與「之德也，磅礴萬物以為一」相反。蓋此處以神人、世人對舉，一正一反也。神人以無為之德，和萬物為一，故曰「孰弊弊焉以天下為事」；世人以有為為治，即弊弊以天下為事。如是，則不能磅礴萬物為一，不一，則亂矣，故曰「世蘄乎亂」也。此義原於老子「為者敗之」一語。而本書繕性篇略云：「古之人，在混芒之中，與一世而得澹漠焉。當是時也，陰陽和靜，鬼神不擾，萬物不傷，群生不夭。人雖有知，無所用之。此之謂至一。」此段足證之人、之德磅礴萬物為一之義。「混芒」與「一世得澹漠」二語，與司馬訓磅礴為混同之義合。彼篇又略云：「逮德下衰，燧人、伏羲始為天下，是故順而不一。唐、虞為天下，興治化之流，〈汙臯〉淳散朴，附之以文，益之以博，然後民始惑亂。」其所謂燧、羲、唐、虞，此文以一「世」字概之。「興治化」以下各語，即弊弊以天下為事也。其所以如此者，意在蘄乎治，而民竟惑亂，非即此文所謂「世蘄乎亂」乎？此文簡奧，非匯通全書觀之，不易明也。

之人也，物莫之傷，大浸稽天而不溺，司馬云：「稽，至也。」

補：釋文：「稽音雞，徐、李音啟。」

大旱、金石流、土山焦而不熱。是

其塵垢粃糠，

說文「粃」作「粃」。釋文：「粃糠，猶繁碎。」按：言於繁碎之事物，直以塵垢視之。補：釋文：「垢，古口反。粃，徐甫姊反。陶，徒刀反。鑄，之樹反。」成云：「散為塵，膩為垢，穀不熟為粃，穀皮為糠。鎔金曰鑄，範土曰陶。」武按：「大浸稽天」以下各句，即申說「物莫之傷」也。

將猶陶鑄堯、舜者也，孰肯以物為事！

又引不以天下為事之神人，以明其自全之道。正釋文謂「粃糠猶繁碎」，於義無取。此謂「引神人以明自全之道」，亦非。讓王篇：「道之真以治身，其緒餘以為國家，其土苴以治天下。」司馬云：「土苴，如糞草也。」即塵垢之說也。又天道篇：「君之所讀者，古之糟魄已夫！」司馬云：「魄，本又作粕。」即粃糠之說也。合而言之，塵垢粃糠。道之粗跡也。神人以其粗跡，將猶陶鑄成為堯、舜之治，即「土苴以治天下」之說也。前「孰弊弊」句，不以天下之事為事也。世自化之，無所事事也。此「孰肯」句，不以天下之物為事也。不以物為事，則如知北遊篇所云「聖人處物不傷物，物亦不

傷也」。係就事與物分說。宋人資章甫適諸越，

李云：「資，貨也。章甫，殷冠也。以冠為貨。」司馬云：「諸，於也。」補此段證明神人無功。

越人短〔三〕髮文身，無所用之。為無所用天下設喻。

堯治天下之民，平海內之政，

往見四子藐姑射之山，

司馬、李云：「四子，王倪、齧缺、被衣、許由。」李楨云：「四子本無其人，徵名以實之，則鑿矣。」正天地篇：「堯之師曰許由，許由之師曰齧缺，齧缺之師曰王倪，王倪之師曰被衣。」然則堯與四子，非全無瓜葛，徵天地篇所舉之名以實之

，顯有根據，且許由已見上文，不得為鑿也。治天下，平四海，示堯之有功也，為神人無功之反映。汾水之陽，窅然喪其天下焉。」

汾水之陽，堯都。宣云：「窅然，深遠貌。」正釋文：「汾，徐扶云反。汾水出太原。窅，徐烏了反。李云：『窅然，猶悵然。』」武按：宣注「深遠貌」，於本文不合，應從李說。自「宋人」以下至此，郭注：「堯之無用天下為，亦猶越人之無所用章甫耳。然遺天下者，固天下之所宗。天下雖宗堯，而堯未嘗有天下也，故窅然喪之，而嘗遊心於絕冥之境。」成疏與李楨注，其意均同。三氏之注，於文義適得其反。其誤在於宗堯，不知本文所宗者為至人、神人。四子者，神人也，而以塵垢秕糠視堯；堯治天下者也，四子即以塵垢秕糠視治天下。故上言「無所用天下為」，又言「孰弊弊焉以天下為事」也。此段以宋人喻堯，以章甫喻天下，而「越人」句則喻四子無所用天下。故宋人至越，悵然喪其章甫；堯見四子，悵然喪其天下，亦可曰喪其治天下之功也。蓋堯乃弊弊以天下為事者，文言其平海內之政，是有治天下之功者也。而四子神人也，神人無功，堯見四子，為其所化，故亦窅然喪其治天下之功焉。如此解，章甫之喻，方見密合，而證明上「神人無功」句亦見緊切。〔一〕「道」原作「至」，據刻意篇改。〔二〕「案」字，據王氏原刻補。

〔三〕「短」字，集釋本作「斷」。

惠子謂莊子曰：司馬云：「姓惠，名施，為梁相。」補：此段與下段，借與惠子論辯，以明無用然後逍遙之旨。此則借瓠於無用中有一可用，不免有慮而為樽之患，以喻人有一能之可用，即難

免招世繫累，不能逍遙也。「魏王貽我大瓠之種，瓠，瓜也，即今葫蘆瓜。補：釋文：「魏王，司馬云：『梁惠王也。』」武按：魏自河東遷大梁，故謂之魏，或謂之梁也。貽音怡，遺也。瓠音護。

我樹之成而實五石，以盛水漿，其堅不能自舉也。

成云：「樹，植。實，子也。虛脆不堅，故不能自勝舉。」剖之以為瓢，

補：反映下文樽之「不夭斤斧，物無害者」。則瓠落無所容。

簡文云：「瓠落，猶廓落也。」成云：「平淺不容多物。」

補：釋文：「剖，普口反。」非不呬然大也，

釋文：「呬，本亦作号。李云：『虛大貌。』」俞樾云：「呬，俗字，當作枵，虛也。

。」補：釋文：「呬，徐許僑反。」正俞說非。廣韻：「呬然，大貌。」本句「呬然」，為「大也」之形容詞，「大也」則無異「呬然」之注也。四字一意，如改「呬」作「枵」，並應改本句為「非不枵然虛也」，於法方合。但本文未嘗言虛，而所重者在大。首即標言「大瓠」，繼言「實五石」，大也，因之瓢亦大。然平淺無所容，正以其不虛也，其不須以「枵然」形容之明矣。吾為其無用而搢之。」補：「無用」二字，為本段及下段主旨，且為全篇主旨，與無名、無己並重，特借惠子之口提出之。

莊子曰：「夫子固拙於

用大矣。宋人有善為不龜手之藥者，

向秀云：「龜，拘圻也。」徐音舉倫反。此以「龜」為「𪚩」之假借。玄應音義「𪚩」下引通俗文：「手足圻裂曰𪚩，經文或作『龜圻』。」下引此文為證。正釋文：「龜手，愧悲反。司馬云：『文圻如龜文。』」武按：注中「玄應音義」「音」字上，當補「眾經」二字，否則，下「經文」二字無著。且注太糾纏，不如從司馬說，較為明爽。蓋言手凍文圻如龜背之文，故謂之為「龜手」，猶之爾雅釋詁之「鮐背」，疏「老人皮膚消瘠，背若鮐魚」也。又釋名：「九十曰鮐背，背有鮐文也。」背有鮐文為鮐背，手有龜文為龜手，同一義也。李楨借讀為𪚩，俞樾謂宜讀如拘，拘與

區同音，區與丘同

音，龜在丘音。如此迂迴牽傳，義仍未明也。世世以泝泝統為事。

成云：「泝，浮。泝，漂。統，絮也。」李云：「漂絮水上。」盧文弨云：「泝泝，擊絮之聲。」補：正釋文：「泝，徐扶經反。泝，普歷反。統音曠。小爾雅云：『絮細者謂之統。』」朱桂曜曰：「文選任彥昇為蕭揚州薦士表注：『統，古續字。』」武按：泝泝如為擊絮聲，則與下「統」字不能相連成句，盧說非也。宜從成說。客聞之，請買其方百金。

李云：「金方寸重一斤為一金。

百金，百斤也。」

聚族而謀曰：『我世世為泝泝統，不過數金；今一朝而鬻技百金，請與之。』

補：

釋文：「鬻音育，司馬云：『買也。』」

客得之，以說吳王。越有難，吳王使之將，冬，與越人水戰，大敗越人，裂地而封之。能不龜手一也，或以封，或不免於泝泝統，則所用之異也。今子有五石之瓠，何不慮以為大樽而浮於江湖，

司馬彪云：「慮，猶結綴也。樽如酒器，縛之於身，浮於江湖，可以自渡。」按：所謂腰舟。正說文：「慮，謀思也。」爾雅釋言：「作、造，為也。」武按：何不慮以為大樽，言何不謀慮之以作大樽也？句有「為」字，不必訓慮為結綴，因結綴之意，「為」字可以賅之。至司馬結綴之訓，不知何據。考徐鍇說文解字通論云：「思有所圖曰慮。慮猶縷也。」說文「絡」字下云：「生革可以為縷束也。」故此句亦可訓為何不縷束以為大樽也。鵠冠子學問第十五：「中河失船，一壺千金。」

注：「壺

，瓠也。佩之可以

濟涉，南人謂之腰舟。」此司馬注之所本也。

而憂其瓠落無所容？則夫子猶有蓬之心也夫！」

向云：「蓬者，短不暢，曲士之謂。」按：言惠施以有用為無用，不得用之道也。

補：釋文：「郭云：『蓬生非直達者。』」武按：荀子勸學篇：「蓬生麻中，不扶自直。」然則非生麻中，必不直而曲矣。此向、郭注之所本也。惠子曰：「吾有大

樹，人謂之樗。其大本擁腫而不中繩墨，其小枝卷曲而不中規矩，立之塗，匠者不顧。補：武按：此段言樗以無用，故無物害，無困苦，以喻人必無用，方免世患而獲逍遙也。繼無名、無功、無己而言無用者，以心雖無名、無功、無己，苟材有可用，必致如大瓠以有一可用，即被慮而為樽。故無名、無功、無己，又必無用，然後盡無為之量，極逍遙之致。如是，則不僅遊逍遙，寢臥亦逍遙也。釋文：「樗，敕魚反。」成云：「栲、漆之類，嗅之甚臭，惡木也。」腫，章勇反。李云：「擁腫，猶盤癭。」中，丁

仲反。卷，本又作「拳」，同音權。

今子之言，大而無用，眾所同去也。」猶言棄而不取。

莊子曰：「子獨不見狸狌乎？成云：「狌，野貓。」補：釋文：「狸，力之反。狌，郭音生，司馬云：

『〈豸由〉也。〈豸由〉，由救反。』」

卑身而伏，以候敖者，司馬云：「遨翔之物，雞鼠之屬。」補：說文：「敖，出遊也。」漢書景十三王傳：「請閉諸姬舍門，無令出敖。」師古曰：「敖，遊戲也。」東西跳梁，成云：「跳梁，猶走擲。」

補：釋文：「跳音條。」不辟高下；辟音避。中於機辟，辟，所以陷物。鹽鐵論刑法篇「辟陷設而當其蹊」，與此同義。亦作「臂」。楚詞哀時命

篇：「外迫脅

於機臂兮。」機臂，即機辟

也。玉篇王注，以為弩身。死於網罟。今夫斄牛，司馬云：「旄牛。」

補：釋

文：「罟，徐

音古。斄，徐、李音來，又

音離。」其大若垂天之雲。成云：「山中遠望，如天際之雲。」此能為大矣，

補：斄牛能負重耕田，即其所為之大也。

而不能

執鼠。今子有

大樹，患其無用，何不樹之

於無何有之鄉，廣莫之野，簡文云：「莫，大也。」

徬徨乎無為其側，釋文：「徬徨：猶翱翔。」補：釋文：「徬，薄剛反。徨音皇。

廣雅云：『徬徨，徙倚也。』」武按：「無為」二字，總結無名、無功、無己、無用。逍遙乎寢臥其下？

郭慶藩云：「逍遙，依說文，當作『消搖』。」又引王皙夜云：「逍遙者，調暢悅豫之意。」

補：此句見無為者寢臥

亦逍遙，不僅遊也，以進一步作結。

不夭斤斧，物無害者，無所可用，

言無處可用之。人間世篇：「是不材之木也，無所可用。」又云：「予求無所可用

久矣。」又山木篇：「無所可用。」文義並與此同。安所困苦哉！」

又言狸狌之不得其死，斄牛之大而無用，不如樗樹之善全，以曉惠施。蓋惠施用世，莊子逃世，惠以莊言為無用，不知莊之遊於無窮，所謂「大知」「小知」之異也。正注言「斄牛之大而無用，不如樗樹之善全」，非也。此段莊子因惠子謂其言大而無用，乃引狸狌能捕鼠，可謂小而有用矣，然不得其死；斄牛執鼠不如狸狌，非斄牛徒大而無用也，乃不得其用也。秋水篇云：「騏驥驂騑，一日而馳千里，捕鼠不如狸狌，言殊技也。」斄牛亦然。今患斄牛不能執鼠，何不使之負重致遠，以譬患大樹無用，何不樹之於無何有之鄉，廣莫之野，以成其無用之大用乎？此針對惠子「大而無用」之言以駁之也。如注言「斄牛大而無用」，不反證合惠子之言乎？有失莊子答辯之旨矣。所謂「安所困苦」者，如大瓠可用為樽，致被結綴以浮江湖，此即大瓠之困苦也，樗則無此矣。

齊物論第二

天下之物之言，皆可齊一視之，不必致辯，守道而已。蘇輿云：「天下之至紛，莫如物論。是非太明，足以累心。故視天下之言，如天籟之旋怒旋已，如擊音之自然，而一無與於我。然後忘彼是，渾成毀，平尊隸，均物我，外形骸，遺生死，求其真宰，照以本明，游心於無窮。皆莊子最微之思理。」補：玉篇：「凡生天地之間，皆謂物也。」荀子正名篇：「故萬物雖眾，有時而欲遍舉之，故謂之物。物也者，大共名也。」本書達生篇：「凡有貌、象、聲、色者，皆物也。」釋文：「論，力頓反。」周禮春官大司樂賈疏：「直言曰論。」錢大昕十駕齋養新錄：「王伯厚云：『莊子齊物論，非欲齊物也，蓋謂物論之難齊也。邵子詩：「齊物到頭爭。」恐誤。』」按左思魏都賦「萬物可齊於一朝」，劉淵林注「莊子有齊物之論」，劉琨答盧諶書「遠慕老莊之齊物」，文心雕龍論說篇「莊周齊物，以論為名」，是六朝人已誤以「齊物」二字連讀。正齊物論，謂齊一論物之言也。註中「天籟之旋怒旋已」句，誤。蓋篇中之旋怒旋已，係言地籟，非言天籟。由於各注均以「大塊噫氣」節言地籟者為天籟，故誤者非僅蘇輿一人也。至莊子之撰本文，所以明道也。何以篇題為齊物論，而不為齊道論？蓋道無形無名，絕於言議。故知北遊篇云：「道不可言，言而非也。」又云：「所以論道，而非道也。」是則可論者唯物耳。故則陽篇云：「言之所盡，知之所至，極物而已。」然號物之數曰萬，至不齊也，遂不齊之物而論之，論亦何能齊哉？日馳不齊之論，如徐無鬼篇所謂「馳其形性，潛之萬物」，徒勞精敝神，傷生損性，此修道者之大患也。故莊子於逍遙遊篇之後，繼以斯篇。良以心之能逍遙者，無己也，無己則不齊齊矣。物本不齊，心則可齊，故人間世篇仲尼以「齋」語顏回。齋者，齊也。又曰：「一若志。」即齊其心也。夫心何以不齊？由感於不齊之物，而有審辨彼此、是非、美惡之知，因而生好惡之情，隨發而為不齊之論矣。故欲論之齊，則在冥情去知。情冥知去，則心如死灰矣，蝶我胥忘矣。此之謂「喪我」，喪我則齊之極致也。故本篇先言心，即帶言情，然後繼以不齊之大知、小知，大言、小言，中則舉彼此、是非、成虧、齊與不齊之知與言，反覆申說之，末則逐節引證以事實，而本篇之義無餘蘊矣。

南郭子綦隱机而坐，

司馬云：「居南郭，因為號。」釋文：「隱。馮也。李本机作几。」按：事又見徐無鬼篇，「郭」作「伯」，「机」作「几」。

補：釋文：「隱。於靳反。机音紀。」

仰天而噓，答焉似喪其耦。

向云：「噓，息也。」釋文：「答，解體貌，本又作嗒。耦，本亦作偶。」俞云：

「偶當讀為寓，寄也。即下文所謂『吾喪我』也。」按：徐無鬼篇「噓」下無此句。補：釋文：「噓音虛。吐氣為噓。答，都納反。耦，五口反，匹也，對也。」武按：耦與列子仲尼篇「顧視列子形神不相偶」之偶同。正「答然」句，當玩一「似」字。言人見其答然解體之狀，似喪其匹偶者然，即下文「形如槁木」也。「吾喪我」，則子綦自明之辭，人固無從知之，因喪我存於內，而喪耦則形於外。俞氏混而一之，殊欠分曉。故「耦」字當從釋文訓匹。下文「彼是莫得其偶，謂之道樞」

，謂無彼是對偶則好惡之情不生，是非之辯不起，故喪耦而物論自齊，即佛書之「無人相」也。此句與「彼是莫得其偶」句互相發明，義頗重要。若徐無鬼篇，重在槁骸死灰，故無須此句也。俞說非。顏成子游立侍乎前，李云：「子綦弟子，姓顏名偃，謚成，字子游。」按：徐無鬼篇作「顏成子入見」。正廣韻十四清「成」字下注云：「漢複姓，十五氏。莊子有務成子、廣成子、顏成子游、伯成子高。」然則顏成蓋複姓也。曰：「何居乎？徐無鬼篇作「夫子物之尤也」。

補：釋文：「居，如字

，又音姬。司馬云：『猶故也。』」

形固可使如槁木，而心固可使如死灰死？

文子道原篇引老子曰：「形若槁木，心若死灰。」徐無鬼篇與此二句同，「木」作「骸」。知北遊篇：「形若槁骸，心若死灰。」庚桑楚篇亦有二句，「槁骸」作「槁木之枝」。達生篇亦云：「吾執臂也，若槁木之枝。」是此「槁木」即槁木之枝。槁骸，亦槁枝也。以下異。補：釋文：「槁，古老反。」武按：「心」字為全篇總幹。篇中所說之情、知、言，皆根於心，特於此處先為提出。正注謂「槁木即槁木之枝」，於文義尚欠精審。此處以「槁木」形容形之枯槁，其意已足，不須加「之枝」二字也。達生篇有此二字者，以槁木喻身，以枝喻臂也。庚桑楚篇有此二字者，其文曰「動不知所為，行不知所之，身若槁木之枝」，以槁木不易為風所動，而枝則可動，故以槁木喻心之不動，而其身之動，一出於不知，如槁木之枝，因風而動，無容心也。此則隱机枯坐，動靜各別，故不須以易動之枝為喻，未可漫引相證也。

今之隱机者，非昔之隱机者也。」子綦曰：「偃，不亦善乎而問之也！而同爾。

正而，如字

，連上下文為一句。上已呼偃之名，下不必再用「爾」字。今者吾喪我，

補：

答稱「喪我」，非僅喪耦也，係進一層說。即下之化蝶不知周也，又即佛書之「無我相」也。無人無我，彼是

雙忘，尚何物論之不齊哉？

汝知之乎？汝聞人籟

而未聞地籟，汝聞地籟而未聞天籟夫！」郭云：「籟，簫也。」補：釋文：「籟，力帶反。夫音扶。」武按：風吹地面之竅成聲，地籟也。人吹比竹成聲，人籟也。心動而為情，情宣於口而為言，天籟也。總提於此，以啟下文，而以天籟為主，地籟、人籟則比喻也，陪襯也。凡莊子為文，每於其正意之前或後，設喻以襯托之，闡明之，如此處是也。又如罔兩問景、莊子夢蝶之喻，「彼出於是」、「自彼則不見」各句之義，逍遙遊篇鯤、鵬、宋、列之反喻至人，皆此例也。若於設喻處作正文讀之，則不得其要領矣。子游曰：「敢問其方。」成云：「方，術也。」

正易恆卦注：「方猶道也。」謂

問三籟之道理也。子綦曰：「夫大塊噫氣，

俞云：「塊，{土口}或體，大地。」成云：「噫而出氣。」補：釋文：「塊，古

怪反。噫，乙戒反。」武按：大塊既為大地，風則為其所噫之氣，而所吹以成聲者，又為地面之木竅，故謂其聲為地籟也。

其名為風。是唯無作，

作則萬竅怒鳴。而獨不聞之簌簌乎？

之，猶其。下同。釋文：「簌簌，長風聲，李本作颼。」

補：釋文：「嗎，胡刀反

。簌簌，良救反，又六收反。」山林之畏佳，即〈山畏〉崔，猶崔巍。正注專就山勢言，則「林」為贅字矣。奚侗遷就此義，云「林當為陵」，擅改原文。尤涉武斷。惟郭云「大風之所扇動也」，成云「畏佳，扇動之貌」，為得其旨。蓋此處係寫風勢，非寫山勢，故重在「林」字。畏佳者，林木被風扇動之狀也。下句「大木」，即從此「林」字生出。至郭、成扇動之訓，雖不知其所本，然亦略可推得其義，考工記注：「故書畏作威。」書皐陶謨「天明畏」，釋文：「馬本作威。」書呂刑「德威惟畏」，墨子尚賢下作「德威惟威」。是畏古與威通用。文選甘泉賦注「威蕤」云：「猶蕤蕤也。」又景福殿賦：「流羽毛之威蕤。」尋威蕤之義，披垂流動貌。蕤與佳為疊韻，佳正齒，蕤半齒，音亦相近，故畏佳與威蕤。義亦相近，郭、成所以訓為扇動也。

大木

百圍之竅

穴，似鼻，似口，

似耳，似枅，似圈，似臼，似洼者，

似污者；

字林云：「枅，柱上方木。」成云：「圈，獸之闌圈。」宣云：「洼，深池。污，窰也。三象身，三象物，二象地，皆狀木之竅形。」補：此承說「萬竅」。釋文：「枅音雞，又音肩。簡文云：『櫛櫛也。』圈，起權反。臼，其九反。洼，烏攜反，李於花反。污音烏。」武按：禮記玉藻：「母沒而杯圈存焉。」洪頤煊云：「枅通作鉗。」說文曰：「鉗，似鐘而頸長。」謂瓶罍之屬，故與杯圈為例。說文：「洼，深池也。」國語周語注：「大曰潢，小曰污。」說文：「潢，積水池。」據此，則洼與潢同，污則較小。禮運「汙尊而抔飲」，以汙擬尊，其小可知。玉篇從于者古文，從亏者今文。

激者，謫者，叱者，吸者，

叫者，謔者，突者，咬者，

宣云：「激如水激聲，謫如箭去聲；叱出而聲粗，吸入而聲細；叫高而聲揚，謔下而聲濁；突深而聲留，咬鳴而聲清。皆狀竅聲。」釋文：「謫音孝。司馬云：『謔，哭聲。』」按：「交交黃鳥」，三家詩作「咬咬」。補：此承說「怒鳴」。釋文：「激，經歷反。謫，司馬云：『若謹謫聲。』叱，徐音七，司馬云：『若叱咄聲。』叫，古弔反。謔音豪。突，徐於堯反。又音查。」前者唱于而隨者唱喁。

李云：「于、喁，聲之相和。」成云：「皆風吹樹動，前後相隨之聲。」補：釋文：「喁，五恭反，又徐音愚。」武按：呂氏淫辭篇：「今舉大木，前呼輿謔，後亦應之。」此蓋引舉木呼應之聲，以喻

風聲也。泠風則小和，飄風則大和，

李云：「泠，小風也。爾雅：「回風為飄。」和，胡臥反。補：上之唱隨，乃前後之聲相和也。此承說和聲之大小，因風而別。釋文：「泠音零。」

厲風濟則眾竅為虛。向云：「厲，烈也。濟，止也。」風止，則萬竅寂然。

補：

萬竅怒呬

者，厲風也。大和

者，飄風也。小和者，泠風也。分三

種寫之。而獨不見之調調、之刁刁乎？」郭云：「調調、刁刁，皆動搖貌。」補：上寫聞，此寫見，皆以「獨不」之同一句法出之。又所重者在風聲，以喻人之言語，故聞詳而見略。

子游曰：「地籟則眾竅是已，人籟則心竹是已。以竹相比而吹之。補：釋文：「比，毗志反。」武按：「大塊」至「刁刁乎」一段，皆言地籟，特借子游口中提出「地籟則眾竅是已」一句點明之，且作一收束。上文未言人籟，嫌於疏漏，復借子游之口，提出「比竹」一句以補之。此文精密處。各家注此，均與天籟相混，其於本文之義，似未詳審。

敢

問天

籟。」子

綦曰：「夫吹萬不

同，而使其自己也。咸其自取，怒者

其誰耶！宣云：「待風鳴者地籟，而風之使竅自鳴者，即天籟也。引子綦言畢。」正宣注非。子游至此方問天籟，是前所言者為地籟，而非天籟也。子綦因子游之問，再將地籟之義補足，此以後方言天籟。「其」字，指木說。自，從也。謂吹之者，僅泠、飄、厲之風也，而有萬種不同之聲者，使木從己之竅形不同所致也。「咸其自取」二句，倒句也。言怒呬者誰使之乎？無他，皆其所自取也。怒呬之聲，有激者、謫者各聲之不同，由其自身之竅有似鼻、似口各形之不同也。此自取之義也。本段以風喻下文之心與真君，以竅之鳴喻情之萌與言之發。故自「大塊」至此，皆下文之喻，非正文也。子綦之言，直至後文「此之謂葆光」方畢。「葆光」與「大知閑閑」之間，則子綦闡發天籟之義也。於其中特標「夫言非吹」二句，蓋明吹為地籟與人籟，而「大知閑閑」以下所言者，乃天籟也。下文之「天鈞」「天府」「天倪」，皆由「天籟」二字所推演者也。郭象乃於「怒者其誰」句下注云「此重明天籟也」，宣則云「引子綦之言畢」，皆於此文尚欠分曉。或曰：子綦之言，至「怒者其誰」句止，各注所同，子獨謂止於「葆光」，何所據而決之乎？曰：余決之於其義脚接未斷也，決之於其全文體段之整齊一致也。蓋全文分六大段，皆問答體。第一大段，以「喪我」發端，下至「葆光」，子綦、子游問答之辭也。第二大段，堯、舜問答之辭也。三大段，齧缺、王倪問答之辭也。四大段，瞿鵲、長梧問答之辭也。五大段，罔兩與景問答之辭也。末段，則以自喻夢蝶不知周也結，亦喪我也，以與篇首之「喪我」相照應。且文選孫子荆征西官屬送於陟陽侯作詩註云「莊

子曰『南郭子綦曰，天下莫大於秋毫之末，而太山為小』云云，是李善亦以「大知閑閑」以下為子綦之辭也。

大知閑閑，小知閒閒；

釋文：「知音智。下同。」成云：「閑閑，寬裕也。」俞云：「廣雅釋詁：『閒，覲也。』閒閒，謂好覲察人。」此智、識之異。正知，如字，音智非。說見逍遙遊「小知不及大知」句正語。詩魏風：「桑者閑閑兮。」傳：「閑閑然，男女無別往來之貌。」武按：傳中「無別」二字，釋閑閑之義，以其承桑者言，故加「男女」「往來」字。此承大知言，謂大知無所分別，即不事小察也，以與小知之間閒反照。下文「知止其所不知」，即證明此義者也。閒，廣韻「廁也」，前漢韋玄成傳註「隔也」。「廁」「隔」二字，均有分別義，再兼覲義言之，謂小知好分別視察，非若大知之兼照無別也。俞專就好視察人說，未免太拘。又逍遙遊篇「朝菌不知晦朔」，因其僅知朝而不知朔，亦閒閒義

也。大言炎炎，小言詹詹。

炎炎，有氣燄。成云：「詹詹，詞費也。」此議、論之異。補：釋文：「炎炎，于廉、于凡二反。李頤云：『同是非也。』詹詹，音占。李頤云：『小辯之貌。』」武按：以李訓為是。又按「知」字「言」字，本文之骨幹也。下文反覆宣演，或分說，或合說，總不離此二字，故特於此處點出。然知主於心，言為心之聲，心之所發，合於自然者，道也。外於心而相對者，物也。情者，心之用也。（朱子語。）是非者，心之所司也，即成乎心者也。表達心之是非者，言也。是故道也，情也，物也，是非也，本文之線索也，而「心」字則本文之總綱也，特於「日以心鬥」句點出。扼此數字讀本文，則若網在綱，有條不紊，各段貫通，竟體靈活矣。各家注，非失之遊辭

無當，便涉於破碎支離，鮮

能就全文加以疏通貫穿者。其寐也魂交，其覺也形開

此寐、覺之異。與接為構，成云：「構，合也」補：列子穆王篇：「覺有八微，夢有六候，奚謂八微？一曰故，二曰為，三曰得，四曰喪，五曰哀，六曰樂，七曰生，八曰死。此八微者，形所接也。奚謂六候？一曰正夢，二曰噩夢，三曰思夢，四曰寤夢，五曰喜夢，六曰懼夢。此六者，神之所交也。」淮南子說山訓篇注：「魂，人陽神。」故神交，即魂交也。魂交，則演為六夢，其所謂形接者，即此處「形開，與接為構」也，開而後接，此係分層言之，然一本列子為說。所謂「為構」者，即日為八微構結而不能解也。日以心鬥。宣云：「心計相角。」補：此句為本段綱領，至下「吾獨且奈何哉」止，皆闡發此句之義。意謂形既開而與八微接構，因以亂心，而日事角鬥矣。「形開，與接為構」，反映形如槁木，此句反映心如死灰。縵者，寤者，密者。

簡文云：「縵，寬。」司馬云：「寤，深也。」宣云：「密，謹也。」成云：「略而言之，有此三別。」此交、接之異。補：釋文：「縵，末旦反。寤，古孝反。」武按：縵，解見下。史記貨殖傳：「任氏獨寤倉粟。」徐廣曰：「寤音校，穿地以藏也。」正此非言交、接之異，乃言心鬥之情態有此三者之不同也。總提於此，下乃就此三者分承說明之。小恐惴惴，大恐縵縵。

李云：「惴惴，小心貌。」宣云：「縵縵，迷漫失精。」此恐、悸之異。補：釋文：「惴惴，之瑞反」。鵠冠子天則第四：「踰年累歲，用不縵縵。」陸佃注：「縵縵，漫滅之貌，猶言精神散漫也。」

正此二句，承上

「縵者」說，非言恐、悸之異也

。心鬥之情態一。其發若機括，其司是非之謂也；

釋文：「機，弩牙。括，箭括。」成云：「司，主也」按：發言即有是非，榮辱之主也。補：釋文：「括，古活反。」晉語：「言以昭信，奉之如機，歷時而發之。」可資參證。

正

此承

上「窖者

」說。窖者深藏，

此則言窖者之發出若機括也。心鬥之情態二。

其留如詛盟，其守勝之謂也；留不發，若詛盟然，守己以勝人。此語、默之異。補：釋文：「詛，側據反。（成云：「祝也。」）盟音明。」（成云：「誓也。」）武按；周禮詛祝鄭注：「大事曰盟，小事曰詛。」正此承上「密者」說，非言語、默之異也。心鬥之情態三

。其殺若秋冬，以言其日消也；宣云：「琢削，使天真日喪。」補：儀禮士冠禮：「德之殺也。」注：「殺，猶衰也。」此處即下文「與物相刃相靡，其行盡如馳」之意。其溺之所為之。不可使復之也；

溺，沈溺。宣云：「『為之』之『之』，猶往。言一往不可復返。」正之，語助詞。此句言不可使復其初也。如作「往」字解，則為不可使復往，於義不合。此二句，承上二句來，謂其日消者由其沈溺之所致，不可使復其未消之初也。繕性篇「無以反其性情而復其初」，其義正同。并合上二句，總承上文，言心因溺於日鬥，而日趨消殺也。其厭也如緘，以言其老洫也；

宣云：「厭然閉藏。緘，祕固。洫，深也。老而愈深」。

補：釋文：「洫，郭已質反」正則陽篇；「與世偕行而不替，所行之備而不洫。」

釋文：「王云：『敗壞也。』」按：老洫，即老敗也，與下「近死」句方貫。近死之心，莫使復陽也。宣云：「陰鷲無復生意。」

補：寓言篇：「而生陽也。」武按：莫使復陽，即莫使復生也。正注中「陰鷲」二字宜刪。此二句，承上二句來，總承心因日鬥，由消殺進一步而為老敗，以近於死，而不可復活也。與上「殺若秋冬」四句相對，同一句法。上為不可使復初，此為莫之使復生，係推進一層說。

喜怒哀樂，慮歎變熱，宣云：「慮多思，歎多悲，變多反覆，熱多怖。音執。」

補：釋文：「樂音洛。熱，之涉反，司馬云：『不動貌。』」正注非。自「縵者」至「莫使復陽也」，皆寫心鬥之狀；心之用為情，即寫情之狀也。故「近死之心」句，復點「心」字，照應上「心」字，作一小收束。「情」字，至下「有情而無形

」句方出。荀子正名篇；「性之喜怒哀樂謂之情。」文子下德篇：「人之情，思慮聰明喜怒也。」據此，則本文「喜怒哀樂慮歎」，合上文「恐」字，均心所發之情也。慤者，心不動也。田子方篇「慤然似非人」，言老聃不動心之貌也。此句之意，言若思慮慨歎，

則情動於中，而變其不動之心矣。姚

佚啟態；

成云：「姚則輕浮躁動，佚則奢華縱放，啟則情Q欲Y開張，態則嬌淫妖冶。」按：姚同佻。動止交接，性情容貌，皆天所賦。以上言人。

補：釋文：「佚音逸。態，敕代反。」正姚，賈子新書容經篇「姚不愔」，注「姚，寬遠之意」；說文「史篇以為姚，易也」，春秋傳「楚師輕姚」。佚，說文「忽也」，又同逸，安佚也。方言：「佚，蕩緩也。」啟，說文「教也」，玉篇「開發也」。態，廣韻「意態」，史記老子傳正義「恣態之容色」。諸字之義大抵如此。成疏於「佚」字加奢華，「啟」加情Q欲Y，「態」加嬌淫妖冶，就字論，無此義，就文論，無此意，任意增加字義，以傳會其說，且將此句與上句各字平說，亦屬牽強。王按云「以上言人」，均非。此句之義，言心鬥之情，輕浮蕩逸則開發於外而為態，即姚

佚之情見於外而為態也

。上句情變於內，此句情啟於外也。樂出虛，

無聲而有聲。宣云：「本虛器，樂由

此作。」蒸成菌。

無形而有形。皆氣〔一〕所使。以上言物。正注謂「以上言物」，郭於此注云「此蓋事變之異也」，均非。蓋此二句係插喻，言以上所舉心鬥各種之情態，如樂之出於虛而無形，故下言「可行己信，而不見其形」也；如氣之蒸成菌而無根，故下言「莫知其所萌」也。上下文意，各相承

注。日夜相代乎前，而莫知其所萌。日與夜代，於何萌生？上句又見德充符篇。

正言上所舉心鬥所發之各

情，日夜相更代，莫知其所生。

已乎已乎！旦暮得此，其所由以生乎！

既無可推求，不如其已乎。然俯仰旦暮間，自悟真理。此者，生之根也。正「已乎」之已，成云「止也」。此注本之，非也。應作自身解，即下文之「我」也。與上「而使其自己也」句相呼應，上句乃此句之喻也。此句意謂上所述之各情雖莫知其所萌，然我乎我乎，旦暮得此，其所由以生乎？此者，指上文所發之情也。蓋我之生必有情，特情之發當理與不當理耳。注謂「此者，生之根」，非也。

非彼無我，宣云：「彼，即上之此也。」補：彼，即指情。謂非情則無我。此重明上句「我乎我乎，旦暮得此，

其所由以生乎」之意。非我無所取。

成云：「若非自然，誰能生我？若無有我，誰稟自然乎？」正文中並未涉及自然，成說未免節外生枝。文謂情者，我之情也，然則情之所發，非我自取而誰取之乎？此句與上「

咸其自取」句相應，上句為此句之喻，亦即此句之伏筆也。是亦近矣，成云：「我即自然，自然即我，其理非遠。」

正成說非。言情

之所發，既由我之自取，則情之於我，可謂近矣。而不知其所為使。

宣云：「究竟使然者誰耶？」按：與上「怒者其誰耶」相應。

正情與我既近，則情

之發，我應知其所為使，而竟不之知也。

必有真宰，而特不得其朕。

崔云：「特，辭也」李云：「朕，兆也。」按：云若有真為主宰者使然，而其朕跡不可得見。可行己信，而不見其形，可運動者，己信能之，而不見運動我之形。正可行使我之心發動各情，己可徵信，而不見主宰者之形。句中「行」字，跟上「使」字來。有情而無形。與我有相維繫之情，而形不可見。正情，即上文自「縵者」至「啟態」各情，特於此處點出「情」字。以總括上文。注謂為「維繫之情」，非也。且「情」字不僅總括上文，並啟下「是非」各節。劉勰新論去情篇云：「情者，是非之主。」蓋有情則有好惡，有好惡則有是非。而是非之發則有言，言各是其所是而非其所非，故儒、墨是非之辯起，而真道隱矣。莊子則我喪物化，且無彼此，何有是非？既無是非，尚何物論之

不齊哉！百骸、成云：「百骨節。」九竅、

眼、耳、口、鼻七竅，與下二漏而九。六臟，

李楨云：「難經三十九難：『五藏，心、肝、脾、肺、腎也。』亦有六藏者，腎有兩藏也。左腎，右命門也。命門者，謂精神之所舍也。其氣與腎通，故言藏有六也。」賅而存焉，成云：「賅，備。」吾誰與為親？

成云：「豈有親疏？」汝皆說之乎？其有私焉？

將皆親而愛悅之乎？或有私於身中之一物乎？

如是者〔二〕皆有。為臣妾乎，其臣妾不足以相治也！其遞相為君臣乎，其有真君存焉。

言皆悅不可，有私不可。既如是矣，或皆有之，而賤為役使之臣妾乎，然無主不足以相治也。其或遞代為君臣乎，然有真君在焉，即上「真宰」也。此語點醒。補：真君者，心之神也。「如是者皆有」斷句，與上句為一氣。言其有私於身中之一物乎，然身中之物賅而存也，勢不能獨有私，如有私，則皆有矣。又言身中之物皆為臣妾乎，然彼此比肩，不足以相治也，其勢不能無君，故必有真君存焉。因上所言之真

宰，不得

其朕，不見其形，

果有乎，無乎？此處反覆推勘，明其應有也。

如求得其情與不得，無益損乎其真。一受其成形，不亡以待盡。與物相刃相靡，其行盡如馳，而莫之能止，不亦悲乎！

成云：「刃，逆。靡，順也。」真君所在，求得不加益，不得不加損。惟人自受形以來，守之不死，坐待氣盡，徒與外物相撓，視歲月之行盡如馳，而莫之能止，不可悲乎！按：「一受其成形，不亡以待盡」，又見田子方篇，「亡」作「化」。正注非。情即上文「有情而無形」之情，心鬥所生之情也。真者，真君也。求者，非求真君所在，乃求遂其情也。言如求得遂其情，於真君無益；不得，於真君無損。是以下瞿鵠言聖人不喜求也。一受其成形，不自牒亡其真，以待天年之盡，即下文「所以窮年也」之意，與養生主之「盡年」，及德充符篇所云「常因自然而不益生」之義亦同。靡，荀子性惡篇「靡使然也」，楊注：「磨切」與物相刃相靡，言其心與物相戕害、相磨切也。此句應上「心鬥」，及「其殺若秋冬」句；「其行盡如馳而莫之能止」，應上「日消」與「不可使復」句。下之終身役役，荼然疲役，即行盡而非待盡也。

終身役役而

不見其成功，{忡尔}

然疲役。而不知其所歸，可不哀邪！

所有皆幻妄，故無成功，疲於所役，而不知如何歸宿。盧文弨云：「{忡尔}，當作荼。」司馬作「藹」。簡文云：「疲，困貌。」補：終身役役，應上「其溺之所為」句。荼然疲

役，應「老洫」句。{忡尔}，

釋文「乃結反」。

人謂之不死，奚益！其

形化，其心與之然，可不謂大哀乎？

宣云：「縱生何用？及形化，而心亦與之俱化，靈氣蕩然矣。」

補：此應上「莫使復陽也」。

人之生也。固若是芒乎？其我獨芒，而人亦有不芒者乎？成云：「芒，闇昧也。」

補：此應上「日夜相代乎前，而莫知其所萌」以下數句。言不知其萌，不知所使，不得其昧，是芒昧不明。

夫隨

其成心而

師之，誰獨且無師

乎？奚必知代而心自取者有之？愚者

與有焉。

心之所志，隨而成之。以心為師，人人皆有，奚必知相代之理，而心能自得師有之？即愚者莫不有焉。補：成心，言已發動而成為情意之心也，即心已為情所膠著也。

。「師」字，應作動詞解，與人間世「猶師心者也」之師同。釋文：「與音豫。」

「奚必知代而心自取」句，承上「日夜相代乎前」、「非我無所取」說。言何必知喜怒哀樂恐慮之情日夜相代乎前，而我之心自取者有之？愚者雖情知少，亦與有焉。

。

未成乎心而有是非，是今日適越而昔至也。

未成凝一之心，妄起意見，以為若者是道，若者非道，猶未行而自夸已至。此「是非」，與下「是非」無涉。天下篇「今日適越而昔來」，惠施與辯者之言也，此引為喻。正注非。未成乎心者，言一切情感尚未生於心也。朱晦庵云：「心之所感有邪正，故言之所形有是非。」未成乎心，即心尚無所感也。言者心之聲，心無所感，則情不動，情不動，則無是非之言。如謂有是非，是如今日適越而昨日至，喻必無是理也。「是非」二字，為篇中筋節，特於此點出，以為後文伏脈。後文儒、墨是非之辯，由成榮華之情於

心所致，即各師其成心也。

是以無有為有。

無有為有，雖有神禹，且不能知

，吾獨且奈何哉！

無有為有，雖神禹之智〔三〕，不能解悟。自夸自欺，吾末如之何矣。此段反復喚醒世人。正注中「自夸自欺」以下，宜刪。

〔一〕「氣」原誤「眾」，據王氏原刻改。

〔二〕「者」字，王氏原刻及集釋本均無。

〔三〕此二句王氏原刻作「無而為有，雖禹之智」。夫言非吹也，應上「吹」。補：至此繳清「吹」字。吹，地籟、人籟也。夫言非吹者，謂非如地籟之聲由風吹，比竹之聲由人吹，而由言者自然而有言，故曰天籟也。本篇「大知閑閑」以上言地籟、人籟，以下則言天籟，特於此處提清。自此至「是之謂兩行」，反覆申說大言炎炎、小言詹詹之義。

言者有言，其所言者特未定也。

果有言邪？其

未嘗有言耶？其以為異於鷇

音，亦有辯乎，其無辯乎？

人言非風吹比，人甫有言，未定足據也。果據以為言耶？抑以為無此言耶？抑以為與初生鳥音果有別乎，無別乎？其言之輕重尚不定。補：此謂言之有無未定，以下則謂言之是非未定。郭云：「以為有言耶，然未足以有所定。以為無言邪，則據己已有言。」釋文：「鷇，苦豆反，李音鷇。」爾雅釋鳥：「生哺，鷇；生嚼，雛。」郭璞注：「鷇，鳥子，須母食之。」列子湯問篇：「負其材力，視來丹猶雛、鷇也。」張湛注：「鷇音寇。生而須哺曰鷇，自食曰雛。」武按；鷇音居於無言有言之間，以為無言耶，則固有音也；以為有言耶，則鷇不能言也，僅有音而已。有音無言，辯無自生矣。

道惡乎隱而有真偽？言惡乎隱而有是非？

隱，蔽也。道何以蔽而至於有真有偽？言何以蔽而至於有是有非？補此處點出「道」字，道惡乎往而不存？言惡乎存而不可？

宣云：「觸處皆道，本不須言。一言一道，亦不須辯。」補：釋文：「惡音烏。」成云：「惡乎，謂於何也。」正注非。此二句，較上二句進一層說。上言道隱蔽不明，即下「古之人，其知有所至矣」段所謂「道之所以虧也」。夫謂虧，則尚有未虧者存。故道雖隱於偽，尚有真者存；言雖隱於非，尚有是者存。此言往而不存，並真

者亦不存

矣，非僅虧也；存

而不可，並是者亦不可矣。故曰進一

層說也。道隱於小成，

小成，謂各執所成以為道，不知道之大也。宣云：「偏見之人，乃至道隱。」成引老子云：「大道廢，有仁義。」補下文云：「道之所以虧，愛之所以成。」此謂道隱於愛之小成也。言隱於榮華。

成云：「榮華，浮辯之詞，華美之言也。只為滯於華辯，所以蔽隱至言。老子云：『信言不美，美言不信。』」補：此二句，解答上之疑問也。列禦寇篇顏闔言孔子云「方且飾羽而畫，從事華辭，以支為旨」，即此榮華之謂。下文惠子以堅白之昧終，即務榮華不實之辯，致言隱昧不明也。

故有儒、墨之是非，以是其所非，

而非其所是。

成云：「昔有鄭人名緩，學於求氏之地，三年藝成，而化為儒。儒者祖述堯、舜，憲章文、武，行仁義之道，辯尊卑之位，故謂之儒。緩弟名翟，緩化其弟，遂成於墨。墨者，禹道也。尚賢崇禮，儉以兼愛，摩頂放踵，以救蒼生，此謂之墨也。緩、翟二人，親則兄弟，各執一教，更相是非。緩恨其弟，感激而死。然彼我是非，其來久矣。爭競之甚，起自二賢，故指此二賢為亂群之帥。是知道喪言隱，方督是非。」按：儒、墨事，見列禦寇篇。補：「其」字，指對方說。是彼之所非，非彼之所是，猶儒家是墨家所非，如重喪之類；非墨家所是，如兼愛之類。推之墨家亦然。欲是其所非而非其所是，則莫若以明。

郭嵩燾云：「彼是有對待之形，而是非兩立，則所持之是非，非是非也。彼是之見存也。」按：莫若以明者，言莫若即以本然之明照之。正謂欲是其所非而非其所是，由於為小成與榮華之見所隱蔽，而不明彼此之情，是非之理也。莫若以天然之明照之，則隱者顯矣。下文「照之以天」，及「為是不用而寓諸庸，此之謂以明」，即釋此義。物無非彼，物無非是。有對立，皆有彼此。

自彼則不見，自知則知之。觀人則昧，返觀即明。補：既「物無非彼」，則此中亦有彼，即自彼也，人每於自身之彼則不見也。如蝶，彼也，今我夢為蝶，即自彼也，覺則見己而不見蝶，故曰「自彼則不見」也。「自知則知之」者，如夢為蝶時，不知人之知也，覺則不知蝶之知也。人每以覺時之知為自知，而不知夢時之知亦為自身之彼之知，故下曰「彼出於是」，非有二也。然人恆於自彼之知則不知，而自知則知之。究之夢之與覺，孰為真境，自知與自彼之知，孰為真知，非大聖不能定也。下「夢飲酒者」段

，與「夢蝶」段，即證明此義者也。

故曰：彼出於是，是亦因彼。彼

是，方生之說也。有此而後有彼，因彼而亦有此，乃彼此初生之說也。正「方」字，注中訓初。成云：「方，方將也。」呂氏春秋安死篇：「其所非，方其所是也。其所是，方其所非也。」高注：「方，比。」按：均於文義未合。說文：「方，併船也。象兩舟省總頭形。」儀禮鄉射禮：「不方足。」注：「方猶併也。」彼是方生，即彼是併生。下文「方生方死，方死方生」，即併生併死，併死併生也。就時間言，即同時之意，如人死為鬼，當人之死，同時即為鬼之生，此即方死方生為併死併生之說也。可與不可，因對待比較而成，有不可者存，然後方見其可，故當可之時，不可者已併存矣。此就一己言也。當我可之時，人之好尚各異，同時必有以為不可者，此即方可方不可為併

可併不可之說也。雖然，方生方死，方死方生；

然其說隨生隨滅，隨滅隨生，浮遊無定。郭以此言生死之變，非是。正此非言其說之隨生隨滅，乃承上物之彼是方生，而推論方死，以明彼是之生死無定也。下二句，由心之可不可，然後因之形於言之是非。物與言對舉分說，不可混視。郭說亦未盡非也。方可方不可，方不可方可；

言可，即有

以為不可者；言不可，

即有以為可者。可不可，即是非也。因是因非，因非因是。

有因而是者，即有因而非者；有因而非者，即有因而是者。既有彼此，則是非之生無窮。補：此承上二句說，可則因而是之，不可則因而非之。可不可動於心，是或非則形於言。是以聖人不由，

宣云：「不由是非之途。」而照之於天，

成云：「天，自然也。」按：照，明也。但明之於自然之天，無所用其是非。

補：此句為後堯、舜問答一節張本。亦因是也。

是，此也。因此是非無窮，故不由之。蘇輿云：「猶言職是故也。」正注非。言聖人不由是非之途，而照之於自然之天，亦惟因之而已。即下文「是不是，然不然」也，與後「朝三」段「亦因是也」對照。養生主篇云：「依乎天理，因其固然。」管子心術篇云：「無為之道因也。因也者，無益無損也。以其形，因為之名，此因之術也。」又云：「因也者，舍己而以物為法者也。感而後應，非所設也；緣理而動，非所取也。故道貴因。」

二者均足為本處參證。是亦彼也，彼亦是也。

是，此也。郭云：「此亦為彼所彼，彼亦自以為此。」補：承上「物無非彼」二句說，既物無非彼，故是亦

彼也；物無非是，故彼亦是也。

彼亦一是非，此亦一是非。

成云：「此既自是，彼亦自是；此既非彼，彼亦非此。故各有一是，各是一非也。」

補：由上之說，是無彼此也。然就世情觀之，彼亦一是非，此亦一是非，互相對立，顯分彼此。果且有彼是乎哉？果且無彼是乎哉？分則有彼此，合則無彼此。補

：以道言之，無彼此；以世情言之，有彼此。果有乎，無乎，特未可定也。夫有彼此，然後有言語，既彼此之有無未可定，則言之有無亦未可定，更無論是非矣。較上「其所言者

特未定也，果有言耶，其未

嘗有言耶」，更進一層說。彼是莫得其偶，謂之道樞。

成云：「偶，對。樞，要也。體夫彼此俱空，是非兩幻，凝神獨見，而無對於天下者，可得會其玄極，得道樞要。」補：淮南子原道訓：「經營四偶，還反於樞。」高誘注云：「樞，本也。」武按：上言「是亦彼也，彼亦是也」，則彼亦可謂之是，是亦可謂之彼，彼是兩渾，則彼是并不對立而為偶。不對立為偶，則無是非之辯，此即道之樞要也，亦可謂之道之本也。又按上文南郭子綦答然似喪其耦，即彼是莫得其偶也。偶與耦同。樞始得其環中，以應無窮。

郭嵩燾云：「是非兩化，而道存焉，故曰道樞。握道樞以游乎環中，中，空也。是非反復，相尋無窮，若循環然。游乎空中，不為是非所役，而後可以應無窮。」唐釋湛然止觀輔行傳宏決引莊子古注云：「以圓環內空體無際，故曰環中。」按則陽篇亦云：「冉相氏得其環中以隨成。」正淮南子原道訓云：「得道之柄，立於中央。」又云：「執道要之柄，而游於無窮之地。」可與此互相發明。樞猶之柄也。譬之規然，以一端居中，即樞也，他端旋之則成圓，如是，可以圓轉無窮。以喻大道無我，尚何有彼？既無彼我，更何有是非？執無彼我之道，猶之執樞然，置之環之中心，可以圓轉無窮矣。無窮，指世情之是非之無窮也。此處重在執樞圓轉以應無窮，即

盜跖篇所謂「

若是若非，執而圓機」，非

重環之中空也。郭說失之。

是亦一無窮，非亦一無窮也。

郭云：「天下莫不自是而莫不相非，故一是一非，兩行無窮。」補：世情之是非，兩相倚伏。而循環相生，有是之者，則必有非之者，有今日以為是，而他日以為非者；今日以為非，而他日以為是者。故是之無窮，非之亦無窮也。此申釋上句「無窮」二字之義。故曰「莫若以明」。

惟本明之照，可以應無窮。此言有彼此而是非生，非以明不能見道。正以道言之，是無定是，非無定非。照之以自然之明，而不執我見，則是非之辯息矣。此句繳應上節「莫若以明」句。以指喻指之非指，不若以非指喻指之非指也；以馬喻馬之非馬，不若以非馬喻

馬之非馬也。天地，一指也；萬物，

一馬也。

為下文「物謂之而然」立一影子。近取諸身，則指是；遠取諸物，則馬是。今日指非指，馬非馬，人必不信，以指與馬喻之，不能明也。以非指非馬者喻之，則指之非指，馬之非馬，可以悟矣。故天地雖大，特一指耳，萬物雖紛，特一馬耳。正此設喻證明「物無非彼」二句，及「是亦彼也」至「果且無彼是乎哉」數句之義。蓋物本無彼此，彼此由人分，猶之物本無名，名由人立，可立之以此名，亦可立之彼

名，即下文所謂「物謂之而然」也。如馬名未立之時，以名牛者名馬，則馬為牛矣。今馬牛之名已立，鬣者人共知其為馬，而牛則人共知其為非馬也。若復以此馬證彼馬之非馬，必為人所嗤，且亦無以伸其說，因其同為是（習久成是），而不能有非存於其間也。如以非馬證彼馬之非馬，名既非真，是非今復對立，不能遽執是非之誰屬也。故言以馬喻，不若以非馬喻。天地雖大，萬物雖眾，皆可作如是觀也已。可乎可，不可乎不可。

郭云：「可乎已者，即謂之可；不可於已者，即謂之不可。」補：天地萬物之名，皆可乎可，不可乎不可，非其真也。如鬣者可名為馬，以人之可之也，非真鬣者必名馬而後可也。不可名之為牛，以人之不可之也，非真名牛之不可也。又淮南泰族訓云：「周公誅管叔、蔡叔，以平國弭亂，可謂忠臣也，而未可謂弟弟也。湯放桀，武王伐紂，以為天下去殘除賊，可謂惠君，而未可謂忠臣矣。樂羊攻中山，未能下，中山烹其子，而食之以示威，可謂良將，而未可謂慈父也。故可乎可，而不可乎不可；不可乎不可，而可乎可。」

亦可參證。道行之而成，

宣云：「道，路也。」按：行之而成，孟子所云「用之而成路」也。為下句取譬，與理道無涉。正「行道」二字，與天地篇「行於萬物者道也」之義同。篇中「道」字，多與「心」「物」「言」諸字並舉，猶之知與言、是與非、心與情亦往往并舉也。此「道」字與「物」字并舉，承上啟下。按語謂「與理道無涉」，未能將全文會通觀之也。物謂之而然。

凡物稱之而名立，非先固有此名也。故指、馬，可曰非指、馬；非指、馬者，亦可曰指、馬。

補：此句重要，以下「然不然」

之說，均根於此。

惡乎然？然於然。惡乎不然？不然於不

然。

何以謂之然？有然者，即從而皆然之。何以謂之不然？有不然者，即從而皆不然之。隨人為是非也。正物何以然？其然也，由於人謂之然，非物之真然也。何以不然？其不然也，亦由人謂之不然，非物之真不然也。

物固有所然，物固有所可。無物

不然，無物不可。

論物之初，固有然有可，如指為指，馬為馬是也。論物之後起，則不正之名多矣，若變易名稱，無不然，無不可，如指非指，馬非馬，何不可聽人謂之？「惡乎然」以下，又見寓言篇。此是非可否并舉，以寓言篇證之，「不然於不然」下，似應更有「惡乎可？可於可；惡乎不可，不可於不可」四句，而今本奪之。補：文子自然篇云：「故至寒傷物，無寒不可；至暑傷物，無暑不可。故可與不可皆可，是以大道無所不可，可在於其理。是可不可，見不可不去。可與不可，相為左右，相為表裏。」正寓言篇「惡可」四句，居「惡乎然」四句之下，而與之為對偶。此莊文齊整處。此篇則刪去「惡乎可，惡乎不可」二句，而將「可乎可，不可乎不可」置於

本段之首，以承說「萬物，一馬也」之理，並遙接上文「方可方不可」句，與寓言篇用意不同，故於「惡乎然」四句之下不重出，避複也。此莊文之奇變處。由此可以窺見莊叟

執筆時，亦煞費經營也

。王氏謂「今本奪之」，豈其然乎？

故為是舉莛與楹，厲與西施，

恢恠憭怪，道通為一。

釋文：「為，于偽反。」成云：「為是故略舉數事。」俞云：「說文：『莛，莖也。』漢書東方朔傳：『以莛撞鐘。』司馬云：『楹，屋柱也。厲，病癰。』莛、楹，以大小言；厲、西施，以美醜言。」成云、恢，寬大之名。恠，奇變之稱。憭，矯詐之名。怪，妖異之稱。」按：自知道者觀之。皆可通而為一，不必異視。補釋文：「莛，徐音庭。厲，如字，惡也。李音賴。西施，越王句踐所獻吳王美女也。恢，徐苦回反，簡文本作弔（音的）。恠，九委反。李云：『戾也。』憭音決，乖也。」武按：德充符篇云：「自其異者視之，肝膽楚、越也。自其同者視之，萬物皆一也。」若莛與楹，大小雖異，然同為物；厲與西施，美惡雖異，然同為人；恢恠憭怪，其情

雖異，然同於性。

自其同者視之，皆一也，故曰「道通

為一」。其分也，成也；分一物以成數物。其成也，毀也。

成云：「於此為成

，於彼為毀。如散毛成氈，伐木為舍

等也。」凡物無成與毀，復通為一。

如此成即毀，毀即成，故無論成毀，復可通而為一，不必異視。補：庚桑楚篇：「道通，其分也；其成也，毀也。所惡乎分者，其分也以備；所以惡乎備者，其有以備。」可作此處參證。

唯達者知通為一，為是不用而寓諸庸。

唯達道者能一視之，為是不用己見，而寓諸尋常之理。補：成云：「寓，寄也。」

庸，爾雅釋詁：「常也。」晉語：「無功庸者，不敢居高位。」注：「國功曰功，民功曰庸。」史記周勃傳：「才能不過凡庸。」玉篇：「凡，非一也。」廣韻：「常也，皆也。」是常也，民功也，凡也，皆也，均「庸」字之義。蓋用之義狹，庸之義廣。為是不

用而寓諸庸者，謂不自用，而寄

諸人人之皆用也。庸也者，用也；宣云：「無用之用。」

正寄諸人人之皆用，亦即我之用也。用也者，通也；

無用而有用者，以能觀其通。正如斯之用，則人人之用同而不二，是通為一也。此句「通」字，承上「知通為一」來。通也者，得也。觀其通，則自得。正知北遊篇：「聖人故貴一。」老子曰「昔之得一者，天得一以清，地得一以寧，神得一以靈」云云。老、莊之道貴一，故屢言「守一」「抱一」，皆得一之旨也。此句謂「通

為一」也者，得一也。適得而幾已。適然自得，則幾於道矣。

補：幾，爾雅釋詁「近也」。正淮南原道訓：「道者一立而萬物生。所謂無形者，一之謂也。」管子心術篇：「天之道，虛其無形。」據此，則一者，所以表道也。此句謂適得一而近於道已。因是已。因，任也。任天之謂也。

正因任於廣而已。已而不知其然，謂之道。

宣云：「已者，既通為一。不知其然，未嘗有心也。謂之道，所謂『適得而幾』也。」按：此言非齊是非不能得道，以下又反言以明。

補：已而不知其然，言已如此，而不知其如此也。

勞神明為一，而不知其同也，謂之朝三。

若勞神明以求一，而不知其本同也，是囿於目前之一隅，與「朝三」之說何異乎？

補：此節從反面證明上文。上文謂「道通為一」，非勞神明為一也。勞神明為一，則非因矣。

何謂朝三？狙公賦芋，曰：「朝三而暮四。」眾狙皆怒。曰：「然則朝四而暮三。」

眾狙皆悅。名實未虧，而喜怒

為用，亦因是也。

列子黃帝篇：「宋有狙公者〔一〕，愛狙，養之成群，能解狙之意，狙亦得公之心。損其家口，充狙之欲。俄而匱焉，將限其食，恐眾狙之不馴於己也，先誑之曰：

『與若芋，朝三而暮四，足乎？』眾狙皆起而怒。俄而曰：『朝四而暮三，足乎？』眾狙皆伏而喜。物之以能鄙相籠，皆猶此也。聖人以智籠群愚，亦猶狙公之〔二〕

以智籠眾狙也。名實不虧，使其喜怒哉！」張湛注：「好養猿猴者，因謂之狙公。

芋音序，栗也。」按：漆園引之，言名實兩無虧損，而喜怒為其所用，順其天性而已，亦因任之義也。正釋文：「狙，七徐反。朝三暮四，司馬云：『朝三升，暮四升。』」成云：「賦，付與也。芋，橡子也，似栗而小也。」武按：「名實未虧，

而喜怒為用，亦因是也」三句，乃就狙公言之也。謂狙公之名實未虧，而順狙之喜怒以為用，而不自用，亦因任狙之天性也，即以狙之用為用也。引此事，以證上文「為是不用而寓諸庸」之義，非泛設

也。

是以聖人和之以是非，而休乎天

鈞，是之謂兩行。

釋文：「鈞，本又作均。」成云：「均平之理。」按：言聖人和通是非，共休息於

自然均平之地，物與我各得其所，是兩行也。按寓言篇亦云：「始卒若環，莫得其倫，是謂天均。天均者，天倪也。」此作「鈞」，用通借字。正和之以是非，即上文「道通為一」，又即下文「是不是，然不然」也。漢書鄒陽傳：「獨化於陶鈞之

上。」張晏云：「陶家名模下圓轉者為鈞。」故寓言篇云：「始卒若環。」凡陶鈞有樞。上文「道樞」，天鈞之樞也。休乎天鈞，即承上文「樞始得其環中」句。此之謂兩行，承上文「以應無窮，是亦一無窮，非亦一無窮也」三句。聖人和通是非，

視之如

一，然於世情之是

一，然於世情之是

非，則任其兩行無窮，惟執道樞以應之而已。古之人。其知有所至矣。成云：「至，造極之名。」補：自此至「此之謂以明」，申說大知閑閑，小知閒閒之義。「未始有」數句，說大知；昭文三子之知，小知也。

惡乎至？有以為未始有物者

，至矣盡矣，不可以加矣。

郭云：「此忘天地，遺萬物，外不察乎宇宙，內不覺其一身，故能曠然無累，與物俱往，而無所不應。其次以為有物矣，以上又見庚桑楚篇。

而未始有封也。

封，界域也。其次見為有物，尚無彼此

。」其次以為有封焉，而未始有是非也。

雖見有彼此，尚無是非。

是非之彰也，道之所以虧也。

見是非，則道之渾然者傷矣。道之所以虧，愛之所以成。私愛以是非而成。

補：虧道成愛，故愛成

為小成。申釋上「道隱於小成」句。

果且有成與虧乎哉？果且無成與虧乎哉？

成云：「果，決定也。道無增減，物有虧成。是以物愛既成，謂道為損，而道實無虧也。故假設論端，以明其義。」有成與虧，故昭氏之鼓琴也；補：鼓琴，昭氏所愛也

。下稱其

知之盛，則其愛可

謂小成矣。舉此，以證上「道隱於小

成」句。無成與虧，故昭氏之不鼓琴也。

宣云：「故，古也。」成云：「姓昭，名文，古善琴者。鼓商則喪角，揮宮則失徵，未若置而不鼓，五音自全。亦猶存情所以乖道，忘智所以合真者也。」補：成云「姓昭，名文」，不詳所出。考列子湯問篇：「瓠巴鼓琴，而鳥舞魚躍。鄭師文聞之，棄家，從師襄游。」呂氏春秋君守篇：「鄭太師文，終日鼓瑟而興。」名同矣，而不知是否姓昭。惟文子自然篇云：「故無絃，雖師文不能成其曲。」繼之云：「至于神和游于心手之間，放意寫神，論變而形于絃者，父不能以教子，子亦不能受之于父，此不傳之道也。」與此處「其子又以文之綸終，終身無成」之意同。據此以推，昭文蓋即鄭之太師文也。

昭文之鼓琴也，師曠之枝策也，

成云：「枝，柱也。策，打鼓枝，亦言輿節枝。曠妙解音律，晉平公樂師。」按：枝策者，拄其策而不擊。補：晉語「平公說新聲」句解云：「師曠，晉主樂太師子野。」淮南原道訓：「師曠之聰。合八風之調。」正昭文善鼓，師曠善聽，惠子善談，文係分說，然以昭文、惠子為主，而師曠乃昭文之陪襯也。故下文「堅白」句繳清惠子，「以文之綸」句繳清昭文，師曠則不之及，非疏也。人有賓主，故文有詳略也。注謂「拄其策而不擊」，非也，乃師曠拄其策以聽音也。曠蓋聰耳而妙知

音者。惠子之據梧也，
司馬云：「梧，琴也。」成云：「檢典籍，無惠子善琴之文。據梧者，止是以梧几而據之談說。」德充符篇莊子謂惠子云：「今子外乎子之神，勞乎子之精，倚樹而吟，據槁梧而瞑。」正據德充符篇所言，梧義自見。蓋梧亦樹也，吟既倚樹，瞑自可據梧。惟吟則徙倚不定，故概言曰樹；瞑則據而不移，故梧可指名。其必以梧者，以其槁也。槁則風難動搖，據之方可以瞑。如此解，非不可通，正不必憑空添「琴」「几」字附會之也。

三子之知幾乎！皆其盛者也，故載之末年。

崔云：「書之於今也。」按：言昭善鼓琴，曠知音律，惠談名理，三子之智，其庶幾乎！皆其最盛美者，故記載之，傳於後世。正「三子之知幾乎盛」句，對照上文「古之人，其知有所至矣」，知幾乎盛不及知之盛，知之盛不及知之至，此大知、小知之分也。末年者，三子之晚年也。注謂為「後世」，非也。又謂載為「記載」，亦與文義不合。荀子榮辱篇：「皆使人載其事，而各得其宜。」注：「載，行也。」復見書皋陶謨「載采采」注。又事也，見書舜典「有能奮庸熙帝之載」注。載之末年者，言三子於其所知，行之於晚年，猶言從事至於終身也。與下文「其子又以

文之

綸終」，

其意相同。所以如

此者，由其好之也。如此解，上下句

意方貫。

唯其好之，以異於彼，其好之也，

欲以明之彼。

宣云：「惟自以為異於人，且欲曉人。」成云：「彼，眾人也。」按：「唯其好之」四語，專承善辯者說。正此處重在「好」字，好即愛也。上證「愛之所以成」句，下啟「成」字。注拋荒「好」字，失其旨矣。好之異於彼，乃偏私之好，非眾所共好也；即自用其好，而不寓諸庸眾之好也。欲以明之彼，及下「非所明而明之」，即自用其明，而不寓諸庸眾之明也。此從反面證明下文「為是不用而寓諸庸，是之謂以明」數語之義。至此處「彼」字，統指上三子。此四語，並下「非所明而明之」共五語，總冒下「故以堅白之昧終」至「終身無成」三語。就惠子論，「彼」字指眾人，謂惠子之好之也，欲以明之眾人，非眾人所明而強欲明之，故以堅白之昧終。就昭文論，「彼」字指其子，謂昭文之好之也，欲以明之其子，非其子所明而強欲明之，故終身無成。蓋鼓琴者，須明琴理之妙，而後能善也。惟師曠係善聽音者，聰由天授，固不能明之於人，且其所聽者與昭文為一類，故文不復敘及之也。注乃謂「四語專承善辯者」，則下「而其子」二語全無承接，不太突兀乎？於理於法，胥失之矣。

非所明而明之，故以堅白之昧終。

非人所必明，而強欲共明之，如「堅石」「白馬」之辯，欲眾共明，而終於昧，故

曰「以堅白之昧終」。「堅白」，又見德充符、天下、天地、秋水四篇。成云：「公孫龍，趙人。當六國時，弟子孔穿之徒，堅執此論，橫行天下，服眾人之口，不服眾人之心。」補：荀子修身篇注云：「此言公孫龍、惠施之曲說異理，不可為法也。堅白，謂離堅白也。公孫龍堅白論曰：『堅、白、石三，可乎？曰：不可。二可乎？曰：可。』謂目視石。但見白，不知其堅，則謂之白石。手觸石，則知其堅，而不知其白，則謂之堅石。是堅白終不可合為一也。」正列子仲尼篇：「子輿曰：『吾笑龍之詒孔穿。』」注：「孔穿，孔子之孫。世記云：『為龍弟子。』」成疏當本此。然孔叢子載公孫龍與孔穿辯論臧三耳於平原君所，明日，平原君謂公孫龍曰：「其人（指穿）理勝於辭，公辭勝於理。辭勝於理，終必受詘。」據此，則穿何至為龍弟子？世記所云，似不足徵。且本文言惠子，并未涉及公孫龍。而德充符篇「

子以堅白鳴」

句，明為莊子謂惠子之語，似不必徵引公孫龍與孔穿。

而其子又以文之綸終，終身無成。

郭云：「昭文之子，又乃終文之緒。」成云：「昭文之子，倚其父業，卒其年命，竟無所成。」按：終文之緒，猶禮中庸云「纘太王、王季、文王之緒」也。所謂無成者，不過成其一技，而去道遠。仍是無成。正注非。釋文：「綸音倫，崔云：『琴瑟絃也。』」武按：崔說是也。此承昭文鼓琴來，故言綸，猶之言絲竹絃索也。以文之綸終，言以文之琴絃終其身，與上「載之末年」之意同。終身無成，謂其技不及其父之有成也。

若是而可謂成乎，雖我亦成也。

成云：「我，眾人也。若三子異於眾，遂自以為成，而眾異於三子，亦可謂之成也。」正注非。惠子欲明「堅白」之說於人，而人終昧，是惠子之所好者無成也。昭文欲子之成其技，而其子終身無成，是昭文之所好者無成也。若是之無成而可謂之成，則我之毫不

能琴、不能辯者，亦何不可謂之為成乎？

若是而不可謂成乎，物與我無成也。

若是而不

可謂成乎？則天下

之無成者多矣。當知以我逐物，皆是無成也。

是故滑疑之耀，

聖人之所圖也。為是不用而寓諸庸，此之謂以明。

司馬云：「滑疑。亂也。」按：雖亂道，而足以眩耀世人，故曰「滑疑之耀」。聖人必謀去之，為其有害大道也。為是不用己智，而寓諸尋常之理，此之謂以本然之明照之。以上言求道則不容有物，得物之一端以為道，不可謂成。正注非。滑，說文「利也」。周禮天官食醫：「調以滑甘。」疏：「滑者，通利往來，所以調和五

昧。」疑。廣韻「不定也」。禮坊記：「夫禮者，所以章疑別微。」疏：「疑。謂是非不決。」是則「滑」字有通利調和之義，與篇中「和之以是非」，「道通為一」之意合。「疑」字有不定不決之義，即篇中「果且有彼是乎哉，果且無彼是乎哉」之意，亦即因是而不自是也。耀，說文「照也」。晉語：「光明之耀。」是耀為光之照耀者。老子「光矣而不耀」，謂有光而韜蔽之，不照耀也，與此「滑疑之耀」同義。所謂滑疑之耀者，似耀非耀，疑而不定之光，因滑以和之也。故兼有老子「和其光，同其塵」之意。下文「搖光」，亦此類也。本書中有「天光」，有「人光」。庚桑楚篇：「宇泰定者發乎天光。」此不眩耀之光也，莊子之所取也。列禦寇之「形謀成光」，此眩耀之人光也，莊子之所去也。滑疑之耀，因為莊子所取，故曰「聖人之所圖也」。王氏乃謂聖人必謀去之，夫豈莊子之旨哉？此處「用」「庸」二字，皆由「以明」之「以」字生出，且即詮釋「以」字者也。蓋以者用也，以明，用明也。第用有獨用、共用之分，前已釋用之義狹，庸之義廣，即用為獨用，而庸為共用也。如惠施輩獨用己明，而不用眾人之明，且欲眾人明己之所明，故道隱而人終昧也。必也不用己明，而寄之於眾人之明，所謂「為是不用寓諸庸，是之謂以明」者乃如此，非惠施輩之以明也。又寓諸眾人之明，即因眾人之明以為明。上文「聖人不由而照之於天，亦因是也」，又庚桑楚篇「惟庸有光」，義皆相通。〔一〕「者」字，據王氏原刻及列子補。

〔二〕「之」字，據王氏原刻及列子補。今且有言於此，不知〔一〕其與是類乎？其與是不類乎？類與不類

，相與為類，則與彼無以異矣。

如人皆執彼此之見，今且有言於此，不知其與我類乎？與我不類乎？若務求勝彼，而引不類者為類，則與彼之不類有異乎？宣云：「是，我也。」正是，此也。與此類者，非即此也。類與不類，同為非此，故曰「相與為類」。既非此。則為彼矣，故曰「與彼無以異」。譬之儒家以己所言為合道，墨所言為非道，不知大道不稱。又老子曰：「道可道，非常道。」無始曰：「道不可言，言而非也。」據此，則儒家以言言道，非道也，與墨之非道同，即與墨無異矣。無異，尚何是非之辯乎？自此至「葆光」，復承「大言」「小言」說。前半發揮上文「言者有言，其所言者特未定也，果有

言耶，其未嘗有言耶」數句

之義，末則帶說「知」字。雖然，請嘗言之。

成云：「嘗，試也。」有始也者，有未始有始也者，

成云：「未始，猶未曾也。」按：事

端未露。有未始有〔二〕夫未始有始也者。

并無事端，僅具事理。有有也者，有無也者，言之有無。

有未始有無也者，言未曾出。

有未始有〔三〕夫未始有無也者。並出言之心亦未曾萌。

俄而有無矣，而未知有〔四〕無

之果孰有孰無也。

忽而有有言者，有無言者，然有者或情已竭，無者或意未盡。是有者為無，無者為

有，故曰「未知有無之果孰有孰無也」。

補：此二句，主文也，虛

籠下文。下以謂之有無證明之。今我則已有謂矣，既顯有言矣。補：呂氏春秋精論篇：「知謂，則不以言矣。言者，謂之屬也。」列子說符篇：「孔子曰：『何為不可？唯知言之謂者乎？』」注：「謂者，所以發言之旨趣。」「夫知言之謂者，不以言言也。」此處承上「俄而有無矣」句來。上本兼有無言，下但就有之義加以證明，有義

明，而無義亦明矣

。其所謂者，即下「天下莫大於秋毫」六句。

而未知吾所謂之果有謂乎，其果無謂乎？

未

知吾

所言之果

為有言乎，其果為

無言乎？合於道為言，不合則有言與無言等。

天下莫大於秋毫之末，而太山為小；莫壽於殤子，而彭祖為夭。天地與我並生，而萬物與我為一。

釋文：「殤子，短命者也。或云：年十九以下為殤。司馬云：『兔毫在秋而成。』」成云：「秋時，獸生毫毛，其末至微，故謂秋毫之末也。人生在於襁褓而亡，謂之殤子。物之生也，形氣不同，有小有大，有夭有壽。若以性分言之，無不自足。故以性足為大，天下莫大於毫末，莫小於太山。太山為小，則天下無大；毫末為大，則天下無小。小大既爾，夭壽亦然。是以兩儀雖大，各足之性乃均；萬物雖多，自得之義唯一。」按：此漆園所謂齊彭、殤也。但如前人所說，則誠虛誕妄作矣。其意蓋謂太山、毫末皆區中之一物，既有相千萬於太山之大小者，則太山不過與毫末等，故曰「莫大於毫末，而太山為小」。彭祖、殤子，皆區中之一人，彭祖七八百年而亡，則彭祖不過與殤子等，故曰「莫壽於殤子，而彭祖為夭」。我能與天地無極，則天地與我並生；我不必與萬物相競，則萬物與我為一也。漆園道術精妙，喚醒世迷，欲其直指最初，各葆真性。俗子徒就文章求之，止益其妄耳。正成云：「故以性足為大，天下莫大於毫末，莫小於太山。」其意以毫末之性足，故大；太山之性不足，故小也。若問其何所據而便指毫末之性足，太山之性不足，恐成氏必無理由置答也。王氏按語，迄祇說得一「齊」字。無如此數句中，並無「齊」字之義。即就文字淺詁之，固明言毫末大，太山小，殤子壽，彭祖夭，亦未嘗言齊也。蓋毫大、山小、殤壽、彭夭之說，猶之天下篇「天與地卑，山與澤平」，此惠施弱德逐物，外神勞精之談。莊子一譏之曰「其道舛駁」，再譏之曰「其言不中」，「特與天下之辯者為怪」，與「今日適越而昔至」之言同一不合事理。可證此數句並非莊子自明其道，特借此不合事理之言，以明如斯之謂，與無謂等。即證上文「果有謂乎，果無謂乎」二句也，亦即證「果孰有孰無」之句也，又即證「言者有言，其

所言者特未定也，果有言耶，其未嘗有言耶」數句也。蓋「言者有言」數句，虛提冒下，至此，乃實證而暢發之也。並回映儒、墨是非之辯，其為不合事理之言，與此略同。莊子之文，真有銅山西崩，洛鐘東應之妙。郭注、成疏，與王氏按語，均未見及於此，徒就齊大、小、彭、殤，騁厥玄言，無當文義。蓋由誤解篇題之「齊」字，遂在處以齊義附會之。不知篇題所謂齊者，乃齊物論之是非也，至於大、小，何嘗齊之？固明言「小知不及大知」矣。壽、夭亦何嘗齊之？固明言「小年不及大年」矣。此皆不就文章求之之過也。莊子之意，於其文章發之；欲明莊子之意，自當於其文章求之。文章明，意義斯明矣。王氏乃謂「徒求文章，止益其妄」，然則何事而為之集解乎？亦矛盾之論也已。

既已為一矣，且得有言乎？何所容其言？

既已謂之一矣，且得無言乎？謂之一，即是言。

一與言為二，二

與一為三。自此以往，巧曆不能得，而況其凡乎！

成云：「夫以言言一，而一非言也。一既一矣，言又言焉，有一有言，二名斯起。復將後時之二名，對前時之妙一，有一有二，不謂之三乎？從三以往，雖有善巧算曆之人，亦不能紀得其數，而況凡夫之類乎！」正言者因有所對而後發，所以通彼此之情也。既已為一，則是無偶以為對，即上文所謂「彼是莫得其偶」也，尚何容有言？既已有謂一之言，即是對一而言，一即言者之偶也，偶則二也，尚何得為一

故自無適有，以至於三，而況自有適有乎！

成云：「自，從也。適，往也。至理無言，言則名起。從無言以之有言，纔言則至於三。況從有言適有言，枝流分派，其可窮乎！」補物而曰萬，非一也。我與物對，亦非一也。宇內明明有我有物，以我比類於物，是以有適有也。自無適有以至於三，況自有適有，而可強之為一乎？無適焉，因是已。

若其無適，惟有因任而已。此舉物之大小、人之壽夭並齊之，得因任之妙。正因者，因其大而大之，因其小而小之，所謂因物付物，無容心於其間也。若於毫末、太山之本不齊者而欲齊之，我與萬物本不一者而欲一之，是勞神明為一也。勞神明為一，是適人之適與適物之適也。惟不適人與物之適，而惟自適其適，如養生主篇所

夫道未始有封，

成云：「道無不在，有何封域？」言未始有常，

郭云：「彼此言之，故是非無定。」

補：遙應上文「言者有言，其

所言者特未定也」句。為是而有畛也。為言無常，而後有畛域。

補：釋文：「畛，徐

之忍反，郭、李音真，謂封域畛陌也。」

請言其畛：有左，有右，或袒左，或袒右。有倫，有義，

郭云：「物物有理，事事有宜。」釋文：「崔本作『有論有議』。」俞云：「崔本是。下文云『存而不論』，『論而不議』。又曰：『故分也者，有不分也；辯也者，有不辯也。』彼所謂分、辯，即此『有分有辯』。然則彼所謂論、議即此『有論有議』矣。」按：上言

「有畛」，倫義非畛也。當從俞說。有分，有辯，

分者異視，辯者剖別。有競，有爭，競者對競，爭者群爭。

此之謂八德。

德之言得也。各據所得，而後有言

。此八類也。六合之外，聖人存而不論；

成云：「六

合，天地四方。妙理希

夷，超六合之外，所以存而不論。」六合之內，聖人論而不議。

成云：「六合之內，謂蒼生所稟之性分。聖人隨其機感，陳而應之。既曰憑虛，亦無可詳議。」

春秋經世，先王之志，聖人議而不辯。

成云：「春秋者，時代。先王，三皇、五帝。志，記也。祖述軒、項，憲章堯、舜，記錄時代，以為典謨。聖人議論，利益當時，終不取是辯非，滯於陳跡。」按：

「春秋經世」，謂有年時，以經緯世事，非孔子所作春秋也。正成訓春秋為時代，王氏從之，謂「有年時以經緯世事」。然則何謂聖人議而不辯乎？武意春秋即春秋經也。言春秋為經世之書，先王之志所寄，故後之聖人，僅評議之而已，無所辯難，語意較為明順。且左傳昭三十二年，稱春秋為「善志」，杜註：「記事之善者也。」則先王之志，亦可訓為先王之所記也。莊子屢舉孔子之語，豈於其所作之經，而不一及之乎？即謂春秋經在莊子時或未大行於世，非莊子所及見，然晉語「羊舌肸習於春秋」，韋解：「春秋紀人事之善惡，而目以天時，謂之春秋，周史之法也。時孔子未作春秋。」又左傳魯昭公二年韓宣子適魯，見易象與魯春秋，曰：「周禮盡在魯矣。吾乃今知周公之德與周之所以王也。」其時孔子年方十有一歲。是在孔子之前，魯固已有春秋矣。觀宣子「周所以王」之語，與莊子所言「先王之志」合。然則訓春秋為時代，其不當明矣。

故分也者，有不分也；辯也者，有不辯也。以不分為分，不辯為辯。正分於此而不能賅於彼，仍有不得分者在，故曰「有不分也」。辯於此而不能見於彼，仍有不及辯者在，故曰「有不辯也」。庚桑楚篇云：「辯者，辯其所不能辯也。」可以相證。若聖人則不爾，懷之而已矣。曰：何也？聖人懷之，

存之於心。補懷為尚書「懷山襄陵」之懷，注：「懷，包也。」言聖人包涵之，即下「大辯不言」也。眾人辯之以相示也。

相夸示。補上文言「隱於榮

華」，蓋夸示以為榮華也。故曰：辯也者，有不見也。不見道之大，而後辯起。正不見己之非，不見人之是。夫大道不稱，宣云：「無可名。」正即下「不道」之道，「不」

下「道」字，言也。稱

，謂也，又言也。故不稱，即不道。大辯不言，使其自悟，不以言屈。

補：知北遊篇：「論則不至，辯不若默

。」大仁不仁，成云：「亭毒群品，汎愛無心，譬彼青春，非為仁也。」補：大仁莫如天地，然老子曰「天地不仁」，以其生養萬物，任運自然，非有意為仁也。大宗師篇云：「利澤施於萬物

，不為愛人。」意均相同。大廉不嗛，

釋文：「徐音謙。」成云：「知萬境虛幻，無一可貪，物我俱空，何所遜讓？」補：漢書尹翁歸傳：「溫良嗛退。」師古注：「嗛，古以為謙字。」韓詩外傳：「嗛乎其廉。」蓋廉者每多謙退，而「嗛乎」則廉之形容詞也。盜跖篇：「棄天下而不自以為廉。」棄天下，大廉也，不自以為廉，即不嗛也。大勇不忤。

宣云：「無客氣害人之心。」正小勇亦未必有害人之心，以此釋忤，義尚未適。成

道昭而不道，以道炫物，必非真道。

補：大道不稱，故不昭，昭則非道。言辯而不及，宣云：「不勝辯。」

補：即上「辯者有不辯也」，又即論

則不至。仁常而不成，郭云：「有常愛，必不周。」

廉清而不信，

宣云：「外示皦然，則中不可知。」勇忤而不成。

成云：「舍慈而勇，忤逆

物情，眾共疾之，必無成遂。」五者園而幾向方矣。

釋文：「園，崔音圓〔五〕，司馬云：『圓也。』」成云：「幾，近也。」宣云：

「五者本渾然圓通，今滯於跡，而近向方，不可行也。」補：易繫辭：「蓍之法，圓而神；卦之德，方以智。」夫不稱、不言、不仁、不嗛、不忤，渾融無跡，可通為一，園也。園即環也。游於環中，則道樞也。昭也，辯也，常也，清也，忤也，

故知止其所不知，至矣。成云：「智不逮，不強知。知止其分，學之造極也。」補：承上「方」字來，並證明上文「大知閑閑」之義及「古之人，其知有所至矣」一段，復總攝以下不知各義。孰知不言之辯，不道之道？

不道，即上「不稱」。若有能知，此之謂天府。

宣云：「渾然之中，無所不藏。」

注焉而不滿，酌焉而不竭，而不知其

所由來，郭云：「至理之來，自然無跡。」此之謂葆光。

成云：「葆，蔽也。韜蔽而其光彌朗。言藉言以顯者非道，反復以明之。」補：釋文「葆光，音保。崔云：『若有若無，謂之葆光。』」淮南本經訓：「不言之辯，不道之道，若或通焉，謂之天府。取焉而不損，酌焉而不竭，莫知其所由出，謂之瑤光。」高注：「瑤光，謂北斗杓第七星也。」文子下德篇同，惟「瑤光」作「搖光」。武按：「葆光」二字，與上文「注」「酌」之義不屬，以從淮南、文子作「搖光」為是。搖光星，屬北斗。詩大雅：「酌以大斗。」斗蓋挹酒之勺也，居北七星象之，故以為名。詩小雅：「惟北有斗，不可以挹酒漿。」此本文「注焉不滿，酌焉不竭」之所本也。惟字宜從「搖」。禮記曲禮：「招搖在上。」鄭注：「招搖星，在北斗杓端，主指者。」釋文：「北斗第七星。」春秋運斗樞云：「北斗七星，第七搖光。」孔疏：「此搖光，即招搖也。」史記天官書：「北斗七星。」索隱云：「第七搖光。」前漢司馬相如大人賦：「部署眾人於搖光。」是各書均作「搖」，不作「瑤」也。且搖光者，搖動不定之光也，與上文「滑疑之耀」相印合，此亦可見前後脈絡之聯貫也。〔一〕「不知」二字，據王氏原刻及集釋本補。

〔二〕「有」字據集釋本補。〔三〕「有」字據集釋本補。

〔四〕「有」字據王氏原刻及集釋本補。〔五〕「圓」，釋文作「玓」。

故昔者堯問於舜曰：「我欲伐宗、臯

、胥敖，

崔云：「宗一，臯二，胥敖三國。」按人間世篇「堯攻叢枝、胥敖，國為虛厲。」是未從舜言矣。正釋文：「臯，徐古外反。胥，息徐反，華胥國。敖，徐五高反。」武按：宗臯，人間世作「叢枝」。奚侗云：「叢、宗音近。枝疑快字之誤，快、臯音近。」奚說是也。必「宗臯」二字連為一國名，故誤則均誤。釋文於「胥」下注「華胥國」，是以敖為一國名，其餘二國，則為宗臯與胥。崔說非也。此節證上文「照之以天」句之義。南面而不釋然。

成云：「釋然，怡悅貌也。」按：釋同憚。語又見庚桑楚篇。

正

釋，

說文「解

也」，廣韻「捨也

」。言常置伐三國之事於心，而不能

捨釋也。其故何也？」舜曰：「夫三子者，

成云：「三國君。」猶存乎蓬艾之間。

存，猶在也。成云：「蓬艾，賤草。」

若不釋然，何哉？昔者十日並出，淮南子：「堯時十日並出，使羿射落其九。」故援以為喻。補堯時十日並出，見淮南子本經訓。

萬物皆照，而況德之進乎日者乎！」

成云：「進，過也。欲奪蓬艾之願，而伐使之從我，於至道豈宏哉！」堯、舜一證。齧缺問乎王倪曰：

釋文：「倪，徐五嵇反，李音義。高士傳云：『王倪，堯時賢人也。』天地篇云：『齧缺之師。』」補：釋文：「齧，五結反。」按：此節引王倪之言，證明「大知閑閑」，並申說上文「古之人，其知有所至矣」一段及「知止其所不知，至矣」之義。

「子知物

之所同是乎？」曰

：「吾惡乎知之！」「子知子之所不知邪？」

成云：「子既不知物之同是，頗自知己之不知乎？」

曰：「吾惡乎知之！」「然則物無知邪

？」汝既無知，然則物皆無知邪？曰：「吾惡乎知之！」

成云：「豈獨不知我，亦乃不知物。物我都忘，故無所措其知也。」補：鰭處濕，猿猴處木，麋鹿食薦，螳且則甘帶，鴟鴞則耆鼠，以此知物之不同是也。獼狌之與猿，鰭之與魚，異類也，麋之與鹿，類而非類也，然以為雌，與之交，與之游，以此知物之又非不同是也。謂物無知耶，獼知以猿為雌，麋知與鹿交，鰭知與魚游。謂物有知耶，則不知毛嬙、麗姬之美也。然則是之同否，知之有無，特未定也，故曰「吾惡乎知之。」正此即「知止其所不知」也。後「嘗試言之」以下，即闡明四「惡乎知」之意，原有郭注，以其空泛，特刪。應帝王篇「齧缺問於王倪，四問而四不知」，即此三問

，合下「子不知利害」二語，是四問也。

雖然

，嘗試言

之。庸詎知吾所謂

知之非不知邪？庸詎知吾所謂不知之

非知邪？李云：「庸，用也。詎，何也。」按：小知仍未為知，則不知未必非。正詎，說文「猶豈也」。武按：注中按語，非是。蓋知有時間性，此時以為是者，他時或以為非；有地域性，此地以為是者，他地或以為非。故大宗師篇云：「夫知有所待而後當，其所待者，特未定也。」又曰：「庸詎知吾所謂天之非人乎？所謂人之非天乎？」足證此義。

且吾嘗試問乎女：民溼寢則腰疾偏死，司馬云：「偏枯。」

補：女音汝。鰭然乎哉？按：言物則不然。成云：「泥鰭。」

補：釋文：「鰭，徐音秋。」木處則惴慄恟懼，

釋文：「恂，徐音峻，恐貌。班固作恂。」

補：釋文：「惴，之瑞反。慄

音栗。恂，郭音旬。」猿猴然乎哉？三者孰知正處？

民、鰭、猿，孰知所處為正？民食芻豢，

芻，野蔬。豢，家畜。孟子：「芻豢之悅我口。」補：釋文：「芻，初俱反。小爾雅云：『秆謂之芻。』秆，古但反。豢，徐音患。」今小爾雅廣物八云：「稿謂之稈

，稈

謂之芻，

生曰生芻。」說文

：「稈，禾莖也。」廣雅：「秆稿謂

之稈。」麋鹿食薦，說文：「薦，獸之所食。」補：釋文：「麋音眉。薦，賤練反

，司馬云：『美草也。』」後漢書馬融傳：「其土毛則摧毛〔一〕薦草。」李賢注

：「一曰：草稠曰薦。」韓非子內儲說上：「若如臣者，猶獸鹿也，唯薦草而就。

」管子觀十

三：「薦草多衍，則六

畜易繁也。」注：「薦，茂草也。」螻且甘帶，

釋文：「螻且，字或作蛆。廣雅云：『蜈蚣也。』崔云：『帶，蛇也。』」補：釋

文：「螻音即。蛆，子徐反。爾雅云：『蒺藜，螻蛆。』郭璞注云：『似蝗，大腹

，長角，能

食蛇腦。』」玉篇：「

螻藜，螻蛆，能食蛇，亦名吳公。」鴟鵂耆鼠，

鴟、鵂二鳥。耆，釋文「字或作嗜」。補：釋文：「鴟，尺夷反。鵂，本亦作鴟，

於加反。崔云：『鳥也。』」秋水篇：「於是鴟得腐鼠，鸇鵂過之，仰而視之曰嚇

！」四者孰知正味？

民、獸、蟲、鳥，孰知所食之味為正？猿，獼狌以為雌，

釋文：「獼，徐敷面反，郭、李音遍。司馬云：『獼狌，一名獼狌，似猿而狗頭，

熹與雌猿交。』」

補：釋文：「狌，七餘反。」

麋與鹿交，鰭與魚游。毛嬙、麗姬，人之所美也，魚見之深入，鳥見之高飛，麋鹿

見之決驟。崔云：「決驟，疾走不顧。」

四者孰知天下之正色哉？自我觀之，仁義之端，是非之塗，樊然殽亂，吾惡能知其辯！」

釋文：「樊音煩。」說文：「殽，雜錯也。」成云：「行仁履義，損益不同，或於我為利，於彼為害

，或於彼為是，於我為非，何能知其

分別！」齧缺曰：「子不知利害，

補民淫寢，則腰疾偏死，害也；於鰭則利。木處則惴慄恂懼，害也；於猿猴則利。

故此句渾括上文言之。

則至人固不知利害乎？」王倪曰：

「至人神矣。成云：「至者，妙極之體；神者，不測之用。」

補：此節證上文「古之人，其知

有所至矣」一段。

大澤焚而不能熱，河海〔二〕沍而不能

寒，

向云：『沍，凍也。』補釋文：

「沍，戶故反。」疾雷破山、風振海而不能驚。

補奚侗云：「風上脫飄字。據成疏『飄風』云云，是成本有飄字。江南李氏本亦有飄字。」武按：自「大澤」至此，言若無有大澤、河海、雷風也者，證上文「未始有物」。若然者，乘雲氣，郭云：「寄物而行，非為動也。」

正郭說與句

意相違。謂至人神矣，

故能乘雲氣，以神行，不藉乎物也。騎日月，郭云：「有晝夜而無死生。」

正言超乎日月之上，證上文「未始有始

」。而遊乎四海之外。三句與逍遙篇同，「騎日月」作「御飛龍」。補：逍遙遊篇作「御飛龍」者，為下「神凝」句寫照，此則為「死生無變於己」句寫照。所謂生者，不過在人世經歷月日，生活於此時間中而已；所謂死者，其生活日月終盡也。

死生無變於己

者，超然乎日月之上而不為

所拘，故曰「騎日月」也。死生無於己，郭云：「與變為體，故死生若一。」

補：遊四海之外，與死生無變，

證「未始有封」。而況利害之端乎！」齧缺、王倪二證。

〔一〕「摧毛」，後漢書馬融傳作「摧牧」。

〔二〕「海」，王氏原刻及集釋本均作「漠」。

瞿鵲子問於長梧子曰：「吾聞諸夫子，

長梧子，李云：「居長梧下，因以為名。」崔云：「名丘。」俞云：「瞿鵲，必七十子之後人。夫子，謂孔子。下文『丘也何足以知之』，即孔子名。因瞿鵲述孔子之言而折之。崔說非也。下文『丘也與汝皆夢也，予謂汝夢亦夢也』，予者，長梧子自謂。既云『丘與汝皆夢』，又云『予亦夢』，則安得即以丘為長梧子之名乎？」

補：則陽篇有「長梧封人」，釋文云：「長梧，地名。」長梧子，猶之南郭子綦以所居為號也。李說恐係望文生義。長梧開口便云「丘何足以知之」，以下，其自稱則曰予，足知以丘稱孔子。俞說是也。自此至「而以是相蘊」為一節，引瞿鵲、長梧問答之言，證明大言炎炎之義，並從反面申證「古之至人，其知有所至矣」一段。聖人不從事於務，郭云：「務自來而理自應，非從而事之也。」補：說文：「務，趣也。」徐曰：「言趣赴此事也。」釋詁：「務，彊也。」注：「事務以力勉彊。」此言

聖人於事，不勉彊趣赴

也。下四「不」字句，即申說此義。不就利，不違害，

成云：「違，避也。」不喜求，不緣道，郭云：「獨至。」補：求得其情與不得，無益損乎其真，故不

喜求也。無適焉，因是已，故不緣道也。無謂有謂，謂，言也。或問而不答，即是答也。補：知北遊篇「聖人行不言之教」，又田子方篇「目擊而道存」，均「無謂有謂」也。有謂無謂，有言而欲無言。補：上文「大辯不言」，又知北遊篇：「狂屈曰：『唉！予知之，將語若，中欲言而忘其欲言。』」均「有謂無謂」也。

而遊乎塵垢之外。夫子以為孟浪之言，向云：「孟浪，音漫瀾，無所趨舍之謂。」宣云：「無畔岸貌。」李云：「猶較略也。」成云：「猶率略也。」按：率略即較略，謂言其大略。正孟浪，崔云：「不精要之貌。」武按：不精要與妙道，反正相對。長梧子以此言為最精要，故曰「黃帝之所聽熒也」。其於孔子，以為不精要，則曰「丘也何足以知之」。注中各解，與上下句意不切。

而我以
為妙道之行也

。吾子以為奚若？」長梧子

曰：「是黃帝之所聽熒也，

「黃」，元作「皇」，釋文：「本又作黃。」盧文弨云：「黃、皇通用。今本作黃。」成云：「聽熒，疑惑不明之貌。」

而丘也何足以知之！且汝亦大早計，

釋文：「大音泰。」成云：「方聞此言，便謂妙道，無異下云云〔一〕也。」

正方聞其言，即以為行，

且以為妙道之行，是太早計也。見卯而求時夜，

崔云：「時夜，司夜，謂雞。」正朱桂耀云：「淮南說山訓：『見彈而求鴉炙，見卯而求辰夜。』高注：『雞知將旦，鶴知夜半，見其卯，因望其夜鳴，故曰求辰夜也。』辰夜與時夜同。詩東方未明：『不能辰夜。』傳：『辰，時也。』」武按：朱說是也。「時夜」作「司夜」非。見彈而求鴉炙。

司馬云：「鴉，小鳩，可炙。毛詩草木疏云：『大如班鳩，綠色，其肉甚美。』」

成云：「即鵬鳥，賈誼所

賦。」按：二句又見人間世篇。予嘗為女妄言之，補有謂無謂也。

女亦以妄聽之。奚成云：「何如？」正奚，疑問詞，何也，不含「如」字義。如屬上句，「奚」下應加「如」字或「若」字，上文「吾子以為奚若」句可證也。單「奚」字不成語，且上句亦無須附此疑詞。成說非也。應屬下句，直貫至「以隸相尊」。其意言奚為旁日月，挾宇宙，為合置潛，以隸相尊？此皆眾人役役之所為，聖人則不如此，惟愚菴而已。各注家於「旁日月」至「相尊」各句，不知文係指數眾人役役之心理與行為，誤以為列舉聖人之美德，故不能冠之以「奚」，「奚」字無可著落，只得勉強附上

句，遂致「奚」字以下文義扞格不通矣。旁日月，

釋文：「旁，薄葬反，司馬云：『依也。』」郭云：「以死生為晝夜之喻。」正注

非。上文至人「騎日月」，是超乎日月之上，而非旁也。在宥篇言大人云：「以遊無端，出入無旁，與日無始。」彼「大人」，即此篇之「聖人」也。則聖人之不旁日月明矣，故上冠之以「奚」也。旁日月，則繫情生死，依戀歲月，此眾人之役役也。此證「有始」。挾宇宙，

尸子云：「天地四方曰宇，古往今來曰宙。」說文：「舟輿所極覆曰宙。」成云：「挾，懷藏也。」郭云：「以萬物為一體之譬。」正注非。列禦寇篇言小夫之知云：「迷惑於宇宙，形累不知太初。彼至人者，歸精神乎無始，而甘冥乎無何有之鄉。」懷挾宇宙，則不能無迷惑矣。宙，古今也，則非無始矣。又大宗師篇云：「無古今，而後能入於不死不生。」無則不挾也。宇，四方，則非無何有之鄉，冥亦不挾也。且宇，空間也，宙，時間也，挾則不能時空雙遣。彼之「至人」，此之「聖人」也。彼之「小夫」，此之「眾人」也，故挾宇宙，亦眾人之役役也。此證「有封」。為其吻合，

吻，司馬云「合也」。向音腎，云：「若兩脣之相合也。」成云：「無分別貌。」補：此證「有是」。言有心以為吻合於己者，即上文所謂「勞神明為一」也。又即為是，而非因是也。置其滑濬，

成云：「置，任也。滑，亂也。向本作汨。濬，闇也。」正此證「有非」。置，徐鍇曰「與罷同意」。置之，則去之也。滑，即上文「滑疑之耀」之滑。滑濬，向云「未定之貌」。武按：此句言去其未定而不合於己者。夫道無為也，通於一也。聖人因是也，故不為其吻合，亦不置其滑濬。一為一置，是有是非，不能任其兩行也，勞神明為一也。此亦眾人之役役也。以隸相尊？

成云：「隸，賤稱，阜僕之類。」按：此貴賤一視。正按語非。此謂眾人以隸之賤相與自尊也。蓋尊以賤而方顯。隸何以賤？眾人賤之也，眾人何以賤隸？欲形己之尊也。此亦有封也。若聖人則不爾。秋水篇言大人云：「不賤門隸。」又云：「以道觀之，

何貴何賤？」即此

聖人之愚菴也。以上五者，皆眾人之役役也。眾人役役，

補上文云「與物相刃相靡，其行盡如馳，而莫之能止」，結之云：「終身役役，而不見其成功。」此言旁、挾、為、置與相尊，即與物刃靡而行盡如馳也。上文渾言役役之由，此則

分述役役之事，前後相應。莊文

結構，往往如此。聖人愚菴，

菴，徐徒奔反。司馬云：「渾沌不分察。」成云：「忘知廢照，菴然若愚。」

補：天地篇：「若愚若昏

，是謂玄德。」此愚菴之說也。參萬歲而一成純。

參糅萬歲，千殊萬異，渾然汨然，不以介懷，抱一而成精純也。補：刻意篇云：「純粹而不雜，靜一而不變。」即此一與純之義也。不雜不變，故能騎日月，死生無變於己，即參萬歲之義也。萬物盡然，而以是相蘊。

釋文：「蘊，積也。」按：言於萬物無所不然，但以一是相蘊積。補：萬物盡然，

即上文「無物不然」也。莛與楹，厲與西施，恢怳懔怪，道通為一，自無吻、湣、隸、我之分，故曰「萬物盡然」也。以是相蘊，與上「因是也」同義。蓋「因」字有仍襲連接之義，與蘊積之義近。此變「因」為「蘊」者，承上「參萬歲」而言之也。即謂雖參萬歲，而以一是相因襲累積也。予惡乎知說生之非惑邪！說音悅。補：此段證上文「庸詎知吾所謂知之非不知邪，庸詎知吾所謂不知之非知邪」，並遙證「果且有彼是乎哉，果且無彼是乎哉」之義。

予惡乎知惡死之非弱喪而不知歸者邪！

喪，失也。弱齡失其故居，安於他土。

麗之姬，艾封人之子也。

成云：「艾封人，艾地守封疆者。」

晉國之始得之，涕泣沾襟；及其至於王

所，

崔云：「六國諸侯僭稱王，因謂

晉獻公為王也。」與王同筐床，釋文：「筐，本亦作匡，崔云：『方也。』」正下句言飲食之美，此句言寢處之安。筐訓方，不當此義。淮南主術訓：「匡床蓐席，非不寧也。」注：「匡，安也。」

食芻豢，而後悔其泣也。又借喻。

予惡乎知夫死者不悔其始之蘄生乎！郭云：「蘄，求也。」

夢飲酒者，旦而哭泣；夢哭泣者，旦而田獵。方其夢也，不知其夢也。夢之中又占其夢焉，補此證上文「自彼則不見」之義。覺而後知其夢也。

覺夢之異。且有大覺而後知此其大夢也，死為大覺，則生是大夢。正注非，大覺，謂如下文之「大聖」，非謂死也。上文「死生無變於己」，謂視死生如一，而無所輕重也。漆園之旨，生則養生以盡年，死則委懷而任命。若如注說，是重視乎死，而有差別心，非視之如一也。而愚者自以為覺，竊竊然知之。自謂知之。

補：司馬云：

「竊竊，猶察察也。」此證

上文「自知則知之」之義。君乎，牧乎，固哉！

其孰真為君上之貴乎，孰

真為牧圉之賤乎，可謂固陋哉！

丘也，與女皆夢

也；予謂女夢，亦夢也。是其言

也，其名為弔詭。

釋文：「弔音的，至也。詭，異也。」蘇輿云：「言眾人聞此言，以為弔詭，遇大聖則知其解矣。」補：釋文：「詭，九委反。」此應上「為女妄言之」。正說文：

「弔，問終也。」曲禮：「知生者弔。」鄭注：「說者有弔辭。」即問終之辭，亦即弔死之辭也。莊子之道，視生死如夢，故謂夢之辭，亦可謂之弔。「是其言也」

句，指「丘也」以下四句，即弔夢之辭也。丘、女皆夢，予謂女夢亦夢，可謂詭異非真，故弔夢謂之弔詭也。

萬世之後，而一遇大聖知其解者，是旦暮遇之也。

解人難得，萬世一遇，猶旦暮然。

既使我與若辯矣，若勝我，我不若勝，若果是也，我果非也邪？我勝若，若不吾勝，我果是也，而果非也邪？若、而，皆汝也。

其或是也，其或非也邪？有是有非。

其俱

是也，其

俱非也邪？我與若

不能相知也，則人固受其黷闇。吾誰

使正之？

使我各執偏見，不能相知，則旁人亦因之不明，是受其黷闇也。我欲正之，將誰使乎？黷闇，不明之貌。補：黷，廣韻「徒感切」。武按：「既使我與若辯矣」至此，重申上文「果且有彼是

乎哉，果且無彼是乎哉」之義。

使同乎若者正之，既與若同矣，惡能正之？使同乎我者正之，既且乎我矣，惡能正之？使異乎我與若者正之，既異乎我與若矣，惡能正之！使同乎我與若者正之，既同乎我與

若矣，惡能正之？

然則我與若與人俱不能相知也，而待

彼也邪！

同彼，我不信；同我，彼不服。別立是非，彼我皆疑，隨人是非，更無定論，不能相知，更何待邪？極言辯之無益。

正注非。其誤

在不明「彼」字之義，以為

指「若」字言，正語見下。化聲之相待，若其不相待。

郭嵩燾云：「言隨物而變，謂之化聲。若，與也。是與不是，然與不然，在人者也。待人之為是為然，而是之然之，與其無待於人而自是自然，一皆無與於其心，如下文所云也。」正郭說非。其訓若為與，亦非。上句「彼」字，指上文夢中之我也。若，如也。謂當辯論是非之局者，我與若也，局外則人也。我與若與人，既俱不知是非之真而正之，此外更無可相正者，其待正於夢中之彼乎？蓋我與若，皆有夢中之我，乃覺時之彼也，即上文「自彼則不見」之「自彼」也，猶之莊子夢中之蝶也。莊子夢身化為蝶，謂之物化，則其夢中之言，可謂之聲化，即此化聲之義也。待夢中之化聲以正是非，更屬虛幻，故其相待，如其不相待也。乃極言是非無定，無可相正，故聖人和之，任其兩行也。和之以天倪，因之以曼衍，所以窮年也。

成云：「天，自然也。倪，分也。曼衍，猶變化。因，任也。窮，盡也。和以自然之分，任其無極之化，盡天年之性命。」按：此二十五字，在後「亦無辯」下，今從宣本移正。又寓言篇亦云：「卮言日出，和以天倪，因以曼衍，所以窮年。」補：釋文：「倪，徐音詣，李云『分也』。崔云『際也』。曼，徐音萬，郭武半反。衍，徐以戰反。司馬云：『曼衍，無極也。』」武按：此二十五字，宣本係從呂惠卿所移。正韓愈南海廟碑：「乾端坤倪。」是倪與端同義。寓言篇：「始卒若環，莫得其倫。」其義與淮南主術訓之「運轉無端」同，言天鈞運轉若環，莫得其始卒之端也。故寓言篇繼之曰：「是謂天均。天均者，天倪也。」與此處之「天倪」同。言世情恆分是非，以道言之，一出以和，而無是非之端，猶天均之運轉無端，故曰「和之以天倪」也。回應上文「樞始得其環中」，及「聖人和之以是非，而休乎天鈞」各句。曼衍，成云「變化」，司馬云「無極」，實兼二義，謂變化於無極也。漢書晁錯傳云：「土山丘陵，曼衍相屬。」注：「曼衍，猶聯延也。」無極與聯延，方與下句「窮年」

」義相應，並回應上文「以應無窮」句。

何謂和之以天倪？是不是，然不然。是若果是也，則是之異乎不是也亦無辯；然若果然也，則然之異乎不然也亦無辯。

成云：「是非然否，出自妄情，以理推求，舉體虛幻，所是則不是，所然則不然。何以知其然邪？是若定是，是則異非；然若定然，然則異否。而今此謂之是，彼謂之非；彼之所然，此以為否。故知是非然否，理在不殊，彼我更對，妄為分別，故無辯也矣。」忘年忘義，

成云：「年者生之所稟，既同於生死，所以忘年。義者裁於是非，既一於是非，所以忘義。」補忘年，即上文「參萬歲而一成純」也；忘義，即「萬物盡然，而以是相蘊」也。振於無竟，故寓諸無竟。」

成云：「振，暢。竟，窮。寓，寄也。」按：理暢於無窮，斯意寄於無窮，不須辯言也。瞿鵠、長梧三證。正振，廣韻「動也」。禮記曲禮：「入竟而問禁。」疏：「竟，疆首也。」武按：言是非轉動於無窮之竟，聖人和之之心，亦寄寓於無窮之竟。忘年，以時間言；忘義，以名理言；振竟，以環境言。意分三層，義方賅備。

〔一〕下「云」字，據王氏原刻補。

罔兩問景曰：郭云：「罔兩，景外之微陰也。」釋文：「景，本或作影，俗。」補：此段證明上文「非彼無我，非我無所取，是亦近矣，而不知其所為使，必有真宰，而特不得其昧」一段之義，以景與形喻彼我。

「曩子行，今子止，曩子坐，今子起，何其無特操與？」成云：「獨立志操。」

補：成云：「曩，昔也。特，獨也。」

景曰：「吾有待而然者邪！吾

所待又有待而然者邪！影不能自立，須待形，形不能自主，又待真宰。

補：證「必有真宰」句。吾待蛇蚺、蜩翼邪！

言吾之待如之。釋文：「蚺音附。司馬云：『蛇腹下齟齬，何以行者也。』」成云：「若使待翼而飛，待足而走，禽獸甚多，何獨蛇蚺可譬？蚺，蛇蛻皮。翼，蜩甲

也。蛇蛻舊皮，蝟新出甲，不知所以，莫辯所然，獨化而生，蓋無待也。是知形影之義，與蛻甲無異也。」按：言吾之所待，其蛇蛻邪，蝟翼邪？謂二物有一定之形，此尚不甚相合也。以上與寓言篇同，而繁簡互異。正釋文：「蝟，徐音條。」唐韻：「蛻，蛇腹下橫鱗可行者。」武按：成說非也。言吾之行止坐起，有待而然，而所待者，似蛇之行待於蛻，蝟之飛待於翼也，與寓言篇文略同而義異。彼言甲言蛻，其下接「似之而非也」句。此言蛻與翼，蓋景與形附，猶蛻附於蛇，翼附於蝟，若蛻與甲，則脫離蛇蝟

而不附，故曰「似之而非也」。

惡識所以然？惡識所以不然？」

成云：「待與不待，然與不然，天機自張，莫知其宰。」罔兩、景四證。

補：證「而特不得其睽，而不知其所為使」。

昔者莊周夢為胡蝶，栩栩然胡蝶也，成云：「栩栩，忻暢貌。」補：釋文：「胡蝶，蛺蝶也。栩，徐況羽反，喜貌。崔本作翺。」武按：此節遙證上文「物無非彼，物無非是，自彼則不見，自知則知之，故曰彼出於是，是亦因彼」數句，及「其寐也魂交，其覺也形開」二句，近證「且有大覺，而後知此其大夢也」，並反證「其形化，其心與之然」之義。自喻適志與！

李云：「喻，快也。」自快適其志。與音餘。

不知周也。

補證上文「自彼則不見」也。蓋就覺時言，蝶者周之彼也；就夢時言，周者蝶之彼也，即所謂「自彼」也。俄然覺，則蘧蘧然周也。成云：「蘧蘧，驚動之貌。」正釋文：「覺，古孝反。蘧蘧，徐音渠，李云：『有形貌。』」武按：上文云：「其覺也形開。」蘧蘧，即狀形

開也。李說得之，成說非。

不

知周

之夢為胡

蝶與，胡蝶之夢為

周與？周與胡蝶，則必有分矣。此之

謂物化。

周、蝶必有分，而其入夢方覺，不知周、蝶之分也，謂周為蝶可，謂蝶為周亦可。此則一而化矣。現身說法，五證。齊物極境。補：栩栩然者蝶也，蘧蘧然者周也；魂交則蝶也，形接則周也。故曰：「則必有分矣。」然蝶為周所夢化，則周亦蝶也，蝶亦周也，分而不分也，即上文所謂「彼出於是，是亦因彼」，「是亦彼也，彼亦是也」。究之周夢蝶與，蝶夢周與？孰夢孰覺？孰彼孰是？故上文云：「且有大覺，而後知此其大夢也。」又云：「萬世之後，而一遇大聖知其解者，是旦暮遇之也。」「物化」，為本書要語，後篇屢見。德充符篇云：「命物之化，而守其宗也

。」宗也者，即天下篇「以天為宗」之天也。天道篇云：「其生也天行，其死也物化。」綜二者之意言之，謂其死也，命物之化，特守其生前之天，而不隨之以俱化也。知北遊篇云：「古之人，外化而內不化。」又云：「與物化者，一不化者也。」則陽篇亦有斯語。今以形名言之，蝶與周，彼與是，生與死，死與夢，不一也。然上文云：「道通為一。」是形名雖不一，由道言之則一，故曰「與物化者，一不化也。」大宗師篇云：「若人之形者，萬化而未始有極也。」是則物化者，外化也，形化也。上文云「其形化，其心與之然」，言眾人之死而物化也，其心亦與之俱化。有道者不爾，非謂其不死也，形死而心不死，即形化而心不化也，亦即物化而一不化也。德充符篇云：「以其心，得其常心。」又云：「一知之所知，而心未嘗死者乎？」故道通於一者，一知之所知也。一不化者，內不化也，常心不化也。是以人能抱一而守其天，雖其死也物化，而其常心則不化也。上文云：「惟達者知通為一。」是達者之視死與夢，一也。故莊子於夢，亦曰「物化」也。又按周夢蝶而不自知，即喪我也，與子綦喪我相照應。喪我，自無彼此，何有是非？如是，則物論自齊矣。注言「齊物極境」，非是。

養生主第三

補：釋文：「養生以此為主也。」武按：篇中不以有涯之生逐無涯之知，與緣督以為經二意，即養生之主也。無論為善為惡，皆須用知，用知。則官知不能止，不止。則足以撓心而亂神，亂則神不欲行，於是不能緣督以為經矣。緣者，神緣之也。故「官知止而神欲行」一句，實總上二意而為養生之主也。篇首自「吾生也有涯」至「可以盡年」，分為四段，作全篇總冒，以後逐段舉事證明之，即分注於各段之後。吾生也有涯，而知也無涯，生有窮盡，知無畔岸。補：釋文：「涯，亦作崖，魚佳反。」玉篇：「涯，水際

也。」武按：涯，邊際也。以有涯隨無涯，殆已；

向云：「殆，疲困。」已而為知者，殆而已矣。

已，止也。事過思留，其殆更甚。言以物為事，無益於性命。正注非。已，過事語辭，如齊物論篇「今我則已有謂矣」之已。言業已危殆，而仍以為知者，則更殆矣。以上為第一段。為善無近名，補第二段。為惡無近刑。

王夫之云：「聲色之類，不可名為善者，即惡也。」二語淺說。補：列子說符篇楊朱曰：「行善不以為名而名從之，名不與利期而利歸之，利不與爭期而爭及之，故君子必慎為善。」此即「為善無近名」之解也。夫為善而其終必至於爭，則為善即惡也。爭之極，必罹官刑矣。又庚桑楚篇：「為不善乎顯明之中者，人得而誅之；為不善乎幽閒之中者，鬼得而誅之。」夫為不善，即為惡也。誅即刑也。然所謂惡者，非僅傷人之謂也，傷己之生，損己之性，即惡也。刑非僅官刑之謂也，傷生損性，即刑也。如喜怒哀樂發而不中節，即足以傷生損性，即惡，即刑也。下文老聃死，人哭其所不當哭，遁天倍情，是為遁天之刑，即其例也。又如汲汲於富貴，戚戚於貧賤，遑遑於功名，皆足以傷生損性，即惡，即刑也。叔山無趾謂仲尼天刑之，亦其例也。彼為仁義者，世以為善目之矣，然自莊子之道言之，亦為惡而近刑也。故其言曰：「彼仁義者，何其多憂？」曰：「枝於仁者，擢德塞性以收名聲。」曰：「說仁邪，是亂於德也。說義邪，是悖於理也。」曰：「攘棄仁義，而天下始玄同矣。」曰：「上不敢為仁義之操。」又曰：「伯夷死名於首陽之下。」並謂彼其所殉仁義也。夫伯夷為仁義，至以殉名死，則何異於為惡而被刑哉？故曰「為善無近名，為惡無近刑」也。然據楊子之言，為善必有名，今曰「無近名」，即無為善也。據庚桑楚篇之言，為惡必有刑，今曰「無近刑」，即無為惡也。蓋莊子之道，重在無為而去知，故曰：「孰肯以物為事？」曰：「君子不得已而臨蒞天下，莫若無為。無為也，而後安其性命之情。」曰：「從容無為，而萬物炊累焉。」此重無為也。曰：「同乎無知，其德不離。」曰：「罪在於好知。」曰：「絕聖棄知，大盜乃止。」曰：「離形去知，同於大通。」此重去知也。蓋名與刑，由於善惡，善惡生於有為，有為出於有知，去知則無為矣。無為，何有善惡，更何有名與刑哉？然則事物至前，何以應之？曰因之而已，順之而已，即下句之「緣」也，又即下文之「依乎天理」也，「因

其固然」也。此為第三段。緣督以為經，

李頤云：「緣，順。督，中。經，常也。」李楨云：「人身惟脊居中，督脈並脊而

上，故訓中。」王夫之云：「身後之中脈曰督。緣督者，以清微纖妙之氣，循虛而行，自順以適得其中。」深說。補：此為第四段。下「庖丁解牛」一段，即證此句之義者也。釋禪波羅蜜法門明通觀篇云：「諦觀三性，即豁然明淨，三昧智慧，與捨俱發。心不依善，亦不依惡，正住其處。」其所謂捨者，捨世知也，與不以生隨知同義。其全義可為總括以上之的解。

可以保身，可以全生，全其有生之理。可以養親，以受於親者歸之於親，養之至也。正此承上文來，言既能保身全生，則不先父母中道夭殞，而可盡父母之年以為養也。可以盡年。

天所與之年，任其自盡，勿夭折之，則有盡者無盡。從正意說入，一篇綱要，下設五喻以明之。正大宗師篇「以其知之所知，以養其知之所不知，終其天年，而不中道夭者，是知之盛者也」，以解此段最愜。又德充符篇：「常因自然，而不益生。」齊物論篇：「不亡以待盡。」一則不益之以盡年，一則不亡之以盡年，兩面夾寫，於盡年之義，更無餘蘊。而齊物論之「窮年」，其義亦同也。「可以保身」至此，為上四段作一收束，以下分別舉事，證明上四段之義。注謂此為綱要，下設喻以明此，非也。

庖丁為文惠君解牛，

釋文：「丁其名。崔、司馬云：『文惠君，梁惠王。』」成云：「解，宰割。」補：淮南子齊俗訓：「屠牛坦一朝解九牛，而刀可以鬚毛；庖丁用刀十九年，而刃如新剖劘。何則？游乎眾虛之間也。」許注：「坦，齊大屠。庖丁，齊屠伯。」呂氏春秋精通篇：「宋之庖丁，好解牛，所見無非死牛者，三年而不見生牛。用刀十九年，刃若新〈磨_レ〉研，順其理，誠乎牛也。」武按：據此，則庖丁宋人也。正文惠君，司馬訓為梁惠王，不知何據。豈因其同一「惠」字，遂據而訓之歟？若然，未免武斷矣。本書於一國之君，或稱侯，或稱王，惟則陽篇直稱魏瑩，然著其國號，使人一望而知為梁惠王也。從無去國名，著諡號，稱之曰「君」如此者，惟於宋元公稱宋元君，亦未去其國名也。元君之曾祖為文公，而解牛之庖丁，呂氏曰宋人，下文公文軒，司馬亦曰宋人，或莊子為文時，因其同國，遂聯類及之。然則文惠君，其即宋文公乎？究多「惠」字，終嫌勉強。考戰國時，人臣受有封地者稱君，如信安君、信陵君、靖郭君、孟嘗君是也。文惠君當屬此類。又其時諸侯多僭稱王，每以公封其臣，如人間世篇之葉公子高是也。時宋已稱王，本書於宋王凡數見。下文公文軒，吾意公必爵名，文其姓，軒其名。如葉公子高可易稱公子高或公沈諸梁也。以「公文軒見右師」一句之書法論之，上段先書爵，次書姓名；下段亦先書官，未書姓名者，姓名或不能詳，或不必詳也。據此以推，則文惠君者，即公文軒，惠則其諡也。著公者，明前稱君之等也。兩著其姓者，明前後一人也。此為文前後相注，隱顯互見之法，莊文之所以

為妙也。手之所觸，

補「觸，明刻世德堂本、宋刻趙本作

「解」。肩之所倚，足之所履，膝之所踦，

蘇輿云：「說文：『踦，一足也。』膝舉則足單，故曰踦。」踦，徐居彼反。

補：釋文：「倚，徐於

綺反。」集韻：「丘奇切，音欽。」砉然騞然，奏刀騞然，司馬云：「砉，皮骨相離聲。」崔云：「砉音畫。騞音近獲，大於砉也。」成云：「砉然嚮應，進奏鸞刀，騞然大解。」補：嚮與響同。達生篇：「猶應嚮景。」釋文：「嚮，許丈反，本亦作響。」列子仲尼篇：「其應若響。」此謂由觸、倚、履、踦之動，而發音砉然。此騞然之音，與動相應，若響之應聲然。騞，釋文「又音麥」。武按：騞與下文「謖」字，雙聲疊韻，故義近。謖，速也。玉篇：「騞，行不止。」亦有速意。列子湯問篇來丹言其寶劍云：「其觸物也，騞然而過，隨過隨合，覺疾而不血刃焉。」玩彼文意，騞然係狀其刃過之速，張湛注為「破聲」，與文意不合。蓋惟其刃過之速，所以為寶劍也；惟其奏刀之速，所以見其技之善也。

成云「騞然大解」，未違此義。崔說非

也。莫不中音。釋文：「中，丁仲反。下同。」

補：此謂砉然嚮然，中于音也。合於桑林之舞，

司馬云：「桑林，湯樂名。」崔云：「宋舞樂名。」釋文：「左傳『舞師題以旌夏』是也。」補：朱桂曜云：「桑林，蓋湯禱旱於桑林之樂名。左傳襄公十年：『宋公享晉侯於楚丘，請以桑林。』杜注：『桑林，殷天子之樂名。』淮南修務訓：『湯苦旱，以身禱於桑林之際。』高注：『桑山之林，能興雲雨，故禱之。』」武按：修務訓又云：「湯旱，以身禱於桑山之林。」故高注云然。此謂觸、倚、履、踦合於舞也。乃中經首之會。

向、司馬云：「經首，咸池樂章也。」即堯樂。宣云：「會，節也。」補：朱桂曜云：「路史後紀：『陶唐氏製咸池之樂，而為經首之詩，以享上帝，命之曰大咸。』是經首，乃咸池樂章名也。急就篇云：『五音總會歌謳聲。』顏師古注：『會，謂金石竹絲匏土革木總合之也。』又楚辭九歌：『五音兮繁會。』」武按：此承上「莫不中音」句而指實之，謂莫不中音者，所中何音？乃中經首之會也。如此解，句中「乃」字方順。文惠君曰：「謔！李云：「歎聲。」

補：釋文：「謔，徐音熙。」

善哉！技蓋

至此乎？」庖丁釋刀對

曰：「臣之所好者道也，進乎技矣。成云：「進，過也。」

始臣之解牛之時，所

見無非牛者。三年之後，未嘗見全牛也。

成云：「操刀既久，頓見理間，纔睹有牛，已知空郤。亦猶服道日久，智照漸明，所見塵境，無非虛幻。」補：所見無非牛者，郭云「未能見其理間」。未嘗見全牛，郭云「但見其理間也」。武按：理間者，腠理間郤也。足證四大假合，吾身亦屬虛妄。方今之時，臣以神遇向云：「暗與理會。」

而不以目視，官知止而神欲行。

成云：「官，主司也。」按：「官」承上，專以目言。目方睹其跡，神已析其形。

補：成云：「既以神遇，不用目睹，故眼等主司悉皆停廢，從心所遇，順理而行。」

武按：官知止，即不以生隨知也。必官知止，而後神乃欲行。神之所行者何道？則緣督以為經也。故此句與下「依夫天理」、「因其固然」二句，為本篇要語，亦

即養生要義也。依乎天理，成云：「依天然之腠理。」補：郭云：「不橫截也。」武按：依天理，即緣督之意。依，順也。督，背脊中間之脈理也。刻意篇云：「去知與故，循天之理。」義與此通。批大郤，字林：「批，擊也。」成云：「大郤，交際之處。」郭音卻。補：批，史記孫臏傳：「批亢擣虛。」注：「相排批也。」釋文：「郤，徐去逆反，崔、李云：『間也。』」字亦作「隙」。知北遊篇：「若白駒之過郤。」釋文：「本亦作隙。」郭云：「有際之處，因而批之令離。」導大窾，郭慶藩云：「窾當為款。漢書司馬遷傳注：『款，空也。』」謂骨節空處。」補：釋文：

「道音導。窾，徐苦管反，崔、郭、司馬云：『空也。』」

因其固然。技經肯綮之未嘗，俞云：「技蓋枝之誤。枝，枝脈；經，經脈。枝經，猶言經絡。素問王注引靈樞經云：『經脈為裏，支而橫者為絡。』支，通作枝。經絡相連處，必有礙於游刃，庖丁因其固然，故無礙。」釋文：「肯，著骨肉。司馬云：『綮，猶結處也。』音啟。」言枝經肯綮，皆刃所未到。嘗，試也。正俞說非也。此句言奏刀之技，未嘗經過肯綮之處，因肯綮為著骨肉，及骨肉聚結處，經必損刀也。其置「未嘗」於句末者，倒句法也。此類句法，經史中多有之。若如俞說，先須改「技」為「支」。支、經為二脈，然此二脈，包絡牛身，牛身恃之以束固者也。其質柔，刀經之即斷，如不之經，則絡束如故，牛身從何得解？此事理之不可通者也。且「技」字為本段脈絡，劈頭由文惠君口中點出，庖丁以「進乎技矣」應之。此句「技」字，即跟「進乎」句「技」字來，即說明技之所以進也。上下本承注一氣，俞氏改之為「支」，蓋未審及於此也。而況大軋乎！

軋音孤，崔云：「槃結骨。」良庖歲更刀，割也；族庖月更刀，折也。

崔云：「族，眾也。」

俞云：「謂折骨，非刀折

。左傳曰：『無折骨。』」

今臣之刀十九年矣，所解數千牛矣，而刀刃若新發於硎。釋文：「磨石。」

補：釋文：「硎音刑。」彼節者有間，節，骨節。

而刀刃者無厚，以無厚入有間，恢恢乎其於游刃必有餘地矣，是以十九年而刀刃若新發於硎。雖然，每至於族，

郭云：「交錯聚結為族。」

吾見其難為，怵然為戒，視為止，

郭云：「不屬目他物。」行為遲，郭云：「徐其手。」

動刀甚微，謦然已解，謦與磔同，解脫貌。補：釋文：「謦，化百反。」類篇云：

「速也。」武按：謦然者，狀解脫之速也。觀句意，微動刀即已解，非速何？成訓為骨肉離之聲，非也。

如土委地。提刀而立，為之四顧

，為之躊躇滿志，

郭云：「逸足容豫自得之謂。」按：田子方篇亦云：「方將躊躇，方將四顧。」補：如土委地，郭云：「理解而無刀跡，若聚土也。」釋文：「躊，直留反。躇，直於反。」善刀而藏之。」釋文：「善，猶拭。」

正宣云：「整好其刀。」

文惠君曰：「善哉！吾聞庖丁之

言，得養生焉。」牛雖多，不以傷刀，物雖雜，不以累心，皆得養生道也。一喻。正庖丁解牛，以神遇而官知止，即不以有涯之生，隨無涯之知也。依天理，因固然，游刃於有間，即不為善與惡，而惟緣督以為經也。是以牛解數千，年經十九，而刀刃若新，即保身、全生、盡年之義，而深合於養生之道者也。然全段要義，則在證明「緣督以為經」一句。至前之「善哉」，善其技也；此之「善哉」，善其技之進於道也。

公文軒見右師而驚曰：

司馬云：「公文姓

，軒名，宋人。」簡文云：「右師，

官名。」「是何人也？惡乎介也？介，一足。天與，其人與？」

司馬云：「為天命與，抑人事也？」

曰：「天也，非人也。天之生是使獨也，

司

馬云

：「獨，

一足。」按：此與

德充符篇三兀者不同：介者天生，兀

者人患。人之貌有與也。

郭云：「兩足并行。」正成云：「與，共也。」宣云：「匹偶。」與郭注皆非。周禮春官太卜注：「與，謂予人物也。」德充符篇：「道與之貌，天與之形。」此句言人之貌有賦與之者，即天與之，非

人為也。以是知其天也，非人也。形殘而神全也。知天則處順。二喻。補：介者，天之所與，即無異天與之以刑也。刑為天與，非由為惡，惟當依乎天理，因其固然而已。夫不為惡，且有如右師之受天刑者，更何可為惡，以自近刑乎？此段喻為惡無近刑。

澤雉十步一啄，百步一飲，不蘄畜乎樊

中。蘄同期。猶言不期而遇。李云：「樊，藩也，所以籠鳥〔一〕。」正釋文：「蘄音祈，求也。樊音煩。」宣云：「雖飲食之艱如此，不求樊中之養。」韓詩外傳九：「君不見大澤中雉乎？五步一啄，終日乃飽，羽毛澤悅，光照於日月，奮翼爭鳴，聲響於陵澤者何？彼樂其志也。援置之困倉中，常嚼梁粟，不且時而飽，然獨羽毛憔悴，志氣益下，低頭不鳴。夫食豈不善哉？彼不得其志也。」武按：五步一嚼，終日乃飽，言食飲之艱也。本文「十步一啄，百步一飲」，則更艱矣。至羽毛

澤悅，聲響於陵

澤，即本文所言之神王也。二者

對照，意更明顯。神雖王，不善也。」

釋文：「王，于況反。」不善，謂不自得。鳥在澤則適，在樊則拘；人束縛於榮華，必失所養。三喻。正注非。此段言雉不求畜乎樊中者，以一入樊籠，便受囚拘，如韓傳所謂「羽毛憔悴」，「低頭不鳴」，何若飲啄澤中，放曠於自得之場？食飲雖艱，而身則適，身適而神自王也。然神雖王矣，在雉固依乎天理，因其固然而已，心固不自知其善也。以喻人有心為善，則必得名，何異雉之求畜乎樊中？蓋名。乃人之樊籠也。此段喻「為善無近名」。

〔一〕「鳥」，釋文作「雉」。
老聃死，司馬云：「老子。」按：老子不知其年，此借為說。補：釋文：「聃，吐藍反。」成云：「姓李，名耳，字伯陽，外字老聃。降生陳國苦縣。當周平王時，去周，西度流沙，適之闕賓。而內外諸經，竟無其跡。而此獨言死者，蓋莊子寓言耳。」又云：「老君降生、行教、昇天，備載諸經，不具言也。」史記索隱曰：「許慎

云：『聃

，耳漫也。』故名

耳，字聃。」正義曰：「聃，耳漫無

輪也。」秦失弔之，釋文：「失音逸。」

三號而出。弟子曰：「非夫子之友邪？」

補世人弔友喪，

必哭。今弟子見失僅號而不哭，

疑其非友，故問。曰：「然。」補宣云：「是吾友。」

「然則弔焉若此，可乎？」

補弟子謂若此號而不哭，於弔友喪之

禮可乎？曰：「然。」補宣云：「可也。」

始也，吾以為其人也，

謂真人不死。正注非。文如海本「其人」作「至人」，亦非。成玄英本作「其人」

，與此本同，是也。惟成謂其人指老君弟子言，則非。宋刻趙本、明世德堂本，均

作「其人」，其，指老子言；人，世俗之人也。謂始也，吾以為老子乃世俗之人也

，如為世俗之人，吾當以世俗弔喪之

禮哭之。而今非也。

補而今非世俗之人也，其死，亦非死也，乃是帝之縣解也，吾何為以世俗之禮哭焉

？此與大宗師篇孟子反、子琴張於子桑戶死，相和而歌曰「而已返其真，我猶為人

猗」之意同。故此句。直貫注下

文「適來」一段。

向吾入而弔焉，有老者哭之，如哭其子；少者哭之，如哭其母。彼其所以會之，必

有不蘄言而言，不蘄哭而哭者。

所謂「不言而信，不比而周」也。會，交際。言，稱譽。言老子誠能動物，我之不

哭，自有說也。正注非。彼，指哭者。言彼老少所以相會聚言哭於此，必有不求言

哭而言哭者。言者，稱也。即老者稱之如子，少者稱之如母而哭之也。田子方篇云：「其諫我也似子，其道我也似父。」此正相同。老聃非老者之子。非少者之母，於天倫人情，不蘄乎如斯言哭，而竟言哭，是乃言哭之不當者，故下曰「遯天倍情」。

秦失因弟子疑其弔而不哭，乃先舉哭之遯天倍情者

反證之。是遯天倍情，忘其所受，

釋文：「遯，又作遁。」是，謂老聃。情，乃惠子所謂情，見德充符篇。受者，受其成形。正注非。是，指上老少之哭言。非母子，而哭之如母子，是逃遁乎天然之倫，倍加於常人之情，而忘其所受也。蓋母子之情，所受於天，今非母子，而哭如母子，故曰「忘其所受」。倍情

，猶過情也。古者謂之遁天之刑。

語又見列禦寇篇。德充符以孔子為天刑之，則知「遁天刑」是贊語。舊解並誤。正注非。倍加常情，過於哀哭，足以傷生損性，無異受刑，故曰「遁天之刑」。遁天者，逃遁自然之天性也。則陽篇「遁其天，離其性，滅其情」，於此「遁天」義同。可知非贊語，即德充符篇亦非

贊語。王解均誤。

適來，夫子時也；適去，夫子順也。安時而處順，哀樂不能入也，古者謂是帝之縣解。」

釋文：「縣音玄。」成玄：「帝，天也。」按大宗師篇云：「得者時也，失者順也。安時而處順，哀樂不能入也，此古之所謂縣解也。」與此文大同。來去得失，皆謂生死。德充符郭注亦云：「生為我時，死為我順；時為我聚，順為我散也。天生人而情賦焉，縣也。冥情任運，是天之縣解也。」補：吳都賦注：「有繫謂之縣，無謂之解。」武按：安時處順，哀樂不能入，是帝之縣解，非同夫世俗人之死也。此秦失所以號而不哭。此段再喻為惡無近刑。蓋遁天倍情，過於哀哭，為惡也；足以傷生損性，近刑也。

指窮於為薪，以指析木為薪，薪有窮時。

火傳也，不知其盡也。

形雖往，而神常存，養生之究竟。薪有窮，火無盡。五喻。正注非。歷來修詞家，均以薪傳為師弟傳受之喻，謬誤相承，由來已久。不知此段以薪喻生，以火喻知，以薪傳火喻以生隨知。蓋薪有盡，而火無窮，以薪濟火，不知其薪之盡也。以喻生有涯而知無涯，以生隨知，不知其生之盡也。蓋儻人不當以生隨知也，即證明首段「吾生也有涯」四句。

人間世第四

人間世，謂當世也。事暴君，處汙世，出與人接，無爭其名，而晦其德，此善全之道。末引接輿歌云：「來世不可待也，往世不可追也。」此漆園所以寄慨，而以人間世名其篇也。正註謂人間世為當世，未盡其義。蓋人間以橫言，世以豎言。人間世者，謂人與人之間相接之時世也。世有三，即接輿所歌往世、來世、方今之世也。而人與人間之相接，不外乎於內則心，於外則形與行。本篇凡六節。第一節，孔、顏問答，致齊虛心以應世也。第二節，孔、葉問答，安命養心以應世也。第三節，顏、蘧問答，正身和心以應世也。第四節，匠石師弟問答，而足之以南伯之言，明物之寄形於無用，以免世害也。第五節，支離疏支離其形，明人之寄形於無用，以免世害，且蒙世益也。第六節，接輿卻曲其行，以避世也。如此數面寫來，人間世之義，無餘蘊矣。然皆莊子之寓言，藉以明其道要而已。而其道要，則在於事心。故一至三節，事心之正文也；四節之寄形於無用，能虛其心也；五六之支離其形，卻曲其行，免累其心也。如作孔、蘧諸人事實觀，則僞矣。顏回見仲尼請行。曰：「奚之？」

曰：「將之衛。」曰：「奚

為焉？」曰：「回聞衛君，

釋文：「司馬云：『衛莊公蒯聵。』按左傳，莊公以魯哀十五年冬入國，時顏回已死。此是出公輒也。」姚鼐云：「衛君，託詞，以指時王糜爛其民者。」補：成疏：「姓顏，名回，字子淵，魯人也。孔子三千門人之中，總四科，入室弟子也。仲尼者，姓孔，名丘，字仲尼，亦魯人，殷湯之後，生衰周之世，有聖德。」奚，何也。之，適也。其年壯，其行獨，宣云：「自用。」補：釋文：「行，下孟反。獨，向

云：『與

人異也。』」武按

：「年壯」句，為下「夫以陽為充」句伏根。輕用其國，役民無時。

補：輕率用其國之權力。而不見其過，郭云：「莫敢諫。」

補：不自覺其輕用之過。輕用民死，視用兵易。

死者以國量乎澤，若蕉，

國中民死之多，若以比量澤地，如以火烈而焚之之慘也。郭嵩燾云：「蕉與焦通。左成九年傳『蕉萃』，班固賁戲作『焦瘁』。廣雅：『蕉，黑也。』」正量，比也，度也。則陽篇云：「比於大澤，百材皆度。」荀子富國篇云：「然後葦菜百蔬以澤量。」注：「猶谷量牛馬。」澤，風俗通：「水草交厝，名之為澤。」蕉，釋文：「似遙反。向云：『蕉，草芥也。』」呂氏春秋審應覽不屈篇：「蕉火大鉅。」註：「蕉，薪樵也。」列子周穆王篇：「覆之以蕉。」註：「與樵同。」此句言以國內死者之數，比量於澤，若澤中草薪之多焉，猶言死人如麻也。此乃找足上「輕用民死」義。註訓蕉為焚焦，非是。章太炎云：「國不可量乎澤，當借為馘，以馘則可量乎澤也。」說似是而非，且蹈擅改原文之失。此為清代訓詁家之通蔽，非武所敢苟同也。須知此為倒句法，如將「以國」二字置「死者」二字之上，則為以國

之死者量，非以國量也。足知改「馘」之不必矣。民其無如矣。無所歸往。正非。秋水篇：「予無如矣。今子之使萬足獨奈何？」言予使一足，尚無如之何，今子使萬足，獨奈之何哉？此句與「予無如矣」同一句法，謂民無如衛君之暴何也。又戴震云：「魯論『吾未如之何』，即『奈之何』。鄭康成讀如為那。」武按：玉篇：「那，何也。」廣韻

：「那、奈通。」則民無如矣即民無奈。

回嘗聞之夫子曰：『治國去之，宣云：「無所事。」亂國就之，宣云：「欲相救。」醫門多疾。』入喻。願以所聞思其則，崔、李云：「則，法也。」補願以所聞於夫子者，思其醫國之法。應上「將之衛」句。庶幾其國有瘳乎！」李云：「瘳，愈也。」

補：釋文：「

瘳，丑由反。」言庶幾其國

如疾之愈，而不再輕用乎！

仲尼曰：「謏！若殆往而刑耳！成云：「若，汝也。往恐被戮。」

夫道不欲雜，雜則多，多則擾，
擾則憂，憂而不救。

成云：「道在純粹，雜則事緒繁多，事多則心擾亂，擾則憂患起。藥病既乖，彼此俱困，已尚不能立，焉能救物？」補「雜」「多」「擾」三字，反伏下文「定」「一」「虛」三字，而「一」「虛」二字，為全節主腦，餘字則綫索也。蓋道不雜則一而不多，不多則不擾，不擾則定，定則虛，虛則所以集道也。故定者一之效，虛者定之效；雜多為一之反，擾為定之反

也。古之至人，先存諸己，而後存諸人。成云：「存，立也。」正存，當為「成性存存」之存。爾雅釋詁：「存，在也，察也。」楚辭遠遊篇云：「壹氣孔神兮，於中夜存。虛以待之兮，無為之先。」於此「存」字之義最合。此「存」字，隱攝下「心齊」義。下文云：「夫且不止，是謂坐馳。」蓋能存諸己則不馳矣。然則謂心齊之工夫在一「存」字，亦無不可。老子之「綿綿若存」，亦此義也。成乃以立訓之，失其旨矣。所存於己者未定，補未定則擾矣。

何暇至於暴人之所行！

至，猶逮及也。暴人，謂衛君。

且若亦知

夫德之所蕩，而知

之所為出乎哉？德蕩乎名，知出乎〔二〕爭。

成云：「德所以流蕩喪真者，矜名故也。智所以橫出逾分者，爭善故也。」正外物篇：「德溢乎名，名溢乎暴。」是蕩即溢也。謂德洋溢於外，則德之名立焉，非謂喪真矜名也。凡相爭，則必用知，故知即為爭之凶器，不待橫出逾分也。成疏似覺

過量。

名也者，相軋也

；知也者，爭之器也。二者凶器

，非所以盡行也。

成云：「軋，傷也。」按：言皆凶禍之器，非所以盡乎行世之道。蘇輿云：「瘳國，美名也；醫疾，多智也。持是心以往，爭軋萌矣，故曰『凶器。』」此淺言之，下復深言。雖無用智、爭名之心，而持仁義繩墨之言以諷人主，尚不可游亂世而免於菑，況懷凶器以往乎！

且德厚信砮，未達人氣；名聞不爭

，未達人心。

簡文云：「砮，慤實貌。」按：雖慤厚不用智，而未孚夫人之意氣；雖不爭名，而未通乎人之心志，人必疑之。正氣，即下文「聽之以氣」之氣。下文「入則鳴，不入則止」，即能達人氣、達人心者也。否則，己之德雖厚，人之信雖實，且不爭善名令聞，然未通達人之氣與人之心，而強言自衒，殆難免菑矣。此以信砮而強言，後以不信而厚言，兩層輕重，自是不同。

而強以仁義繩墨之言術暴

人之前者，是以人惡有其美也，

釋文：「強，其兩反。」術同述。郭松燾云：「祭義：『而術省之。』鄭注：『術當作述。』」按：人若如此，則是自有其美，人必惡之。正術，焦竑云：「江南古藏本作衒。」武按：孔子集語所引亦然。當作「衒」。前漢東方朔傳：「四方士多上書言得失，自衒鬻。」師古注：「衒，行賣也。」又韻會：「自矜也。」惡，俞樾云：「釋文惡音烏路反，非也。美惡相對為文，當讀如本字。」俞說是也。言仁義，美德也，今強以此言衒鬻於暴人之前，是以人惡而無此美德，己則有之也。「其」字，指仁義繩墨言。有其美，即

自衒也。

命之曰菑人。菑人者，人必反

菑之，若殆為人菑夫！成云：「命，名也。」釋文：「菑音災。」補：菑人，頂「以人惡」來。以人為惡，是菑害人也。若，汝也。「若殆為人菑」句，應「若殆往而刑耳」。

且苟為悅賢而惡不肖，惡用而求有以異？

下而，汝

也。且衛君苟好善

惡惡，則朝多正人，何用汝之求有以

自異乎？若唯無詔，王公必將乘人而鬥其捷。

成云：「詔，言也。王公，衛君。」言汝唯無言，衛君必將乘汝之隙，而以捷辯相鬥。

補：釋文：「無詔，絕句。詔，告也。」

而目將熒之，而色將平之，口將營之，容將形之，心且成之。是以火救火，以水救水，名之曰益多，順始無窮。

郭慶藩云：「熒，〈熒，中"火改目"〉之借字。說文：『〈熒，中"火改目"〉，惑也。從目，熒省聲。』」成云：「形，見也。」言汝目將為所眩，汝色將自降，口將自救，容將益恭，心且舍己之是，以成彼之非。彼惡既多，汝又從而益之。始既如此，後且順之無盡。

補：成云：

「既懼菑害，故委順面

從，擎、蹠、曲拳，形跡斯見也。」若殆以不信厚言，

宣云：「未信而深諫。」按：此「若」字，訓如。正前信缸強言，尚不免菑，況不信

厚言

乎！較前

進一步說。「若」

字當訓汝。此字領冒下句，而為二句

主格也。必死於暴人之前矣。

補再應「若殆往而刑耳」。

且昔者桀殺關龍

逢，紂殺王子比干，是皆修其身

以下偃拊人之民，李云：「偃拊，謂憐愛之。」宣云：「人，謂君。」補：成云：

「姓關，字龍逢，夏桀之賢臣，盡誠而遭斬首。比干，殷紂之庶叔，忠諫而被割心。」釋文：「偃，紂甫反。拊音撫。」

以下拂其上者也，故其君因

其修以擠之。是好名者也。因其好修名之心而陷之。一證。補：拂，釋文「符弗反

，崔云『違也』」。擠，釋文「子禮反，簡文云：『排也。』一云陷也。好，呼報

反」。昔者堯攻叢枝、胥敖，禹攻有扈，三國名。補：釋文：「叢，才公反。有扈

音戶，司馬云：『國名，在始平郡。』」按：即今京兆鄠縣也。奚侗云：「叢枝，

齊物論作『宗臚

』。叢、宗音近。枝疑快字之誤

，快、臚音近。」國為虛厲，宣云：「地為丘墟，人為厲鬼。」正釋文：「虛，如

字，又音墟。李云：『居宅無人曰虛。』」武按：周禮地官：「山虞掌山林之禁令

，物為之厲。」鄭注：「每物有蕃界也。」又春官：「墓大夫帥其屬而巡墓厲。」

注：「厲，塋限遮列處。」句謂國為丘墟塋厲也。「國」字，總攝「虛厲」二字，

宣乃以「國」

攝「虛」，添一「人」字以

攝「厲」，似與句意不合。

身為刑戮，其用兵不止，其求實無已。求實，貪利。三國如此，故堯、禹攻滅之。

補：影射衛君「輕用其國」數句。是皆求名、實者也，

再證。蘇輿云：「龍、比修德，而桀、紂以為好名，因而擠之。桀、紂惡直臣之有

其美，而自恥為辟王，是亦好名也。叢枝、胥敖、有扈，用兵不止，以求實也，堯

、禹因而攻滅之，亦未始非求實也。故曰：『是皆求名、實者也。』」

而獨不聞之乎？名、實

者，聖人之所不能勝也，而況若乎！

夫子又舉所聞告之。言人主據高位之名，有威權之實，雖以聖人為之臣，亦不能不為所屈，況汝乎！正聖人，指龍、比、堯、禹言。龍、比不勝桀、紂之好名，致以身殉；堯、禹不能勝三國之求實，致以兵攻。不勝者，不能以德化而勝之也。此節引例以暢發「若殆往而刑

」，與「必死於暴人之前」句。

雖然，若必有以也，嘗以語我來！」

以者，挾持之具。嘗，試也。顏回曰：「端而虛，端肅而謙虛。補：此「虛」字，緊貼「端」字，就容貌說，謂容貌端正而謙虛也，與後文「虛」字屬於氣與心者有別。若如郭注「正其形，虛其心」，則後文「虛者心齊」之言便成贅疣。此句蓋回聆仲尼強言自銜，以下拂上之言，特欲以端虛自醫也。勉而一，黽勉而純一。補：此回聆仲尼難多擾，及存己未定之言，特欲黽勉自存，求定於一，以免難多擾之患也。此「一」字，係就以專一不雜之法，向人君進諫而言，與下「一若志」之一有別。蓋回此時，尚未領會仲尼「道不欲雜」之旨，誤以為進諫之法不欲雜，故以一自勉。及仲尼破其執而不化，即謂其執一也，回則張三法以應之，其不明仲尼之旨可知矣。則可乎？」曰：「惡！惡可？」

上惡，驚歎詞。下惡可，不可也。夫以陽為充孔揚，

衛君陽剛之氣充滿於內，甚揚於外。補：成云：「充，滿也。孔，甚也。」武按：論語孔子曰：「及其壯也，血氣方剛。」朱注：「血陰而氣陽。」淮南汜論訓：「積陽則飛。」即陽充積向外飛揚也。本句跟上「其年壯」來，因衛君年壯，故陽氣方剛，積滿於內，甚揚於外也。采色不定，容外見者無常。

常人之所不違，平人莫之敢違。

補：常人見衛君氣勢

張揚，喜怒之色不定，故畏而不敢違忤。

因案人之所感，以求容與其心。

成云：「案，抑也。容與，猶快樂。人以箴規感動，乃因而挫抑之，以求放縱其心意。」

補：應上「因其修以擠之」。

名之曰日漸之德不成，而況大德乎！

雖日日漸漬之以德，不能有成，而況進於大德乎！

補：況驟然以仁義之大德強與之言乎！將執而不化，

宣云：「自以為是。」外合而內不訾，

宣云：「外即相合，而內無自訟之心。」姚鼐云：「訾，量也。聞君子之言，外若不違，而內不度量其義。」正此與上句，宣注屬衛君說，姚同。武按：上明言衛君采色不定，按人之所感，以求快適其意，何能外合人之所言？且案者，即上文所謂

擠也。方且案而罪之，豈僅內不自訟與不度量其義乎？宣、姚之說，均有未愜。應屬顏回說。訾，當從崔云，毀也。仲尼對破回勉一之言，謂如執一不化，必至外合而內不敢訾。夫外合而內不訾，非內外勉而一者乎？且外合，即容且形之；內不訾，即心且成之也。況下文回明答「我內直而外曲」，外曲者，反應外合也；內直者，反應內不訾也。前後對勘，線路極為分明。其庸詎可乎！」

「然則我內直而外曲，成而上比。

「然則」下，顏子又言也。

內直者，與天為徒。與天為徒者，知天子之與己皆天之所子，而獨以己言蘄乎而人善之，蘄乎而人不善之邪？

成云：「內心誠直，共自然之理而為徒類。」宣云：「天子，人君。」郭云：「人無貴賤，得生一也。故善與不善，付之公當，一無所求於人也。」補內直者，坦率任真，應訾則訾也。如童子率其天真而言，毫無蘄求之心，其善之與否，聽諸人而已。

若然者，人謂之童子，是之謂與天為徒。

依乎天理，純一無私，若嬰兒也。

外曲者，與人之為徒也。擎、跽、曲拳，

宣云：「擎，執笏。跽，長跪。曲拳，鞠躬。」

補

：釋

文：「擎

，徐其驚反。跽，

徐其里反，說文云：『長跪也。』拳

音權。」人臣之禮也，

補隨人跽、拳，盡人臣之禮而已，非

外合也。

人皆為之，吾敢不為邪？為人之所為者，人亦無疵焉，是之謂與人為徒。成而上比者，與古為徒。成云：「忠諫之事，乃成於今；君臣之義，上比於古。」

正成人臣之直節

，以謫過之言進，乃上比於古人

，而與之為類也。其言雖教，謫之實也。所陳之言，雖是古教，即有諷責之實也。

補：釋文：「謫，直革反。」成云：「責也。」武按：「謫」字，反應上「不訾」

。

古之有也，非吾有也。若然者

〔三〕，雖直而不病，郭云：「寄直於古，無以病我。」

補：「而不

病」，明世德堂本、崇

德書院本均作「不為病」，當從之。

是之謂與古為徒。若是，則可乎？」

補回見仲尼破其執一，乃張三條以救之。

仲尼曰：「惡！惡可！大多政

釋文：「大音泰。」郭云：「當理無二，而張三條以政之，所謂大多政也。」按：政、正同。法而不諱，

俞云：「四字為句。列禦寇篇：『形諱成光。』釋文：『諱，便僻也。』此『諱』義同。言有法度，而不便僻。」正此句當連上「大多政」為一句，言其大多正之之法而不諱也。「諱」字，俞引「形諱成光」句下釋文，訓便僻，不僅核之此處上下文義無當，即與「形諱成光」之義亦不合。武於彼句下，已加駁正，茲不贅。又釋文引崔云：「間諱。」武按：仲尼聖人，決無教弟子以間諱之法刺探人主意向之理，且與心虛之義亦未協。考前漢王莽傳云：「政令煩多，當奉行，輒質問，乃以從事。前後相乘，憤耗不渫。」注：「渫，徹也，通也。」「諱」「渫」二字，形近易誤。且諱，達協切，渫亦有達協切，音同則義通，故諱有通達義。彼以政令煩多而不渫，此以政法大多而不諱，意義正同。本篇要旨，在一「虛」字。虛以待物，則肆應無滯，達人氣，達人心，入則鳴，不入則止，胥此意也。回政法雖多，然拘之以三，仍不能圓通無礙，故曰「大多政法而不諱」，謂其執而不能通達也。下句「固」字，

亦即執而不通之謂。諱作如

此解，則上下文義一貫矣。雖固，亦無罪。雖未宏大，可免罪咎。正注非。前之「勉而一」，「執而不化」，固固矣；今法限以三，亦固也。雖固，其所言者，皆古人之所有，有類旁諷，不致直觸其怒，較前之強言自銜，與不信厚言者異矣，故不致招罪。雖然，止是耳矣，

補耳，緩讀之則為而已，而已急讀之則為耳，故耳矣，即而已矣。此句言止於無罪而已。夫胡可以及化！不足化人〔四〕。猶師心者也。」成云：「師其有心。」

補：師其成心，謂拘於三法而不諱也。

顏回曰：「吾無

以進矣，敢問其方。」仲尼曰：「齊，吾將語若！釋文：「齊，本亦作齋。」補：釋文：「齊，側皆反，下同。」武按：知北遊篇老聃曰：「汝齊戒，疏澹而心，澡雪而精神，掊擊而

知。」此數句，足以發明此處「齊」

字之義。有而為之，其易邪？郭云：「有其心而為之，誠未易也。」正焦竑云：「張君房本『有』下有心字。」武按：觀郭注亦應有。此句承上「師心」來。惟郭謂「誠未易也」，則與句意相違。徐鍇云：「人為為偽。」句意謂有心而為之，則非順乎自然之天，而純出於人為。人為即偽也。故曰「其易邪」，言易偽也。下文「易以偽」句，即承此而明說之。易之者，皞天不宜。」

成云：「爾雅：『夏曰皞天。』言其氣皞汗也。」按：與虛白自然之理不合。蘇輿云：「易之者，仍師心也。失其初心，是謂違天。」於義亦通。補：釋文：「皞，徐胡老反。向云：『皞天，自然也。』」武按：「皞」，一作「皓」，明也，白也。天地篇：「無為為之之謂天。」淮南原道訓云：「所謂天者，純粹樸素，質直皓

白，未始有與雜糅也。」以此釋皞天之義最切。蓋本書所謂天者，無為也。無為者，不雜以人為也，即非有心而為之也。有心而為之者，人為也。人為者，易以偽，非純粹皓白之天所宜矣。回張三法，純出有心而為之，非任其自然無為之天而虛而待物也，故仲尼復申儆之也。

顏回

曰：「回

之家貧，唯不飲酒

、不茹葷者數月矣。如此，則可以為齊乎？」成云：「葷，辛菜。」

補：釋文：「茹，徐音汝，食

也。葷，徐許云反。」

曰：

「是祭祀

之齊，非心齊也。

」回曰：「敢問心齊？」仲尼曰：「一若志，宣云：「不雜也。」補：莊子之道，其功夫〔五〕即在此，亦本篇主要語，即老子之「抱一」也。老子云：「致虛極，守靜篤。」欲致虛之極，在守靜之篤，欲守靜篤，則在抱一，即「一若志」之謂也。故一志為道家下手功夫，虛則其功效

也。無聽之以耳而聽之以心，成云：「耳根虛寂，凝神心符。」補：文子上德篇：「夫道者，內視而自反。」注：「反聽內視。」武按：聽之以心者，即反聽也。與楞嚴經「初於聞中入流亡所」之義通。

無聽之以心而聽之以氣。

成云：「心有知覺，猶起攀緣；氣無情慮，虛柔任物。故去彼知覺，取此虛柔，遣之又遣，漸階玄妙。」聽止於耳，

宣云：「止於形骸。」俞云：「當作『耳止於聽』，傳寫誤倒也。此申說無聽之以耳之義，言耳之為用，止於聽而已，故無聽之以耳也。」正俞說非。如俞說作「耳止於聽」，謂申說無聽之以耳之義，須知二句義同，徒滋重複，何申說之於有？且耳何能聽？能聽者耳根也。聲浪觸耳，耳亦不能止，能止者心也。上既言「無聽之以心」，即心寂然不動。聲浪之來，及耳而止，寂然之心不與之相應而為聽，故曰「聽止於耳」，

與楞嚴經「聞所聞盡」之義相通

。本文並未誤倒。心止於符。

俞云：「此申說無聽之以心之義。言心之用，止於符而已，故無聽之以心也。符之言合，與物合也，與物合，則非虛而待物之謂矣。」正俞說非。本書徐無鬼篇：「以心復心。」符、復義通。蓋人皆有心，或蔽而不明，或放而未收，遂有人心、道心之別，而不相符矣。如能一其志，使心不坐馳，物來順應，無差別心，無攀緣心，無受、想、行、識之心數，二六時間，如如不動，則道心復而人心與之符矣。故曰「以心復心」也，故曰「心止於符」也。若以釋家言之，其入三摩提，證真如之境者乎？此就本書以證也。再以列子證之。仲尼篇：「亢倉子曰：『我體合於心，心合於氣。』」符者，合也。心止於符，即心止於合氣也。又本書則陽篇：「陰陽

者，氣之大者也，道者為之公。」本句所謂氣，即陰陽之氣也；本篇所謂道，即陰陽之公名也。列子曰：「天地之道，非陰則陽。」易曰：「一陰一陽之謂道。」莊子名陰陽之氣為道，即本於此。是故心符於氣，即符於道，即所謂道心也。前後兩證，義自相通。此篇莊子寓諸仲尼之言，發揮修道次第，義最幽玄，語極精要，道笈丹經，汗牛充棟，悉不能出此範圍。審其修道次第，率由耳、眼兩根而入，與釋家相同，惟釋家入道方便，其途較多。然諸佛弟子，在祇桓精舍會上，應佛之問，陳述入道方便時，佛獨取觀音「由聞中入」，實以耳根圓通，遠較諸根為勝也。本篇先述耳根，眼根次之，其意與釋家亦無不同。其所謂「無聽之以耳而聽之以心」者，即觀音聞所聞盡也；「無聽之以心而聽之以氣」，即覺所覺空也，覺屬心故也。氣充虛空，無乎不偏，圓之義也。心符於氣，即空覺極圓也。至列子所記亢倉子之言，尤有進焉。其言曰：「心合於氣，氣合於神，神合於無。」即空所空滅，生滅既滅，寂滅現前也。又曰：「於介然之有，唯然之音，雖遠在八荒之外，近在眉睫之內，來干我者，我必知之。」此與觀音之「耳根圓通」何異？天地間祇此一理，孰謂釋道殊途乎？氣也者，虛而待物者也。

俞云：「此申

說氣。」宣云：「氣無端，

即虛也。」補即陰陽之氣。

唯道集虛。虛者，心齊也。」

成云：「唯此真道，集在虛心。故虛者，心齊妙道也。」補：「虛」字，為全篇主腦。應帝王篇云：「無為名尸，無為謀府，無為事任，無為知主。體盡無窮，而遊無朕，盡其所受於天，而無見得，亦虛而已。」於「虛」字之義，可謂發揮盡致。又管子內業篇云：「心靜氣理，道乃可止。」又云：「彼道之情，惡音與聲。修心靜者，道乃可得。」文子十守篇：「虛無者，道之所居。」皆可作「唯道集虛」之參證。然道究何以必集於虛？其猶排橐乎？排橐內之氣，橐外之氣輒來補其空，如水之就下然。虛者空也。道為陰陽之氣，故集之也。春秋繁露如天之為篇〔六〕云：「天地之間，有陰陽之氣。常漸人者，若水常漸魚也。」人既處陰陽氣之中，故心若虛，則是氣入而集之矣。所謂虛者心齊也者，謂心何以虛？齊致之也。齊者其功，虛者其效也。說文：「齊，戒絜也。」禮記祭統云：「齊者不樂。」言不散其志也。不散志，即一志也。是則上文「一若志」，即示回以齊之下手處也。祭統又云：「定之之謂齊。」上文「存於己者未定」，即規回之未能齊也。達生篇：「必齊以靜心：齊三日而不敢懷慶賞爵祿，齊五日不敢懷非譽巧拙，齊七日輒然忘吾有四枝形體

也。」夫至忘四枝

形體，則心可謂虛矣，亦即未始有回

之義也。顏回曰：「回之未始得使，未得使心齊之教。

正注非，說詳下句。實自回也；自見有回。正奚侗曰：「自，係有字之誤。下文『未始有回也』，正與此文反應。」武按：此與上句，言回之未用其心也，實有一形體具備之回也。秋水篇：「因其大而大之，因其小而小之。」此即因其有而有之，任其天也。形質實有，不能故謂之無。如實有而以為無，非惟有心，且為妄心矣，

何能致齊而虛其心？又何異釋家所斥墮於斷滅之外道乎？德充符篇云：「有人之形，無人之情。」實自回也者，有人之形也；下文「未始有回也」者，無人之情也。尤為此處確證。此處就未用心時言齊也。

得使之也，未始有回也。既得教令，遂忘物我。正「之」字，指心言。謂得使用其心時，未始有回之見存也。見不存，即任其天也。任天，即下文「為天使」也。此與大宗師篇「回坐忘」節可互相發明。夫功至坐忘，若準諸釋家，約等於斷煩惱、所知二障，而變人、法二空也。

。此就用心時言齊也。可謂虛乎？」夫子曰：「盡矣。成云：「心齊之妙盡矣。」正「可謂虛乎」句，雙承上二意。謂未使心時，惟有人之形，既使心時，卻無人之情，如此者，可謂

虛乎？二意夾詮，故夫子以盡虛之義

許之也。吾語若！若能入遊其樊而無感其名，

汝入衛，能遊其藩內，而無以虛名相感

動。入則鳴，不入則止。入吾言則言，不入則姑止。無門無毒，

宣云：「不開一隙，不發一藥。」郭云：「使物自若，無門者也；付天下之自安，無毒者也。」李楨云：「門、毒對文，毒與門不同類。說文：『毒，厚也。言害人之草，往往而生。』義亦不合。毒蓋壩之借字。說文壩下云：『保也，亦曰高土也，讀若毒。』與郭注『自安』義合。張行孚說文發疑云：『壩者，累土為臺以傳信，即呂覽所謂「為高保禱於王路，寘鼓其上，遠近相聞」是也。』禱是壩之訛。壩者，保衛之所，故借其義為保衛。周易『以此毒天下，而民從之』，老子『亭之毒之』，與此『無門無毒』，三毒字，皆是此義。廣雅『毒，安也』，亦即此訓。楨按：壩為毒本字，正與門同類，所以門、毒對文。讀都皓切，音之轉也。」按：宣說望文生義，不如李訓最合。門者，可以沿為行路；毒者，可以望為標的。「無門無毒」，使人無可窺尋指目之意。正知北遊篇：「其來無跡，其往無崖，無門無房，四達之皇皇也。」此「毒」字，疑為「房」字之誤。此句為下句「一宅」作根，並為後文「虛室」二字寫照。下句不得已而一宅之者，以其「無門無房」也。外無門，內無房，非虛室乎？以喻宅心於皇皇四達，內外無蔽障之所，斯可謂之虛矣。宣固望文生義，然李讀毒為壩，壩者，保衛之所，所以望遠通信者，非可常居，於下「一宅」與「虛室」義不相應，亦徒滋葛藤而已。至云「使人無可窺尋指目」，則是偽也。若李林甫城

府深阻者則如此，尤乖本文之義矣。

一宅而寓於不得已，則幾矣。

成云：「宅，居處也。處心至一之道，不得已而應之，非預謀也，則庶幾矣。」補：一宅者，宅居於一而不二也，為上「一若志」之喻。莊子之道，重在於不得已，故「不得已」句全書數見，如下文「託不得已以養中」，庚桑楚篇「動以不得已之謂德」，刻意篇「不得已而後起」。蓋即虛而待物之旨，必待感而後應，迫而後動也。下「葉公子

高」節，即暢發此義，特提於此

，以作彼節伏筆。絕跡易，無行地難。

宣云：「人之處世，不行易，行而不著跡難。」正人行地而欲不留足跡，可以人為掃除之使絕，故曰易，以喻為人使，易以偽。又人無翼以飛，不能不行地，此天使之也。今欲無行

地，非人為所能，故曰難，以喻

為天使，難以偽。

為人使，易以偽；為天使，難以偽。

成云：「人情驅使，淺而易欺；天然馭用，為而難矯。」補荀子性惡篇楊倞注：「偽，為也。凡非天性而人作為之者，皆謂之偽。故偽字人傍為，亦會意字也。」本書刻意篇：「靜而與陰同德，動而與陽同波。不為福先，不為禍始。感而後應，迫而後動，不得已而後起。去知與故，循天之理。」又曰：「動而以天行。」即為天使也。言循天理以行使，而不雜以知故之人為也。反之者，為人使也。為人使者，

聞以

有翼飛者

矣，未聞以無翼飛

者也；聞以有知知者矣，未聞以無知

知者也。

釋文：「上音智，下如字。」宣云：「以神運，以寂照。」正上知如字，音智非。無知不能知，猶之無翼不能飛，天使之也。無知欲知，無翼欲飛，皆難施以人為，故上言「為天使，難以偽」也。自「絕跡易」至此，皆推闡「入則鳴，不入則止」二句之義。蓋天者自然之謂，入則鳴者，順其自然之機也。如其不入，尚不知止而仍鳴，猶之無翼欲

飛，無知欲知，皆違乎自然，而難於

為力矣。瞻彼闕者，虛室生白，

司馬云：「闕，空也。室，喻心。心能空虛，則純白獨生也。」成云：「彼，前境也。觀察萬有，悉皆空寂，故能虛其心室，乃照真源。」補：瞻，說文：「臨視也。」成云：「觀照也。」闕，釋文「徐苦穴反」，集韻「音缺」。武按：莊子於入道之門，上文示人由耳根，此處示人由眼根也。至天地篇所云：「視乎冥冥，聽乎無聲。冥冥之中，獨見曉焉；天聲之中，獨聞和焉。」則雙示眼、耳兩根，並說明其功效也。視乎冥冥，即瞻彼闕也；冥冥見曉，即虛室生白也，蓋說文訓曉為明也。又前漢書元后傳注：「曉，猶白也。」夫老、莊之道，多由眼根入。如道德經首章，即揭示觀妙觀徼，而繼之以觀復，終之以長生久視，從可知其入道之方矣。至虛室生白，並非甚難，如根性明利者，齊潔靜持，瞑目觀息，閱月經年，即見光透睫簾，白境現前矣。此境尚淺，因僅白生虛室，未能圓照十方也。準諸釋家，於四禪中，約等有覺、有觀之初禪乎？瞻闕觀也；知白，覺也。靜瞻再進，則如庚桑楚篇之「宇泰定者發乎天光」，道德經之「明白四達」矣。更進則如在宥篇所述廣成子云「吾與日月爭光」，天地篇所云「上神乘光，與形滅亡，此謂昭曠」。夫形滅

而惟乘光，即與光為一也，故謂上神。此與釋迦牟尼每於說法時，放種種寶光相若矣。此義請再以釋家明之。如阿那律陀云：「世尊示我以樂見照明金剛三昧，旋見循元，觀見十方，精真洞然，如觀掌果。」又如周利槃特迦云：「我時觀息，微細窮盡。反息循空，其心豁然，得大無礙。」復如孫陀羅難陀云：「我初諦觀三七日，見鼻中氣出入如烟，身心內明，偏成虛淨，烟相漸銷，鼻息成白，心開漏盡，諸出入息，化為光明

，照十方界。」二家對勘，本文之義曉然矣。吉祥止止。

成云：「吉祥善福，止在凝靜之心，亦能致〔七〕善應也。」俞云：「『止止』連文，於義無取。淮南俶真訓：『虛室生白，吉祥止也。』疑此文下止字亦也字之誤。列子天瑞篇盧重元注云『虛室生白，吉祥止耳』，亦可證『止止』連文之誤。」按：下「止」字，或「之」之誤。正惟道集虛，虛則吉祥自然來止，即下文「鬼神來舍」也。刻意篇云：「澹然無極，而眾美從之。」澹然無極，虛也；眾美從之，吉祥止也。刻意篇又云「故無天災，無物累，無人非，無鬼責」，乃釋眾美之義也，亦可移以釋吉祥之義。又知北遊篇云：「正汝形，一汝視，天和將至。」天和者，非吉祥乎？「止止」二字不誤，俞、王說均非。蓋止猶集也：上「止」字，吉祥來集也；下「止」字，心之所集也。心止於符，即心集於虛也，虛則吉祥來集。合而言之，即吉祥止於心之所止也。德充符篇「惟止能止眾止」，謂惟心之止，能止眾止也。若略變其句法，為「眾止止止」，謂眾止止於心之所止，義亦可通。淮南之作「也」字，因語氣已畢，用「也」字以結之；此作「止」字者，為下句「止」字伏根。文義各有所當，何可據以改此

乎？夫且不止，是之謂坐馳。若精神外驚而不安息，是形坐而心馳也。補：此「止」字，承上句下「止」字來，謂心如不止，是形坐心馳也。可見上句下「止」字如作「也」字，則此「止」字無根矣。

夫徇耳目內通而外於心知，鬼神將來舍，而況人乎！

李云：「徇，使也。」宣云：「耳目在外，而徇之於內；心智在內，而黜之於外。」成云：「虛懷任物，鬼神將冥附而舍止。人倫歸依，固其宜矣。」正徇，釋文「徐辭倫反。李云『使也』。」武按：此文亦為本篇要旨，且總結上文「無聽以耳」與「瞻彼闕」二節。蓋無聽以耳而聽以心，即徇耳內通也；瞻闕，即徇目內通也。文子上德篇：「夫道者，內視而自反。」舊注：「反應內視。」足證此義。「外」字，宣似作「內外」之外解，非是。前漢書霍光傳：「盡外我家。」師古注：「外，疏斥之。」外於心知者，謂黜心知而不用也。大戴禮曾子天圓篇：「陽之精氣曰神，陰之精氣曰靈，品物之本也。」說文：「鬼，陰氣。」是靈即鬼也。陰陽之氣曰道，陰陽之精曰神鬼。是則鬼神來舍，與上「惟道集虛」相應。管子心術篇：「虛其心，神將入舍；掃除不潔，神乃留處。」又內業篇：「敬除其舍，精將自來。」本書知北遊篇：「攝汝知，一汝度，神將來舍。」凡此，皆可為此處參證。且此節之義，與釋家之旨亦相通。如楞嚴經云：「於外六塵，不多流逸，旋元自歸。塵既不緣，根無所偶。反流全一，六用不行，十方國土，皎然清淨。譬如琉璃，內懸

明月，身心快然。」玩「反流」以上各語，即徇耳目內通也。全一者，即一若志也。六用不行者，眼、耳、鼻、舌、身、意不行也。此所謂心知，即彼所謂意也。外於心知，即意不行也。彼言六塵六用，舉其全也；此僅言耳、目、心者，從其重者言之也。內懸明月，則虛室生白之謂矣。措辭雖殊，義則無二。釋道異同之爭，亦徒見其淺陋而已。

是萬物

之化也，禹、

舜之所紐也，伏羲、几蘧之

所行終，而況散焉者乎？」

此禹、舜應物之綱紐，上古帝王之所行止，而況几散之人，有不為所化乎！成云：「几蘧，三皇以前無文字之君。」蘇輿云：「言知此可為帝王，可以宰世，而況為支離之散人乎！」於義亦通。補：釋文：「紐，徐女酒反。崔云：『系而行之曰紐。』」武按：此「化」字，總結上文二「化」字。伏羲、几蘧之行終，言伏、几之行，終盡於此道也，反結上文「非所以盡行也」句。

〔一〕「笑」字，據集釋引成疏補。

〔二〕「乎」原作「者」，據王氏原刻及集釋本改。

〔三〕「者」字，據王氏原刻及集釋本補。

〔四〕「人」原作「也」，據王氏原刻改。〔五〕「夫」原誤「大」，據文義改。

〔六〕「如天之為」原作「天地陰陽」，據春秋繁露改。

〔七〕「致」字，據王氏原刻及成疏補。

葉公子高將使於齊，問於仲尼曰：「王使諸梁也甚重，成云：「委寄甚重。」補：

齊之待使者，蓋將甚敬而不急。宣云：「貌敬而緩於應事。」正不急，言齊侯不視之為急務也

。不視為急務，則必不

重視使者矣。此對照上「重」字說。

匹夫猶未可動，而況諸侯乎！吾甚慄之。懼也。補：釋文：「慄音栗。」武按：未可動，未可以言動也。使者責在傳言，葉懼不能傳達其言，且無以對楚王使之甚重也。

子常語諸梁也，曰：『凡事

若小若大，寡不道以懽成。事無大小，鮮不由道而以懽然成遂者。正郭云：「夫事無大無小，少有不言以成為懽者耳。此仲尼之所曾告諸梁者也。」玩郭注，是以「言」釋「道」字，是也。觀後文「丘請復以所聞」云云，仍從「言」字立論。所謂復者，前所告者，資言以

成懽，此復以傳言各義相告也。

事若不成，則必有人道之患；王必降罪。

事若成，則必有陰陽之患。宣云：「喜懼交戰，陰陽二氣將受傷而疾作。」補：淮

南原道訓：「人大怒破陰，大喜墜陽。」本書在宥篇：「人大喜邪，毗於陽。大怒邪，毗於陰。陰陽並毗，四時不至，寒暑之和不成，其反傷人之形乎！」武按：懼與怒同屬陰，當事未成，則懼，事成則喜。懼則破陰，喜則墜陽，故有陰陽之患也。墜陽則陰勝，必致寒疾，破陰則陽勝，必致暑疾，即所謂寒暑之和不成也。葉慮事不成而懼，陰破陽勝而致暑疾，所以內熱也。

若成若不成而後無患者，唯有德者能之

。』

成云：「任成敗於前塗，不以憂喜累心者，唯盛德之人。」以上述子言。蘇輿云：「謂事無成敗，而卒可無患者，惟盛德為能。」按：成說頗似張浚符離之敗，未可為訓。蘇說是也。吾食也，執粗而不臧，宣云：「甘守粗糲，不求精善。」

補：釋文：「臧，作郎反，善也。」爨無欲清之人。

成云：「清，涼也。然火不多，無熱可避。」

補：釋文：「爨，七亂反。清，七性反。字宜從𤇀，從𤇀者，假借也。」武按：呂氏春秋功名篇：「大熱在上，民清是走。」亦作「清」。列子楊朱篇：「薦以梁肉蘭橘，心〈疒冒〉體煩，內熱生病矣。」據此，則內熱之來，由於肥膿美食。治此美食，用火必多，則爨者必思就清。今爨無欲清之人，食粗薄而無須多火也。食既粗薄，則內熱不由此致矣。今吾朝受命而夕飲冰，我其內熱與！憂灼之故。補：內熱既非由於美食，則由甚慄之故也。蓋甚慄破陰而陽勝，必致暑疾。左傳昭公元年秦醫和曰：「陽淫熱疾。」外物篇云：「利害相摩，生火甚多，眾人焚和。」同此義也。吾未至乎事之情，宣云：「未到行事實處。」

而既有陰陽之患矣；事若不成，必有人道之患。是兩也，為人臣者不足以任之，子其有以語我來！」仲尼曰：「天下有

大戒二：成云「戒，法也。」

其一，命也；其一，義

也。子之愛親，命也，不可解於心；受之於天，自然固結。

臣之事君，義也，無適而非

君也，無所逃於天地之間。

成云：「天下未有無君之國。」

是之謂大戒。是以夫事其親者，不

擇地而安之，不論境地何若，惟求安適其親。

孝之至也；夫事其君者，不擇事而安之，

成云：「事無夷險，安之若命。」

忠之盛也；自事其心者，哀樂不易施乎

前，

王念孫云：「施讀〔一〕為移。此猶言不移易。晏子春秋外篇『君臣易施』，荀子儒效篇『哀虛之相易也』，漢書衛綰傳『人之所施易』，義皆同。正言之則為易施，倒言之則為施易也。」宣云：「事心如事君父之無所擇，雖哀樂之境不同，而不為移易於其前。」補：釋文：「施，如字。崔以豉反，移也。」武按：注中「哀」

當為「充」，「易」上脫「施」字。攷儒效篇：「若夫充虛之相施易也。」楊倞注：「充，實也。施讀曰移。」此段事親、事君、事心，三者平舉。因葉言為人臣者不足以任，故以事君之道語之，事親數語，特文之陪襯耳，然尤重在事心。下文皆就事心之義發揮，蓋

針對葉之甚慄內熱，由於不能事心故也。

知其不可奈何而安之若命，德之至也。為人臣子者，固有所不得已，行事之情而忘其身，

情，實也。補此二句為本節要語。不可奈何，安之若命，即下文「託不得已以養中」也。安命即所以養中也，亦即前節之齊也，均就事心言也。心能安而養之，哀樂自不易施乎前，而心虛矣。如此，則義、蘊之所行終，故曰「德之至也」。上下兩節，義自相通。且不特此也，如德充符篇「知其不可奈何而安之若命，唯有德者能之」，達生篇

「達命之情者，不務知之所

無奈何」，其義亦相通也。何暇至於悅生而惡死！宣云：「尚何陰陽之患？」

補：安之若命而已。夫子其行可矣！

補上節回師心外馳，自來請行，仲尼以「何暇至於暴人之所行」以規之，以其未可行也。此節子高心慄內熱，謂為人臣者不足以任之，自不欲行也，仲尼以「何暇至於悅生而惡死」以曉之，勉其行也。兩節對照，一反一正，同用兩「何暇」句以相關顧。想莊子著筆時，亦煞費排比

結構之功也。丘請復以所聞：更以前聞告之。凡交，交鄰。

近則必〔二〕相靡以信，宣云：「相親順以信行。」補：靡，御覽四〇六引作「磨」

。郭

云：「近

者得接，故以其信

驗親相靡服也。」與宣注同以順訓靡

，是也。遠則必忠之以言，宣云：「相孚契以言語。」言必或傳之。

宣云：「必託使傳。」夫傳兩喜兩怒之言，

宣云：「兩國君之喜怒。」

天下之難者也。夫兩喜

必多溢美之言，兩怒必多溢惡之言。

郭云：「溢，過也。喜怒之言，常過

其當。」凡溢之類妄，成云：「類，似也。似使人妄構。」

正類，比也。凡過當之言，

離於常情，故比類於妄也。妄則其信之也莫，成云：「莫，致疑貌。」正奚侗曰：

「論

語：『無

莫也。』邢疏：『

莫，薄也。』信之也莫，猶言信之不

篤也。」莫則傳言者殃。

補此其所以為天下之難者也。

應上文「人道之患」。故法言曰：

引古格言。揚子法言名因此。『傳其常情，

宣云：「但傳其平實者。」無傳其溢言，

郭云：「雖聞臨時之過言而勿傳。」則幾乎全。』

宣云：「庶可自全。」按：引法言畢。

且以巧鬥力者，始乎陽，常卒

乎陰，大至則多奇巧；

釋文：「大音泰，本亦作泰。」按：鬥力屬陽，求勝則終於陰謀，欲勝之至，則奇譎百出矣。補：成云：「陽，喜也；陰，怒也。夫較力相戲，非無機巧。初戲之情在喜，終則心生

忿怒，好勝之情，潛以相害。」

武按：此喻溢惡。

以禮飲酒者，始乎治，常卒乎亂

，大至則多奇樂。禮飲象治，既醉則終於迷亂，昏醉之至，則樂無不極矣。補：成云：「治，理也。夫賓主獻酬，自有倫理。」云云。武按：此喻溢美。此兩喻，皆下文陪襯，亦即下文之喻也。

凡事亦然。始乎諒，常卒乎鄙；

宣云：「諒，信。鄙，詐。」俞云：「諒與鄙，文不相對。諒蓋諸之誤。諸讀為都。

。釋地『宋有孟諸』，史記夏本紀作『明都』，是其例。『始乎都，常卒乎鄙』，

都、鄙正相對。因字通作諸，又誤而為諒，遂失其旨矣。淮南詮言訓『故始於都者，

常大於鄙』，即本莊子，可據以訂正。彼文大字，乃卒字之誤。說見王氏雜誌。

」正俞說非。俞謂「諒與鄙，文不相對」。夫諒，信也；鄙，詐也。一正一反，俞

據何文例，謂不相對？尹文子大道篇「能鄙不相遺，賢愚不相棄」，能鄙、賢愚，

皆一正一反相對。淮南本經訓「仁鄙不齊」，仁與諒為同類。鄙可與仁對舉，獨不

可與諒相對乎？又禮記樂記：「致樂以治心，則易直子諒之心油然而生矣。」此就樂

之正面言也。其反面則曰：「不和不樂，而鄙詐之心入之矣。」此則正以諒與鄙相

對也。至引淮南以證此文「鄙」應為「都」，不知淮南就軍亂言，謂軍亂始都城，

常大於鄉鄙，以鄙較都地廣人多，亂易擴大也。各有取義，何可引以證此？俞亦自

知「大」字未安，則又謂為誤，而引此「卒」字以正之。易「卒」於彼，彼文不安

矣；易「都」於此，此文不安矣。蓋此文係寫傳言者貴信而不可妄，「諒」承上文

「信」字，「鄙」承上文「妄」字，脈絡分明。如易「諒」為「都」，則「鄙」變

為「邊鄙」之鄙，此二句

變成贅疣，與上文全無干涉矣。

其作始也簡，其將畢也必巨。夫言者，風波也；如風之來，如波之起。

補：「其

作始」二句，承上

啟下。夫言或溢美，或溢惡，如風波

不定也。行者，實喪也。

郭嵩燾云：「實者，有而存之；喪者，縱而舍之。實喪，猶得失也。」正郭說非。夫溢美、溢惡如風波之言，其言類妄，妄則非實矣。如使者遵行而傳之，非喪其實乎？風波易以動，實喪易以危。

得失無定，故曰「易以危」。正妄

則傳言者殃。故忿設無由，巧言偏辭。

忿怒之設端，無他由也，常由巧言過實，偏辭失中之故。

補：巧言始乎陽也，忿設卒乎陰也。

獸死不擇音，氣息弗然，於是並生心厲。

獸困而就死，鳴不擇音，而忿氣有餘。於其時，且生於心而為惡厲，欲噬人也。以獸之心厲，譬下人有不肖之心。

補：釋文：「弗，

郭敷末反，李音佛。」武按：此喻陰

陽之患。

剋核大至，則必有不肖之心應之

，而不知其然也。剋求精核太過，則人以不肖之心起而相應，不知其然而然。補：剋核大至，言遇事考慮成敗太過，則患得患失之心應之，即不肖之心應之也。此屬一己說，針對葉公過於患事之成不成而發，於本文義似較聯貫。又剋核大至，過乎諒也；不肖之心應之，卒乎鄙也。

苟為不知其然也，孰知其所終！宣云：「必罹禍。」

故法言曰：『無遷令，

成云：「君命實傳，無得遷改。」無勸成。』

成云：「弗勞勸獎，強令成就。」

再引法言畢。過度，益也。若過於本度，則是增益言語。補：上文「溢美」「溢惡」，乃君因一時喜怒致言之溢也。此之過度，則傳言者過乎君言之限度也。遷令、勸成，即皆過度也。遷令、勸成殆事，事必危殆。補：上文「妄則傳言者殃」，及

美成在久，惡成不及改，成而善，不在一時；成而惡，必有不及改者。補：此對上葉公「若成若不成」之問而答之也。言事之美成者，非倉猝可致，必須多經時日；如為惡成，後雖悔改，勢已不及矣。本書徐無鬼篇：「殆之成也不給改，禍之長也茲萃。其反緣功，其果也待久。」「殆之成也」句，即惡成不及改也。「其果」句，即美成在久也。可以互證。

可不慎與！且夫乘物以遊心

，託不得已以養中，至矣。

宣云：「隨物以遊寄吾心，託於不得已而應，而毫無造端，以養吾心不動之中，此道之極則也。補乘物以遊心，則心不至剋核矣。託不得已以養中，與上文「寓於不得已」，及「知其不可奈何而安之

若命」同義。何作為報也！郭云：「任齊〔三〕所報，何必為齊作意於其間！」補：報者，謂齊對楚報答之言也。子高見齊之甚敬而不急，慮其所報不足以厭楚王之意，則已必得罪，故甚慄之。是即作意於齊之報也。仲尼針對其病，故以「遊心」「養中」二語勉之。莫若為致命。此其難者。」

但致君命，而不以己與，即此為難。若人道之患，非患也。正成云：「直致率情，任於天命，甚是簡易，豈有難耶？此其難者，言不難也。」武按：上言「傳兩喜兩怒之言，天下之難者也」，又言「固有所不得已，行事之情而忘其身」，今勉以託不得已以養中，於身且忘，況傳常情，不傳溢言，但直致君之命耶！此豈有難者，收繳上「難」字。〔一〕「讀」原作「謂」，據集釋引改。

〔二〕「必」字，據王氏原刻及集釋本補。

〔三〕「齊」原作「其」，據王氏原刻及郭注改。

顏闔將傳衛靈公太子，

釋文：「顏闔，魯賢人。太子，蒯聵。」

而問於蘧伯玉曰：「有人於此，其德天殺。天性嗜殺。」

補：釋文：「蘧，其居反。伯

玉，名瑗，衛大夫。」與之為無方，則危吾國；宣云：「縱其敗度，必覆邦家。」

補：方，道也，法也。與之為有方，則危吾身。

制以法度，先將害己。

其知適足以知人之過，而不知其所以過。

釋文：「其知，音智。」但知責人，不見己過。

補：足以知人之過而責之

，而不知人之所以有過而原之。

若然者，

吾奈之何？」蘧伯

玉曰：「善哉問乎！戒之慎之，正汝

身也哉！

先求身之無過。補此句重要，統攝下文。下文形。身之外見者也；心，身之內在者也。就不入，和不出，即正身之謂也。

形莫若就，心莫若和。宣云：「外示親附之形，內寓和順之意。」正此二句，說明正身之義也。形莫如就，謂身日與親近而順應之。下文「與之為嬰兒」數句，即就之說也。宣以順訓和，與下文意不合。蓋心如順之，則入而與之同矣，豈非與之為無方而危國乎？郭云「和而不同」，義為近之。然本書山木篇云：「一上一下，以和為量。」上下以和為量，即不上不下而處中也。中庸云「發而皆中節謂之和」，義亦猶此。文子上仁篇「和者陰陽調」，即陰陽不偏勝而為和也。淮南汜論訓：「陰陽相接，乃能成和。」謂陰陽相沖和也。廣韻：「和，不堅不柔也。」均有不偏不倚，而歸於中正之義。蓋職傳太子，位居親近，其勢自不能與之疏遠，故曰「形莫若就」也。然既不可與之同而危國，又不可與之迕而危身，二者之間，惟有不上下，不堅不柔，調喜怒之陰陽，允執厥中而已，故曰「心莫若和」也。知北遊篇：「正汝形，一汝視，天和將至。」此文亦言「正汝身」，正身者，乃所以致和也。

。「心和」二字，為本節主腦，亦本篇要旨也。雖然，之二者有患。宣云：「猶未盡善。」

就不欲入，和不欲出。附不欲深，必防其縱；順不欲顯，必範其趨。正郭云：「入者遂與同，出者自顯伐也。」武按：就者，不過身與之近；入則同流，必致心亦附之，則損和矣。出者，表而出之也。下文「積伐而美者」，即出義也，出則非和矣。又上文「強以仁義繩墨之言銜暴人之前者，是以人惡有其美也」，亦可證「出」字之義。達生篇：「無入而藏，無出而陽，柴立其中央。」柴立中央者，處和也，足與此義相發。

形就而入，且為顛為滅，為崩為蹶。顛，墜。滅，絕。崩，壞。蹶，仆也。

補：其

德天殺，勢必

傾危，入而與同，亦必同難

，故為顛、滅、崩、蹶也。

心和而出，且為聲為名，為妖為孽。

郭云：「自顯和之，且有含垢之聲；濟彼之名，彼且惡其勝己，妄生妖孽。」正心和而出者，積伐而美也，即露才揚己也，故為聲為名。人君因案人之所感，且因其修以擠之，則為妖為孽矣。

彼且為嬰兒，亦與之為嬰兒；喻無知識。

彼且為無町畦，亦與之為無町畦；

無界限。喻小有踰越。補釋文：「町，徒頂反。畦，戶圭反。李云：『町畦，畔埒也。』」彼且為無崖，亦與之為無崖。不立崖岸。補：自「嬰兒」句至此，其義與應帝王篇「虛而委蛇，因以

為弟靡，因以為波流」同。達之，入於無疵。順其意而通之，以入於無疵病。補：釋文：「疵，似移反，病也。」句謂因勢而利導之，以入於無疵。此為日漸之德有成

也。

上「嬰兒

」數句，就之實也

，此則和之效也。如入或出，則不能

致此矣。

汝不知夫螳螂乎？怒其臂以當車轍，不知其不勝任也，是其才之美者也。戒之慎之！積伐而美者以犯之，幾矣。

而，汝也。伐，誇功也。美不可恃，積汝之美，伐汝之美，以犯太子，近似螳螂矣。一喻。正「螳螂」句，亦見天地篇。又淮南人間訓云：「齊莊王出獵，有一蟲，舉足將搏其輪。問其御曰：『此何蟲也？』對曰：『此所謂螳螂者也。其為蟲也，知進而不知卻，不量力而輕敵。』莊公曰：『此為人而必為天下勇武矣。』迴車而

避之。」韓詩外傳同。成云：「螳螂，有斧蟲也。」武按：螳螂怒臂，莊公迴車，其才實勇，故曰「是其才之美者也」。積伐者，屢屢誇稱也。積伐而美者以犯之，與上「強以仁義繩墨之言銜暴人之前者，是以人惡有其美也」同義。謂屢以仁義之美，進言於太子，無異屢誇已有此美，而欲太子效之也。如此以犯太子，必致觸忌，而與螳螂當車之所為相近矣，故曰「幾」也。或云：「伐」字，史記功臣侯表：「明其功曰伐。」小爾雅：「伐，美也。」幾，易繫辭：「幾者，動之微，吉之先見者也。」猶雲端兆也。而，應如字讀。積伐而美以犯之幾者，謂積累功伐而才美者，即為犯人主猜怒之端。蓋妒才忌功，暴君通性，良弓走狗之禍，空櫟燕泥之誅，於古數見，豈緣誇伐！即上文龍、比之死，因修見擠，亦非由誇也。此足備一說，然究不若前說之當。「螳螂」至此，為心和而出作喻。「積伐而美」二句，為下「匠石」數節之反面張本，「山木」「膏火」一段之正面張本。換言之，以下各節，即為此二句之正喻反喻也。

汝不知夫養虎者乎？不敢以生物與之，為其殺之之怒也；不敢以全物與之，為其決之之怒也。成云：「以死物投虎，亦先為分決，不使用力。」

正此為「嬰兒」數句作喻，即為

「就」字作喻也。

時其飢

飽，達其怒心

。虎之與人異類而媚養己者

，順也；故其殺者，逆也。虎逆之則殺人，養之則媚人。喻教人不可怒之。再喻。

補：自「養虎」句至此，達之入於無疵也。虎性殺人，逢其怒也。達其怒心，則媚養己者，而無殺人之疵矣。以喻太子，其德天殺，殺由於怒也。達其怒心，則無殺人之疵矣。能達其怒心者，就與和致之

也。夫愛馬者，以筐盛矢，以蜃盛溺。成云：「蜃，大蛤也。」愛馬之至者。補：釋文：「盛音成。矢或作屎。蜃，徐市軫反。溺，奴弔反。」郭云：「矢溺至賤，而以寶器盛之，愛馬之至者也。」適有蚤虻僕緣，

王念孫云：「僕，附也。言蚤虻附緣於馬體也。詩：『景命有僕。』毛傳：『僕，附也。』」補釋文：「蚤音文。本或作{民虫}，同。虻，孟庚反。僕，普木反。」

而拊之不時，成云：「拊，拍也。不時，掩馬不意。」正注非。不時者，時而拊，時而忘拊也。忘拊之時，則馬不耐蚊虻之虐，而缺銜脫奔，必致毀傷途人矣。考成原疏云：「蚊虻群聚緣馬，卒然拊之，意在除害。不定時節，掩馬不意，忽然驚駭，於是馬缺銜勒，人遭蹄蹋也。」成意如定時拊，則馬不驚。不知蚊虻之來緣也無時，拊之又何能確定時節？拊者，拂去蚊虻而已，著必不重，馬何至驚駭傷人？嘗見牧童猝鞭其馬矣，未見其驚傷如此也。如遇毒蚊群緣噴螫，而不為之拊，則真缺銜絕轡，狂奔傷人矣。則缺銜、毀首、碎胸。

成云：「銜，勒也。」馬驚至此。

意有所至，而愛有所亡，可不慎邪？」

亡，猶失也。欲為馬除蚊虻，意有偏至，反以愛馬之故，而致亡失，故當慎也。三喻。正王解本於郭、成。考郭釋「意」字，謂在於拊蚊，成釋「亡」字，謂失其所

愛之馬，均非也。文之本義，謂器盛矢溺，愛馬之意有所至矣。然蚊虻僕緣，馬切身之患也。愛馬者，尤當隨時拊之。今不時拊，則其愛有所遺亡矣。此段為形就而入作喻。謂入與之同，乃求合人主，免犯其怒也。然偶失其意，即足致患。如愛馬者，可謂至矣，偶一忘拊，即致毀碎。推之應世，亦復良難，要當慎之而已。「慎」字，總收上二「慎」字。

匠石之齊，至乎曲轅，見櫟社樹。

石，匠名。之，往也。司馬云：「曲轅，曲道。」成云：「如轅轅之道也。社，土神。櫟樹，社木。」補藝文類聚八九、御覽九五八引「轅」作「園」。釋文：「崔云：『道名』。」武按：總之地名也。司馬、成氏，未免臆說。釋文：「櫟，力狄反，李云『木名』，一云『楸也』。」社，成云：「土神也。」禮記祭法：「大夫以下，成群立社，曰置社。」鄭注：「大夫以下，不得特立社，與民族居。百家以上，則共立一社，今時里社是也。」周官大司徒職云：「樹之田主，各以其野之宜木，遂以名其社，與其野。」白虎通云：「社稷所以有樹何？尊而識之，使民望見而敬之，又所以表

功也。」按此櫟社，蓋如周官說，以

木名也。其大蔽數千牛，絜之百圍，

文選注引司馬云：「絜，匝也。」李云：「徑尺為圍，蓋十丈。」正釋文：「蔽牛，必世反。李云：『牛住其旁而不見。』絜，向、徐戶結反。」武按：如李說，圍十丈，安能蔽數千牛？「求高名之麗」句下，引崔云「環八尺為一圍」，方與蔽牛義不戾。

其高臨山十仞而後有枝，其可以為

舟者旁十數。俞云：「旁、方古通。方，且也。言可為舟者且十數。」正釋文：「七尺曰仞。或云：八尺曰仞。」武按：旁，崔云「旁枝」，是也。俞說非。此「旁」字，跟上句「枝」字來。上文蔽千牛，絜百圍，形容正幹之大也。可為舟者十數，言其旁可剝為舟之枝以十數。此形容旁枝之大且多也。枝大，益顯幹大矣。此莊子行文之妙，且密而有法也。古者剝木為舟，旁枝之大者，斷而剝其內，即可成舟，如大幹，則不易如此剝用矣。俞乃不從其易而從其難。觀其原文，徵引多書，以證「旁」之為「方」，方有數義，又必限之為且。如此作注，亦太費周折矣。即依俞說，而以修詞之例審之。此段連用三「其」字，為句中主格，均指幹言。如旁訓且，則「為舟」句係頂幹說，仍形容幹之大矣，不與上蔽牛之形容相複乎？況方義如儀禮大射禮「左右曰方」注：「方，旁出也。」據此，則照本字讀，固為旁枝；讀作方，亦旁出之枝也。俞原文尚有云：「在宥篇『出入無旁』，即出入無方。此本書假旁為方之證。」此說更非。所謂假者，本無此字，假他字以寓此字之義也。在宥篇「出入無旁」之上，即有「行乎無方」之「方」字，更何須假「旁」？如硬派為假，未免冤苦莊子。至出入無旁，應讀為「依傍」之傍，謂塊然獨立，出入無所依傍也。如訓為方，於上文「行乎無方」犯複矣。且行可無方，既有出入，出入即其方也，何能云無？總之，無一而可

也。觀者如市，匠伯不顧，遂行不輟。

遂，竟也。文選注引司馬云：「匠

石，字伯。」弟子厭觀之，厭，飽也。

走及匠石，曰：「自吾執斧斤以隨夫子，未嘗見材如此其美也。先生不肯視，行不輟，何邪？」

補釋文：「輟，丁劣反。」成云：「止也。」斤，正字通「以鐵為之，曲木為柄，剗剗之總稱」。

曰：「已矣，勿言之矣！散木也，

以為舟則沈，體重。以為棺槨則速腐，多敗。以為器則速毀，疏脆。

以為門戶則液櫨，

李楨云：「廣韻：『櫨，松心，又木名也。』松心有脂，液櫨正取此義。」正釋文：「櫨，郭武半反。」武按：李楨原文「正取此義」下，尚有「謂脂出如松心也」句，於義方合

。王遺此句，則為為門戶者，別屬液櫨木，而非櫨矣。以為柱則蠹。蟲蝕。

補：蠹，釋文「丁故反」。成云

：「木內蟲也。」是不材之木也，無所可用，已見逍遙遊諸篇。

郭云：「凡可用之木為文木，可成章也

。」夫柷、梨、橘、柚、果、蓏之屬，成云：「蓏，瓜瓠之類。」補：釋文：「柷，側加反。蓏，徐力果反。」成云：「在樹曰果，柷、梨之類；在地曰蓏，瓜瓠之徒。」集韻：「柷，詐平聲。」廣韻：「同櫨，似梨而酸。」柚，集韻「余救切，音右」。說文與「櫨」同，「條也」。書禹貢：「厥包橘柚。」傳：「大曰橘，小曰柚。」爾雅釋木：「柚，條。」注：「似橙而酢。」列子仲尼篇張湛注：「山海經曰：『荊山多橘柚。』柚似橘而大。皮厚味酸。」武按：書傳謂「小曰柚」，誤也。淮南主術訓：「夏取果蓏。」高注：「有核曰果，無核曰蓏。」漢書食貨志：「瓜瓠果蓏。」應劭曰：「木

實曰果，草實曰蓏。」

實熟則剝，剝則辱，大枝折，小枝泄。

俞云：「泄，當讀為挫。荀子非相篇：『接人則用挫。』楊注：『挫，牽引也。』

小枝挫，謂見牽引也。」正泄，釋文：「徐思列反。崔云：『泄、洩同。』」成云：「大枝損，小枝發泄。」武按：果纍纍者，必大枝也，故人每攀折之以剝果。小枝生氣，輒從大枝折處洩出，而易萎矣。故工於移植果樹者，一遇大枝剪折處，必用泥封，以免洩其生氣，則植之易於成長。此文正合此理。俞乃謂「泄字之義，於此無取」，改讀為挫。武以為於古人之書，照本字詁之，即或義未盡協，較之專輒改字改音者為妥

。清之訓詁家，類蹈擅改之病，

非武所敢苟同也。

此以其能苦其

生者也，故不終其天年而中

道夭，自揜擊於世俗者也。揜擊由其自取。成云：「揜，打。」

補：「粗梨」至此，申說上節才美

犯幾之義也。物莫不若是。且予求無所可用久矣，幾死，幾伐而死。補：成云：「幾，近也。」武按：「無所可用」者，謂無可得而用之也。櫟雖無用，特不可用為器耳，仍有用為薪之慮，故久欲求一無所可用之地以自全。幾死者，因人覬覦欲得為薪也。乃今得之，郭云：「數有睥睨已者，唯今匠石明之。」正社樹人民所尊，雖為有用，猶不翦伐，況無用者乎！乃今得為社，翦伐可免，故謂「為予大用」也。為予大用。成云：「方得全身，為我大用。」

使予也而有用，且得有此大也邪？且也，若與予也皆物也，奈何哉其相物也？而幾死之散人，又惡知散木！」而，汝。幾，近也。補：汝以我無用，而謂之為散木，則必自以為有用，而非散人矣。不知有能者苦其生，有用者幾於死，汝幾死之人也，亦何莫非散人乎？散人又何足以知散

木？匠石覺而診其夢。

王念孫云：「診讀為眡。爾雅：『眡，告也。』告其夢於弟子。」正王說非。本書非無「眡」字，如齊物論「請言其眡」是也，此如應為眡者，莊子何以不用，而必用診，以勞後人揣測改讀乎？莊子恐不如是之僞也。王氏原文云：「向秀、司馬彪並云：『診，占夢也。』」按下文皆匠石與弟子論櫟社之事，無占夢之事。診當讀為眡。」云云。武按：王氏之意，診既訓為占，占則必有端策拂龜之事，此意無乃太固？爾雅釋言：「隱，占也。」疏：「視兆以知吉凶也。必先隱度，故曰：隱，占。」然則匠石亦必以夢與弟子相與隱度之，故下有「密，若無言」之語也。此與占義合，即與診義合也。又前漢書陳遵傳：「馮几口占書數百封。」然則「診」之云者，匠石

對其弟子口占耳。

此義尤切，何勞繳繞傳會，擅改為「眡」乎？

弟子曰：「趣取無用，則為社何邪？」

既急取無用以全身，何必為社木以自榮？正玩注，訓趣為急，於文意不合。成云「櫟木意趣，取於無用」，是也。文謂社之義在保民，為社即須盡保民之用，既旨趣在於無用，則為社是何

意乎？注謂「以自榮」，於文無據。曰：「密！」

猶言祕之。姚鼐云：「密、默字通。田子方篇仲尼曰：『默！女無言！』達生篇：『公密而不應。』」正「密」「默」二字，涵義各別。默，緘默不言也；密，隱祕勿洩也。此「密」下接「若無言」，戒其無以以下諸語外洩也。其戒密之意，一以儆於夢責，恐復為櫟所聞；二以社為眾所祈福託保之處，洩則恐眾知其無保民之用而來紛議。故此處以「密」字為當。至仲尼語顏以「默」，其義稍別。謂文王盛德，無容言議，故下即接以「又何論刺焉」之句，非有宣洩之慮也。故以「默」字為當。達生篇之「密」，乃魯公恐顏闔料敗之言宣聞於東野，必調緩其馬，或不致敗，即無以驗顏闔之言，故公密而不應也。以此見二字之未可隨意通用，且見莊子下字之精審也。

若無言！彼亦直寄焉，以為不知己者

詬厲也。彼亦特寄於社，以聽不知己者詬病之而不辭也。司馬云：「厲，病也。」補：彼亦直寄焉者，謂彼非為社也，特寄於社而為社木而已。上「散木也」至「不材之木」數句，即詬厲之語也。「不知己」三字，跟上「又惡知散木」句來。文謂彼之無用，乃大用也，人

反以無用詬之，即不知己者也。不為社者，且幾有翦乎！

如不為社木，且幾有翦伐之者，謂或析為薪木。正為社與為社木，其義各別，注於此尚未認清。上直寄焉者，為社木也。而社之義在保民，遵社之義而盡保民之用，則為社也。列子周穆王篇：「幾虛語哉！」注：「幾音豈。」此謂即不為社義而施保民之用，然既寄為社木，民豈有翦伐者乎？以社雖無靈，人民必不致翦伐社木也。且也，彼其所保，與眾異，保於山野，究與俗眾異，非城狐、社鼠之比。正眾，指眾社木。言彼無為社保民之用，特寄於社，期乎自保，以免翦伐，非若眾社木之義在保民也，故曰「所保與眾異」。

以義譽之，不亦遠乎！」

宣云：「義，常理。」按：彼非託社神以自榮，而以常理稱之，於情事遠也。

正謂以尋常保民之社義譽之，不亦

遠於事實乎！南伯子綦遊乎商之丘，

李云：「

即南郭也。伯，長

也。」司馬云：「商之丘，今梁國睢

陽縣。」

見大木焉有異，結駟千乘，隱將芘其所

賴。

向云：「賴，蔭也。」崔云：「隱，傷於熱也。」成云：「駟馬曰乘。言連結千乘，熱時可庇於其蔭。」補：釋文：「乘，繩證反。芘，本亦作庇。賴音賴。」武按：「隱」字，玩注意屬下句，似應屬上句。崔訓傷熱，不知何據，恐係臆說。說文云：「隱，蔽也。」國語齊語「隱五刃」，註「藏也」。後漢書任光傳注「避也」。「其」字指大木，謂如有結駟千乘，避藏於其下，將可受芘於大木之所蔭也。此係借千駟

之隱，以譬其蔭之

廣，觀「將」字可知，固不必限於傷

熱時也。子綦曰：「此何木也哉？此必有異材夫！」言必可為材也。補：此「異」

字，照

應上「異」字

。上言其形之異，此因其形

異，而揣其材之亦必異也。

成云：「軸，如車軸之轉，謂轉心木也。」按：解者，文理解散，不密綴。補：「見」，明世德堂本作「視」，應從之。蓋見無心，視有意。句冠「俯」字，即俯身

視察之也。

咍其葉，則口爛而為傷；

嗅之，則使人狂醒三日而不已。李云：「狂如醒也。病酒曰醒。」補：釋文：「咍，食紙反。醒音呈。」武按：「咍」與田子方篇「舐筆和墨」之「舐」，釋文同音食紙反，故二字通。又按藝文類聚八八引「口」作「舌」，應從之。因咍葉者舌，應舌爛也。

子綦曰：「此果不材之木也，以至於此其大也。」

成云：「不材為全生之大材，無用乃濟物之妙用，故能不夭斧斤〔一〕，而庇蔭千乘也。」嗟夫！神人以此不材！」

由木悟人。宣云：「神人亦以不見其材，故無用於世，而天獨全也。」補：此與上段，皆言不材之木，明無用之旨，於義似複，而有不複者在。匠伯，攻木之工也，其於櫟，遙望即知，過前不顧；南伯則仰視俯察，舌咍鼻嗅，方知不材。不複者一。後木，枝拳根解，葉爛口而嗅致狂；櫟必無是，故觀者如市，而弟子屬厭。是知不材之度，後深於前。不複者二。櫟非盡無用，而求無所可用，故寄社以自保；後木則不須如是也。不複者三。櫟似材而實非材，其沈腐液蠹之性，存於內而驗於後，非稔知木性者不辨，故用攻木之匠伯；後木拳解形於外，爛狂效於前，一經察試，即知不材，衡厥無用，無殊槁木，故用形如槁木之南伯。不複者四。以此知莊子所引故事，所用古人，

非由率爾，咸寓深意，顧尚云複乎？

宋有荊氏者，宜楸、柏、桑。

司馬云：「荊氏，地名。」宜此三木。

其拱把而上者，求狙猴之杙者斬之；

司馬云：「兩手曰拱，一手曰把。」宣云：「杙，繫櫪也。」

補：成云：

「狙猴，獼猴也。」釋

文：「狙，七餘反。杙，以職反。」

三圍四圍，求高名之麗者斬之；

崔云：「環八尺為一圍。」郭慶藩云：「名，大也。」（詳天下「名山三百」下。）

成云：「麗，屋棟也。」補秋水篇：「梁麗可以衝城。」列子湯問篇：「昔韓娥東之齊，匱糧，過雍門，鬻歌假食。既去，餘音繞梁麗，三日不絕。」據此，則麗、梁、棟，一也。

七圍八圍，貴人富商之家求樨傍者斬之。

釋文：「樨，本一作擅。」成云：「棺之全一邊而不兩合者，謂之樨傍。其木極大，當斬取大板。」

故未終其天年，而中道已夭於斧斤〔二〕，此材之患也。故解之以牛之白顙者，與豚之亢鼻者，與人有痔病〔三〕

者，不可以適河。

郭云：「解，巫祝解除也。成云：「顙，額也。亢，高也。三者不可往靈河而設祭

。古者將人沈河以祭，西門豹為鄴令，方斷之，即其類是也。」正前漢郊祀志：「古天子常以春解祠黃帝，用一梟，破鏡。」師古注：「解祠者，謂祠祭以解罪求福。」又淮南修務訓：「是故禹之為水，以身解於陽盱之河。」張湛注：「為治水解禱，以身為質。解讀『解除』之解。」然則古是有用人求解於河之事，特未必真沈人於河耳。如禹以身解於河，但以為質，並未沈身。修務訓又云「湯旱，以身禱於桑山之林」，亦不過斷髮剪爪，權充犧牲，亦未以身殉之也。鄴中沈人祭河，偶遇凶巫蠱惑，係一地一時之事，未可引以例常。如鄆子用人於次睢之社，距可謂春秋時凡祭社者必用人乎？又如御覽一〇引莊子佚文云：「宋景公時，大旱三年。卜云：『以人祠，乃雨。』」公下堂頓首曰：『吾所以求雨者為人，今殺人，不可。將自當之。』」

如其時人

祠已成習，景公何至不從？

亦係卜者一時之誣妄而已。此皆巫祝以知之矣，

以、已同。郭云：「巫祝於此，亦知不材者全也。」補：楚語下篇：「在男曰覲，在女曰巫。」注：「覲，見

鬼者也。」周禮男亦曰巫。

所以為不祥也，此乃神人之所以為大祥也。宣云：「可全生，則祥莫大焉。」

〔一〕「斧斤」，原作「斤斧」，據王氏原刻及莊子原文乙正。

〔二〕「斧斤」，原作「斤斧」，據王氏原刻及集釋本乙正。

〔三〕「痔病」，原作「痔瘡」，據王氏原刻及集釋本改。

支離疏者，司馬云：「支離，形體不全貌。疏其名。」補：廣韻五支下云：「漢複姓。莊子有支離意，善屠龍。」則此支離，乃疏之姓也。然莊多寓言，人名每寓妙旨，故下有「支離其形」之誤

，司馬注亦未為非也。頤隱於臍，肩高於頂，

司馬云：「言脊曲頭縮

也。」淮南曰：「脊管高於頂也。」會撮指天，

司馬云：「會撮，髻也。古者髻在項中，脊曲頭低，故髻指天。」崔云：「會撮，

項椎也。」李楨云：「崔說是。大宗師篇『句贅指天』，李云：『句贅，項椎也，

其形如贅。』亦與崔說證合。素問刺熱篇『項上三椎，陷者中也』，王注：『此舉數脊椎大法也。』沈彤釋骨云：『項大椎以下二十一椎，通曰脊，骨曰脊椎。』難

經四十五難云：『骨會大杼。』張注：『大杼，穴名，在項後第一椎，兩旁諸骨自此槃架往下支生，故骨會於大杼。』會撮，正從骨會取義，又在大椎之間，故曰『

項椎』也。初學記十九引撮作撮。玉篇：『撮，木撮節也。』與脊節正相似。從木作撮，於義為長。」正釋文：「會，徐古活反，向音活。撮，子活反。」武按：朱

桂曜云：「向音活，活疑括誤。」朱說是。因集韻等書，括亦古活切也。崔云「會撮，項椎」，不知何據。凡言骨節者，無過素問、靈樞二書，並無骨名會撮者。李

楨僅憑難經中一「會」字，即謂「會撮從此取義」，殊為武斷。考儀禮士喪禮「髻用組」，鄭注：「用組，組束髮也。古文髻皆為括。」又詩車輦「德音來括」，傳

：「括，會也。」可證「髻」「會」「括」三字通用。詩小雅：「臺笠緇撮。」疏

：「小撮持其髮而已。」故會撮即束會而撮持其髮也。寓言篇：「向也括，今也披髮。」「括」字亦就髮言。且張君房本「括」下有「撮」字，益足證司馬之說是，而崔、李之說非也。五管在上，

李云：「管，脰也。五藏之脰，並在人背。」李楨云：「頤、肩屬外說，會撮、五管屬內說。」正會撮為髻，亦屬外說。兩髀為脅。

司馬云：「脊曲髀豎，故與脅肋相並。」

挫鍼治解，足以餬口；

司馬云：「挫鍼，縫衣也。解，浣衣也。」正釋文：「挫，徐子臥反，崔云『按也』。解，佳賣反。餬，徐音胡，李云『食也。』」成云：「餬，飼也。」武按：楚辭招魂：「挫糟凍飲，酌清涼些。」注：「捉去其糟，但取清醇也。」是訓挫為捉也。集韻：「解，居隘切，音懈，故衣也。」據此，則挫鍼治解者，謂捉鍼縫治故衣也，全句祇說一事。若如司馬說，分為縫、浣二事，必非有常疾之支離所能兼任。即今市廛業縫補

與浣濯者，亦尚分工而無兼者，可以

推知矣。鼓箴播精，足以食十人。

司馬云：「鼓，箴也。小箕曰箴。簡米曰精。」成云：「播，揚土。」正注非。釋文：「箴，初革反。崔云：『鼓箴，揲蓍鑽龜也。鼓箴播精，言賣卜。』」武按：崔說得之。曲禮「龜為卜，箴為筮」，儀禮士冠禮「筮人執箴」，楚辭「詹尹乃端箴拂龜」，足證鼓箴即揲蓍也。卜筮之道，有縫箴、揲箴、分箴、扞箴等事，句中「鼓」字，足以該之。管子小匡篇：「握粟而筮者屢中。」握粟，猶之播精也。王應麟曰：「『播精』，文選東方朔畫贊作『播精』。」考畫贊為夏侯湛撰，其序云：「支離覆逆之數。」注：「莊子曰：『支離疏鼓箴播精，足以食十人。』」精音所。」又史記日者列傳：「夫卜而有不審，不見奪精。」集解：「離騷經云：『懷椒糈而要之。』」王逸注云：「『糈，精米，所以享神。』」索隱：「精者，卜求神之米也。言卜之不中，不見奪其精米。」據以上各說，可見古之買卜者，必出精以享神，卜後，無論中否，精歸卜者。就享神言，謂之精；就卜者言，謂之糈。猶之享神之牛謂之犧。精與糈，一也。支離賣卜得精，故足以食十人，如為人箴揚精米，恐尚不敵治解之餬口，惡能食十人乎？且試涉足鄉曲，從事箕箴者，所在可見，其人必仰項伸腰，以相揚搦，試問偃僂如支離者能為之乎？故鼓箴播精為卜筮，不待煩言而解矣。

上徵武士，則支離攘臂而遊於其間；

郭云：「恃其無用，故不自竄匿。」

上有大役，則支離以有常疾不受功；宣云：「不任功作。」

上與病者粟，則受三鐘與十束薪。

司馬云：「六斛四斗曰鐘。」

夫支離其形者，

猶足以養其身，終其天年，又況

支離其德者乎！」成云：「忘形者猶足免害，況忘德者乎！」

孔子適楚，楚狂接輿

遊其門曰：「鳳兮鳳兮，何如德之衰也？」成云：「何如，猶如何。」補：成云：「姓陸，名通，字接輿。」武按：接輿，又見逍遙遊篇「吾聞言於接輿」句下之註。蓋楚之賢人，見人世危殆，託於狂以自隱者也。見孔子周流各國，志在用世，故遊門作歌以諷之。史記孔子世家：「吳伐陳，楚救陳，軍於城父，聞孔子在陳、蔡之間，楚使人聘孔子。」孔子因以至楚，在魯哀公四年。六年，自楚反乎衛。接輿作歌，即其時也。正如，往也。德，指當世說，合下「來世」「往世」為三世。文言來世不可待，往世不可追，當世則德衰，鳳兮鳳兮，欲何往乎？下「趨」字，即應此「往」字也。來世不可待，往世不可追也。

郭云：「當盡臨時之宜耳。」天下有道，聖人成焉；

宣云：「成其功。」蘇輿云：「莊引數語，見所遇非時。苟生當有道，固樂用世，不僅自全其生矣。」天下無道，聖人生焉。

宣云：「全其生。」補此段言天下有道，惟望諸來世，見諸往世耳。然來世未至，胡可久待？往世已逝，渺難追尋。今值無道之世，惟有全生而已。必如此解，上「來世」二句方不落空。天地篇云：「天下有道，則與物皆昌；天下無道，則修德就間。」足明此與上二句之義。方今之時，僅免刑焉。

補方今天下無道，僅免刑而

生也。找足上「生焉」句。福輕乎羽，莫之知載；易取不取。

禍重乎地，莫之知避。當避不避。已乎已乎，臨人以德！

宣云：「亟當止者，示人以德之事。」

殆乎殆乎，晝地而趨！宣云：「最可危者，拘守自苦之人。」補：天下有道，則仕而成其功；天下無道，則隱而全其生。行隨世變，不拘一隅，即在宥篇所謂「大人行乎無方」者也。孔子則不顧世亂身危，栖遑求用，猶之指畫一定之地，以自限其趨，必致跬步難行，惟有危殆而已。迷陽迷陽，

謂棘刺也，生於山野，踐之傷足。至今吾楚輿夫遇之，猶呼「迷陽踢」也。迷音讀如麻。正吾亦楚人，未嘗聞「迷陽踢」之名，遍詢輿夫，亦無知者。當是王聞未審，不足據也。其曰「棘刺」者，蓋有所本。詩召南草蟲章：「陟彼南山，言採其薇。」朱注：「薇似蕨而差大，有芒而味苦。山間人食之，謂之迷蕨。胡氏曰：『疑即莊子所謂迷陽者。』」羅勉道云：「迷陽，蕨也。」羅說蓋本之朱注。其後林雲銘本之，陸樹芝本之，今王氏亦本之。然知薇蕨可食之菜，僅有薇芒，何至傷足，乃易為「棘刺」？然於迷陽終無關也。章太炎云「陽借為場，迷場，猶迷塗也」，擅改原文，義仍未允。武按：郭云：「迷陽，猶亡陽也。」成云：「陽，明也。」司馬云：「迷陽，伏陽也。言詐狂。」林疑獨本之云：「迷陽，言晦其明。」陸西星亦然，云：「自昧其明。」諸說於義為得，惟郭以亡訓迷為不當耳。考說文：「迷，惑也。」又云：「陽，高明也。」詩豳風：「我朱孔陽。」傳：「陽，明也。」白虎通爵論：「陽，猶明也。」蓋莊子之道，在於離形去知。明者，知之所致也，故不尚明。亦如老子大知若愚，玄德、守黑之義。故其言曰「吐爾聰明」，曰「彼人含其明，則天下不鑠矣」，曰「夫明之不勝神也久矣」，曰「滑欲於俗，以求致其明，謂之蔽蒙之民」，即不尚明之說也。曰「各復其根而不知，渾渾沌沌，終身不離」，曰「聖人愚芑」，曰「媒媒晦晦，無心而不可與謀」，曰「其合緇緇，

若愚若昏」，曰「惑故愚，愚故道，道可載而與之俱也」，即迷明之說，亦即迷陽之說也。司馬訓伏陽者，言伏匿其陽而不露也。又曰「詐狂」者，人而迷明，則類狂矣。而莊子實深有取於狂焉，亦猶仲尼欲得狂狷而與之也。在宥篇云：「猖狂不知所往。」庚桑楚篇亦有斯語。山木篇云：「道流而不明居。」繼之曰：「純純常常，乃比於狂。」又云：「猖狂妄行，乃蹈乎大方。」夫純常者，不居於明也；猖狂者，迷其明也。不知所往而妄行，即卻曲吾行，而非畫地而趨矣。方，道也。蹈乎大道，則不至傷吾足與吾行矣。且也，接輿狂者也，仲尼不狂者也。莊子於此，不假之他人，而特寓諸仲尼之行、與接輿之口者，蓋非仲尼不狂之行不足以啟接輿猖狂之論，且非狂者不知狂義也。莊子蓋有深意焉，豈漫然寓之乎？以上所言，特以司馬所注，無乖本義，因而為之發揮者也。請再以莊證莊焉。御覽七三八疾病部引莊子佚文云：「陽氣獨上，則為癲病。」素問著至教論云「三陽并至如風雨，上為癲疾」，意亦相同。集韻：「癲，狂也。」此言陽氣獨上衝腦，則腦迷而為癲，即為狂也。又素問宣明五氣論云：「邪入於陽則狂。」此說於本句尤切。蓋迷陽者，因邪入之，故陽迷而為狂也。然則所謂「迷陽」之陽，指身之陽氣言也。蓋莊子之道，重在凝神（見逍遙遊篇），而大戴禮曾子天圓篇云：「陽之精氣曰神。」然則凝神者，即凝集陽氣也。陽氣既勝，則獨上衝腦，腦迷而為狂矣。雖為修道未和所致，然莊子猶有取焉，以其如能和其陽，則猶可以至於道也。是以莊子又有取於和焉，故本書屢以和為言也。據此，則所謂迷陽者，乃狂之代名詞，楚狂自謂也。言吾狂乎狂乎，然於吾之所行無傷也；吾雖猖狂妄行，然於吾之足無傷也。乃以棘刺傷足釋之，何所取義乎？無傷吾行！吾行卻曲，宣云：「卻步委曲，不敢直道。」

」補即猖狂妄行。無傷吾足！」補喻吾德自足，而無損傷也。即蹈乎大方。

山木自寇也，膏火自煎也。

司馬云：「木為斧柄，還自伐

；膏起火，還自消。」

桂可食，故伐之；漆可用，故割之。

成云：「桂心辛香，故遭砍伐；漆供器用，所以割之。俱為才能，夭於斤斧。」補：文子上德篇老子曰：「鳴鐸以聲自毀，膏燭以明自爍，虎豹之文來射。」又見淮南繆稱訓，義與此同。

人皆知有用之用，而莫知無用之用也。

喻意點清結句〔一〕，與上接輿歌不連。歌有韻，此無韻。

〔一〕「句」，王氏原刻作「局」。

德充符第五

德充於內，自有形外之符驗也。補：本篇重在一「和」字。修和而成，得之於心者曰德，故曰「德者成和之修也」。何以修之？曰：遊心於德之和也。何以能遊心於德之和？則曰：不以好惡內傷其身也。夫和德內充，則符驗外見。王駘、哀駘之德充，致令人忘其形之惡而咸歸之，此即所謂德不形者物不能離也，亦即德有所長而形有所忘也。子產、仲尼，則尚未能忘申徒、叔山之形者也。未能忘其形者，由於有好惡之情也。而好惡之情，最足以滑和，故本篇終之以不以好惡內傷其身也。不以好惡內傷其身，即遊心於德之和也。遊心於德之和者其果，不以好惡內傷其身者其因，亦即充德之下手處也。魯有兀者王駘，李云：「刖足曰兀。」

補：釋文

：「兀，五忽反，又音介。按：篆書兀、介字相似。駘音臺。」從之遊者，與仲尼相若。郭云：「弟子多少敵仲尼。」

補：成云：「若，如也。」

常季問於仲尼曰：

「王駘，兀者也，從之遊者，與夫子中分魯。釋文：「常季，或云：孔子弟子。」或云：魯賢人。

補：德充於內，故眾附於外，即德之符也。立不教，坐不議，虛而往，實而歸。弟子皆有所得。補：淮南俶真訓：「坐而不教，立而不議，虛而往者實而歸，故不言而能飲人以和。」武按：淮南「坐」「立」字互易，於義較順。蓋教時必坐，議可立談也。駘德充於內，默以成化，雖不教議，人自飲和，故曰「實而歸」也。或云：「和」字，全篇要旨，似應據淮南補「飲人以和」句。不知彼係敘至人之德，故著其所以能化人之故，在於德之和。亦如本書則陽篇王果言聖人「不言而飲人以和，與人並立而使人化」，文意相同。此則常季不知駘能飲人以和，疑其別有用心，如知之，則無此問矣。直至下文仲尼指

固有不言之教，無形而心成者邪！宣云：「默化也。」補：「心」字為篇中眼目，於此提出。心成者，

謂不見其口教，必用心感之以成其教也。

是何人也？」仲尼

曰：「夫子，聖人也，丘也，直後而

未往耳。直，特也。未及往從。

丘將以為師，而況不如丘者乎！奚假魯

國！

何但假借魯之一邦！補假者，假設也。引魯國以從，為未然之事，故言何但假設引

魯國，且將引天下以從之。丘將引天下而與從之。」

補此答其「中分魯」一語。常季曰：「彼兀者也，而王先生，言居然王先生也。補：釋文：「王，于況反，李云『勝也』。」武按：山木篇：「而王長其間。」故王，長也。其與庸亦遠矣。固當與庸人相遠。

補：成云：「庸，常也。」

若然者，其用心也，獨若之何？」

補承上「心成」句。駘之聚眾，由於和感，非出有心。常季疑其用心以成之，故復問。仲尼曰：「死生亦大矣，而不得與之變，其人與變俱，故死生不變。正大宗師篇「真人不知悅生，不知惡死」，即令形死，心固未嘗死也，故謂「不得與之變」。雖天地覆墜，亦將不與之遺。成云：「遺，失也。」言不隨之而遺失。

補：亦就心言。釋文：「墜，

本又作隊，直類反。」審乎無假，而不與物遷，

郭慶藩云：「假是瑕之誤。淮南精神訓正作『審乎無瑕』。謂審乎己之無可瑕疵，斯任物自遷，而無役於物也。左傳『傳瑕』，鄭世家作『甫假』，禮檀弓『公肩假』，漢書人表作『公肩瑕』。瑕、假形近，易致互誤。」正「無假」者，真之謂也。烟雲變滅，以其假而不真也。真則永存，不遷不變。佛書釋「真如」云：「不妄不變。」蓋變者假也，無假則不變，故曰「不得與之變」。不得與之遺，不與物遷，皆由能審乎無假也。郭氏乃謂「假為瑕之誤」。考本書天道篇「審乎無假，而不與利遷，極物之真，能守其本」。亦作「假」不作「瑕」，豈二處均誤耶？考「瑕」字之義，說文云：「瑕，玉小赤也。」謂色不純也。管子法法篇注：「相間曰瑕。」謂色雜也。攷工記玉人曰：「天子用全，公用彪。」注：「全，純色也。彪，謂雜色。」以此知玉以純色為貴。瑕為玉之病，以其色雜也。而淮南「無瑕」句下，有「不與物糅，見事之亂」句，糅者雜也，故用「瑕」字，以與「糅」「亂」二字相應。天道篇之「假」，則與下「真」字相對，義各有適，字各有當，可證天道篇之「假」不誤。本文「假」字，則與下「守其宗」之「宗」字對。天下篇云：「以天為宗。」則宗者天也。列子仲尼篇云：「真者，所以受於天也。」則天亦真也。以此推之，則「假」與「宗」對，即與「真」對也，可證本文「假」字亦不誤。又在宥篇云：「以觀無妄。」圓覺經云：「認妄為真，雖真亦妄。」是以妄為真之反。假亦真之反也，故假、妄義通。以是知以觀無妄，義與審乎無假同，特觀為諦視，審則觀後熟究也。然則「假」字何不可通，而必漫引淮南正之為「瑕」乎？且細玩本文與天道篇，益見「假」字之重要。所謂「極物之真」者，審極乎物之真也，即審乎無假也，本文已自明釋其義矣。如改為「瑕」，不過自審無瑕，與物何涉乎？本書有所謂「真人」者，即能審於無假，極物之真者也。大宗師篇：「有真人，而後有真知。」審乎無假，即真知也。莊子之道，重在一「真」字。如達生篇「不厭其天，不忽於人，民幾乎以其真」，田子方篇「緣而葆真」，知北遊篇「真其實知」，漁父篇「慎守其真」。真者，精誠之至也。又曰：「真在內者，形動於外。」此二句與本篇之義更切。真在內者，德充於內也；形動於外，故物最之，而與夫子中分魯也。蓋王

駘雖無全人之形，而能具真人之德者也。

命物之化，而守其宗也。」宣云：「主宰物化，執其樞紐。」正莊子之道，在離形

去知，以守其和。故夫官骸百體者，物也。命物順化以待盡，惟遊心於德之和，不隨物以俱化，此本文之義也。知北遊篇仲尼曰：「古之人，外化而內不化。與物化者，一不化者也。」此所謂「命物之化」者，外化也，與物化也；所謂「守其宗」者，內不化也，一不化也。天下篇云：「以天為宗。」所謂「守其宗」者，守其天也。大宗師篇云：「其一，與天為徒。」其一，即一不化也。與天為徒，即守其天也，亦即守其宗也。又淮南原道訓：「故達於道者，不以人易天，外與物化，而內不失其情。」外與物化者，即此之命物之化也；內不失其情者，即能守其宗也。義可互證。

常季曰：「何謂

也？」仲尼曰：「自其異者視之，肝膽楚、越也；本一身，而世俗異視之。正肝之與膽，不同狀，不同用，不同名。是肝與膽，如楚、越之截然為二也。又大宗師篇云：「假於異物，託於同體；忘其肝膽，遺其耳目。」是吾與吾身中之物，亦如楚、越之截然為二也。此自物之所異者

視之也。自其同者視之，萬物皆一也。皆天地間一物。補：物之數雖號曰萬，然非外天地而各處，外陰陽而各生也。靈蠢雖殊，其為天地間之一物則同也。知北遊篇云：「通天下一氣耳。」大宗師篇云：「遊於天地之一氣。」均此義也。寓言篇云：「萬物皆種也，以不同形相禪。」言形雖不同，種則皆同也。列子黃帝篇子夏曰：「以商所聞夫子之言，和者大同於物。」故仲尼之民胞物與，牟尼謂眾生同具佛性，皆自物之所同者視之也。能作如是視者，忘情於好惡，而遊心於德之和者也。大宗師篇云：「同於大通。」又云：「同則無好也。」該無惡言之也。心無好惡而能

和，

則視之同

矣，同則一矣。在

宥篇云「我守其一以處其和」，義亦

猶是也。夫若然者，且不知耳目之所宜，耳目之宜於聲色，彼若冥然無所知。正人每好耳目所宜，而惡所不宜者。如心遊於和而忘情好惡，則無耳目之宜不宜矣。且此句與人間世之「徇耳目內通，而外於心知」之義同。蓋徇耳目內通，而不外緣於物，則心自不知耳目與物之所宜也。能如此者，則不僅視物如一，且忘心於視矣。此句較上進一層說。而遊心於德之和，

郭云：「放心於道德之間，而曠然無不適也。」正注太空洞。武按：賈子道術篇「

剛柔得適謂之和」，所詁是矣，然猶有深義焉。所謂和者，天地陰陽二氣相合而無偏勝之謂也。故田子方篇「兩者交通成和」。兩者，陰陽也。淮南汜論訓「陰陽相接，乃能成和」。鶡冠子環流篇云：「陰陽不同氣，然其為和同也。」猶可曰：此道家言也。易曰：「保合太和。」朱注：「太和，陰陽會合沖和之氣也。」是則儒家之說亦如此矣。是氣也，人物即秉之以生。故老子曰：「萬物負陰而抱陽，沖氣以為和。」列子天瑞篇「沖和氣者為人」，管子內業篇「天出其精，地出其形，合此以為人，和乃生」，淮南天文訓「陰陽合和而萬物生」，本書知北遊篇「生非汝有也，天地之委和也」，皆為明證。道家所重在養生，而養生之要，則在養此生生

之和。莊子之道，即在於此。故「遊心於德之和」句，為莊子之道要，不僅為本篇之主旨，亦全書之主旨也。夫足以滑此和者，莫過於情。情生於知，啟發此知者，耳目為之誘也。耳目觸境，而心於以知耳目之所宜不宜焉，因之而好惡之情生，而喜怒之情伏矣。故本篇謂知為孽，而本書屢以「去知」、「忘情」為言也。樂記曰：「人生而靜，天之性也。感於物而動，性之欲也。物至知知，然後好惡形焉。好惡無節於內，知誘於外，不能反躬，天理滅矣。」所謂天理者，即性也，即所秉受之和也。欲者，即情之發而為好惡也。好惡為喜怒之根，喜怒尤足以滑和，養生之大禁也。蓋喜毗於陽，怒毗於陰，皆乖適中之和。故養生之道，在制喜怒，制喜怒在泯好惡，泯好惡在返視而內聽，即樂記所謂「反躬」也。返視而內聽，則不知耳目之所宜矣。此與人間世篇之「徇耳目內通」同義，下文之「和豫通而不失於兌」，亦即此義也。老子之「塞其兌」，文子之「閉四關，止五遁」，其義均同。即釋氏之「空六塵，淨六根，戒貪嗔癡」，亦何莫非此義也？而貪嗔癡之義，「好惡」二字足以盡之；泯好惡之功，儒家「窒欲」二字足以盡之。三家之名雖別，其理則同，其保合太和之道，亦未嘗不同也。且道、釋之所同者，猶有說焉。道之功在致虛，釋之功在悟空。不虛則道不集，過虛則如死木槨，而喪其常心矣，故在於無過與不及，則亦致中和而已矣。釋家之悟空，在不執有以墜於常，不執無以墜於斷，所謂「不落二邊」也，所謂「空不空藏」也，則亦致中和而已矣。天無二道，理無二致，為道與釋者，同秉此陰陽二氣而生，亦同修此陰陽二氣之和而已，烏在其能異哉！吾之此說，非援釋入道、援道入儒也，特旁徵側引，以曲暢本文之義而已。因修和為莊子之道要，全書之主旨，不惜辭費，而總釋於此，以為讀全書者之助焉。物，視其所一，而不見其所喪，宣云：「視萬物為一致，無有得喪。」正「物」字，讀應逗。「其」字，指「物」字。言對於萬物，惟視其所一，即上之「視其所同」也。得，人所好也；喪，人所惡也。無好惡則無得喪，而視之如一矣。老子云：「同於失者，失亦樂得之。」文子精誠篇「其得之也，乃失之也；其失之也，乃得之也」，皆足相證。視喪其足，猶遺土也。」補心無惡也。

常季曰：「彼為己，言駘但能修己耳。以其知得其心，以其真知，得還吾心理。正知，指審乎無假。審者，用知以審究之也。心，指不與物遷與守其宗之心。駘之成無心，無心則非用知矣。常季聞仲尼之言，尚未明其旨，總疑駘用知以得心，用心以得其常心也。以其心得其常心，又以吾心理，悟得古今常然之心理。

正常心，常恆不變

之心，指上死生不變，天地覆墜不遺

之心也。物何為最之哉？」

最，聚也。眾人何為群聚而從之哉？補彼之用知以得心，用心以得常心，特為己耳，與物無與，物何為聚之哉？

仲尼曰：「人莫鑑於流水

，而鑑於止水，唯止能止眾止。

成云：「鑑，照也。」宣云：「水不求鑑，而人自來鑑。唯自止，故能止眾之求止者。」

補：水止則

清澄，人自來止以取鑑

。喻貽德充，物自來最，非由用心。

受命於地，唯松柏

獨也在，冬夏青青；受命於天，唯舜

獨也正，

郭云：「下首唯有松柏，上首唯有聖人，故凡不正者皆來求正。若物皆青全，則無貴於松柏；人各自正，則無羨於大聖而趨之。」成云：「人頭在上，去上則死；木頭在下，去下則死。是以呼人為上首，呼木為下首。故上首食傍首，傍首食下首。下首草木，傍首蟲獸。」補：管子法法篇「故正者，所以止過而逮不及也。過與不及也，皆非正也」，可為此「正」字的解。焦竑云：「『受命於地』，至『唯舜獨也正』，文句不齊，似有脫略。張君房校本云『受命於地，唯松柏獨也正，在冬夏青青；受命於天，唯堯、舜獨也正，在萬物之首』，補亡七字。因郭注有『下首唯松柏，上首唯聖人』故也。」武按：孔子集語引此文，其下注云：「明本無『在萬物之首

』五字，張君

房本，此五字有。」集語當

是據張本補入，補者是也。幸能正生，以正眾生。

宣云：「舜能正己之性，而物性自皆受正。」正陸西星云：「正，如『各正性命』之正。正生，即正性也。正性，即守宗也。守宗，即保始也。」武按：中庸曰：「天命之謂性。」故天賦之曰命，命者令也，天令之也，人秉之曰性，二而一者也。舜在萬物之首而為天子，故能正眾生。夫保始之徵，保守本始之性命，於何徵驗？補：始，指道言，亦指和與性言。老子曰：「道常無名。」又曰：「無名，天地之始。」換言之，即道，天地之始也。又曰：「天下有始，以為天下母。」又曰：「可以為天下母。吾不知其名，字之曰道。」又大宗師篇謂「道未有天地，自古以固存」，「生天生地」。夫生天生地，非始之謂乎？與老子「先天地生，字之曰道」之義同。故謂始指道言也。道為陰陽之公名，和為陰陽之相合。道之存於人者謂之性，性即含和理者也。故刻意篇云：「和理出其性。」人之秉此和而生以成性也，謂之始。易曰：「成性存存。」疏云：「性謂稟其始也。」是故以體言，謂之道；以用言，謂之和。以和理具於心而未顯其用言，謂其性；以稟和成性之時言，謂之始。故謂始亦指和與性言也。由此推之，保始，即保和，易所謂「保合太和」，尤足相證，亦即上文「遊心於德之和」之義也。舜獨得正命，即獨得陰陽之和也。故保始謂之保其正命，亦無不可。不懼之實。

補此處提出一「懼」字者，以臨死不懼，人所最難。保始之義既為保和，和則視死生為一，自然不懼，故以人之所最難者為其徵驗也。若心有所懼，則不能保其和矣。勇士一人，雄入於九軍。崔云：「天子六軍，諸侯三軍，通為九軍。」

補：一人入九軍，難必不

死，今入之且雄，可謂不懼矣。

將求名而能自要者，而猶若此，將求功名而能自必者，猶可如此。正彼之不懼，非保合其和，而視生死為一也；非審乎無假，不與物遷也。特以求勇名之故，而約束

其懼死之心，強而為之者也。然彼以求名猶能制其懼心，況具以下所舉之德者乎！若此，指不懼。而況官天地，府萬物，成云：「綱維二儀，苞藏宇宙。」補：禮記王制「論定然後官之」，注：「使之試守。」玉篇：「府，聚也，藏貨也。」言官使天地，府聚萬物也。直寓六骸，宣云：「直，猶特。以六骸為吾寄寓。」成云：「六骸，身首四肢也。」補：視六骸如寄，故雖六骸均喪，猶遺土也，況喪足之一骸乎！此由其中尚有不喪者存，所謂常心也，遠非勇士之不懼所可比矣。象耳目，宣云：「以耳目為吾跡象。」補

故不知耳目所宜。一知之所知，上知謂智，下知謂境。純一無二。補：知之所知，非一也，然而不二視之。即上「物視其所一」，亦即天地篇「萬物一府，死生同狀」也。而心未嘗死者乎！宣云：「得其常心，不以死生變。」補：萬物無不隨化而盡，形體亦物也，故無不死。然形死而心不隨之俱死，所以謂之為常也。任形之死猶遺土，即上所謂「命物之化」也；心不隨之俱死，即上所謂「不與物遷」而「守其宗」也。莊子之道，不外於此矣。彼且擇日而登假，假，徐音遐。宣云：「曲禮：『天王登假。』此借言遺世獨立。擇日，猶言指日。」按：言若黃帝之遊於太清。補：繹曲禮登假之義，則登假者，死之飾言也。禮記郊特牲云：「魂氣歸於天，形魄歸於地。」登假者，就魂氣歸天言之也；尚書之「帝乃殂落」，則就形魄歸地言之也。總之，皆死之飾言也。歷來傳記所載哲人高僧，有生死來去自由者，有預剋死朝者，擇日登假，即此類也。彼心未嘗死，故能擇日，以明其來去從

容。天地間何奇不有？未可概以怪誕

目之也。人則從是也。宣云：「人自不能舍之。」補：人則從死，不僅最之，此德之符也。或謂人特從之遊耳，何遂從死？說似過當，不知此特進一步答常季「物何以最之」之問，原非事實。然事實亦非盡無，如子畏於匡，回曰：「子在，回何敢死！」如子不在，則回必從死矣。田橫德不足以感人，然從死者五百人。淮南泰族訓，言墨子服役者百八十人，皆可使赴火蹈刃，死不還踵，化之所致也。呂氏春秋離俗覽，言墨者鉅子孟勝，死荊陽城君之難，其弟子從死者百八十三人，豈亦過當之說乎？彼且何肯以物為事乎？」因常季疑駘有動眾之意，故答之。

補：物最非彼用心以要之。

申徒嘉，兀者也，而與鄭子產同師於伯昏無人。雜篇作「瞽人」。

補：成云：「姓公孫，名僑，字子產，鄭之賢大夫也。」

子產謂申徒嘉曰：「我

先出，則子止；子先出，則我止。」郭云：「羞與別者並行。」

補：有惡心也。不審其德，而惡其形。

其明日，又與合堂同席而坐。子產謂申徒嘉曰：「我先出，則子止；子先出，則我止。今我將出，子可以止乎，其未邪？」

郭云：「質而問之，欲使必不並己。」

且子見執政而不違，子齊執政乎？」

執政，子產自稱。違，避也

。齊，同也。斥其不遜讓。

申徒嘉曰：「先生之門，固有執政焉

如此哉！

言伯昏先生之門，以道

德相高，固有以執政自多如此者哉！

子而說子之執政而後人者也？

子乃悅愛子之執政，而致居人後者也？正後，如論語「事君敬其事而後其食」之後。言子重視子之執政。而輕視人也？說者，好之也。後人者，惡之也，非遊心於德之和也。

聞之曰：『

鑑明，則塵垢不止，止

則不明也。久與賢人處，則無過。』止，猶集也。明鏡無塵，親賢無過。

補：久與賢人處，應蒙其化，而無好

惡之過。

今子所取大者，先生也，而

猶出言若是，不亦過乎！」

宣云：「取大，求廣見識。」

按：取大，猶言引重。子產曰：「子既若是矣，既已殘形。

猶與堯爭善，

宣云：「堯乃善之至者，故以為言。」

計子之德不足以自反邪？」

宣云：「計子之素行，

必有過而後致兀，尚不足自反邪？」

申徒嘉曰：「自狀

其過以不當亡者眾，不狀其過以不當

存者寡。

狀，猶顯白也。自顯言其罪過，以為不至亡足者多矣；不顯言其罪過而自反，以為不當存足者少也。補：嘉答子產自反之說，以狀過、不狀過兩面自反。就自狀其過一面說，如誠有過，則當亡者眾。今不當亡者眾，是自反無過也，無過，則足亦不當亡矣。就不狀其過一面說，則無有不當存者。今不當存者寡，僅足不存而已。兩面自反，其無過亦明矣。

知其不可奈何而安之若命，惟有德者能之。

宣云：「以兀為自然之命而不介意，非有德者不能。」補自反不當亡足，今竟亡之，非由過，乃由命，此無可奈何者也。命而能安，非德不能也。此答子產「計子之德」句。

遊於羿之彀中，中央者，中

地也，然而不中者，命也。

上二中，如字。下二中，竹仲反。以羿彀喻刑網。言同居刑網之中，孰能自信無過？其不為刑罰所加，亦命之偶值耳。補：釋文：「羿音詣，善射人，唐、夏有之。一云：有窮之君，篡夏者也。彀音邁，張弓也。」郭云：「弓矢所及為彀中。」武按：言今人之有過而當亡足者多矣，竟獲全足，猶之羿射無不中，今遊其彀之中央，必不免於中，

而竟不中者，命也。此喻人之全足由命，非由德。

人以其

全足笑吾不全

足者多矣。我怫然而怒，而

適先生之所，則廢然而反。郭云：「廢向者之怒而復常。」

補：足之全不全，皆命也。笑

不全者，由有惡心也。不知先生之洗我以善邪！以善道淨我心累。補：陳氏闕誤於「洗我」句下，有「吾之自寤邪」一句，注：「見張本，舊闕。」武按：上言「適先生之所，則

廢然而反」者，由於被化，

而非自寤明矣，闕者是也。

吾與夫子遊十九年矣，而未嘗知吾兀者也。未聞先生以殘形見擯。

補：好惡不生於心，蓋

先生無執政之好，亦無兀者之惡也。今子與我遊於形骸之內，以道德相友。補：修

而子索我於形骸之外，以形跡相繩。

補：於行止出入之間，

以齊執政見責，是索於形骸之外也。

不亦過乎！」子產蹴然改容更

貌曰：「子無乃稱！」

蹴然起謝。乃者，猶言如此。子無乃稱，謂子毋如此言也。大宗師篇「不知其所以乃」，亦謂不知其所以如此也。補：此「過」字，收繳上各「過」字。蹴，釋文「子六反」。大宗師篇「仲尼蹴然曰」，釋文：「崔云：『變色貌。』」韓詩外傳四：「顏淵蹴然變色。」魯有兀者叔山無趾，

李云：「叔山，氏。」宣云：

「無足趾，遂為號。」踵見仲尼。崔云：「無趾，故踵行。」補：讓王篇「納履而踵決」，成云：「履敗，納之，而根後決也。」謂踵為足根也。玉篇：「踵足後。」淮南地形訓「北有跂踵民」注：「跂踵，踵不至地，以五指行。」叔山無趾，故以踵行，與

跂踵相反。郭乃訓踵為

頻，又有訓為至者，均於本義不合。

仲尼曰：「子不謹，前既犯患若是矣。雖今來，何及矣？」無趾曰：「吾唯不知務而輕用吾身，吾是以亡足。」

今吾來也，猶有尊足者存，宣云：「有尊於足者，不在形骸。」補：釋文：「子不謹前，絕句。一讀以謹字絕句。」武按：應從「謹」字絕句，因「前既犯患」句與「雖今來」句有時間對立性故也。如將「雖」字移置「今」字之下，則兩句均以時間字冠首，意義更顯

矣。尊足者，謂足雖刖，而德固未虧也。

吾是以務全之也。夫

天無不覆，地無不載，吾以夫子為天地，

補以夫子為天地，故來求覆載。

安知夫子之猶若是也！」孔子曰：

「丘則陋矣。」

補自愧以形骸索之，而未能忘形也。

夫子胡不入乎？請講以所聞！」無趾出。宣云：「徑去。」

孔子曰：「弟子勉之！夫無趾，兀者也，猶務學以復補前行之惡，而況全德之人乎！」前惡虧德，求學以補之，況無惡行而全德者乎！

補：此「前」字，繳應上「前」字。

無趾語老聃曰：「

孔丘之於至人，其未邪？彼何賓賓以

學子為？

俞云：「賓賓，猶頻頻也。賓聲、頻聲之字，古相通。廣雅釋訓：『頻頻，比也。』」郭云：「怪其方復學於老聃。」正郭說非。學子，弟子也。孔子弟子三千，猶

言「束脩以上，未嘗無誨」，即賓賓之意也。前節言王骀無心以動眾，此節言孔子有心以聚人。蓋蘄以諛詭幻怪之名聞，意在使人聞名慕之而來學也。一正一反，前後對照。如果學聃，何至蘄諛詭幻

怪之名聞乎？

彼且蘄以諛詭幻怪之名

聞，不知至人之以是為己桎梏邪？」

李云：「諛詭，奇異也。」按：呂覽傷樂篇作「俶詭」。木在足曰桎，在手曰梏。

蘄，期同。言彼期以異人之名聞於天下，不知至人之於名，視猶己之桎梏邪？補：

成云：「蘄，求也。」釋文：「蘄音祈。諛，尺叔反。詭，九委反。梏，古毒反。」

」

言

生死

是非，可

通為一，何不使以

死生是非為一條貫者，解其迷惑，庶

幾可乎？無趾曰：「天刑之，安可解？」言其根器如此，天然刑戮，不可解也。

補：言彼之本性，自願受此桎梏，如天之所刑也。

魯哀公問於仲尼曰：「衛有惡人焉

，曰哀騶它。釋文：「惡，醜。李云：『哀騶，醜貌。它其名。』」

補：釋文：「騶音臺。」

丈夫與之處者，思而不能去也。婦人見之，請於父母曰『與為人妻，寧為夫子妾』者，十數而未止也。未嘗有聞其唱者也，常和而已矣。未嘗先人，感而後應。

無君人之位，以濟乎人之死，宣云：「濟，猶拯也。」

補：郭云：「明物不由權勢而往。」無聚祿以望人之腹。

李楨云：「說文：『望，月滿也。』腹滿為飽，猶月滿為望，故以擬之。」

補：郭云：「明非求食而往。」又以惡駭天下，非以美動人。

補：釋文：「駭，胡楷

反。崔本作駭。」成云：「驚駭。」和而不唱，未嘗招引人。

知不出乎四域，知名不出四境之遠。正淮南主術訓：「昔者神農之治天下也，神不馳於胸中，智不出於四域。」注云：「信身在中。」是此「知」字當讀智。郭云：

「不役思於分外。」成云：「忘心遺智，率性任真。」二說得之。王誤讀知如字，且平添一「名」字，非句義所有。且而雌雄合乎前。

宣云：「婦人丈夫，皆來親之。」補：郭云：「入獸不亂群，入鳥不亂行。」成云：「雌雄，禽獸之類。」其意以為「雌雄」二字祇可以名禽獸也。然管子霸形篇「令其人有喪雌雄」，注：「失男女之偶。」則人之男女亦得名之。此總上丈夫婦人皆來會聚於其前也。

是必有異乎人者也。寡人召而觀之，果以惡駭天下。與寡人處，不至以月數，而寡人有意乎其為人也；

郭云：「未經月，已覺其有遠處。」

不至乎期年，而寡人信之。國無

宰，寡人傳國焉，

成云：「國無良宰，傳以國政。」釋文：「傳，丈〔一〕專反。」

補：釋文：「期音基。」悶然而後應，悶然不合於其意，而後應焉。補：釋文：「悶然，

音門，李云：

『不覺貌。』」成云：「不

覺之容，亦是虛淡之貌。」汜而若辭。汜然不係於其心，而若辭焉。

補：前漢賈誼傳：「汜乎若不繫之舟。」寡人醜乎，李云：「醜，慚也。」補：則陽篇

「犀首聞

而恥之」，又曰「

華子聞而醜之」，同一句意。可知醜即恥也。卒授之國。無幾何也，去寡人而行，成云：「俄頃之間，逃遁而去。」寡人卹焉若有亡也，宣云：「卹，憂貌。」

若無與樂是國也。是何人者也？」仲尼曰：「丘也，嘗使於楚矣，適見〈彡屯〉子食於其死母者，釋文：「〈彡屯〉，本又作豚。」郭注：「食，乳也。」補：釋文：「使，音所吏反，本亦作遊。〈彡屯〉，徒門反。」武按：史記孔子世家，陳、蔡聞楚聘孔子，乃發徒役，圍孔子於野。於是使子貢至楚，楚昭王興師迎孔子，然後得免。昭王將以書社地七百里封孔子，令尹子西阻之，昭王乃止。其秋，昭王卒於城父。孔子自楚反乎衛。是歲也，孔子年六十三，而魯哀公六年也。約在哀公十一年，季康子以幣迎孔子，孔子歸魯，以後不復出，並無使楚事。一本「使」作「遊」，是也。少焉眴若，皆棄之而走。

釋文：「眴，本亦作瞬，司馬云：『驚貌。』」俞云：「眴若，猶眴然。徐無鬼篇：『眾狙恂然棄而走。』眴、恂，並{旬兮}之假借。說文：『{旬兮}，驚辭也。』始就其母食，少焉，覺其死，皆驚走也。」不見己焉爾，不得類焉爾。

郭云：「生者以才德為類，死而才德去矣，故生者以失類而走也。」按：言〈彡屯〉子以母之不顧見己而

驚疑，又不得其生之氣類而捨去也。

所愛其母者，非愛其形也，愛使其形者也。成云：「使其形者，精神也。」補：成云：「郭注曰：『使形者，才德也。』而才德者，精神也。豚子愛母，愛其精神；人慕駘它，慕其才德者也。」

戰而死者，其人之葬也，不以翣資，

郭云：「翣者，武所資也。戰而死者，無武也，翣將安施！」成云：「翣者，武飾之具，武王為之，或云周公作也。其形似方扇，使車兩邊。軍將行師，陷陣而死，及其葬日，不用翣資。是知翣者，武之所資，無武則翣無所資，以喻無神則形無所愛也。」李云：「資，送也。」正釋文：「翣，所甲反。」武按：說文：「翣，棺羽飾也。天子八，諸侯六，大夫四，士二。」釋名釋喪制篇：「翣，齊人謂扇為翣。此似之也，象翣扇為清涼也。翣有黼有畫，各以其飾名之也。」呂氏春秋孟冬紀節喪篇：「世俗之行喪，載之以大輶，羽旄旌旗如雲。僂翣以督之，珠玉以備之，黼黻文章以飾之。」高注：「僂，蓋也。翣，棺飾也。畫黼黻之狀如扇翣於僂邊。」

荀子禮論：「然後皆有衣衾多少厚薄之數，皆有翣蒨文章之等，以敬飾之。」注：「鄭康成云：『蒨翣，棺之牆飾也。以木為筐，以白布畫為雲氣，如今之攝也。』」

淮南汜論訓：「周人牆置翣。」注：「周人兼用棺槨，故牆設翣，狀如今要扇，畫文，插置棺車箱以為飾。多少之差，各從其爵命之數也。」白虎通論：「周人浸文，牆置翣，加巧飾。」觀上各說，翣者，古所未有，因周人尚文，故有此巧飾。是飾其文也，郭、成乃謂為武飾，恐屬臆說。且自天子至士，皆得用之，特各從其爵命之數，多少不等耳。以呂氏所斥世俗之喪觀之，想其時庶人亦皆用翣，不復遵爵命之數矣，何以戰而死者獨不得用邪？惟荀子禮論〔二〕云：「刑餘罪人之喪

，棺槨三寸，衣衾三領，不得飾棺。」豈以刑餘罪人之制待戰死者歟？夫戰而降敵，或臨戰而遁，因以致死者，則信乎其為罪人，而不得以娶資矣，然此皆不得謂之戰而死者也。所謂戰而死者，衝鋒陷陣，奮不顧身，殺敵力竭而死者也。若然者，豈僅武勇，且亦忠烈，國人方以其為國捐軀，崇德報功之不暇，而顧以刑餘罪人待之，斥去其娶乎！魯童汪錡死齊師，魯人欲勿殤，重汪錡，問於仲尼。仲尼曰：「能執干戈以衛社稷，雖欲勿殤也，不亦可乎！」豈此之戰而死者，獨不得比於汪錡乎？必無是理也。以此證之，郭、成之說，其不當明矣。武以為娶者，飾文也，戰則重武，而非講文之時。下所謂「無其本」者，無文之本也。且兵凶戰危，民人離散

，亦

何從為之

備娶？而戰死者必

非一人，又焉得人人而備之？此則其

餘義也。刖者之屨，無為愛之，

釋文：「為，于偽反。」

郭云：「愛屨者，為足故耳。」皆無其本矣。娶本於武，屨本於足。

正娶本於文。為天子之諸御，不爪翦，

補淮南兵略訓「不爪

翦」，注云：「去手足爪。髡、翦同。」不穿耳；

御女不加修飾，使其質全。娶妻者止於外，不得復使。

匹夫娶妻，休止於外，官不役之，使其形逸。

補：禮記禮運：「三年之喪

，與新有昏者，期不使。」形全猶足以為爾，

上二事，皆全其形。而況全德之人乎！

宣云：「德全則有本，人豈能不愛乎！」

今哀駘它未言而信，無功而親，使人授己國，唯恐其不受也，是必才全而德不形者也。」

補：

德充於內，不形於外。寓言篇孔子云：「夫受才乎大本，復靈以生。」列禦寇篇：

「搖

而本才。

」郭訓才為本性。

釋文：「一本才作性。」與此「才」

字義同。

哀公曰：「何謂才全？」仲尼曰：「死生存亡，窮達貧富，賢與不肖，毀譽、饑渴、寒暑，是事之變，命之行也，成云：「並事物之變化，天命之流行。」補：山木篇仲

尼曰：「

饑溺寒暑，窮桎不

行，天地之行也，運物之泄也。」義與此同。日夜相代乎前，語又見齊物論篇。

補：事變命行，互相替代，前逝

後繼，不舍晝夜。而知不能規乎其始者也。

宣云：「雖有知者，不能詰其所自始。」補：禮記儒行「其規為有如此者」，疏：「但自規度所為之事而行。」戰國策「齊無天下之規」，注：「規，猶謀也。」則規者，謀度也。故不足以滑和，不可入於靈府。

成云：「滑，亂也。」郭云：「靈府，精神之宅。」宣云：「惟其如是，故當任其自然，不足以滑吾之天和，不可以擾吾之靈府。」補：事變命行，既不可謀度其始，則維安於無可奈何，任天之行，而不可有所好惡入於靈府，以亂吾之和德也。庚桑楚篇「皆天也，非人也，不足以滑成，不可內於靈臺」，義與此同。靈臺，即靈府，心之謂也。成，即下文「德者成和之修」之成也。又山木篇仲尼曰：「化其萬物，而不知其禪之者，焉知其所終？焉知其所始？正而待之而已耳。」亦足與此段相發明。

使之和豫通而不失於兌，使日夜

無卻而與物為春，

李云：「兌，悅也。卻，間也。」宣云：「使和豫之氣流通，不失吾怡悅之性，日夜無一息間隙，隨物所在，同遊於春和之中。」正韻會：「兌，穴也。」易說卦傳云：「兌為口。」淮南道應訓云「則塞民於兌」，注：「兌，耳目口鼻也。」老子「塞其兌，閉其門」，王弼注：「兌，事欲之所由生；門，事欲之所由從。」則王意亦以穴訓兌也。文子下德篇：「人之情，思慮聰明喜怒也。故閉四關，（注：耳目口鼻。）止五遁，（注：五情。）即與道淪。是故神明藏於無形，精氣反於至真。」據上各說，則此文為使和氣逸豫流通於內，而毋使散失於耳目口鼻之穴也。下文「內保之而外不蕩」，即為此文取譬。蓋修道之要，在蓄精凝神，如和氣由竅穴散失，則精無由蓄，而神無由凝，斯道無由成。故上文曰「聽止於耳」，曰「徇耳目內通〔三〕」，即恐失於兌也。老子之塞兌，文子之閉關，亦同此義。能不失於兌，則能如文子所云「神明藏於無形，精氣反於至真」矣。否則，神明何由藏？精氣何由反哉？廣成子語黃帝以至道，亦惟曰：「無視無聽，抱神以靜。」又曰：「慎女內，閉女外。」所謂無視聽而閉外，非即不失於兌之義乎？如道家之魏伯陽，則尤明揭其旨曰：「耳、目、口三寶，固塞勿發揚。」蓋由此文悟得者也。此文道家視之為祕要，而郭、成諸氏，乃訓之為悅，無亦昧於莊氏之旨，而未尋究前後文義乎！是接而生時於心者也。

宣云：「是四時不在天地，而吾心之春，無有間斷，乃接續而生時於心也。」補：「接」字，承「日夜無卻」；「時」字，承「春」。即日夜接續，生春和之氣於心而不間也。與老子「綿綿若存，載營魄抱一，能無離乎」之義同。綿綿者，即接而無卻也。抱一者，如在宥篇「我守其一以處其和」也。又陰陽合一謂之和，則抱一即處和也。能無離者，勉人處和不可斷離，即接而生和也，又與易「成性存存」之義同。陳淳曰：「性字從生從心，是人生來具是理於心，方名曰性。」是性即具理之心也。朱注：「存，謂存而又存，不已之意。」亦即接而生春和之時於心也。推之佛書「無所住而生其心」，其義亦無不同。無所住者，可釋為無所執著，亦可釋

為無所停住。無所停住，即接之義也。生其心者，生其清淨心也。欲清淨生心，不和而能之乎？蓋不和則陰陽不調，心必煩擾矣。此數語，為修道奧竅，儒與釋不能外之也。

是之謂才全。」「何

謂德不形？」曰：「平者，水停之盛也。

郭云：「天下之平，莫盛於停水。」其可以〔四〕為法也，

郭云：「無情至平，故天下取正焉。」補：至平者莫如水，故人之求平者，皆以水為準則。天道篇：「水靜則明燭鬚眉，平中準，大匠取法焉。」大匠取法者，如考工記「匠人建國，水地以縣」，注：「於四角立植，（疏：柱也。）而縣以水，望其高下。高下既定乃為位而平地。」如今建築家用水準器以取平然，故曰「其可以為法也」。心而能平，亦猶是焉。內保之而外不蕩也。

蕩，動也。內保其明，外不動於物。補：文子上德篇：「莫鑒於流潦而鑒於止水，以其內保之止而不外蕩。」武按：平則能內保，停則不外蕩，此喻內保其和而不失於兌也。德者，成和之修也。宣云：「修太和之道既成，乃名為德也。」補：繕性篇「

夫德者，

和也」，言得和於

心謂之德。此為上文「遊心於德之和

」作釋。德不形者，物不能離也。」含德之厚，人樂親之。

補：物不能離者，物自最之也，此為德之符。

哀公異

日以告閔子曰

：「始也，吾以南面而君天

下，執民之紀，而憂其死，

成云：「執持綱紀，憂於兆庶，飲食教誨，恐其夭死。」補：成云：「姓閔，名損，字子騫，宣尼門人，在四科之數，甚有孝德，魯人也。」論語「德行顏淵、閔子騫」，即其人也。

吾自以為至通矣。今吾聞至人之言，

宣云：「孔子之言哀駘它者。」

恐吾無其實，輕用吾身而亡其國。

補孔子集語引「其國

」作「吾國」，崇本、世本同，當從之。吾與孔丘，非君臣也，德友而已矣。」

〔一〕「丈」原作「文」，據釋文改。

〔二〕「荀子禮論」原作「周禮縫人」，據荀子改。

〔三〕「通」原誤「遁」，據人間世篇改。

〔四〕「以」字，據王氏原刻及集釋本補。下補正同。

闔跂支離無脤

成云：「闔，曲也。謂彎曲企踵而行。脤，脣也。謂支體坼裂，傴僂殘病，復無脣

也。」釋文：「脰，徐市軫反。又音腎。」

補：釋文：「闔音因，郭烏年反。跂音企。」

說衛靈公，靈公說之，而視全人，其脰肩肩。

上說言說，下說音悅。其下同。釋文：「脰，頸也。李云：『肩肩，羸小貌。』李楨云：「攷工梓人文『數目顧脰』，注云『顧，長脰貌』，與肩肩義合。知肩是省借，本字當作顧。」按：衛君悅之，顧視全人之脰，反覺其羸小也。正釋文：「脰音豆。」武按：各注均未得解。此處李訓肩肩為羸小，亦無顯據，難免臆說。全人之脰，本非羸小，而視之為羸小，必目病眚者也。未據靈公目眚，何致有此妄見？說殊未愜。李楨改為攷工記之「顧」，鄭注「顧，長脰貌」，不過頸長耳，有何取義乎？並未足以明其形之惡。如勾踐頸長，滅吳霸越，為當時盟主，不反明頸長之可貴乎？是改亦非也。考說文「肩，膊也」，廣韻「肩，項下」，書盤庚傳「肩，任也」，左傳襄二年「鄭子駟請息肩於晉」註「以負擔喻」。本句上「肩」字，項下之膊也；下「肩」字，任也，負擔也。猶之冠冠履履，風風雨雨，曾滌生氏所謂實字虛用也。其脰肩肩者，謂其頸乃肩膊肩負之也。言靈公視闔跂而悅之，忘其形之惡，視形全之人，惟見其以肩任負其頸耳，猶之天地篇所言「橫目之民」。目橫於面，脰豎於肩，皆舉一以概其全也。蓋闔跂德充於內，故靈公忘形悅德，非然者，形貌雖全，不過以肩肩脰之常人耳。蓋以肩肩脰，人人如此，無足悅也。下文「德有所長，形有所忘」句，即說明此處之義者也。荀子非相篇：「衛靈公有臣曰公孫呂，身長七尺，面長三尺，焉廣三寸，鼻目耳具而名動天下。」此則靈公悅德忘形之實證也。

甕 {央瓦} 大癭說齊

桓公，桓公說之，而視全人，其脰肩肩。

說文：「癭，瘤也。」李云：「甕 {央瓦}，大癭貌。」補：釋文：「甕，烏送反。{央瓦}，烏葬反。癭，一領反。」此段，即下「形有所忘」也。

故德有所長，而形有所忘，總上。

人不忘其所忘，而忘其所不忘，此謂誠

忘。形宜忘，德不宜忘；反是，乃真忘也。故聖人有所遊，遊心於虛。

正遊心於德之和。而知為孽，智慧運動，而生支孽。正說文通論：「孽之言櫟也。」若木既伐而生栢，猶顛木之有曲櫟也。凡情與事之生，皆由於知，猶樹之生櫟也。下三「為」字，即皆由知所生。約為膠，

禮信約束，而相膠固。德為接，廣樹德意，以相交接。工為商。

工巧化居，以通商賈。聖人不謀，惡用知？心無圖謀，故不用智。

補：庚桑楚篇：「知者謨也

。」又曰：「至知不謀。」不斷，惡用膠？

質不彫琢，何須約束？無喪，惡用德？德之言得也。本無喪失，何用以德相招引？

補：秋水篇：「至德不得。」不貨，惡用商？不貴貨物，無須通商。

補：老子曰：「聖人欲不欲，不貴

難得之貨。」四者，天鬻也。天鬻者，天食也。

釋文：「鬻，養也。」知、約、德、工四者，天所以養人也。天養者，天所以食之也。既受食於天，又惡用人？

既受食於天矣，則當全其自然，

不用以人為雜之。有人之形，無人之情。屏絕情感。

補：無好惡之情。有人之形，故群於人；成云：「和光混跡。」

補：大宗師篇云：「方且與

造物者為人。」義與此同。無人之情，故是非不得於身。絕是非之端。

補：無好惡之情，故無是非之端。

眇乎小哉！所以屬於人也。警乎

大哉！獨成其天。

崔云：「類同於人，所以為小；情合於天，所以為大。」成云：「警，高大貌也。」

補：眇，釋文「亡小反」。釋名釋疾病云：「眇，小也。」警，釋文「五羔反」

惠子謂莊子曰：「人故無情乎？」莊子曰：「然。」惠子曰：「人而無情，何以謂之人？」莊子曰：「道與之貌，天與之

形，

成云：「虛通之道，為之

相貌；自然之理，遺其形質。」

惡得不謂之人？」惠子曰：「既謂之人，惡得無情？」莊子曰：「是非吾所謂情也

。

宣云：「言惠子先誤認

情字。」按：郭以是非承上言，非。

吾所謂無情者

，言人之不以好惡內傷其身

，常因自然而不益生也。」

宣云：「本生之理，不以人為加益之。」補自然者，天也。常因自然，與刻意篇「循天之理」同義。老子曰「益生曰祥」，前漢五行志「妖孽自外來謂之祥」，謂增益其生為凶妖也。老子又曰「無以生為者，是賢於貴生」，即因其自然之生，而不益之以人為也。養生主篇之「盡年」，寓言篇之「窮年」，即任其天年自然窮盡而已，皆不益生之義。莊子之道，在養生而不益生。惟不以好惡內傷其身，以期如大宗師篇所云「終其天年而不中道夭」，即養生也。上所謂和者，無好惡也，故「不以好惡傷身」句，乃修和之功夫也。

惠子曰：「不益生，何以有其身？」

成云：「若不資益生道，何以有其身乎

？」

莊子曰：「道與之貌，天與

之形，無以好惡內傷其身。有其身者如此。

今子外乎子之神，勞乎子

之精，倚樹而吟，據槁梧而瞑。

成云：「槁梧，夾膝几也。言惠子疏外神識，勞苦精靈，故行則倚樹而吟詠，坐則隱几而談說，形勞心倦，疲怠而瞑。」

正槁梧，解詳齊物論「惠子之據梧也

」句下。天選子之形，

選，解如孟子「選擇而使子」之選。子以堅白鳴！」

言子以此自鳴，與公孫龍「堅白」之論何異？齊物論所謂「以堅白之昧終」也。解見前。正堅白者，以堅石與堅，白馬與白，離而兩之以為題，於無理中說理，以口辯相勝者也。公孫龍倡之，一時和者群起。其目甚多，如「卵有毛」、「雞三足」之類，見荀子勸學篇。本書天下篇末所載，即惠子之堅白辯，蓋惠子固其中之雄也。故此處注，不必再涉及公孫龍，句固未嘗言「子以公孫龍之堅白鳴」也。

大宗師第六

本篇云：「人猶效之。」效之言師也。又云：「吾師乎！吾師乎！」以道為師也。宗者，主也。正天下篇云「以天為宗」，與此所謂「大宗」者義別。天道篇云：「夫明白於天地之德者，此之謂大宗大本，與天和者也。」蓋謂和為大宗也。然易云「一陰一陽之謂道」，本書則陽篇「陰陽，氣之大者也，道者為之公」，言道為陰陽之公名也。田子方篇「兩者交通成和」，兩者，謂陰陽也。據此，則陰陽之公名為道，陰陽之相合為和。是則和乃道之質也，故天道篇謂和為大宗，即無異謂道為大宗也。莊子何故謂天為宗，而謂道為大宗？則老子曰「人法地，地法天，天法道」，法者，師也，即人師地，地師天，天師道也。本篇「夫道」節，謂道「生天生地」。夫天既法道，道既生天，則謂天為宗，謂道為大宗，又何疑乎？且「夫道」節「長於上古不老」句，指道言之也。篇末「吾師乎」下，亦有此句，則其所謂吾師者，亦指道言之也。而天道篇「大宗大本」下，所引「長於上古」諸句，概與本篇末同，則所言謂和為大宗，無異謂道為大宗，尤為明確矣。由以上所證，則此所謂大宗者，道也；所謂大宗師者，以道為師也。

知天之所為，知人

之所為者，至矣。知天之所為者，天而生也；凡物皆自然而生，則當順其自然。補：天地篇：「無為為之之謂天。」夫「無為為之」者，即其所為循天之理，因乎自然，而不雜以人為也，如下所舉「真人不逆寡，不雄成，不謨士」等是也。故此所謂「天之所為」，即下真人之所為也；「人之所為」，即下狐不偕諸人之所為，而過乎其當者也。總提於此，以為下文綱領。刻意篇云「虛無恬淡，乃合天德」，達生篇云「形全精復，與天為一」，即天而生也。蓋以「虛無恬淡」而至「形全精復」，下所舉真人之所為亦可以此八字概之。

知人之所為者，以其知之所知，以養其知之所不知，終其天年而不中道夭者，是知之盛也。

兩其知，音智。不強知，則智得所養。郭云：「知人之所為者有分，故任而不強也；知人之所知者有極，故用而不蕩也。故所知不以無涯自困。」補：明此為知之盛，而非知之真也。齊物論云：「故知止其所不知，至矣。」養生主云：「吾生也有涯，而知也無涯。以有涯隨無涯，殆矣。」夫人之所為者事也，事之能御者知也，事無涯，故知亦無涯。所謂知人之所為者，因有人之形，故群於人，而不離人以獨異，則應知人之所為也，即下文「與人為徒」也。所謂養其知之所不知者，言知乎其所能知，不強知其所不知者，是不以有涯隨無涯也，則得終其天年而不殆矣。若狐不偕諸人，知人之所為，而不知養其不知者，故除箕子佯狂僅免外，皆餓死蹈河而中道夭也。雖然，有患。成云：「知雖盛美，猶有患累，不若忘知而任獨也。」正知雖盛矣，然未能登假

於道，非真知也，故不能無患。

夫知有所待而後當，其所待者特未定也。

成云：「知必對境，非境不當。境既生滅不定，知亦待奪無常。唯當境、知兩忘，

然後無患。」正注非。下文「若化為物，以待其所不知之化已乎！且方將化，惡知不化哉？方將不化，惡知已化哉」？即證此文之義。蓋欲知已化，必待已化之時，其知然後當；欲知未化亦然。故曰「知有所待而後當」。未化，生也；已化，死也。死生命也，人何能定？故曰「特未定也」。

庸詎知吾所謂天之非人乎？所謂人之非天乎？

成云：「知能運用，無非自然。是知天之與人，理歸無二，故謂天即人，謂人即天。所謂吾者，莊生自稱。此則混合天人，混同物我也。」正注非。蓋其所待者既未定，則吾之所知者惡能必其為真？吾所謂天理者，或墮於人為；吾所謂人為者，或反合於天理矣。如狐不偕等之死，彼必自以為知之真而死之當矣，安知其行名失已，忘身不真，役人之役，而不自適其適者哉？齊物論云：「庸詎知吾所謂知之非不知耶？庸詎知吾所謂不知之

非知邪？」語意正與此同。且有真人，而後有真知。

郭云：「有真人，而後天下之知皆得其真而不可亂。」

補：真知，較知之

盛進一層說。知之真者，則不墮於人

為之偽。何謂真人？

補此句啟下「古之真人」四節。古之真人，不逆寡，虛懷任物，雖寡少，不逆忤。

補：逆，不順也。天地篇：「是謂玄德〔一〕，同乎大順。」大順，即一無所逆也，尚何寡之逆乎？不雄成，不以成功自雄。補：徐無鬼篇「成固有伐」，雄成之謂也。此常人之情也，真人則不爾。老子曰：「不為而成。」又曰：「以其終不自為大，故能成其大。」不自以為大，即不自以為雄也。本篇：「無不毀也，無不成也。」齊物論：「

其成也，毀也。」夫視成毀如一

，尚何成之雄乎？不謨士。成云〔二〕：「虛夷而士眾自歸，非謀謨招致。」

正

注非

。庚桑楚

篇：「至知不謀。

」真人然後有真知，即至知也，故不

與士謀。若然者，過而弗悔，當而不自得也。

成云：「天時已過，曾無悔吝之心；分命偶當，不以自得為美。」正夫知有所待而後當，若知之所待者已成過去，亦不追而悔之，此釋家所謂「過去心不可得」也。若如其所待而知當，亦不自以為得，此與不雄成之義同，釋家所謂「現在心不可得」

也。

上文所謂

謨者，謀議未來也

。不謨士，則釋家所謂「未來心不可得」也。

若然者，登

高不慄，入水不濡，入

火不熱。是知之能登假於道也若此。

危難生死，不以介懷。其能登至於道，非世之所為知也。

補：知能登假於道，斯為真知，非僅盛

也。古之真人，其寢不夢，

成云：「絕思想，故寢寐寂泊。」其覺無憂，

郭云：「隨所寓而安。」其食不甘，成云：「不耽滋味。」補：老子曰：「味無味。」又曰：

「五味令人口爽。」王

弼注：「爽，差失也。」故不甘食。其息深深。

李云：「內息之貌。」真人之息以踵，

成云：「踵，足根。」宣云：「呼吸通於湧泉。」補：湧泉穴，一名地衝，在足心

陷者中，屈足卷指宛宛中。黃庭經云：「三關之中精氣深，九微之內幽且陰。口為

天關精神機，足為地關生命槩，手為人關把盛衰。」武按：人恃息以生，道家養生

，故調息。息由口鼻出入，故為天關精神之氣機，調之既久，其息深深，則下聚於

丹田，因而通於足之湧泉穴，所謂「地關生命槩」也。觀此，足以證真人踵息之義

。考足腎經脈屬少陰，斜從小指趨足心湧泉穴，循內踝之後，別入跟中，上腠內，

出臑內廉，尋上股內後廉，直貫脊，屬腎，從腎貫肝膈，入肺中，挾舌本，循喉嚨

。然則息由口經喉，入肺，至足踵，固自有經脈以通之，踵息之說，非不可能也。

以上真人一。眾人之息以喉。宣云：「止於厭會之際。」正「厭會」誤倒，應作「

會厭」。靈樞經憂恚無言篇：「會厭（平聲）者，音聲之戶也。」又云：「厭小而

疾薄，則發氣疾，其開合利，其出氣易。其厭大而厚，則開闔難，其出氣遲，故重

言也。」武按：會厭，在咽喉之兩旁，能張能收。食入則收掩其喉，音出則張開，

故曰「音聲之戶」，乃喉之門也。平人之息，吸由口鼻，經會厭而入於肺，復由肺

呼出。然則眾人之息實以肺，此謂以喉者，特言其息之淺耳。然使肺氣鬱而不通，

則亦以喉息矣。屈服者，其嗑言若哇。

屈服，謂議論為人所屈。嗑，喉咽也。嗑，聲之未出；言，聲之已出。吞吐之際，如欲哇然，以狀無養之人。

補：釋

文：「嗑音益

。哇，獲媯反，崔一音於佳

反。簡文云：『嘔也。』」其耆欲深者，其天機淺。情Q欲Y深重，機神淺鈍。

補：耆與嗜同。以上真人二。

古之真人，不知說生，不知惡死；郭云：「與化為體。」

其出不訢，其入不距；

釋文：「距，本又作拒。李云：『欣出則營生，拒入則惡死。』」

補：釋文：「訢音欣。距音巨。」

翛然而往，翛然而來而已矣。成云：「翛然，無係貌。」

補：釋文

：「翛，李音悠。

向云：『翛翛然〔三〕無心而自爾之

謂。』」不忘其所始，不求其所終；宣云：「知生之源，任死之歸。」補：不忘其所始，與德充符篇「保始」之義同。蓋始者，指道也；保者，守而不忘也。義見彼句下。命之當終

者天也，當任而安之，有心以求

，則以人助天也。受而喜之，宣云：「受生之後，常自得。」正注非。如注謂受生自得，則與上文「其出不訢」，與下文「不悅生」矛盾。此承上句「始」字。始指道也，故曰「受而喜

之」，與下文「不以心捐道」一意相承。忘而復之。

宣云：「忘其死，而復歸於天。」正此承上「不忘其始」來，謂復其始也。猶之孔子之「克己復禮

」，孟子之「收放心」，蓋人欲

除則天理自復矣。

是之謂不以心捐道，不以人助天。

是之謂真人。

郭云：「物之感人無窮，人之逐欲無節，則天理滅矣。真人知用心則背道，助天則傷生，故不為也。」俞云：「據郭注，捐疑偕之誤。」正尋省上下文義，「捐」字不誤。說文：「捐，弃也。」上文「不忘其所始」，「受而喜之，忘而復之」，即不以心捐弃其道也。不以人助天者，承上「不求其所終」來。求其所終者，人為以求之也，猶之宋人助苗之長也。苗長，天也；助之長者，人也，助之適以害之矣。

「是之謂真人」句，答上文「何謂真人

」。若然者，其心志，宣云：「志當作忘。無思。」正「志」字不誤。如作「忘」

，心既忘矣，安能如下文「喜怒通四時，與物有宜」乎？此二者，皆心之用也。「

若然」句，總承上文；「其心志」則承「受而喜之」、「不以心捐道」等句。說文

：「志，心之所之也。」靈樞經本神篇：「心有所憶謂之意，意之所存謂之志。」

論語：「志於道。」此義亦同，即心之所之者道也，即不以心捐道也。又素問陰陽

別論說心云：「在志為喜。」王冰注云：「喜為心志。」此為本句確解。因喜為心

志，則上「受而喜之」，與下「喜怒通四時」之二「喜」字，皆心志也。心不捐道

，亦以其受而喜之也。其容寂，宣云：「無為。」其頽頽，

宣云：「頽，額也。」頽，大樸貌，宣云「恢上聲」。正釋文：「頽，徐去軌反，

郭苦對反。」武按：「天道篇「而頽頽然」句下，引成云「頽頽高亢，顯露華飾」

，此則訓為大樸，同一頽之形容詞，不應前後相歧。此處當訓為高亢顯露，至「華

飾」二字，成氏任意所加，應從刪節。蓋秋容寂寞，春氣昭舒，故青陽一至，則生

氣開展，草木萌生，群蟲啟蟄，此即高亢顯露之象也。故「寂」字，籠下「淒然似

秋」；「頽」字，籠下「煖然似春」。可見莊文謹嚴有法，非漫然下字，惜各注家

均未尋省及此。淒然似秋，煖然似春，郭云：「殺物非為威，生物非為仁。」補：釋文：「煖音暄，徐況晚反。」武按：上句承「容寂」，下句承「顙顙」。即其容寂，淒然似秋；其顙顙，煖然似春也。喜怒通四時〔四〕，

宣云：「喜怒皆無心，如四時之運〔五〕。」與物有宜，而莫知其極。

隨事合宜，而莫窺其際。正淒然似秋，裁制萬物，各有所宜，循環無窮，而莫知其所止極。故聖人之用兵也，亡國而不失人心；崔云：「亡敵國而得其人心。」

補：不失人心，

由於與物有宜也。此與上句，承

「淒然似秋」說。利澤施於萬物，不為愛人。由仁義行，非行仁義。

補：長養

萬物，任天之行而

已，不為愛人而施也。此承「煖然似

春」說。故樂通物，非聖人也；不求通物，而物情自通，為聖人。補：聖人喜怒通四時，而不通物。四時運行，而萬物自通，如春之任物自長，不助其長也。聖人亦任物自通，如樂之，則為有心而任知矣。有親，非仁也；至仁則無私親。

補：天運篇：

「至仁無親。」有親則私也

，與利澤施於萬物者異矣。天時，非賢也；

宣云：「擇時而動，有計較成敗之心。」正真人與物為春，接而生時於心者也；喜怒通四時，與物有宜者也。蓋以知為時，而不以旦夕遷流之天時為時也。如以天時為時，必致勞生逐時，則非賢矣。利害不通，非君子也；

利害不觀其通，故有趨避。補：齊物論「聖人不從事於務，不就利，不違害」，能通利害為一也。不通，非

君子矣。此君子，指在位者言。行名失己，非士也；

成云：「必所行求名而失己性，非有道之士。」補：士，指在野者言。逍遙遊篇「名者，實之賓也

」，以名假而實真也。專行乎名

者，必失己之真。亡身不真，非役人也。

宣云：「徒棄其身，而無當真性，為世所役，非能役人。」補：因行名而亡身，是因假而亡真也，則身有不當亡而亡者矣，如狐不偕輩是也。非役人，乃役於人也；

役於人，即失己也。下引古人以明

此二句之義。若狐不偕、

成云：「姓狐，字不

偕，堯時賢人，不受堯讓，投河而死。」務光、

成云

：「夏時

人，餌藥養性，好

鼓琴，湯讓天下，不受，負石自沉於

廬水。」伯夷、叔齊、箕子胥餘、司馬

云：「胥

餘，箕子名。尸子

曰：『箕子胥餘，漆身為厲，被髮佯狂。』」紀他、

成云：「湯時逸人，聞湯讓務光，恐及乎己，遂將弟子，蹈於鯀水而死。申徒狄聞之，因以蹈河。」

補：釋文：「他，徒河反。」申徒狄，

釋文：「殷時人，負石自沉於河。」

是役人之役，適人之適，而不自適其適者也。

郭云：「斯皆舍己效人，徇彼傷我者。」宣云：「為人用，快人意，與真性何益！」

補：上之諸人，皆行名失己，亡身不真者也，與真人之所為者異矣。此節證上文人之所為，然不知養其所不知

，以致不終其天年者。古之真人，其狀義而不朋，

郭云：「與物同宜，而非朋黨。」俞云：「郭注非也。此言其狀，非言其德。義讀為峨。天道篇『而狀義然』，即峨然也。朋讀為崩。易『朋來無咎』，漢書五行志引作『崩來無咎』，是也。義而不朋，言其狀峨然高大而不崩壞也。」正「狀」字統攝下文，至「悅乎忘其言也」止；「義」字由上「淒然似秋」、「與物有宜」生出。郭說尚適，俞必改「義」為「峨」，改「朋」為「崩」，又於「義」下加「然」字，費如許周折，然後成其「峨然高大而不崩壞」之說，驗之上下文義，毫不相干。且容狀非山陵樓觀比，何可以崩壞說乎？考禮記鄉飲酒義：「西方者秋。秋，愁也。愁之以時察，守義者也。」注：「察，嚴殺之貌。」故曰「義」字由上文「秋」字生出也。下文「（）萬物而不為義」，（）即嚴殺之義。本篇脈絡，前後原屬一貫。又釋名：「義，裁制萬物使各宜也。」白虎通情性篇：「義者，宜也，斷決得中也。」夫裁制萬物，斷決得中，故不與物相朋黨也，秋何嘗私物而有所朋乎？朱桂曜云：「鵠冠子備知篇：『故為者敗之，治者亂之。敗則備，亂則阿；阿則理廢，備則義不立。』陸注：『備，黨也。』備則義不立，正與此處『義而不朋』同意。漢書王尋傳『南山群盜備宗等』，注蘇林曰：「備音朋。」武按：集韻：「備同朋。」又管子幼官篇劉績注：「備即朋字。」此引實為「義而不朋」確證，足證俞說迂繆。若不足而不承，

宣云：「卑以自牧，而非居人下。」補此句承「狀」字。說文：「承，受也。」老子曰：「廣德若不足。」蓋德足而若不足也。盜跖篇：「足而不爭。」又曰：「不足，故求之。」真人則不

僅不爭不求，且與之而不受也。與乎其觚而不堅也，

王云：「觚，特立不群也。」崔云：「觚，稜也。」李楨云：「觚是孤借字。釋地『觚竹』，釋文『本又作孤』。此孤、觚通作之證。孤特者，方而有稜，故字亦借觚為之。『與乎其觚』，與『張乎其虛』對文，「與」當是〈走與〉之借字。說文

：『〈走與〉，安行也。』」按：不堅，謂不固執。正此句申說「義而不朋」之義。下「與乎止我德」之與字，王訓相接意，可移以訓此「與」字。李謂為〈走與〉借，安行也，句無此意，殊屬穿鑿。觚，說文「鄉飲酒之爵也。」史記酷吏傳「漢興，破觚而為圓」，集解：「觚，方。」索隱：「觚，八稜有隅者。」言真人義而不朋，與世相接，猶觚之方而不圓也。然其不朋者，特和而不同耳。與物有宜，亦不堅執也。李乃謂觚為孤借，亦好

橫生枝節矣。張乎其虛而不華也，

成云：「張，廣大貌。」按：廓然清虛，而不浮華。正此申說若不足而不承之義。不足者，虛也。虛則易流於華而不實，華而不實則誠不足矣。真人者，若虛而實實，故不華也。此即老子「大盈若沖」

之義也。邴邴乎其似喜乎！

向云：「邴邴，喜貌。」郭云：「至人無喜，暢然和適，故似喜也。」正釋文：「邴邴，音丙，簡文云：『明貌。』」言邴邴乎其狀似以明知自喜乎！此與下句貼知說；自此至「俛乎

忘言」句，各以二句分貼知、德、禮

、刑說。崔乎其不得已乎！

向云：「崔，動貌。」成云：「迫而後動，非關先唱，故不得已而應之也。」

補

：以

知為時，

時至而動，動於知

之所不得已，非喜之也，故上句言「

似喜」。濇乎進我色也，

簡文云：「濇，聚也。」宣云：「水聚則有光澤。言和澤之色，令人可親。」補：

漁父篇：「真在內者，神動於外。」大學曰：「德潤身。」淮南原道訓云：「子夏

得道而肥。」呂覽士容論任地篇「人肥必以澤」，高注：「人肥，則顏色潤澤。」

與乎止我德也，與，相接意。宣云：「寬閒之德，使我歸止。」

正「

與」字，

成訓容與。濇乎進

色者，由於容與止我德也。此與上句

貼德說。厲乎其似世乎！

崔本「厲」作「廣」，當從之。俞云：「世乃泰之借字。廣與泰義相應。」郭慶藩

云：「厲、廣古通借。泰字作大。世、大古亦通借。」正「厲」「世」二字，皆當

如字。厲，猶前漢書儒林傳「以厲賢才焉」之厲。言勉厲於禮，其狀如世人之所為

也。此句應上「人之所為」，伏

下「與人為徒」。警乎其未可制也，
成云：「警然高遠，超於世表，不可禁制。」補勉厲於禮，特似世人耳，實則警然高遠，不為世俗之禮所拘制也。下文孟子反、子琴張。不愼愼為世俗之禮，以觀眾人耳目，故臨尸而歌，斥子貢曰「惡知禮意」，即證此意也。此與上句貼禮說。連乎其似好閉也，李云：「連，綿長貌。」郭云：「綿邈深遠，莫見其門。」成云：「默如關閉，不聞見也。」釋文：「好，呼報反。」悞乎忘其言也。釋文：「悞，忘本反。」成云：「悞，無心貌。以上言真人德行，下明其利物為政之方。」正注非。好閉，故忘言。此二句，遙應「淒然似秋」句。秋氣收斂，故曰「好閉」。秋氣肅殺，刑之義也。靈樞經寒熱病篇「舌縱涎下，煩悞」，注音悶。又本藏篇「心高則滿於肺，中悞而善忘，難開以言」，正與此及上句義同。難開，即上句「好閉」也。且均就心說，彼義並貼秋說，蓋肺為秋藏也。故此二句，貼刑說。以刑為體，郭云：「刑者治之體，非我為。」補：此及下三句，方明出知、德、禮、刑四字。以禮為翼，郭云：「禮者，世所以自行，非我制。」以知為時，郭云：「知者時之動，非我唱。」以德為循。郭云：「德者自彼所循，非我作。」以刑為體者，綽乎其殺也；郭云：「任治之自殺，故雖殺而寬。」補：下文「殺生者不死」，「外生」，「以生為附贅懸疣」等句，皆殺義也。知北遊篇引老子曰「為道日損，損之又損，以至於無為」，義亦相同，皆此處之例證也。此以下至「勤行者也」，再就知、德、禮、刑四義分釋之。以禮為翼者，所以行於世也；郭云：「順世所行，故無不行。」正漁父篇：「禮者，世俗之所行〔六〕也。」鳥行以翼，世行以禮，和光同塵，與人為徒，而為人之所為，故曰「所以行於世也。」以知為時，不得已於事也；知以應時，不得已於世事，隨宜付之。補：文子道原篇：「夫事生者，應變而動。變生於時，知時者無常之行。」又曰：「物至而應，智之動也。」此足以釋「以知為時」之義。言事物來觸之時，知不得已而應之，餘時則寂然無知，亦泯然無時，故知動則時生，知寂則時滅。人於夢寐之際，何嘗有時乎？以德為循者，言其與有足者至於丘也，宣云：「德之所在，人人可至，我特循之耳。如丘之所在，有足者皆可至，我特與同登耳，非自立異。」按：無意於行，自然而至，故曰「與有足者至」也。正說文：「循，順行也。」天地篇：「是謂玄德〔七〕，同乎大順」眾人之所行，我順而行之，而不矯異，即同乎大順也，即循乎玄德也。淮南詮言訓「至德道者若丘山，鬼然不動，行者以為期也」，注：「行道之人，指以為期。」據此，可以明本義。

言吾之於德，循之而行，猶之與有足者指丘為期，循之而至也。蓋丘可遠見，行者每以為前途之

鵠，庶不歧趨。而德亦吾行

之鵠，惟有順而循之而已。

而人真〔八〕以為勤行者也。

宣云：「人視真人為勤行不怠，豈知其毫末以我與乎！」正我循德而行，容與而止，行

實未勤也

。而人乃以為勤行

，無亦人多不循行乎德，故以不勤者

為勤邪！故其好之也一，其弗好之也一。

成云：「既忘懷於美惡，亦遺蕩於愛憎。故好與弗好，出自凡情，而聖智虛融，未嘗不一。」

補：人情好有

差等，不好亦然。真人於此

，不生差別心，視之一也。其一也一，其不一也一。

成云：「其一，聖智也；其不一，凡情也。凡、聖不二，故不一皆一之。」正好一矣，不好一矣，然好與不好對，仍不一也。真人且不知悅生，不知惡死，尚何好不好之分乎？故曰「其不一也一」。

其一，與天為徒；其不一，與人為徒。

成云：「同天人，齊萬致，與天而為類也。彼彼而我我，與人而為徒也。」正同生死，一好惡，喜怒通四時，利澤施萬物，不為愛人，此與天為徒也，為天之所為也。禮，所以講節文者也。儀文繁委，至不一也，而真人以禮為翼，厲乎似世，此與人為徒也，為人之所為也。

天與人不相勝也，是之謂真人。

成云：「雖天無彼我，人有是非，確然論之，咸歸空寂。若使天勝人劣，豈謂齊乎！此又混一天人，冥同勝負。體此趣者，可謂真人。」補：「天」與「人」二字，跟篇首來，至此暫作一收。「是之謂真人」句，再答上文「何謂真人」句，並收束上「古之真人」四節。

死生，命也，

其有夜旦之常，天也。人之

有所不得與，皆物之情也。

死生與夜旦等，皆由天命，不可更以人與。此物之情，實無足係戀也。補：與同預，參預也。死生由命，夜旦由天，人不得而參預也。「命」字「天」字，為以下各節主腦。

彼特以天為父，而身猶愛之，而況其卓乎！身知愛天，而況卓然出於天者乎！正彼，指上「命」字。命者，我之生命也。之，指「彼」字。卓，指道。言命生於天，故以天為父。天生於道，道則未有天地自古以固存。此文謂命出於天，而身尚愛之，況道卓立於天地之先者乎！此

伏下「夫道」節。人特以有君為愈乎己，宣云：「勢分勝乎己。」而身猶死之，宣云：「效忠。」而況其真乎！身知愛君，而況確然切於君者乎！正「真」字，即下文孟子反、子琴張所歌「嗟來桑戶乎，而已反其真」之真。莊子之旨，在不悅生惡死，以死為歸真，與上句「死」字方能相應。上二句，此句之喻也。「桑戶」節，證此句之義者也。漁父篇：「真者，精誠之至也。」又曰：「真者，所以受於天也。」形死而精誠不死，人於忠君不惜死，何獨於離形反真而顧惡死乎！上「真人」四節，即說明此「真」字。

泉涸，魚相與處

於陸，相呴以溼，相（）以沫，

不如相忘於江湖。喻貪生懼死，不如相忘於自然。「泉涸」四語，又見天運篇。正釋文：「涸，戶各反，爾雅云：『竭也。』呴，況於、況付二反。（），本又作濡，音儒，一音如戌反。沫音末。」武按：此與「譽堯」二語，為下文「桑戶」節內子貢、孔子問答設喻之伏筆。彼節「魚相忘乎江湖」，繳應此文者也，詳於此，故略於彼。彼節「人相忘乎道術」，繳應「譽堯」二語者也。莊文中往往有此佈置，奇肆錯綜，令人不易捉摸，然細加審按，脈絡貫串，有條不紊也。然此文亦兼作下「善吾生」二語之喻，言善生無救於死，猶魚處陸相呴相濡，欲善生以救死也，然溼沫有幾，瞬即涸斃，斯須之善，何益於生也！王懋竑疑此文為錯簡，其亦未加細按乎？

與其譽堯而非桀，不如兩忘而化其道。

宣云：「此道字輕，謂是非之道。言譽堯非桀，不如兩忘其道；好生惡死，不如兩忘其累。」按：二語又見外物篇，下三字作「閉其所譽」。正此為「桑戶」節中作伏筆，說已見上，然亦兼繳應上「其好之也一」數句，及「死生命也」二句。蓋譽堯，好之也；非桀，不好之也。兩忘化其道，即其一也一，其不一也一也。又死生之間，相去甚促，無異夜旦之常。知北遊篇云：「雖有壽夭，相去幾何！奚足以為堯、桀之是非！」正同此義。此與上「涸魚」數句，在全篇中籠上鎖下，為一大關紐。

夫大塊載我以形，勞我以生，佚我以老，息我以死。故善吾生者，乃所以善吾死也。

宣云：「純任自然，所以善吾生也。如是，則死亦不苦矣。」按：六語又見後。列子天瑞篇：「人胥知生之樂，未知生之苦；知老之憊，未知老之逸；知死之惡，未知死之息也。」正宣說非。文謂人每樂生，不知大塊乃以生勞我也；每畏老，不知大塊乃以老使我得逸也；每惡死，不知大塊乃以死使我得息也。然則生亦何必樂！不必樂，則不必善矣。生與死同，善生，直善死耳。善死云者，乃駁辭，非許辭也。蓋善生者，意在益生，益生者不祥。本篇一則曰「不知悅生」，再則曰「外生」，曰「殺生者不死」，是不主善生也。宣云「善生則死不苦」，本書何嘗有以死為苦之意乎？夫藏舟於壑，藏山於澤，島也。

謂之固矣。然而夜半有力者負

之而走，昧者不知也。

舟可負，山可移。宣云：「造化默運，而藏者猶謂在其故處。」

補：列子天

瑞篇：「粥熊曰：『運

轉亡已，天地密移，疇覺之哉！』」

藏大小

有宜，猶有所

遯。若夫藏天下於天下而不

得所遯，是恆物之大情也。

藏無大小，各有所宜，然無不變之理。宣云：「遯生於藏之過，若悟天下之理，非我所得私，而因而付之天下，則此理隨在與我共之，又烏所遯哉！此物理之實也。

」按：恆物之大情，猶言常物之通理。正舟小於山，澤大於壑，故曰「藏大小有宜」。

天地密移，故曰「猶有所遯」。舟、山隨天地密移，雖藏之有宜，猶有所遯。

喻生命隨歲月遷流，雖善之有術，何可使駐！恆物之大情，與上文「物之情」異義。

列子湯問篇云：「然則天地一物也。」夫物無恒，而天地則有恒，故恆物者，天

之謂也。下文「道有情有信」，道之情自比物情為大，故大情者，道之謂也。道彌

綸於天地之間，故曰「恆物之大情」，即謂道為天地之大情也。藏天下於天下，言

藏天下之物於天下之大情，斯物無所

得遯矣。

特犯人

之形而猶喜之

，若人之形者，萬化而未始

有極也，其為樂可勝計邪！

犯與范同。見范人形猶喜之，若人之生無窮，孰不自喜其身者！正「犯」不必改「

范」。淮南脩務訓「犯津關」，注：「犯，觸也。」又主術訓「犯患難之危」，注

：「犯，猶遭也。」犯人之形者，偶遭遇或偶接觸而成為人之形也。遭與觸，皆含

偶然與暫時義，以與下「萬化」對照。文謂偶犯人形，誕生於世，光陰駒隙，如客

之寄，生死相續，如輪之轉，古始至今，犯人之形者，千變萬化，數無窮極，現等

曇花，何足喜樂！下文「有旦宅而無情死」，即明此義也。知北遊篇云：「人生天

地之間，若白駒之過郤，忽然而已。」又曰：「已化而生，又化而死。」可以明萬

化而未始有極之義。上文「受而喜之」，喜道也，此則言生不足喜，雖同一「喜」

字，而涵義不同。

故聖人將遊於物之所不得遯而皆存。

宣云：「聖人全體造化，形有生死，而此理已與天地同流，故曰皆存。」正自然之

道，物之所不得遯者也。聖人遊於自然之道，故不悅生，不惡死。生固存，死亦存

也。蓋形雖死，而聖人之心未嘗死，故曰「皆存」也。達生篇「遊乎萬物之所始終

」

，山

木篇「浮

遊乎萬物之祖」，

田子方篇「吾遊心於萬物之初」，其義皆同。

善妖善老，

善始善終，人猶效之，

又況萬物之所係，而一化之所待乎！

釋文：「妖，本又作夭。」成云：「壽夭老少，都不介懷。雖未能忘生死，但復無所嫌惡，猶足為物師傅，人放效之。況混同萬物，冥一變化，為物宗匠，不亦宜乎！」正奚侗曰：「張君房本妖作少。」武按：應作「少」。如下文女偶之色若孺子，善少也；猗韋氏挈天地，善始也；西王母之莫知始、莫知終，善始並善終也；彭祖之下及有虞，善老也。摠提於此，以為「猗韋」一節之綱。萬物所係，一化所待，指道言。淮南精神訓云：「以死生為一化。」是一化指死生之一變化言，與上文「萬化」對。又淮南原道訓云：「夫太上之道，生萬物而不有，成化像而弗宰。跂行喙息，蠓飛蠕動，待而後生，莫之知德；待而後死，莫之能怨。」上數句之意，謂萬物之生死，

待夫太上之道也，足以釋「一化

之所待」句之義。夫道，有情有信，無為無形；

宣云：「情者，靜之動也；信者，動之符也。」成云：「恬然寂寞，無為也；視之不見，無形也。」補：齊物論：「可行已信，而不見其形，有情而無形。」「道」

可傳而不可受，

郭云：「古今傳而宅之，莫能受而有之

。」可得而不可見；成云：「方寸獨悟，可得也。離於形色，不可見也。」

補：「得」字，為「猗韋」節十

二「得」字伏根。自本自根，

宣云：「道為事物

根本，更無有為道之根本者，自本自

根耳。」未有天地，自古以固存；

成云：「老子云：『有物混成，先

天地生。』」神鬼神帝，

下文堪坏、馮

夷等，鬼也；猗韋、伏羲等

，帝也。其神，皆道神之。生天生地；

成云：「老子云：『天得一以清，地得一以寧。』」

補：老子云：「地法天，天法道。」

在太極之先而不為高，在六極之下而

不為深；

陰陽未判，是為太極。天地四方，謂之六極。成云：「道在太極之先，不為高遠；

在六合之下，不為深邃。」

先天地生而不為久，長於上古而不為老。

釋文：「長，丁丈反。」按：此語又見後。

補：此節闡發上節「卓」字。猗韋氏得之，以挈天地；

猗韋，即豕韋，蓋古帝王也。成云：「挈，又作契。言能混同萬物，符合二儀。」

補：釋文：「猗，郭褚

伊反。挈，徐苦結反。」成訓提挈。

伏戲氏得之，以襲氣母；

成云：「襲，合也。氣母，元氣之母。為得至道，故能畫八卦，演六爻，調陰陽，合元氣。」補：成云：「能伏牛乘馬，養伏犧牲，故謂之伏羲也。」釋文：「戲音義。」武按：則陽篇云：「陰陽氣之大。」則氣母者，即陰陽，以其大於各氣也。

伏戲畫卦演爻，所以明陰陽變化之理也，故易曰「觀變於陰陽而立卦」。伏羲既明陰陽之理，自能與陰陽合德，即襲

氣母之謂也。維斗得之，終古不忒；

成云：「北斗為眾星綱維，故曰維斗。得至道，故維持天地，歷終始，無差忒。」

補：釋文：「崔云：『終古，久也。』鄭玄注周禮云：『終古，猶言常也。』」武按：大道終古不

忒，北斗綱維眾星，亦終古不忒

，故曰「得之」。

日月得之，終古不息；堪坏得之，以

襲崑崙；

釋文：「崔坏作邳。司馬云：『堪坏，神名，人面獸形。』淮南作『欽負。』」成云：「崑崙山神名。襲，入也。」補：釋文：「坏，徐扶眉反，郭孚杯反。」武按：淮南齊俗訓：「昔者馮夷得道，以潛大川；鉗且得道，以處昆侖。」莊達吉謂「釋文云『堪坏，淮南作欽負』，是唐本鉗且作欽負也。字形近，故誤耳」。程文學據山海經云：「『是與欽〈丕鳥〉殺祖江於昆侖之陽』，後漢書張衡傳注引作『欽駝』。古駝、〈丕鳥〉本一字。」錢別駕云：「古丕與負通。故尚書『丕子之責』

，

史記

作『負子

』。丕與負通，因

之從丕之字，亦與負通也。堪、欽亦

同聲。」馮夷得之，以遊大川；

司馬云：「清泠傳曰：『馮夷，華陰潼鄉隄首（成疏有「里」字）人也。服八石，得水仙，是為河伯。』

一云：以八月庚子浴於河，溺死。」肩吾得之，以處大山；

司

馬云

：「山神

，不死，至孔子時

。」成云：「得道，處東嶽，為太山

之神。」黃帝得之，以登雲天；崔云：「黃帝得道而上天也。」補：成云：「黃帝，軒轅也。採首山之銅，鑄鼎於荊山之下。鼎成，有龍垂於鼎以迎帝，帝遂將群臣及後宮七十二人，白日乘

雲駕龍以登上天，仙化而去。」顓頊得之，以處玄宮；

李云：「顓頊，高陽氏。玄宮，北方宮也。月令曰：『其帝顓頊，其神玄冥。』」

成云：「得道為北方之帝。玄者，北方之色，故處於玄宮。」補：成云：「顓頊，黃帝孫。年十二而冠，十五佐少昊，二十即位。採羽山之銅為鼎，能召四海之神，有靈異。年九十七崩。」禹強得之，立於北極；

釋文：「海外經云：『北方禹強，黑身手，足乘兩龍。』郭璞以為水神，人面鳥身。簡文云：『北海神也，一名禹京，是黃帝之孫也。』」

補：釋文：「禹音虞。」

西王母得之，坐乎少廣，莫知其始

，莫知其終；

釋文：「山海經：『西王母狀如人，狗尾，蓬頭，戴勝，善嘯，居海水之涯。』漢武帝內傳云：『西王母與上元夫人降帝，美容貌，神仙人也。』崔云：『少廣，山名。』或云：西方空界之名。」補：成云：「王母，太陰之精也。豹尾，虎齒，善笑。舜時，王母遣使獻玉環；漢武帝時，獻青桃。顏容若十七八歲女子，甚端正，常坐西方少廣之山，不復生死，故莫知始終也。」武按：海外經、山海經、漢武帝內傳等

書，極荒誕不

經。然莊書多寓言，上列各

書所說，作寓言觀焉可也。

彭祖得之，上及有虞，下及五伯；

崔云：「彭祖壽七百歲，或以為仙，不死。」成云：「上自有虞，下及殷、周，凡八百年。」補：成云：「彭祖，顓頊之玄孫也。帝封於彭城，善養性。五伯者，昆吾為夏伯，大彭、豕韋為殷伯，齊桓、晉文為周伯。」釋文：「伯，如字，又音霸。」

傳說得之，以相

武丁，奄有天下，乘東維，騎箕

尾，而比於列星。

司馬云：「東維，箕斗之間，天漢津之東維也。星經：『傳說一星，在尾上。』」

崔云：「傳說死，其精神乘東維，託龍尾，乃列宿。」釋文：「崔本此下更有『其生無父母，死，登假三年而形遯，此言神之無能名者也。』」按：下引七事以明之。

補：說文「奄」下云：「大有餘也，覆也。」釋文：「說音悅。」成云：「武丁，殷王名也，號曰高宗。夢得傳說，使求之天下，於陝州河北縣傅巖板築之所而得之。相於武丁，奄然清泰。傳說，星精也，而傳說一星，在箕尾上。然箕尾則是二十八宿之數，維持東方，故言『乘東維，騎箕尾』；而與角、亢等星比並行列，故

言『比於列星』也。」〔一〕「德」原作「同」，據天地篇原文改。

〔二〕「成云」二字，據王氏原刻及成疏補。

〔三〕釋文不重「脩」字，「然」上有「自」字，「自然」二字連下讀。

〔四〕「喜怒通四時」五字，據王氏原刻及集釋本補。〔五〕宣注據王氏原刻補。

〔六〕「行」，漁父篇作「為」。〔七〕「德」，原作「同」，據天地篇改。

〔八〕「真」字，據王氏原刻及集釋本補。

南伯子葵問乎女偶曰

：「子之年長矣，而色若孺子，何也？」

李云：「葵當為綦，聲之誤也。」釋文：「偶，徐音禹。一云是婦人也。」偶釋文：「孺，本亦作儒，如喻反。」成云：「孺子，稚子也。」武按：色若孺子，即上文所謂「滄乎進色」。

曰：「吾聞道矣。」南伯子葵曰：「道可得學邪？」曰：「惡！惡可？子非其人也。夫卜梁

倚有聖人之才，而

無聖人之道，我有聖人之道，而無聖

人之才，

李云：「卜梁姓，倚名。」宣云：「倚聰明，似子貢；偶忘聰明，似顏子也。」補

：釋文：「惡惡，並音烏。下惡乎同。」成云：「惡，惡可，言不可也。」武按：

上惡

，驚歎詞

；下惡可，不可也

。見人間世「夫以陽為充」句上。成

說失之。

吾欲以教之，庶幾其果為聖人乎！不然，以聖人之道告聖人之才，亦易矣。吾猶守而告之，守而不去，與為諄復。參日而後能外天下；

成云：「心既虛寂，萬境皆空。」

補：郭云：「外，猶遺也。」

已外天下矣，吾又守之，七日而後能外

物；

郭云：「物者，朝夕所需，切己難忘。」成云：「天下疏遠易忘，資身之物，親近難忘，守經七日，然後遺之。」

已外物矣，吾又守之，九日而後能外生；

成云：「墮體離形，坐忘我喪。」

已外生矣，而後能朝徹；

成云：「死生一觀，物我兼忘，豁然如朝陽初啟，故謂之朝徹。」宣云：「朝徹，如平旦之清明。」正徹，說文「通也」，廣韻「達也」。朝徹者，前守之九日，此則不待守而一朝自通也。朱晦庵補大學格致章云：「至於用力之久，而一旦豁然貫通焉。」守之七日九日，用力之久也，朱說恰為此處註腳。又楞嚴經云：「生滅既滅，寂滅現前，忽焉超越世出世間，十方圓明。」生滅既滅，外生也。忽焉者，與

一朝之義同。十方圓明，徹之謂也。三家之說，無稍不同。蓋道家於虛極靜篤時，自現此種境界，釋家亦然也。成、宣說均失之。朝徹，而後能見獨；見一而已。補：未有天地，自古以固存，是道卓然獨立於天地之先也。老子稱道，云「獨立不改」，則見獨即見道也。見獨，而後能無古今；

成云：「任造物之日新，隨變化而俱往，故無古今之異。」

補：達生篇「道無

終始」，即道無古今也。見道而能後無古今。

無古今，而後能入於不死不生。宣云：「生死一也。至此，則道在我矣。」殺生者不死，生生者不生。

蘇輿云：『殺生』二語，申釋上文。絕貪生之妄覬，故曰殺生；安性命之自然，故曰生生。死生順受，是不死不生也。」正列子天瑞篇：「生物者不生，化物者不化。」所謂「殺生者不死」，與化物者不化義同。惟列子就天之陰陽四時言之。意謂如霜露既降，草木凋殞，此天化物也，亦即殺生也。天固不隨物化，不隨物死也，故曰「殺生者不死」。春來大地，萬物萌生，此天生物也。天自不生，故曰「生生者不生」。老子曰：「天地所以能長且久者，以其不自生，故能長生。」義與此同。此就上「不死」「不生」句分釋之地。老子又曰：「天法道。」故言天，即無異於言道也。然就人之修道言之，義又有別，因天本無生，人原有生也。故此文所謂「殺生」者，如達生篇云「遺生則精不虧」，又如南郭子綦之心如死灰，上文之「外生」，下文之「以生為附贅縣疣」，餘如離形去知，忘肝膽，遺耳目，皆殺生之義也。能如是，則可以登假於道而不死矣。所謂「生生」者，即上之「善生」「益生」，老子所言之「貴生」也。崔云：「常營其生為生生，除營生為殺生。」李云：「殺猶亡也。亡生者不死也，矜生者不生也。」二氏之說，其於義亦得。蓋此乃女偶言聖人修道之功夫

，與天之殺生、生生，義自有別也。

其為物，無不將也，無不迎也；

成云：「將，送也。道之為物，拯濟無方，迎無窮之生，送無量之死。」補：應帝王篇「聖人之用心若鏡，不將不迎，應而不藏」，知北遊篇「無有所將，無有所迎」，均就聖人之用心言之，故不將不迎；本文則就道之妙用言之，故可無不將，無不迎。蓋道彌綸天地，包涵萬彙，凡物皆處其亭毒之中，故無物不在其將迎之內也。以言夫道之本體，無將無迎；言夫道之妙用，無不將，無不迎。蓋物有去來，道因將迎而順應之，所謂感而後動也。成云「道之為物」，似於「道」「物」二字尚未認清。本書於此二字，界義甚明。達生篇云：「凡有貌、象、聲、色者，皆物也。」故道是道，物是物，不可混稱。如上「維斗得之，終古不忒，日月得之，終古不息」，維斗日月，物也，不忒不息，道也，謂道寄於維斗日月也。又天地篇說道云：「金石不得無以鳴。」金石物也，所以鳴者道也，謂道寄於金石也。此處「其為物」，猶言寄於物也。知北遊篇謂「道無所不在」，又謂「無乎逃物」，蓋道無在，以

寄於物而有在

也。「將」字承上「殺生」，
「迎」字承上「生生」。無不毀也，無不成也。
成云：「不送而送，無不毀滅；不迎而迎，無不生成。」
補：「毀」字承「將」，
「成」字承「迎」，分兩面說。
其名為撓寧。撓寧也者，撓而後成者也

。」
郭嵩燾云：「孟子趙注：『撓，迫也。』物我生死之見迫於中，將迎成毀之機迫於外，而一無所動其心，乃謂之撓寧。置身紛紜蕃變、交爭互觸之地，而心固寧焉，則幾於成矣，故曰『撓而後成』。」正在宥篇「無撓人心」，成氏訓撓為撓。廣雅釋詁：「撓，亂也。」是則撓者，撓亂之也，承「毀」說，亦即承「將」與「殺」說。寧者，安定之也，承「成」說，亦即承「迎」與「生」說。說文：「撓，擾也。」是撓、撓、擾同義。天道篇舜曰「天德而出寧」，堯曰「膠膠擾擾乎」，乃「寧」與「擾」對也，可以證此處為「寧」與「撓」對。撓而後成者，撓毀而後寧成者也。列子天瑞篇：「物損於彼者盈於此，成於此者虧於彼。」齊物論篇：「其分也成也，其成也毀也。」蓋分出之物成，而被分之物毀矣，此成由於彼毀也。就天時言之，秋行肅殺，而後春得遂長，故曰「撓而後成」也。上言天與道既有殺與生之兩用，故物遂有生死成毀之兩途。將與撓，殺之用也；迎與寧，生之用也。天與道何以有此兩用？則以天與道不外陰陽而已。董仲舒曰：「天兩有陰陽之施。」管子四時篇：「陽為德，陰為刑。」董子又曰：「陽氣暖，陰氣寒，陽予陰奪。陽氣仁寬愛生，陰氣戾急惡殺。」文子上德篇：「積陰不生，積陽不化。」則陽篇：「陰陽相照、相蓋、相治，四時相代、相生、相殺。」故天與道，有生殺之兩用，由於陰陽有生殺之兩性也。故殺也，將也，毀也，撓也，陰用事也；生也，迎也，成也，寧也，陽用事也。任陰陽生殺之自然，而自處於不生不死，此之謂天，此之謂道。

南伯子葵曰：「子獨惡乎聞之？」曰：「聞諸副墨之子，
成云：「副，貳也。」宣云：「文字是翰墨為之，然文字非道，不過傳道之助，故

副墨之子聞諸洛誦之孫，
成云：「羅洛誦之。」按：謂連絡誦之，猶言反復讀之也。洛、絡同音借字。對古先讀書者言
，故曰「洛誦之孫」。
古書先口授而後著之竹帛，故云然。洛誦之孫聞之瞻明，見解洞徹。
瞻明聞之聶許，聶許，小語，猶囁嚅。聶許聞之需役，
成云：「需，須。役，行也。需勤行勿怠者。」需役聞之於謳，

釋

文：

「於音烏

。王云：『謳，歌

謠也。』」宣云：「詠歎歌吟，寄趣

之深。」於謳聞之玄冥，

宣云：「玄冥，寂寞之地。」玄冥聞之參寥，

宣云：「參悟空虛。」參寥聞之疑始。」

宣云：「至於無端倪，乃聞道也。疑始者，似有始而未嘗有始。」

子祀、子輿、子犁、子來四人相與語曰：

崔云：「淮南『子祀』作『子永』，行年五十四，而病傴僂。」顧千里云：「淮南精神篇作『子求』，非。求、永字，經傳多互誤。抱朴子博喻篇：『子永歎天倫之偉。』」按：據此，下「祀」「輿」

」字當互易。

成云：「人起自虛無，故以無為首；從無生有，生則居次，故以生為脊；死則居後，故以死為尻。死生雖異，同乎一體。能達斯趣，所遇皆適，豈有存亡欣惡於其間！誰能知是，我與為友也。」補：釋文：「尻，苦羔反。」庚桑楚篇：「以無有為首，以生為體，以死為尻。孰知有無生死之一守者，吾與之為友。」此「存亡」與「生死」複，似應從彼作「有無生死」為是。夫首、脊、尻，雖分，實為一體，有無生死雖分，然真人視之，亦一體也，故可與之友矣。

四人相視而笑，莫逆於心，遂相與為友。

補莫逆於心者，蓋四人皆視

生死為一體，心不相違也。

俄而子輿有病，子祀往問〔一〕之。曰：「偉哉！夫造物者，將以予為此拘拘也！

」

成云：「子輿自歎。」司馬云：「拘拘，體拘攣也。」補成云：「偉，大也。造物，猶造化也。」曲僂發背，成云：「傴僂曲腰，背骨發露。」

補：釋文：「僂，徐力主反。」上有五管，五藏之管向上。頤隱於齊，同臍。肩高於頂，句贅指天。李云：「句贅，項椎。其形似贅，言其上向。」

正句

贅，即人

間世之「會撮」，

一作「括撮」。言括撮其髮，句曲如

附贅也。陰陽之氣有沴，郭云：「沴，陵亂也。」同戾。捕釋文：「沴音麗，徐徒顯反。」在宥篇：「陰陽並毗，四時不至，寒暑之和不成，其反傷人之形乎！」子輿之形惡，蓋由陰陽並毗所傷也。此句伏下「陰陽不翅父母」，及「彼近吾死」數

語。其心閒而無事，
宣云：「不以病撓心

。」捕成云：「心神閒逸，不以為事。」

跼〈足鮮〉而鑑於井，成云：「跼〈足鮮〉，曳疾貌。曳疾力行，照臨於井。」

補：釋文：「跼，步田反。〈足鮮〉，悉田反。」

曰：「嗟乎！夫造物者，又將以
予為此拘拘也！」重歎之。

子祀曰：「汝惡之乎？」曰：「亡，無同。」

予何惡！浸假而化予之左臂以
為雞，予因以求時夜；

司夜也。「雞」疑是「卵」字之誤。時夜，即雞也。既化為雞，何又云因以求雞？惟雞出於卵，鴉出於彈，故因卵以求時夜，因彈以求鴉炙耳。齊物論云「見卵而求時夜，見彈而求鴉炙」，與此文大同，亦其明證矣。正釋文：「浸，子鳩反，向云：『漸也。』」武按：王云「既化為雞，何又云求雞」，本文並未言求雞，乃求臂化之雞為之司夜，義無不當。此與齊物論見卵之義不同：此所求者在司夜之效，故以「雞」字為當；彼則言瞿鵲子方見卵耳，尚未為雞，便求司夜，譏其早計也，故以「卵」字為當。何可據彼正此？

浸假而化予之右臂以為彈，予因以求鴉炙；浸假而化予之尻以為輪，以神為馬，予因以乘之，豈更駕哉！

郭云：「無往不因，無因不可。」

且夫

得者時也

，失者順也，安時

而處順，哀樂不能入也。此古之所謂

縣解也，

成云：「得者，生也；失者，死也。」按：養生主篇「適來，夫子時也；適去，夫子順也。安時而處順，哀樂不能入也。古者謂是帝之縣解」，與此文證合。補：說文：「縣，繫也。」徐鉉曰：「此本是縣挂之縣，借為州縣之縣。今俗加心別作懸，義無所取。」而不能自解者，物有結之。

郭云：「一不能自解，則眾物共結之矣。」正郭謂「不解而後物結」，非也。言其所以不能自解者，由於

物欲膠結於內，而為哀樂所縣繫也。

且夫物不勝天久矣，吾又何惡焉？」

補上文「人之有所不得與，此物之情也」，即物不勝天之義。吾之致此惡疾，天也。既不能勝天，亦惟知其無可奈何而安之若命而已，又何惡焉！答「汝惡之乎」句。俄而子來有病，喘喘然將死，其妻子環而泣之。成云：「喘喘，氣息急也。」

補：釋文：「喘，川轉反，又尺軟反。」

子犁往問之，曰：「叱！避！

叱令其妻子避

。補釋文：「叱，昌失反。

」成云：「叱，訶聲也。」無怛化！」釋文：「怛，驚也。」勿驚將化人。補：列

倚其戶與之語曰：「偉哉造物！又

將奚以汝為？為何物？將奚以汝適？適，往也。

以汝為鼠肝乎？以汝為蟲臂乎？」王云：「取微蔑至賤。」

補：言形死為鼠所

食，化為其肝乎？或為蟲所食，化為

其臂乎？

子來曰：「

父母於子，東西南北，

唯命之從。陰陽於人，不翅於父母，成云：「陰陽造化，何啻二親乎！」補：釋文：「翅，徐詩知反。」王引之曰：「翅與啻同。」說文曰：「啻，語時不啻也。」

書多士：「爾不啻不有爾土。」釋文：「啻，徐本作翅。」武按：「陰陽」句，應上「陰陽之氣有沴」。

彼近吾死而我不聽，我則悍矣，彼何罪

焉？彼，陰陽。悍，不順。宣云：「近，迫也。」補：吾之將死，因陰陽之氣有沴所致，是陰陽迫吾死也，

如不聽，則我悍然抵拒其命矣。

夫大塊載我以形，勞我以生，佚我以老，息我以死。故善吾生者，乃所以善吾死也。六語又見大宗師篇。補：陰陽近吾死，死又何足惡！乃大塊因我生之勞，使我以死休息之也。如是，吾又何必善生哉！生與死同，善生即無異於善死，無亦多此一善，而不能安時處順者也？注中「大宗師篇」四字，當改為「前」字。此節舉事證明前語，故重引之，以作關鎖。

今之大冶鑄金

，金踊躍曰『我必且為鑢錐

』，大冶必以為不祥之金。

大冶，鑄金匠。

補金而踊躍自言，大冶必致驚怪

，以為妖異不祥。

今一犯人之形，而

曰『人耳人耳』，夫造物者必以為不

祥之人。犯同范。偶成為人，遂欣愛鄭重，以為異於眾物，則造化亦必以為不祥。

補：上文「特犯人之形而猶喜之」，此曰「人耳人耳」，明自喜其為人也。夫眾生林總，萬態千形，造化無私，平等一視。如自喜為人，有予智自雄之念，乖造化平等之心，故以為不祥也。

今一以天地為大鑪，以造化為大冶，惡乎往而不可哉？」鼠肝、蟲臂，何關念慮！補：或生或死，或犯為人，或犯為鼠肝、蟲臂，皆在天地陶冶之內，故無往而不可。明生而為人，無可喜

；死而為鼠肝、蟲臂，亦無可惡也。成然寐，蘧然覺。

成然為人，寐也；蘧然長逝，覺也。正注非。釋文：「成，本或作成，音恤。簡文云：『當作滅。』蘧，李音渠。蘧然，有形之貌。覺，古孝反。」武按：「成」不可通，作「滅」者是也。言處於天地鑪冶之內，一任造化之陶鑄，而為人之所不得與，故死也如夢之滅然寐耳，生也如夢之蘧然覺也，何庸好惡於其間哉！先插此二語於此，至「孟孫才母死」節，方暢發之。可見莊子之文，有藕斷絲連，西崩東應之妙。〔一〕「問」原作「視」，據王氏原刻及集釋本改。

成云：「如百體各有司存，更相御用，無心於相與，無意於相為，而相濟之功成矣。故於無與而相與周旋，無為而相為交友者，其意亦然。」補：論語：「仲弓問子桑伯子。子曰：『可也簡。』」仲弓曰：『居簡而行簡，無乃太簡乎？』」朱注：「子桑伯子，魯人。胡氏以為疑即莊周所稱子桑戶者是也。」注又云：「家語記伯子不衣冠而處，夫子譏其欲同人道於牛馬。」說苑修文篇：「孔子見子桑伯子，子桑伯子不衣冠而處。弟子曰：『夫子何為見此人乎？』曰：『其質美而無文，吾欲說而文之。』孔子去，子桑伯子門人不悅，曰：『何為見孔子乎？』曰：『其質美而文繁，吾欲說而去其文。』」論語：「子曰：『孟之〔一〕反不伐，奔而殿，將入門，策其馬曰：『非敢後也，馬不進也。』』」朱注：「孟之反，魯大夫，名側。胡氏曰：『反，即莊周所稱孟子反者是也。』」左傳哀十一年：齊師伐我，及清，孟孺子洩帥右師，冉求帥左師，師及齊師戰於郊，右師奔，齊人從之。孟之側後入，以為殿，抽矢策其馬曰：「馬不進也。」家語「琴牢，衛人，字子開，一字張，與宗魯友。聞宗魯死，欲往弔焉。孔子弗許，曰『非義也』」，疑即此之子琴張也。孰能登天遊霧，宣云：「超於物外。」撓挑無極，

李云：「撓挑，猶宛轉也。宛轉玄曠之中。」正釋文：「撓，徐而少反，郭許堯反。挑，徐徒了反，郭、李徒堯反。」武按：在宥篇「挈〔二〕汝適復之撓撓，以遊無端」，爾雅釋詁：「適，往也。」撓撓，簡文云：「循環之名。」蓋即往復之形容辭也。言提挈汝往復，撓撓然如循環，以遊無端也，即其上文「出入六合」之義。且無端與循環義相應，謂如環之無端也。鶡冠子道端篇：「復而如環，日夜相撓。」撓、撓義通，均可為此文參證。說文：「挑，撓也。」則撓挑即撓撓也。無極，猶之無端。謂撓撓往復，如循環然，以遊無極也。下「反覆終始，不知端倪」，即申說此句者也。相忘以生，無所終窮？」

宣云：「不悅生，不惡死。」

三人相視而笑，莫逆於心，遂

相與為友。莫然有間，崔云：「莫然，定也。間，頃也。」補：在宥篇「莫然無魂」，成云：「莫然無知。」又左昭二十八年「德正應和曰莫」，杜注：「莫然清靜。」此莫然，正形容三人相視而

笑，清靜無言也。

而子桑戶死，未葬。孔子聞之，使子貢往侍事焉。成云：「供給喪事。」或編曲，李云：「曲，蠶薄。」正編，說文「次簡也」。周禮春官磬師注：「編，讀為『編書』之編。」宋玉對楚王問：「是其曲彌高而和彌寡。」漁父篇：「孔子絃歌鼓琴奏曲。」然則曲者，樂曲也，歌辭也。編曲者，編次其辭也。時僅孟、琴二人，一編辭而歌，一鼓琴以和之。李乃云「蠶薄」。孟為大夫，琴，孔門弟子，未必恃編薄為生，且何至惟恐稍曠其工，挾之往編於死喪者之家乎？李說亦太不倫矣。

或鼓琴，相和而

歌曰：「嗟來桑戶乎！嗟來桑戶

乎！而已反其真，而，汝。而我猶為人猗！」成云：「猗，相和聲。」正成說非。書秦誓「斷斷猗無他伎」，疏：「猗者，足句之辭，不為義也。」禮大學引此作「斷斷兮」，猗是兮之類。

子

貢趨

而進曰：

「敢問臨尸而歌，禮乎？」二人相視而笑曰：「是惡知禮意？」

是，謂子貢。補應證上文「警乎其未可制也」。

子貢反，以告孔子曰：「彼何人者邪？修行無有，無自修之行。

而外其形骸，臨尸而歌，顏色不變，無以命之。崔云：「命，名也。」彼何人者邪？」

孔子曰：「彼游方之外者也，而丘游方之內者也。成云：「方，區域也。」

外內不相及，而

丘使女往弔之，丘則陋矣。彼方且與造物者為人，

王引之云：「為人，猶言為偶。中庸『仁者人也』，鄭注：『讀如「相人偶」之人，以人意相存偶之言。』公食大夫禮注『每曲揖，及當碑揖，相人偶』，是人與偶同義。淮南原道篇『與造化者為人』，義同。齊俗篇『上與神明為友，下與造化為人』，尤其明證。」正鄭謂人也讀如「相人偶」之人，並非謂讀如「相人偶」之偶。如「為人」可謂之「為偶」，則鄭所云「以人意相存偶」句，亦可謂之為「以偶意相存人」矣，安乎，否乎？且細玩鄭句，「人」下加「意」，則存偶者人之意，非謂人與偶同義也。本文之義，言造物者既範我以人之形，而我不聽，則我悍矣。

有道者則順受之，方且與造物者為人，即上文「其不一，與人為徒」也，又即知北遊篇「直且為人」也，及德充符篇「有人之形，故群於人」也。質言之，則造物者命我為人，則我為人耳，命我為鼠肝、蟲臂，則我為鼠肝、蟲臂耳，即上文「崔乎其不得已」之義也。淮南精神訓「夫造化者既以我為坏矣，將無所違之矣」，高注：「言既以我為人，無所離之。喻不求，亦不避也。」最足證明本義。再就王氏所徵原道、齊俗二文言之，王氏於彼文義，亦未細審。按原道訓云：「精通於靈府，與造化者為人。」言精上通神靈之府，所謂「其一，與天為徒」也；而形體則與造化者為人，所謂「其不一，與人為徒」也。至齊俗訓語更明顯：上與神明為友者，精

神也

；下與造

化為人者，所範之

人形耳。據此，益足證王氏之說乖於本義矣。

而遊乎天地之一氣。彼以生為附贅縣疣，

成云：「氣聚而生，譬疣贅附縣，非所樂。」補：知北遊篇「臭腐復化為神奇，神奇復化為臭腐，故曰通天下一氣耳」，郭注云「死生彼我豈殊哉」，足以相證。「附贅」句，遙明以刑為體之義。以死為決〈疒丸〉潰癰。

釋文：「〈疒丸〉，胡亂反。」宣云：「疽屬。」成云：「氣散而死，若〈疒丸〉癰決潰，非所惜。」

夫若然者，又惡知死生先後之所在？宣云：「一氣循環。」

假於異物，託於同體，

宣云：「

即圓覺經地、風、

水、火四大合而成體之說。蓋視生偶

然耳。」忘其肝膽，遺其耳目，宣云：「外身也，視死偶然耳。」

補：應上「相忘以生」，又

上文所謂「以刑為體」也。反覆終始，不知端倪，往來生死，莫知其極。

補：應上「撓挑無極」。

芒然徬徨乎塵垢之外，逍遙乎無為之業。

成云：「芒然，無知貌。放任於塵累之表，逸豫於清曠之鄉。」

補：應上「登天遊霧」。

彼又惡能憤憤然為世俗之禮，

以觀眾人之耳目哉！」成云：「憤憤，煩亂。」釋文：「觀，示也。」

補：應上「厲乎其似世乎，警乎其

未可制也」。子貢曰：「然則夫子何方之依？」

成云：「方內方外，未知夫子依從何處

？」孔子曰：「丘，天之戮民也。」

成云：「聖跡禮儀，乃桎梏形性。夫子既依方內，是自然之理，刑戮之人也。故德

充篇云『天刑之，安可解乎』！」

補：言吾生平以禮束縛一

己自然之生，無異受天之刑也。雖然，吾與汝共之。」

宣云：「己之所得不欲隱。」正雖然，吾平日與汝講習禮儀，束其性天，故汝亦共為戮民也。孔子因子貢以臨尸而歌為非禮，乃語之以拘禮者如受天刑也，以破其是己非人之心，繼則以相忘勸之也。

子貢曰：「敢問其

方。」孔子曰：「魚相造乎水，人相造乎道。

造

，詣

也。造乎

水者魚之樂，造乎

道者人之樂。補相造乎道，即答子貢以方也。

相造乎水者，穿池而養給；

相造乎道者，無事而生定。

釋文：「池，本亦作地。」按：兩本並通。魚得水則養給，人得道則性定。生、性字通。正天道篇「一心定而萬物服」，言以虛靜推於天地，通於萬物。又曰：「至人之心有所定矣。」此處「無事」，即無為也，承上「逍遙乎無為之業」說。無為也，而後能虛靜，虛靜則定矣。「生」字，如佛書「無所住而生其心」之生，不必改為「性」字。彼所生之心，清淨心也，即此之定心也。言欲造乎道者，在生其定心，

而生定之

功夫則在心虛靜而

無事，無事而定自生矣。此莊子修道要旨也。

故曰：魚相忘乎江湖，人相忘乎道術。」

宣云：「愈大則愈適，豈但養給、生定而已。」正繳應上「泉涸」「譽堯」數語。夫方內方外，道術不同，猶之堯、桀之性不同也。然道術雖殊，各有所適，與其互相是非，不如兩忘而化其道，即此「相忘乎道術」之謂也。蓋子反二人，謂子貢不知禮意，子貢以彼臨尸而歌為非禮，各是其所是而非其所非也，故孔子以「相忘乎道術」語之。子貢曰：「敢問畸人。」

司馬云：「畸，不耦也。」郭云：「問向所謂方外而不偶於俗者安在？」

補：釋文：「畸，居宜反。」

曰：「畸人者，畸於人而侔於天。

司馬云：「侔，等也。」成云：「率其本性，與自然之理同。」補釋文：「侔音謀。」故曰：天之小人，人之君子；

宣云：「拘拘禮法，不知性

命之情，而人稱為有禮。」人之君子，天之小人也。」

按：各本皆同。疑複語無義，當作「天之君子，人之小人也」。成云：「子反、琴張，不偶於俗，乃曰畸人，實天之君子。」按不偶於俗，即謂不偕於禮，則人皆不然之，故曰「天之君子，人之小人也」，文義甚明。蘇輿云：「以人之小人斷定畸人，則琴張、孟孫輩皆非所取，莊生豈真不知禮者哉！」正蘇輿說與本義乖違。篇首樹天之所為、人之所為二義以為綱，通篇均就二義分疏，此處亦然。上文「芒然彷徨乎塵垢之外，逍遙乎無為之業」，為天之所為也；「憤憤然為世俗之禮，以觀眾人之耳目」，為人之所為也。君子有二。論語云：「文質彬彬，然後君子。」天下篇云：「以禮為行，謂之君子。」此人之君子也，即為人之所為也。上文「古之真人」，此天之君子也，即為天之所為也。外物篇云：「老萊子曰：『丘！去汝躬矜，與汝容知，斯為君子矣。』」即去文尚質，去禮任天，亦天之君子也。小人亦有二。盜跖篇云：「小人殉財。」駢拇篇云：「其所殉貨財也，則俗謂之小人。」山木篇云：「小人甘以絕。」此人之小人也。若人之君子，則天之小人也。上文狐不偕、務光諸人，世所稱賢人也，然行名失己，亡身不真，亦天之小人也。「天之小人」云者，謂較至人、大人、真人為小，非同乎人之小人也。成、蘇諸氏，疑此文語複，未深究君子、小人之義者也。蓋上以天理為主，且義綜其全，謂以天理言之，如行名失己，及拘禮飾文，皆違自然，乃自然之小人也，然人於拘禮飾文者則謂之君子，下以人情為主，且語有專屬，謂以人情言之，重禮尚文，於能篤守禮文者則稱之為君子，而實天之小人也。因子貢拘拘禮文，故下二語專就子貢而言，以警覺之，語複而意不複也。〔一〕「之」原誤「子」，據論語改。

〔二〕「挈」原誤「絜」，據在宥篇改。

顏回問仲尼曰：「孟孫才，名才。」

其母死，哭泣無涕，中心不戚，居喪不哀。無是三者，以善處喪蓋魯國。固有無其實而得其名者乎？回壹怪之。」

郭、陸、成本，「喪」字絕句。李楨云：「文義未完。『蓋魯國』三字。當屬上句，與應帝王篇『功蓋天下』義同。釋言：『弇，蓋也。』釋名：『蓋，加也。』並有高出其上之意。言才以善處喪名

蓋魯國也。」

仲尼曰：「夫孟孫氏盡之矣，進於知矣。」

成云：「進，過也。」宣云：「其盡道過於知喪禮者。」正此「知」字，如篇首「知人之所為」之知。言孟孫氏已盡居喪之實，進入於世人之知矣。與上文「以禮為翼」，「厲乎似世」之義相應。唯簡之而不得，

宣云：「簡者，略於事。世俗相因，不得獨簡，故未免哭泣居喪之事。」補：天運篇：「黃帝之治天下，使民心一，民有其親死不哭，而民不非也。」蓋孟孫之心一，不知所以生，不知所以死，自不哭泣其親；因牽於世人之知，欲簡略於喪禮而不得，於是乃有哭泣也。夫已有所簡矣。

宣云：「然已無涕、不戚、不哀，是已有所簡矣。」蘇輿云：「二語泛言，不屬孟孫氏說。」姚云：「常人束於生死之情，以為哀痛簡之而不得，不知於性命之真，已有所簡矣。」似較宣

說為優。正宣說是也。蘇、姚說非。

孟孫氏不知所以生，不知所以死，宣云：「生死付之自然，此其進於知也。」正死生，命也；其有夜旦之常，天也。人之有所不得與，是以不知所以生，不知所以死也。宣「此其進於知」句誤，正語詳下。

不知就先，不知就後，成云：「先，生；後，死。既一於死生，故無去無就。」正上文「惡知死生先後之所在」，言生死相禪，如環無端，不知生先而死後乎，抑死先而生後乎？既不知死生之先

後，是以不知所就也。

若化為物，以待其所不知之化已乎！

宣云：「順其所以化，以待其將來所不可知之化，如此而已。」按：死為鬼物，化也。鼠肝、蟲臂，所不知之化也。補：不知之化，將來之化也；將來之化，萬化而未始有極也。物不勝天，亦惟待之而已。山木篇「化其萬物，而不知其禪之者，焉知其所終！焉知其所始！正

而待之而已」，義與此同。

且方將化，惡知不化哉？方將不

化，惡知已化哉？

宣云：「四語正不知之化，總非我所

能與。」吾特與汝其夢未始〔一〕覺者邪！宣云：「未能若孟孫之進於知也。」正注非。上「進於知矣」，言入於世知也，宣誤以為真知，故說如此。此句係仲尼就身設喻，以明上文，且啟下文，言吾與汝方自以為覺也，惡知其非夢而未覺者邪？生死亦然，自以為生矣，安知其非死耶？

且彼有駭形而無損心，彼孟孫氏雖有駭變之形，而不以損累其心。正彼，指孟孫之母。孟孫未死，不得言有駭形。言彼死者有駭變之形，而無損於心，雖死，如夢之未覺耳。有旦宅而無情死。

成云：「旦，日新也。宅者，神之舍也。以形之改變，為宅舍之日新耳。」姚云：「情，實也。言本非實有死者。」正旦宅，言人生駒隙，如一朝之居於宅耳。所謂死者，猶之賃宅者去此遷彼，而非實死也。

孟孫氏特覺，人哭亦哭，是自其所以乃。

乃，猶言如此。人哭亦哭，已無容心。蘇輿云：「『孟孫氏特覺』絕句。言我汝皆夢，而孟孫獨覺，人哭亦哭，是其隨人發哀。」補：既無情死，則死何必哭？哭特世知之禮如此耳。孟孫氏進入世知，故人哭亦哭，所謂「厲乎其似世」也。郭云：「夫常覺者，無往而有逆也，故人哭亦哭，正自其所宜也。」是郭亦以「覺」字絕句，承上「其夢未始覺」

來，「乃」作「宜」，義亦通。

且也，相與吾之耳矣，唐詎知吾所謂

吾之乎？人每見吾暫有身，則相與吾之。豈知吾所謂吾之，果為吾乎，果非吾乎？

補：豈特生死不能知，即吾之為吾，亦不能確知也，特自以為吾，即吾之耳。淮南俶真訓：「公牛哀七日化為虎。方其為虎也，不知其嘗為人也；方其為人，不知其

且為虎也。二者代謝舛

馳，各樂其成形。」可為此處明喻。且汝夢為鳥而厲乎天，

厲、戾同聲通用，至也。

夢為魚而沒於淵，不識今之

言者，其覺者乎，夢者乎？未知魚鳥是覺邪夢邪，抑今人之言魚鳥者是覺邪夢邪？

補：當吾夢時，吾所謂「吾之」者魚鳥也；及其既覺，吾所謂「吾之」者人也。夢、覺異，故「吾之」者亦不同。是故夢與覺，「吾之」之吾，皆不相知也，且安知魚鳥之非覺而為人之非夢邪？

造適不及笑，獻笑不及排，

宣云：「人但知笑為適意，不知當其忽造適意之境，心先喻之，不及笑也。及忽發為笑，又是天機

自動，亦不及推排而為之，是適

與笑不自主也。」安排而去化，乃入於寥天一。」

宣云：「由此觀之，凡事皆非己所及排，冥冥中有排之者。今但當安於所排，而忘去死化之悲，乃入於空虛之天之至一者耳。」

〔一〕「始」字，據王氏原刻及集釋本補。

意而子見許由，許由曰：「堯何以資汝？」

成云：「意而，古之賢

人。」郭云：「資者，給濟之謂。」

意而子曰：「堯謂我：

『汝必躬服仁義，而明言是非。』」

成云：「必須己身服行，亦復明言示物

。」許由曰：「而奚為來軹？

而，汝也。軹同只。補只，說文「語已詞也」。武按：「躬服仁義」句，乃為人之所為，即人之君子也。

夫堯既已黥汝以仁義，而劓汝以是非矣，宣云：「如加之以刑然。」補：周禮司刑

「墨罪五百，劓罪五百」，注：「墨，黥也。先刻其面，以墨窒之。劓，截其鼻也。」釋文：「黥，其京反。劓，魚器反

。」

汝將何以遊夫遙蕩、恣睢、轉徙之途乎

？」

成云：「恣睢，縱任也。轉徙，變化也。」按：言汝既為堯所誤，何以遊乎逍遙放蕩、縱任變化之境乎？補釋文：「遙蕩，王云『縱散也』。恣，七咨反。睢，郭、李云『許維反』。」武按：天地篇：「聖人之治天下，搖蕩民心，使之成教易俗。」此文「遙」字，似當作「搖」。

意而子曰：「雖然，吾願遊於其藩。」

宣云：「言雖不能遵途，願涉其藩籬。」

補釋文：「與音豫，下同。黼音甫。黻音弗。觀，古亂反。」成云：「盲者，有眼睛

而不

見物；瞽

者，眼無眅縫，如

鼓皮也。作斧形謂之黼，兩己相背謂

之黻。」意而子曰：「夫無莊之失其美，

成云：「無莊

，古之美人，為聞道故，不

復莊飾，而自忘其美色。」據梁之失其力，

成云：「據梁，古之多力

人，為聞道守雌故，失其力。」黃帝之亡其知，

成云：「黃帝有聖知，亦為聞

道故，能忘遣其知。」皆在鑪捶之間耳。

釋文：「捶，本又作錘。」成云：「鑪，灶也。錘，鍛也。三人以聞道契真，如器物假鑪冶打鍛以成用耳。」

庸詎知夫造物者之

不息我黜而補我劓，使我乘成以隨先

生邪？」

宣云：「乘，猶載也。黜劓則體不備，息之補之，復完成矣。天今使我遇先生，安

知不使我載一成體以相隨邪？」許由曰：「噫！未可知也。我為汝言其大略。吾師

乎！吾師乎！（）萬物而不為義，澤及萬世而不為仁，司馬云：「（），碎也。」

盧文弨云：「說文作（），亦作壺。隸省作（）。」成云：「素秋霜降，碎落萬物，非有心斷割而為義；青春和氣，生育萬物，非有情恩愛而為仁。」

補：釋文：「（），子兮反。」武按：吾師乎，指以下所言為師，即道也。「（

）萬物」二句

，為天之所為也，且針對上

「躬服仁義」句而矯正之。長於上古而不為老，

成云：「萬象之前

，先有此道，而日新不窮。」按：語

又見前。覆載天地、刻彫眾形而不為巧。

此所遊已。」宣云：「應上遊。」

補：上數語，與上文「夫道有情有信」節義同，故此之所遊，即遊於道也。顏回曰

：「回益矣。」仲尼曰：「何謂也？」曰：「回忘仁義矣。」曰：「可矣，猶未也

。」他日復見，曰：「回益矣。」曰：「何謂也？」曰：「回忘禮樂矣。」曰：「

可矣，猶未也。」

補或謂仁義深而禮樂淺，仁義內而禮樂外，其忘也，應自淺而深，自外而內，本文不然，疑有倒誤。淮南道應訓，文與此同，惟先忘禮樂，仁義次之，似當据正。武曰：不然。仁義之施由乎我，禮樂之行拘於世。由乎我者，忘之無與人事；拘於世者，忘之必駭俗情。是以孟孫之達，且進世知；孟、琴之歌，遂來面誚。此回所以先忘仁義而

後忘禮樂，蓋先易而後

難也。淮南誤倒，當据此以正之也。

他日復見，曰

：「回益矣。」曰：「何謂

也？」曰：「回坐忘矣。」

司馬云：「坐而自忘其身。」

仲尼蹴然曰：「何謂坐

忘？」顏回曰：「墮肢體，黜聰明，

成云：「墮，毀廢。黜，退除。」補釋文：「蹴，子六反，崔云『變色貌。』墮，

許規反，徐待果反。」離形去知，

宣

云：

「總上二

句。」○補墮肢體

，離形也；黜聰明，去知也。即以刑為體也。同於大通，成云：「冥同大道。」補：奚侗曰：「大當作化。下文『同則無好也，化則無常也』，即分釋此兩句。淮南道應訓正作『洞於化通』。」此謂坐忘。」

補如此，可謂天之君子矣。仲尼曰：「同則無好也，

宣云：「無私心。」化則無常也。宣云：「無滯理。」

而果其賢乎！丘也請從而後也。」爾誠賢乎！吾亦願學。極贊以進回。補：注「願學」，非。說苑指武篇孔子曰「吾所願者，顏氏之計。吾願負衣冠而從顏氏子也」，即此「請從而後」之謂也。又在宥篇云「墮爾形體，吐爾聰明，倫與物忘，大同乎泮溟，解心釋神，莫然無魂」，可作此節參證。

子輿與子桑友，而霖雨十日。雨三日以往為霖。補：左隱九年：「春，王三〔一〕月，大雨霖以震，書始也。凡雨自三日以往為霖。」爾雅釋天〔二〕：「久雨謂之淫。淫謂之霖。」

子輿曰：「子桑殆病矣！」裹飯而往食之。至子桑之門，則若歌若哭，鼓琴曰：「父邪母邪！天乎人乎！」有

不任其聲，而趨舉其詩焉。崔云：「不任其聲，憊也。」成云：「趨，卒疾也。」

補：釋文：「裹音果。食音嗣。」成云：「任，堪也。」崔云：「趨舉其詩，無音曲也。」

子輿入〔三〕，曰：「子之歌詩，

何故若是？」

成云：「歌詩似有怨望，故驚怪問其

所由。」

曰：「吾思乎使我至此極者而弗得也。父母豈欲吾貧哉？天無私覆，地無私載，天地豈私貧我哉？

求其為之者而不得也。然而至此極者，命也夫！」知命所為，順之而已。

〔一〕「三」原作「正」，據左傳改。

〔二〕「釋天」原誤「釋文」，據爾雅訂正。

〔三〕「入」字，據王氏原刻及集釋本補。

應帝王第七

郭云：「無心而任乎自化者，應為帝王也。」正郭說非。「帝王」二字，須活看。如徐無鬼篇「雞〈广雍〉也，豕零也，是時為帝者也」之帝、德充符篇「而王先生」之王，若作實字詁之，則所謂應帝王者，言修道養氣之功，至乎其極，與帝王之義相應，蓋寓言也。如謂非寓言，而實言上古帝王治天下之道，上古之治天下者，莫過於伏羲、神農、黃帝。伏羲畫八卦，作甲子，教市易，結繩而為網罟；神農作耒耜，教稼穡，嘗百草；黃帝制衣裳，造宮室，作五兵營陣，半生征討，致肌色疥癬，五情爽惑：皆為任知任事之尤者也。如篇中所言以己為牛馬，遊心於無，不知誰何，食豕如人，塊然獨以形立，無為事任，無為知主，而謂執此道以治天下，可臻羲、黃之盛，雖擅龍、施之辯，亦不能言其理矣。惟視為修道養氣之寓言，則圓通無礙。蓋帝王者，寓言乎篇中之「太沖」。太沖為陰陽二氣集成和之名，和則德之實也。繕性篇云：「夫德，和也。」德充符篇云：「德者，成和之修也。」又云：「和豫通。」呂氏春秋云：「王者，天下之所往也，往則通矣。」管子兵法篇：「通德者王。」是以王寓言和豫通而為太沖也。說文云：「帝者，諦也。」「諦者，審也。」書堯典傳，其疏云：「舉事審諦，故謂之帝也。」篇中「鯢桓之審為淵」，喻修道者所養之氣，審諦於集虛而為太沖也。故「鯢桓之審」一段，可作「帝」字之解義，而「帝王」二字，即太沖之寓言也。則陽篇云：「陰陽，氣之大。」陰陽沖和，故謂太沖。太，大也。老子曰：「域中有四大，而王居一焉。」此處蓋以王寓太沖之大也。且也，太沖為修道養氣之極，帝王為天下人民之極；太沖虛，為氣所集，帝王尊，為人民所歸；太沖莫勝，帝王之勢亦莫勝。故特寓之以題篇也。極則無復可言，故內篇即以此而終焉。

齧缺問於王倪，四問而四不知。見齊物論。補：天地篇：「堯之師曰許由，許由之師曰齧缺，齧缺之師曰王倪，王倪之師曰被衣。」武按：「知」字為篇中骨幹，通貫全篇，故首為揭出，而結之以「無為知主」。本節之以己為馬牛，三節之遊淡，合漠，順自然，四節之遊於無有，五節之不知誰何，食豕如食人，末節之渾沌，皆不為知主也。本節之藏仁要人，二節之經式義度，四節之物徹疏明，五節之神巫預知，末節之儻、忽鑿竅，皆為知主也。知北遊篇黃帝曰：「彼其真是也，以其不知

齧缺因躍而大喜，行以告蒲衣子〔一〕。

釋文：「尸子云：『蒲衣八歲，舜讓以天下。』崔云：『即被衣，王倪之師也。』淮南子曰：『齧缺問道於被衣〔二〕。』」

蒲衣子曰：「而乃今知之乎？而，汝。有虞氏不及泰氏。

成云：「泰氏，即太昊伏羲也。」補：淮南覽冥訓「然猶未及處戲氏之道也」，其下云：「當此之時，臥倨倨，興眊眊，一自以為馬，一自以為牛。」語意與此同。

處戲，古通伏羲。成謂泰氏即伏羲

，蓋本此也。

有虞氏，其猶藏仁以要人

，亦得人矣，而未始出於非人。

崔云：「懷仁心以結人也。」宣云：「非人者，物也。有心要人，猶繫於物，是未能超出於物之外。」補：徐無鬼篇：「馳其形性，潛之萬物。」此之藏仁要人，馳其形性也；未始出於非人，潛之萬物也。

泰氏，其臥徐徐，其覺于于，

司馬云：「徐徐，安穩貌。于于，

無所知貌。」一以己為馬，一以己為牛，成云：「或馬或牛，隨人呼召。」補：天道篇老子曰：「昔者，子呼我牛也，而謂之牛；呼我馬也，而謂之馬。」呼牛呼馬，名也。名者，人為也，非真也。故逍遙篇云「聖人無名」。馬牛也者，物也。然秋水篇云「號物之數謂之萬，人處一焉」，是人亦物也。德充符篇云「自其同者視之，萬物皆也」，列子黃帝篇云「和者大同於物」，佛書之「無差別心」，「無我相」，「無眾生相」，均此義也。其知情信，成云：「率其真知，情無虛偽。」補：秋水篇「是信情乎」，成云：「信，實也。」此言其知之情為實。實者，真也。

知真，故所得亦真，與下句為一氣。其德甚真，

郭云：「任其自得，故無偽。」而未始入於非人。」

宣云：「渾同自然，毫無物累，未始陷入於物之中。」補：至人和同萬物，而非入也。入之云者，馳其形性，凝滯於物，而心為之累者也。此段重在知、德、性、真四字。雖自以為馬牛，然有一真我在，是為真德。彼懷仁要人，純出人為之偽，其知非信，雖曰得人，非真得也。

〔一〕「齧缺因躍而大喜，行以告蒲衣子」，據王氏原刻及集釋本補。

〔二〕王氏引釋文，據王氏原刻補。

肩吾見狂接輿。狂接輿曰：「日

中始何以語女？」

李云：「日中始，人姓名，賢者也。」崔本無「日」字，云：「中始，賢人也。」

俞云：「日〔一〕猶言日者也。義見左文七年、襄二十六年、昭七年、十九年傳。」

肩吾曰：「告我：君人者，以己出經式義度，

司馬云：「出，行也。」王念孫云：「經式義度，皆謂法也。義讀為儀，古字通。」

正焦竑云：「經之式，義之度，皆所以正人。」林雲銘云：「經常之法式，義理之制度，如三綱五常，皆所以正人也。」二說義并如字讀，非不可通。天下篇云：「以義為理。」林說「義理」字亦合，似不必改讀。天運篇云：「故夫三皇、五帝之禮義法度。」如「義」「法」互易，則為「禮法義度」，義亦無所出入，足證改「儀」之不必矣。且「義」字於此處最適。釋名：「義，裁制事物使各宜也。」說文「度，法制也」，亦有裁制義。上文「以己出」，獨裁也；下文「人孰敢不聽」，以其獨裁而懼之也。上節藏仁以要人，此則出法以制人，其治更出有虞氏之下。必如是，然後與上節不複。

人孰敢不聽而化諸！」狂接輿曰：

「是欺德也。成云：「以己制物，物喪其真，是欺誑之德，非實道。」
補：反映上文「其德甚真」句。其於治天下也，猶涉海鑿河，涉海而鑿為河。補：說文：「涉，徒行厲水也。」徒行涉海，非惟不達，且必陷溺矣。鑿河所以通海，今涉海以鑿河，是倒道而行也，為下「正而後行」之反喻。而使蚤負山也。

補：
此非蚤力所能也，為下「確乎能其事者」之反喻。夫聖人之治也，治外乎？用法，是治外也。
正而後行，正其性而後行化。補：言不治外而正內。德充符篇：「正生以正眾生。」孔子曰：「其身正，不令而行。」確乎能其事者而已矣。
李云：「確，堅也。」宣云：「不強人以性之所難為。」正言不強人以力之所不能為，如使蚤負山之類也。天地篇：「聖治乎！官施而不失其宜，拔〔二〕舉而不失其能。」文子自然篇：「故聖人舉事，未嘗不因其資而用之也。有一功者處一位，有一能

者服一事。力勝其任，即舉者不重也；能稱其事，即為者不難也。」
且鳥高飛以避矰弋之害，鼯鼠深穴乎神丘之下，以避熏鑿之患，

成云：「矰，網。鼯鼠，小鼠。神丘，社壇。」宣云：「物尚有知如此。」

補：釋文：「矰，則能反。鼯音兮。熏，香云反。」而曾二蟲之無知！」曾是人之無知。不如二蟲乎！補：言出己私意，立法制人。二蟲猶知避害，曾是人不如二蟲，而不知避為治者之法網乎！此答「孰敢不聽而化諸」。

〔一〕「日」字，據王氏原刻補。

〔二〕「拔」原作「援」，據天地篇原文改。天根遊於殷陽，崔云：「地名。」

補：李云：「殷，山名。殷山之陽。」

成同。至蓼水之上，

李

云：

「蓼水，

水名。」補釋文：

「蓼音了。」成云：「蓼水，在趙國

界內。」適遭無名人而問焉，

補成云：「遭，遇也。」武按：老子曰：「道常無名。」此無名人，即寓言道也。夫人而無名，則呼牛呼馬，無不可者，上所謂「其知情信，其德甚真」也。大宗師篇「夫道有情有信」，故曰「無名人」寓言道也。「名」亦本篇重要字，與「知」字同貫全篇。蓋名出於知，無知則無名。首節之自以為馬牛，此之無名人，四節之有莫舉

名，六節之名

實不入，皆言無名也，末節則以「無為名尸」結之焉。

曰：「請問為

天下。」無名人曰：「去！

汝鄙人也，何問之不豫也！

俞云：「釋詁：『豫，厭也。』楚辭惜誦『行婞直而不豫兮』，王註：『豫，厭也。』此怪天根之多問，猶云何不憚煩也！」正俞說非。多問方可謂之不憚煩，此為適遭初問，連下祇二問，俞乃謂怪其多問為不憚煩，不免顛預。爾雅釋詁：「豫，安也。」夫道在無為，老子曰：「為者敗之。」今天根問為天下，其不安處即在一「為」字。彼人且無名，奈何向之問為乎！況所問之為在天下乎！宜乎無名人斥之去，而關其問之

不安也。以下至「感予之心為」

，明己之無為也。予方將與造物者為人，人，偶也，詳大宗師篇。

正「人，偶」，非，正語亦詳大宗師篇。

厭則又乘夫莽眇之鳥，成云：「莽眇，深遠。」按：謂清虛之氣若鳥然。補：釋文：「莽，莫蕩反。眇，妙小反。」武按：逍遙遊篇「適莽蒼」，成云：「郊野之緣，遙望之不甚分明也。」釋文：「莽，莫郎反。」集韻音茫，義亦與茫同。成所謂郊野之色者，釋蒼也，蒼蓋草色也；遙望不明者，釋莽也，謂茫茫然也。就遠地言，則用「莽蒼」；就高空言，則用「莽眇」。庚桑楚篇：「藏身不厭深眇而已。」博雅：「眇，遠也。」然則莽眇者，望之不甚分明之深遠處也。此句與「藏身不厭深眇」之義同，並下句，實為下文「遊心於淡，合氣於漠」之喻。蓋「漠」字，說文云「通幕」。程大昌北邊備對「幕者，漠也」，言望之漠漠然也，即望之不甚分明也，亦即莽之義也。以出六極之外，

成云：「六極，猶六合。」而遊無何有之鄉，說見逍遙遊篇。

以處壖埌之野。崔云：「壖埌，猶曠蕩也。」補：釋文：「壖，徐苦廣反。埌，徐力黨反，李音浪。」武按：此與上句，為下「順物自然而無容私焉」之喻。蓋無有者，無為也。文子道原篇「所謂無為者，不先物為也」，即順物自然為之，而已不先

也。

有私，則

必為私欲所蔽塞矣

。必無私焉，然後心能曠蕩，故曰為

之喻也。汝又何帛以治天下感予之心為？」

帛，徐音藝，未詳何字。崔本作「為」，當從之。補：帛依崔作「為」，則當去句末「為」字，否則不辭。俞讀作寢，孫詒讓以為「假」之誤，又有轉「假」為「暇」者，義均不愜。徐音藝，彼必有所本。音同則義通。藝者，才也。言汝又有何才藝以治天下感予之心為？如此，則與上「汝鄙人也」相應。蓋鄙者陋也，鄙陋，無才識也，義似較合。此「心」字，為全篇主腦。凡篇中所言道德、氣機、情知、名實，皆總之於一心，文分反、正以論之。論其反，則藏仁要人，已出經式義度，私

心也；天根以鄙人而問為天下，妄心也；嚮疾徹明而勤學，恍其心也；見神巫而心醉，迷其心也；感善待而鑿竅，亦心之妄也。論其正，則泰氏之徐徐于于，率其真心也；接輿之正而後行，正其以己出之私心也；無名人則遊心於淡，老聃則遊心於無有也；壺子之太沖莫勝，則謂之遊心於淡可，謂之遊心於無有亦可；聖人之心則若鏡，而終之以渾沌其心焉。蓋莊子之學，心學也。前六篇所論，亦論心已矣，然或舉一隅而未及其全，故此篇特就心之反正，與修之次第而詳論之，以為內篇之殿焉。莊子之學與其道，蓋於此篇盡之矣。

又復問。

無名人曰：「汝遊

心於淡，合氣於漠，順物自然，而無

容私焉，宣云：「不用我智。」而天下治矣〔一〕！」

補上二段，明有為以治天下，即私心主知，非正而後行也。此段即申說正而後行之義，遊淡合漠，順自然而無私，即正內而非治外也。知北遊篇云：「嘗相與無為乎！澹而靜乎？漠而清乎！」心淡靜而氣漠清，不藏仁以要人也。順物自然，不出經式義度以制人也。仁者有親，私也；法必己出，私也。無私焉，不治天下而天下治矣。遊心於淡，合氣於漠，為全篇精要語，然有先後之分：必先能遊心於淡，然後能合氣於漠。如篇中之徐徐于于，情信、無欺、無私，篇末之四無為，即遊心於淡也。合氣於漠之極致，即下「神巫」節之太沖，蓋太沖為陰陽二氣交合成和之謂也。故「遊心」二句，為「神巫」節之綱。彼節方由淺入深，逐層敷陳，為修道養氣之總說明。「天下」二字，道家謂喻全身，言頭之下，足之上也。玩「神巫」節「天壤」「地文」，及「機發於踵」諸語，即明此言未為無理。蓋本書多寓言，實則純就修心養氣立論，乃方以外之言也。其中所謂君、國、臣、民，各有寓意。老子五千言，意亦如之。若徒就文句之實義詁之，則多不合情理。此義已於篇題正語內及之矣。〔一〕「而天下治矣」五字，據王氏原刻及集釋本補。

陽子居見老聃曰：

成云：「姓陽，字子居。」

案：即楊朱，見寓言篇注。「有人於此，嚮疾強梁，嚮往敏疾，強幹果決。正嚮，如易繫辭「其受命也如嚮」之嚮。疏：「如嚮應聲。」言其人用知則敏疾如嚮之應聲，任事則如梁棟之強而不撓。物徹疏明，事物洞徹，疏通明達。正史記禮書「疏房、床第、几席」，索隱：「疏，謂窻也。」盜跖篇「內周樓疏」，李云：「疏窗外通。」武按：室設窗疏，所以通明也。句謂其於物理洞徹，如窗疏之通明也。上句言用知任事，以聲嚮與梁棟喻之；此言明物，以疏窗喻之。若如注說，則「徹」與「疏」複，「明達」與「洞徹」複。學道不倦。補求知也。

如是

者，可比

明王乎？」老聃曰

：「是於聖人也；胥易技係，勞神恍

心者也。

言此其學聖人，如胥之易，如技之係，徒役其形心者也。郭慶藩云：「胥徒，民給

徭役者。易，治也。胥易，謂胥徒供役治事。技係，若王制『凡執技以事上者，不貳事，不移官』，是為技所係也。」「正注非。禮記文王世子篇：「小樂正學干，大胥贊之。」（鄭注：「大胥掌學士之版，以待諸子春入學，舍菜合舞，秋頒學合聲。」）又云：「胥鼓南。」（注：「胥掌以六樂之會正舞位。」）周禮天官：「胥十二人。」（注：「胥讀如誦。謂其有才知，為什長。」疏：「周室之內，稱胥者多。謂若大胥、小胥、胥師之類，雖不為什長，皆是有才智之稱。」又云：「徒給使役，故一胥十徒也。」）然則胥須才智而為長，徒則給使役，職任各分。郭統謂「胥徒給徭役」，非也。且句僅言胥，以其有才智也，不必涉及徒。謂「易，治也」，亦非。禮記祭義：「易抱龜南面，天子卷冕北面。雖有明智之心，必進斷其志焉。」（注：「易，官名，周禮曰大卜。大卜主三兆、三易、三夢之占。」）據此，則為胥必精習樂舞之技，為易必精習占卜之技，皆為技所纏係而不能移，故曰「胥易技繫」也。陽子所言之人，以有才智而勤學，何異胥易以才智為技所係乎？徒勞苦其形，怵

惕其心耳。勞形怵心，反應上「

遊心於淡」二句。且曰虎豹之文來田，以文致獵。猿狙之便、捷也。

執鰲之狗來藉。司馬云：「藉，繫也。」按：猴、狗以能致繫。二語亦見天地篇。正藉訓繫，似與事實不合。凡狗一受馴養，恆依主人，不須繫也。釋名：「藉，咀藉也。以藉齒牙也。」狗田之久，難必不為猛獸所咀藉也。上胥易以人喻，此以物喻；上喻勞形，此喻傷生。

如是者，可比明王乎？」陽子居蹴然曰：「敢問明王之治。」老聃曰：「明王之治，功蓋天下而似不自己，成云：「聖人功成不居，似非己為之。」

補：不以己出經式義度也，無私也。化貸萬物而民弗恃，

宣云：「貸，施也。」成云：「百姓謂不賴君之能。」

補：不藏仁以要人也

。民弗恃，則非民孰敢不聽之治可比矣。有莫舉名，宣云：「似有，而無能名。」

補：老子曰：「太上，下知有之。」本書徐無鬼篇「聖人並包天地，澤及天下，而不知其誰氏」，義並與此同。使物自喜，成云：「物各自得。」

補：順物自然，不出經式義度

以制之，則物自喜矣。立乎不測，宣云：「所存者神。」

補：處壙垠之野，自難測其崖際。而遊於無有者也。」宣云：「行所無事。」補：

自篇首至此，分四節，其意不出「反正」二字，每節內又自有反正。第一節藏仁，似治內矣，而非正；泰氏之徐徐于于，則正也。第二節以己出法，純治外也，制人更下於要人。於此提出「正而後行」，以啟下二節。第三節申說正內之義。第四節陽子所言之人，亦治內而非正，故老子闢其勞神怵心。至「功蓋天下」、「化貸萬物」二句，則申說「行」字之義，至此而後化行也。而其要，則在遊心於淡，合氣於漠；惟其能遊淡合漠，然後能立於不測，遊於無有。此義均於「神巫」節實證之。細玩此四節，反正相應，內外相對，虛實相間，先提後敘，先伏後彰，似斷實聯，皆互相發明也。

鄭有神巫曰季咸，

列子黃帝篇云：「有神巫自齊來，處於鄭，命曰季咸。」
知人之生死存亡，禍福壽夭，期以歲月旬日，若神。或歲或月或旬日，無不神驗。
補：「知」，主要字。任知必窮。鄭人見之，皆棄而走。
宣云：「惟恐言其不吉。」補：首節任知要人，而人始從；第二節，任知制人，而人不敢不從；此則任知惑人，皆棄而不從。前後雖分，實相映射。列子見之而心醉，向云：「迷惑於其道也。」
補：誤以知為道，以文為實，而不知其知非真也。歸以告壺子，列子作「壺邱子」。司馬云：「名林，鄭人，列子師。」
曰：「始吾以夫子之道為至矣，補通篇所說者道也，至此方明點，並出「至」字。帝王為人之至，此節不僅說道，乃說道之至，以與帝王之義相應。則又有至焉者矣。」
郭云：「謂季咸之至，又過於夫子。」
壺子曰：「吾與汝既其文，未既其實，而固得道與？」
成云：與，授。既，盡也。吾比授汝，始盡文言，於其妙理，全未造實。汝固執文字，謂言得道邪？」按：列子「既其文」作「無其文」，張湛注引向秀云：「實由文顯，道以事彰。有道而無事，猶有雌而無雄耳。今吾與汝，雖深淺不同，無文相發，故未盡我道之實也。此言聖人之唱，必有感而後和。」正成謂固為「固執」之固，非。向注蕪雜無當。此處應承「道」字說。言吾平日與汝所言者，盡乎道之外文，而未盡乎道之實體也。汝僅得吾所言之文，遂自以為得道之實乎？句本明顯，觀成、向注，反令人迷眩。下「天壤」「太沖」，即示之以實也。眾雌而無雄，而又奚卵焉！郭云：「喻列子未懷道。」正此以雌喻文，以雄喻實，以卵喻道。言有文而無實，安從得道？猶之有雌而無雄，安從得卵？而以道與世亢必信，而，汝也。信讀曰伸。言汝之道尚淺，而乃與世亢，以求必伸。列子「亢」作「抗」。正信讀伸，非。當如上「其知情信」之信，實也。淮南謬稱訓「文者所以接物也」，言汝誤以吾前與汝所既之文為道，謂所以接物者也，遂出而與世亢，以為必可得世人之實情矣。不知世人其情非信，故反為所惑也。夫故使人得而相汝。故使人得而窺測之。
補文者章於外，故使人得而窺測以惑之。
嘗試與來，以予示之。」明日，列子與之見壺子。出而謂列子曰：「嘻！子之先生死矣，弗活矣，不以
〔一〕旬數矣！吾見怪焉，見溼灰焉。」宣云：「言無氣燄。」

補：詳下。

列子入，泣涕沾襟，

以告壺子。壺子曰：「鄉吾示之以地文，列子注引向云：『塊然若土也。』」正注非。此示以地之文，非示以塊然之土也。易說卦：「坤為地，為文。」「地文」二字本此。史記樂書注：「文猶動也。」故草木之萌動勾茁，條達敷榮，水流地上，蕩漾成紋，天氣下降，地氣上騰，皆地之文也。譬諸泰岱之雲，生於石罅，騰於太清，膚寸而合，不崇朝而滿天下。人身之氣亦如之，發於玄牝，會於泥丸，然後周流一身

，無時或

息。此段言養氣初

功，蘊積於下，有待上騰，故以地文

為喻也。萌乎不震不正。

俞云：「列子作『罪乎不詭不止』，當從之。罪讀為{山罪}，說文作{山舉}，云：『山貌。』震即詭之異之。不詭不止者，不動不止也，故以{山罪}乎形容之，言與山同也。今罪誤作萌，止誤作正，失其義矣。據釋文，崔本作『不詭不止』，與列子同，可據以訂正。」按：列子注引向云：「不動，亦不自止，與枯木同其不華，死灰均其寂魄，此至人無感之時也。」正「萌」「震」「正」，均不誤。據俞說「不動不止，以{山罪}乎形容之」，{山罪}，山貌，形容不動可也，亦可形容不止乎？理恐難通。萌，承地文說，如草木之始萌芽也。在此處，義頗重要，上既承「地文」，下之「不震不正」，「杜」字「機」字，皆從此字發生。如作「{山罪}」，則無所取義矣。震，易說卦云「動也」。正，爾雅釋詁云「長也」。有主宰義，與佛書「無所住而生其心」之住義同。又如孟子「必有事焉而勿正心」之正，朱注：「正，預期也。」就地文言之，草木初萌，不動之以助長；如為勾茁，不正之使必直。又不預期以必生，純如無名人所謂「順物自然」而已。以喻養氣者，氣機初萌，心不可馳於物以擾動之，然亦不可有執著心，即不主宰之也，即無所住也。此不正之一義也。又不可有希望心與攀緣心。希望者，預期也；攀緣則由希望而生。此不正之又一義也。循是以養，即上所謂「遊心於淡」也。萌乎者，神氣初萌，有機無跡，故用「乎」之疑問詞。季咸見之，謂其未萌則有機，謂其已萌則不震不正

，未有萌動之跡，疑而

不明，故曰「見怪」「見溼灰」也。是殆見吾杜德機也。

成云：「杜，塞也。」列子「機」作「幾」，下同。注引向云：「德幾不發，故曰杜。」補：德充符篇云：「德者，成和之修也。」蓋修和已成，方謂之德。此則和氣初萌，尚無德可言，故曰「杜德」，言德閉塞而未顯也。然德雖杜，而機已萌，故季咸得見之。見機而未見德，猶之列子見文而未見實也。壺子此時境界，如顏回坐忘

，南郭子

綦喪我，故季咸曰

「死」，曰「弗活」也。此證明遊心

於淡一。嘗又與來。」嘗亦試也。

明日，又與之見壺子。出而謂列子曰：「幸矣！子之先生遇我也。有瘳矣，全然有生矣。列子「全」作「灰」。補當作全。吾見其杜權矣。」

宣云：「杜閉中，覺有權變。」

補：前僅見

其將萌而未發之機，此

則見其變動之權，故曰「有生」也。

列子入，以告壺子。壺子曰：「

鄉吾示之以天壤，

列子注引向云：「天壤之中，覆載之功見矣。比地之文，不猶外乎！」按：郭注「地之」作「之地」，「外」作「卯」，是誤字。昔人謂郭竊向注，殆不然，此類得毋近是乎？正壤，柔土也。無塊曰壤。變「地」言「壤」者，明非砂石斥鹵不毛之區，草木各物，皆易萌芽生息也。就人言之，頭圓象天，足方法地，故頭足為一身之天地。黃庭經云：「口為天關精神機，足為地關生命棊。」則以人之氣息入出起迄處，定天地之關也。「天壤」二字，為本節四段之總綱。自「地文」至「淵有九名，此處

三焉」句，說明「

壤」字；「未始出吾宗」段，方說「

天」字。名實不入〔二〕，

列子注引向云：「任自然而覆載，則名實皆為棄物。」按：郭注「則」下，作「天機玄應，而名利之飾皆為棄物矣」。正淮南原道訓「天下為之圈，則名實同居」，張注：「名，爵號之名也。實，幣之屬也。一曰仁義之功賞也。」又本經訓「是故生無號，死無諡，實不聚而名不立」，注：「實，財也。」皆以爵號貨利釋名實，近是矣，然不足以概本義。蓋天壤之間，惟道無名，以無形也。有形則有實，有實則有名。無乎非實，亦無乎非名。淮南所云「天下為之圈，名實同居」者，言圈內惟名與實，無他物也，豈但以功名貨利限之乎？如夷、齊、務光之殉名，殉仁義之名，非美爵號功賞之名也；踐仁義之實，非貪貨財利祿之實也。然自有道者視之，彼夷、務之名實，皆亡身不真，足以傷生損性，是以不入也。且呼牛為牛，呼馬為馬，人之名亦不入也；忘肝膽，遺耳目，墮肢體，本身之實亦不入也。故曰「名實不入」。若然者，則能如老子所云「虛極」「靜篤」之候也。然後可以機發於踵，再進焉，然後洋

溢於天壤間，而為太沖莫勝矣。

此證遊心於淡二。而機發於踵。宣云：「一段生機，自踵而發。」補：大宗師篇云：「真人之息以踵。」田子方篇老子曰：「至陰肅肅，至陽赫赫。肅肅出乎天，赫赫發乎地。兩者交通成和，而物生焉。」慎子曰：「天地相去八萬四千里，沖和之氣在其中。四萬二千里已上為陽位。冬至之候，陽氣發於地，一氣上升七千里。至六氣，則上升四萬二千里，而陽至陽位。」又曰：「天地之所以能長久者，以其陽中有陰，下降極而生陽；陰中有陽，上升極而生陰。二者交通，合為太和。」武按：慎子乃本老子之說而發揮之，漢鍾離權又本慎子之說，著靈寶畢法一書，言人身

陰陽之氣，其一晝夜之升降，與天地陰陽四時之氣相應。因按月令節候，詳言養氣之方，以傳呂純陽，修煉家視之為祕法焉。此處亦以天壤氣之升降，喻人身內氣之升降。以壤喻踵，黃庭經之地關也。機發於踵，即老子所言「赫赫發乎地」也，亦即慎子所言「冬至之候，陽氣發於地，一氣上升」也。蓋冬至之候，在易為震卦，一陽初生之時也。大宗師篇「真人之息以踵」，義詳彼注，與此有別。彼言真人呼吸之常息，此言身中陽氣之初發。然眾人之呼吸以肺，養氣家則以丹田，所謂內呼吸也。蓋其身中陰陽二氣，發於兩腎，而聚於丹田。此種功候，亦非可驟幾。至機發於踵，則可以踵息矣，然非真人不能也。前段氣之初萌，此段氣之正發，將上騰而及於天矣。是殆見吾善者機也。宣云：「善即生意。」補：「善」字本於易。易繫辭云：「一陰一陽之謂道。繼之者善也，成之者性也。」前為氣之初萌，此為氣之繼發。

嘗又與來。

」明日，又與之見壺子

。出而謂列子曰：「子之先生不齊，釋文：「側皆反，本又作齋。下同。」正齊當如字，與下「勝」字「衡」字相應。月令仲夏之月云：「是月也，日長至，陰陽爭，死生分。」注：「爭者，陽方盛，陰欲起也。」前言人身之氣與天氣相應，此發於踵之氣，猶之赫赫發於地之陽氣也。身之陽氣方盛，其陰氣欲起而相爭，故不齊也。

吾無得而相焉。試齊，且復相之。」列子入，以告壺子。壺子曰：「吾鄉示之以太沖莫勝。

列子「勝」作「朕」，當從之。注引向云：「居太沖之極，浩然泊心，玄同萬方，莫見其跡。」按：郭注「莫見其跡」，作「故勝負莫得措其間也」。正仍當作「勝」，方與上「不齊」、下「衡」字相應。淮南詮言訓：「故神制則形從，形勝則神窮。聰明雖用，必反為神，謂之太沖。」注：「沖，調也。」反諸神，則神制形從，即神勝也。神勝謂之太沖，與此「太沖莫勝」之義同。易曰：「陰陽不測之謂神。」是神為陰陽之用也。「沖」注「調」者，蓋太沖乃陰陽二氣調和之名也。文子上仁篇：「天地之氣，莫大於和。和者，陰陽調。」列子天瑞篇：「沖和氣者為人。」慎子謂陽陰二者合為太和。據此諸說，此太沖之所由名也。陰陽和，則無爭，無爭，何有勝？故曰「太沖莫勝」也。篇中所言之莽眇、壙垠、無窮、無盡，皆形容太沖者也；而遊心於淡，與篇末所言之虛，則修太沖之下手工夫也。能淡能虛，然後能合氣於漠，謂合陰陽二氣而為沖漠之和，即太沖也。是太沖之為氣也，體莫大焉，位莫極焉，用莫神焉，勢莫勝焉，與帝王之義有同符焉。故本篇名之曰應帝王，實歸重於太沖也。是殆見吾衡氣機也。

宣云：「衡，平也。」列子注引向云：「無往不平，混然一之。」按：郭注同。補：氣之初發，陰陽有盛衰多少，每不能平，故必平之使平以成和。和之極，則太沖也。

。季

咸蓋見其

平之之機，正當平

之之時，氣固尚未平也，故曰「先生不齊」。

鯢桓之審為

淵，止水之審為淵，流

水之審為淵。淵有九名，此處三焉。

列子「鯢桓之審」作「鯢旋之潘」，張注以為當作「蟠」，云：「鯢，大魚。桓，盤桓也。蟠，洄流也。言大魚盤桓，其水蟠洄而成淵泉。」淵有九名者，謂鯢桓、止水、流水、濫水、（爾雅：「水涌出也。」）沃水、（水泉從上溜下。）沆水、（水泉從旁出。）雍水、（河水決出，還復入也。）汧水、（水流行也。）肥水。

（水所出異為肥。）是為九淵，皆列子之文。成云：「水體無心，動止隨物，或鯢盤桓，或凝湛止住，或波流湍激。雖多種不同，而玄默無心一也。」正此處各注都不得解。就列子文論，「潘」不誤，張改「蟠」，非也。管子五輔篇「決潘渚」，注：「潘，溢也。」言鯢桓之水，溢出而赴於淵也。此處自當作「審」，方與上下文相應。徐無鬼篇「水之守土也審」，羅勉道云：「言水之守土，審定不移也。」管子度地篇：「水出地而不流者命曰淵。」蓋水性就下，不赴海則趨淵，所向審諦，決不誤趨高地；至淵則停而不流，故曰「守土也審」，審知乎土之下處也。此處鯢桓之水，其審諦而守者，亦惟淵之趨。水之所匯曰淵，以喻氣之所會曰太沖；水之審守淵，喻人之審守氣也。鯢，張云「大魚」，且謂「鯢盤桓」，非也。鯢桓之水為淵，是尚未為淵也。鯢，魚之大者，非海不容，況未為淵之水，安能容其盤桓乎？本書外物篇云「灌瀆守鯢鮒」，李云：「皆小魚也。」庚桑楚篇云：「尋常之溝，巨魚無所還其體，而鯢鮒為之制。」此則不待注，而知鯢為小魚矣。鯢所盤桓者，蓋溝瀆也。小魚桓小水，波動亦小，以喻中段杜德方始權變，其動小也；機發於踵，其氣小也。氣雖小，當審慎守之。氣發漸盛，終則陰陽合和而為太沖矣。止水，喻首段氣機似萌非萌，不震不正，和德閉杜之時。流水，喻末段氣機盛發，洋溢天壤，陰陽合和，一氣流行，是謂太沖，猶之溝瀆之水匯而為淵也。淵雖有九，止取可喻本義者，故曰「此處三焉」。流水滌洄，地文也，取以設喻，既照應「地文」與「壤」字，

兼為上三段作收束，使不散漫。

嘗又與來。」明日，又與之見壺子。立未定，自失而走。壺子曰：「追之！」列子追之不及，反以報壺子，曰：「

已滅矣，已失矣，

補初則距遠，沒無所見，故曰「滅」也。追之漸近，能見而不能及，故曰「失」也。吾弗及也。」壺子曰：「鄉吾示之以未始出吾宗。深根冥極，不出見吾之宗主。正天下篇「以天為宗」，此「宗」字，承上「天壤」之天字，暗伏下「盡其所受於天」之天字。上各段未及天，此申說之。本書所謂天者，無為與自然也。未始出吾宗者，言未始逸出於吾所宗自然之天也，即上文「順物自然」之義。達生篇言至人云「其天守全」，又云「聖人藏於天」，在宥篇云「神動而天隨」，皆不出宗之義也。下數句

，即順物自然而動，乃

申說此句，兼作順物自然之例證也。吾與之虛而委蛇，
成云：「委蛇，隨順貌。」郭云：「無心而隨物化。」按：列子「委蛇」作「猗移」，義同。補：反映列子與世亢。「虛」字重要，為下「虛」字伏根，且承上「太沖」說。太沖為陰陽之和氣。人間世云：「氣者，虛而待物者也。」虛者，太沖之體也。委蛇者，如蛇之行，或左或右，委婉曲屈，以喻太沖之氣，或靜而為陰，或動而為陽，

無所不可也。此句總攝

下「弟靡」「波流」二句而為之綱。不知其誰何，

向云：「汎然無所係。」按：郭注同。補：不為知主，故不知其誰何。反映神巫主知以相人，有時而窮。下

「食豕如食人」，即證明此句。因以為弟靡，

釋文：「弟音頽。弟靡，不窮之貌。」盧文弨云：「正字通弟作弟。後來字書亦因之，而於古無有也。類篇弟字下，有徒回反一音，云：『弟靡，不窮貌。』正本此。列子作『茅靡』。」正崔云：「弟靡，猶遜伏也。」武案：天地篇云：「豈兄堯、舜而弟之哉！」宣云：「言不肯讓堯、舜居先而已後之。」據此，故弟有遜讓義。靡，順也。弟靡者，順而隨其後也。列子作「茅靡」，言茅從風而靡，與弟從兄而順，其義

同也。音頽，作不窮貌

者，非也。此就虛而委蛇之靜義說。因以為波流，

崔本作「波隨」，云：「常隨從之。」王念孫云：「崔本是也。蛇、何、靡、隨為韻。蛇，古音徒禾反。靡，古音摩。隨，古亦音徒何反。」正弟靡即隨順，此復作「波隨」，複矣。本書於四字句，多者嫌讀時聲調平板，往往協韻以救之。亦協自然之音，取其諧和適口而已，非如後世之辭賦，不可出一定之韻也。若必字字指古為某音，既非古人口授，何從定之？是以明、清以來，論古音者，紛如聚訟，莫衷一是也。如王、俞等之於本書，其詁字論音，非不勤且博也，然徒斤斤焉辜較於一字半句之間，而於文之全理正義，反不深究，故所詁者，恆於本義無當，已於上之各篇，逐條正之矣。即如此處，五字者僅三句，「不知」句屬上，因以兩句為對，而以「故逃也」極短之句，頓住其氣，使極峭峻，非僅不患平板，且極起伏靈變之致。而四句之末字，平仄相間，聲復調適，何須協韻以救之乎？如必改「流」為「隨」以合韻，義與上複，他無所取，徒犯湊韻之嫌而已。刻意篇云「聖人之生也天行，其死也物化，靜而與陰同德，動而與陽同波」，以釋本段頗愜：生也天行，即未始出其宗也；靜而與陰同德，陰德靜而順，地之德也。吾故曰弟靡就靜義說也。動而與陽同波，陽德動而健，天之行也。波之流似之，故此句係就虛而委蛇之動義說。二句分含天地之德

，即分釋上文「天壤」二字之義也。故逃也。」

成云：「因任前機，曾無執滯，千變萬化，非相者所知，故季咸逃逸也。」按：列子注引向云：「至人其動也天，其靜也地，其行也水流，其湛也淵嘿。淵嘿之於水流，天行之與地止，其於不為而自然，一也。今季咸見其尸居而坐忘，即謂之將死；見其神動而天隨，即謂之有生。苟無心而〔三〕應感，則與變升降，以世為量，

然後足為物主，而順時無極耳，豈相者之所覺哉！」補：前季咸言「不齊，無得而相」，其時，氣機初發，陰陽未和，誠哉其不齊也。及後，氣機已充，陰陽已和而為太沖，如易所謂「陰陽不測」之神矣。前之「無得而相」者，此則不知所以相之矣，故逃也。此節係借神巫相人，喻修道養氣次第，為道家工夫之總說明，內篇之總歸結，非真有巫如此之神也。

然後列子自以為未始學而歸，成云：「始覺壺丘道深，自知〔四〕未學。」補：今見壺子所示之實，然後自知僅既其文，猶之未學也，故歸而求既其實。下文，求既實之說明也。三年不出，補不敢與世亢。為其妻爨，向云：「遺恥辱。」正為妻爨，有何恥辱？本節亦未涉及恥辱，向說非。此處重在食豕，為妻食豕，因而為之爨也。食豕如食人，釋文：「食音祀。」郭云：「忘貴賤也。」

正此為「不知其誰

何」之證。其不主知，與上文自以為牛馬同。於事無與親，不近世事。

補：虛而委蛇而已。為下「無為事任

」伏筆。彫琢復朴，成云：「彫琢華飾之務，悉皆屏除，復於朴素。」

補：昔之彫琢者，今去而復朴，

即去文而復實也。塊然獨以其形立，塊然無偶。紛而封哉，

釋文：「紛而，崔云『亂貌』。哉，崔本作戎，云：『封戎，散亂也。』」李楨云：「崔本是也。列子作『〈卅分〉然而封戎』。六句人、親、朴、立、戎、終，各自為韻。」正注非。成云：「封，守也。」武按：達生篇云：「其天守全，其神無郤，物奚自入焉？」又云：「死生驚懼，不入乎其胸中。」天守全，封之義也。物之數號曰萬，與死生驚懼等，可謂紛矣，能封吾內而守之，故神無郤，而紛然之物

，

與死

生驚懼，

自無自入矣。此時

列子已既其實，雖涉紛紜，而能不出

其宗矣。一以是終。

宣云：「道無復加也。引季咸、壺子事，明帝王當虛己無為，立於不測，不可使天下得相其端，以開機智。其取意微妙無倫。」以上引五事為證。正此句係收繳上文列子見神巫而心醉，歸以告壺子曰「始吾以夫子之道為至矣，則又有至焉者矣」各句。蓋觀列子告語，大有傾向神巫，不能終學壺子之意，今而後方知己未始學，不再他慕，而一以是道終矣。於此可以窺知莊文接構之嚴密。至注中「明帝王當虛己無為」等語，對於本節文意，尚屬隔膜。文之真意，見前「故逃也」句補注末段。

〔一〕「以」上原有「可」字，據王氏原刻及集釋本刪。

〔二〕「入」原誤「久」，據王氏原刻及集釋本改。

〔三〕「而」原誤「與」，據王氏原刻改。

〔四〕「知」原誤「如」，據王氏原刻改。

無為名尸，成云：「尸，主也。無為名譽之主。」正注中「譽」字當刪。名以知生，無為知主，則凡為知所生之名，皆無為之尸，不限於譽也。文子符言篇此四語作

老子說。此句總結篇中各「名」字。無為謀府，無為謀慮之府。

補：德充符篇「聖人不謀，惡

用知」？故謀出於知。無為事任，郭云：「付物使各自任。」

補：應上「於事無與親」。無為知主。

釋文：「知音智。」成云：「不運智以主物。」正成說非。言不為知主，非言不為物主也。此句重要，為上三句之主，兼總結篇中「知」字。如藏仁，出法，胥巫之技，儵、

忽之鑿，皆主知也

。主知則勞神怯心，不應帝王矣。知應如字。體盡無窮，體悟真源，冥會無窮。正體非「體悟」之體，乃上「未既其實」之實也。既，盡也。「體盡無窮」，即既其實也。總結「出六極之外」，「處墳垠之野」，「立於不測」，「合氣於漠」，「太沖莫勝」各句。而遊無朕，

崔云：「朕，兆也。」成云：「朕，跡也。晦跡韜光，故無朕。」補：總結「乘莽眇之鳥」，「

遊無何有之鄉」、「遊心於

淡」、「遊於無有」各句。盡其所受於天，而無見得，

全所受於天，而無自以為得之見。補：功蓋天下，化貸萬物，不出其宗，即盡其所受於天也。

無容私，似不自己，民

弗恃，神巫無得而相，即無見得也。亦虛而已。郭云：「不虛，則不能任群實。」

補：道無名無形，虛也。老子最精要之語曰「致虛極」，本書最精要之語曰「道集於虛」，曰「氣者，虛而待物者也」。蓋心不虛，則氣不集而神不凝，何能合和為太沖而成道？故老、莊千言萬語，亦虛而已；本篇四「無為」，亦虛而已。故此句不僅收結本

篇及本書，即謂收結黃

、老、莊、列一切言語，亦無不可。至人之用心若鏡，郭云：「鑒物而無情。」

補：總結篇中「心」字。不將不迎，應而不藏，

成云：「將，送也。物感斯應，應不以心，既無將、迎，豈有情於隱匿哉！」補：

文子符言篇：「來者不迎，去者不將。」故成訓將為送。此二句，承「鏡」字說。

淮南原道訓：「夫鏡水之於形接也，不設知故，而方圓曲直弗能逃也。」前漢書韓安國傳：「清水明鏡，不可以形逃。」夫不設知故，即不將不迎，上所謂「亦虛而已」也。方圓曲直不可以形逃，即

應而不藏也。故能勝物而不傷。成云：「用心不勞，故無損害。」此段正文。補：

文子真誠篇：「是故聖人若鏡，不將不迎，應而不藏，萬物不傷。」淮南覽冥訓：

「故聖若鏡，不將不迎，應而不藏，故萬化而無傷。」武按：勝音升，說文「任也」。言能勝任物來取照而不致傷也。世說袁羊曰「何嘗見明鏡疲於屢照」，頗可證明斯義。此處喻聖人之心虛，不尸名，不府謀，不任事，不主知，物來順應，故萬化而無傷也。

南海之帝為儵，北海之帝為忽，

中央之帝為渾沌。

簡文云：「儵、忽，取神速為名。渾沌，以合和為貌。神速〔一〕譬有為，合和譬無為。」崔云：「渾沌，無孔竅也。」補：釋文：「儵音叔。渾，胡本反。沌，徒本反。渾沌，李云『清濁未分也』。」武按：此節設喻明不為知主之義。蓋渾沌為不為知主之正面，儵、忽鑿竅，則其反面也。

儵與忽時相與遇於渾沌之地，渾沌待之甚善。補渾沌未始出其宗，與之虛而委蛇。

儵與忽謀報渾

沌之德，曰：「人皆有七竅，以視聽食息。此獨無有，補渾沌之無竅

，以道言之，即養生主篇所謂「官知止而神欲行」也。

嘗試鑿之。」日鑿一竅，七日而渾沌死。郭云：「為者敗之。」此段喻意。

〔一〕「神速」，原作「儵忽」，據釋文引改。